

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

HISTOIRE DE
LOVYS XII.
ROY DE FRANCE,

PERE DV PEUPLE, ET DES
choses memorables aduenuës de son Regne,
DES L'AN M D VI, IVSQVES EN
L'AN M D VIII.

Par **JEAN D'AVTON**, son Historiographe, & Abbé
d'Angle, de l'Ordre Saint Augustin.

Extraicte de la Bibliothecque du Roy, & mise en lumiere
par **THEODORE GODEFROY**, Aduocat au
Parlement de Paris.



A PARIS,
Chez **ABRAHAM PACARD**, rue S. Iacques,
à l'Estoille d'or.

M. DC. XV.
AVEC PRIVILEGE DV ROY.



TABLE DES CHAPITRES contenus en ce Volume.

- I. **D** *V* mariage de Madame Claude de France, fille du Roy. paige 1.
- II. **D** Comment le Roy enuoya Messire François de Rochechouart, avec autres en Ambassade, deuers le Roy des Romains. p. 7.
- III. Comment le Roy de Castille, Archeduc, apres auoir sceu le mariage de Madame Claude, & du Comte d'Engoulesme, mal content de ce, preint alliance à plusieurs, & se declara ennemy du Roy. Et de la mort du dict Roy de Castille. p. 17.
- IV. Comment le Roy enuoya Messire Charles d'Amboise avec grosse armée à Boulongne, pour icelle soubmettre à l'obeissance du Pape. Et comment François de Clermont, Cardinal de Narbonne, feut pour ce, & autres choses, deuers le dict Saint Pere le Pape. p. 19.
- V. Comment Messire Charles d'Amboise, Lieutenant du Roy de là les monts, feit marcher son armée droit à Boulongne, pour secourir le Pape. p. 25.
- VI. Comment le Pape entra dedans Boulongne, avec son armée, & l'armée du Roy. p. 43.
- VII. Comment en la ville de Genes, en celuy temps, le peuple, & les nobles d'icelle, eurent diuision ensemble, Et comment ceulx du peuple chasserent les nobles, & s'armerent contre le Roy. p. 44.

TABLE

- VIII. *Comment les Genneuois feurent meétre le siege au Chasteau de Monigue. p. 62.*
- IX. *Du siege & de la batterie du Chasteau de Monigue, par les Genneuois. p. 69.*
- X. *D'un assault que les Genneuois donnerent au Chasteau de Monigue, où feurent iceulx repoussez, & plusieurs d'eulx occis. p. 76.*
- XI. *Comment les Genneuois leuerent leur siege de deuant le Chasteau de Monigue. p. 80.*
- XII. *Du reuoltement de Gennes, Et comment Meflire Galeas de Sallazart, preint aucuns Genneuois au College de Saint Francisque à Gennes. p. 81.*
- XIII. *Comments les Genneuois se meirent sus contre le Roy, & assiegerent le Castellas de Gennes, & preindrent par composition, Et comme sur la dicte composition, ils occirent inhumainement les François, qui dedans estoient. p. 92.*
- XIV. *Comment les Genneuois assiegerent le College de Saint Francisque de Gennes, & le Chasteau du dict lieu. p. 95.*
- XV. *Comment le Roy scaichant la rebellion de sa Cité de Gennes, & les exploits par cy deuant faicts, se meit à chemin, pour tirer celle part. p. 100.*
- XVI. *Comments le Roy transmeit Maistre Georges, Cardinal d'Amboise, deuant en Ast, pour aduancer son affaire, & faire haster son armée, Et du nombre de ses gens d'armes, & autres choses sur le faict de la guerre. p. 110.*
- XVII. *Du siege du Chasteau de Gennes, & d'un assault tref-dur, que là donnerent les Genneuois. p. 116.*
- XVIII. *Comment les Genneuois assaillirent à toute force le Chasteau de Gennes, Et de la merueilleuse defense que là feirent les François. p. 120.*

DES CHAPITRES.

- xix.** *Comment les Villains de Poulceure, voulurent empescher le passaige aux François à Bourg de Busalle, Et d'aucunes escarmouches là faictes. p. 133.*
- xx.** *Comment l'armée du Roy partit du Bourg de Busalle, pour aller assieger la ville de Gennes. p. 137.*
- xxi.** *Comment le Roy partit d'Alexandrie, pour s'en aller ioin- dre à son armée, qui marchoit droict à Gennes. p. 141.*
- xxii.** *Comment Mefire Jacques de Chabannes, Seigneur de la Palice, avec plusieurs Gentils-hommes François, & gens de pied, feut assaillir la montaigne de Gennes, Et de la prise d'un bastion, & autres forts, Et d'une bataille faicte sur la dicte montaigne. p. 143.*
- xxiii.** *Comment le Roy se rendit à son armée deuant Gennes, & d'une bataille gaignée par les François, Et comment la ville de Gennes se rendit au Roy. p. 166.*
- xxiv.** *Du nombre de l'artillerie, De la munition d'icelle, Et des noms d'aucuns des Canonniers, & autres Officiers, qui estoient à ce dict voyage. p. 181.*
- xxv.** *Comment le Roy entra en armes en sa ville de Gennes, Et comment il feut apporter toutes les armes de la dicte ville de- dans le Palais. p. 184.*
- xxvi.** *Comment le Roy enuoya à Rome deuers le Pape deux de ses gentils-hommes. p. 196.*
- xxvii.** *Comment le Roy teint en son Palais de Gennes siege Royal, où les Gennenois luy firent le serment de fidelité. Et d'une Harangue faicte en Italien, avec la responce de mesmes. p. 203.*
- xxviii.** *Comment un Gennenois nommé Demetri Iustinian, eut la teste tranchée à Gennes. p. 228.*
- xxix.** *Comment le Roy partit de Gennes, pour s'en aller à Milan,*

TABLE

Et à ses autres villes de Lombardie, Et de son Entrée de Pa-
uie, Et de Milan, Avec plusieurs autres nouuelletez. p.
232.

- xxx. Comment Paul de Noue, Duc de Gennes, feut decapité
dedans le Palais du dict lieu de Gennes. p. 248.
- xxxI. Des Articles contenans la maniere d'un Tournoy, faict à
Milan, Faicts les dicts Articles par un Roy d'armes Fran-
çois, nommé Daulphin. p. 253.
- xxxII. D'aucuns grands banquetz, Et choses ioyeuses, qui feurent
lors faictes à Milan. p. 256.
- xxxIII. D'un banquet somptueux, que le Seigneur Iean Iacques feit
au Roy, à Milan. p. 257.
- xxxIV. D'un bastion que Meflire Charles d'Amboise, Lieutenant
du Roy, feit tenir à Milan, où le Roy feut present avec tous
les Princes, Et Seigneurs, qui là estoient, Et grand nom-
bre de Dames. p. 262.
- xxxV. D'un Tournoy, Et combat tenu lors à Milan, par Mefsi-
re Galeas de Saint Seuerin, Et autres Lombards avec luy.
p. 269.
- xxxVI. Comment le Roy Catholique Ferrand Roy d'Arragon, e-
stant à Naples, manda au Roy qu'il s'en vouloit aller en son
dict pays d'Arragon, Et que tres-volontiers le verroit en
passant, s'il estoit son plaisir. p. 279.
- xxxVII. Comment le Roy partit de Milan, pour s'en aller en Ast,
Et à Sauonne, où se debuoit rendre le Roy d'Arragon. p.
287.
- xxxVIII. De la venue Et Entrée du Roy d'Arragon, à Sauonne,
Et du recueil, Et traictement, que le Roy luy feit, Et de la
familiarité qu'ils eurent ensemble. p. 290.
- xxxIX. Des noms d'aucuns des Officiers de la maison du Roy, les-

DES CHAPITRES.

- quels se trouuerent, & seruirent à ce voyage. p. 315.
- XL. D'un petit traicté, sur l'exil de Gennies, faict par ballades, baillé lors au Roy. p. 318.
- XLI. Comment le Roy d'Arragon, s'en alla de Sauonne en Espaigne, Et le Roy s'en reueint en France. p. 330.
- XLII. Comment au dict lieu de Lyon, Maistre René de Prye, Euesque de Bayeux, receut le chapeau rouge, par la main de Maistre Georges, Cardinal d'Amboise, Legat en France, & delegué à ce par le Pape. p. 335.
- XLIII. Comment le Roy des Romains retira son armée, Et comment le Roy s'en retourna à Blois. p. 337.
- XLIV. Comment durant le temps que le Roy estoit de là les monts, Mefire Iean Chapperon, & un nommé Antoine d'Auton, Seigneur du dict lieu, se meirent sur mer, où firent plusieurs courses, De quoy le Roy feut mal content. p. 339.
- XLV. D'aucunes courses, & prises, que Mefire Iean Chapperon, & le Seigneur d'Auton, firent en mer sur les Flamens, ennemis du Duc de Gueldres, Duquel s'aduouoient iceulx Chapperon, & d'Auton. p. 346.
- XLVI. Comment Mefire Iean Chapperon, & Antoine d'Auton, feurent assaillis en mer de deux nauires Flamens, Desquels en preindrent l'un, & chasserent l'autre. p. 354.
- XLVII. Comment le Roy des Romains meit derechef son armée sus, pour passer la Lombardie, & comment le Roy s'en alla à Lyon, cuidant passer les monts, pour se trouuer au deuant de luy. p. 366.
- XLVIII. Extraict du sixiesme libure des Annales de Gennes, d'Augustin Giustiniano, Euesque de Nebio. p. 368.

TABLE DES CHAPITRES

XLIX. *Extraict du dixhuitiesme libure de l'Histoire de Gennes, de Pierre Bizarus. p. 373.*

I. *Extraict du douzieme libure de l'Histoire de Gennes, de Hubert Foglieta, Gentil-homme de Gennes. p. 374.*





CY commencent les Chronic- M.D.VI.
ques Annales sur les Gestes du
Christianissime Roy Louys
douziesme de ce nom, des
ans mille cinq cents &
six , & mille cinq
cents & sept.

CHAPITRE I.

*Du mariage de Madame Claude de France,
fille du Roy.*



ES PERES ROMAINS comme
recitent leurs Historiographes &
Orateurs, souloient dire que en re-
gardant les images honorables, &
arcs de triomphe de leurs predeces-
seurs, ayans souuenance de leurs œuures magnifi-
ques, & memoire de leurs biens faiçts, estoient
pour ce plus enflammez à vertus. Touresfois selon
la sentence du diuin Ieronyme, les vrayes escripts, &
approuuées Histoires des gestes florissans, sont les

A

M.D.VI. perpetuels sepulchres, & eternels monumens des hommes dignes de loüange, par lesquels les corps esteincts par temporelle mort reuiuent en eternelle memoire, & les noms oubliez par traict de temps, sont remis en perpetuelle souuenance. A ceste cause tenant la doctrine de ceux qui les simulachres triomphaux laissent pour les riches, & la memoire des vertus pour les bons, voyant le Christianissime Roy Louys douziesme de ce nom, prosperer en gloire, accroistre en honneur, & profiter en vertus, Et aussi en ensuiuant mon propos Historial sur les Gestes des François, commençant en l'entrant de l'an mille cinq cents & six, où i'ay faict fin des faicts precedens par volumes abregez; Pour continuer doncques, & afin que la memoire des choses recordables, par default de les recueillir, & mettre en lumiere, n'esuanoüyssent cōme les temps, ou deperissent comme les corps, tout ainsi que au plus vray i'ay peu veoir & sçauoir, ay voulu par maniere de vrayes Chronicques, & Gestes Annales, des modernes & futures choses de mon temps faire ample description.

DISANT AV PREMIER que le tres-Chrestien Roy Louys douziesme de ce nom, au commencement de l'an susdict mille cinq cents & six, estoit dedans sa ville de Blois, la Royne avec luy, & Madame Claude leur fille, laquelle estoit en l'aage de sept à huiet ans, tres-belle, & moult bien enseignée; & là se passa le temps en toute ioye & plaisir. Car le Roy estoit lors tres-sain & en bon poinct, & tous les

pays heureux en paix, & plantureux en biens. Ad-M.D.VI.
ueint que en ce temps sur la fin du mois d'April,
le Roy pensant en ses affaires, s'en alla à Tours, la
Royne, & Madame Claude avec luy. Et feit venir
deuers luy Louyse de Sauoye, Comtesse d'Engou-
lesme, & ses deux enfans, lesquels estoient tant bien
appris, que le Roy les aimoit moult à certes. Et tant
luy estoit agreable le fils, qui le plus proche à venir
estoit de la Couronne, que pour ce, & autres raisons
apparentes, delibera luy donner Madamé Claude
sa fille en mariage. Pour laquelle chose traicter, vou-
lut au dict lieu de Tours tenir conseil. Dont enuoya
à tous ses Parlements de France, & à toutes ses villes,
pour faire venir vers luy de chacun lieu gens saiges,
& hommes consultez. Et tant que en peu de temps
feurent en ladicte ville de Tours de chascune Cour
de Parlement Presidents & Conseillers, & de toutes
les principales villes de France, hommes saiges, or-
donnez & deputez par les dictes villes & pays de
France, comme dict est. Aussi y estoient tous les
Seigneurs du sang, grand nombre de Prelats, le
Chancelier, & tout le grand Conseil, avec la plus
part de la Noblesse du Royaume de France. Lors
que tous les Estats feurent là ainsi assemblez, le Lun-
dy, le Mardy, & le Mercredy des Roisons, dedans la
grand salle du Plessis, le Roy teint siege Royal, Au-
quel lieu feurent assemblez les Estats, C'est à sçauoir
les Prelats de l'Eglise, les Princes & Seigneurs du
Royaume, le Conseil des Parlements & des villes de
France, sur lesquels du dict Conseil presidoit Mess-

A ij

M.D.VI. re Guy de Rochefort, lors Chancelier de France.

Et là fut tenu conseil sur le traité du dict mariage, & ouy l'opinion de chascun, où plusieurs belles choses feurent alleguées, & saines opinions proposées, comme l'affaire le requeroit, en quoy gisoit l'honneur du Roy, la seureté du Royaume, & le salut de la chose publicque. Parquoy toutes allegations ouyes, feut vnicquement conclu & dict, que pour le bien & vtilité du Royaume de France, le dict mariage se debuoit accomplir & parfaire. Et de ce faire, chascun des dicts Estats, & tous ensemble prièrent le Roy. Et pour faire la proposition au Roy pour les villes & pays de son Royaume de France, vn nommé Messire Iean Bricot, Docteur Regent à Paris, & Chanoine de nostre Dame, feut à ce ordonné, lequel monstra au Roy, & à tous les assistans, le grand bien & profitable vtilité, qui pour les bonnes alliances des amis congneus, & le grand peril & mortel danger de celles des reconciliez & ennemis couuerts se peuuent ensuiure, & aduenir sur le Royaume de France, & à toute la chose publicque, Comme autresfois par alliances estranges en estoit adueni, à quoy estoit obuier sur toutes choses, & à ce auoir singulier esgard. Plusieurs autres bonnes raisons, & propos afferents à la dicte matiere dit le dict Bricot. Et tant que le Roy veu l'opinion de son Conseil, & la priere de chascun, consentit le dict mariage. Et deuant tous par la main de Maistre Georges Cardinal d'Amboise, & Legat en Frace, les feit fiancer le iour de l'Ascension

dedans la grand salle du Plessis lez Tours. De quoy M.D.VI.
par tout le Royaume de France feurent faicts les
feux de ioye.

A PRES les fiançailles faictes, les Princes, & Seigneurs de France, & autres Gentils-hommes à grosses bandes se preparerent à faire ioustes & tournois, dont deffoubs le Plessis pres le College des Bons-hommes, entre la muraille du parc, & la riuere, feurent faictes les lices. Ce iour le Roy feit faire la monstre de ses Gentils-hommes entre la muraille du parc & la riuere, où feurent tous armez & montez, leurs cheuaux bardez & couuerts de draps d'or & d'orfeurerie, dont plusieurs d'iceux menoient les vns douze grands cheuaux, les autres quatorze, & les autres vingt, tous cheuaux de prix, & gorierement accoustrez, & eux tous vestus de drap d'or, & autres riches paremens. Aussi les quatre cents Archers de la garde, feirent là leur monstre. Messire Guyon d'Amboise teint ce iour vn combat en foule de douze Gentils-hommes contre douze, desquels il en menoit douze, & vn autre Gentil-homme nommé Mollart Suffray, les autres douze. Auec eux estoit vn nommé Messire François de Daillon, lequel auoit auec luy quarante autres Gentils-hommes, tous montez & armez à l'Albanoise, & à la Turque, lesquels premier que assembler feirent leur descoeuure, courfes, & escarmouches de cheuaux legers, en maniere de mortelle bataille, & guerre ouuerte. Le Roy feit là mettre & atiltrer force grosse artillerie, qui durant l'escarmouche feut tirée & ruée

M.D.VI. contre-mont au tour de la bataille, comme en maniere de donner sur les ennemis. Et apres les dictes courfes & escarmouches, les genfdarmes des deux batailles tous en foulle, adresserent les vns contre les autres de telle roideur, que au choquer toutes les lances allerent par esclats, & puis à grands coups d'espée s'entremellerent & combatirent longuement, & tant que le Roy les feit departir. Ce faict, le Sieur de la Crote avec ses cheuaux legers donna sur l'artillerie, & luy & ses gens icelle gaignerent, & emmenerent, en faisant toute la maniere de guerre mortelle. Ce que la Roynes regarda & les Dames qui avec elle estoient, disans que c'est estrange chose que la guerre, & merueilleuse à regarder.

DE V X iours apres, le dict Messire Guyon d'Amboise teint vn pas aux lices, & avec luy Messire François de Daillon, François de Maugiron, le Sieur de Gimel, le Bastard de Luppe, Cheurieres, Rochebaron, le Sieur de Beaumont, le Sieur de la Fayette, le Sieur de Castelpers, & vn nommé le Croc, lesquels teindrent le pas. Les assaillans feurent, le Duc de Bourbon, lequel ouurit le pas, le Comte de Vendosme, le Prince de Talmont, Guy de Lauail, Iacques de Bourbon, Comte de Roussillon, Messire Iacques du Fahy, & François d'Ars, lesquels combatirent à cheual, & à la barriere à pied, où feurent là donnez maints coups de lance & d'espée. Tellement que chascun des combatteurs y eut honneur, & le Roy plaisir. Cela faict les estrangiers se retirerent, & la Cour demeura au dict lieu de Tours.

CHAPITRE II.

Comment le Roy enuoya Messire François de Rochechouart avec autres en Ambassade deuers le Roy des Romains.

LE MARIAGE FAICT, comme i'ay dict, le Roy enuoya en Ambassade deuers le Roy des Romains Messire François de Rochechouart, & avec luy Maistre Antoine du Prat, Maistre des Requestes, & Maistre Antoine Iourdan, Secrétaire du dict Seigneur, lesquels prests à partir depeschèrent par le commandement du Roy vn Herault, lequel enuoyèrent deuant porter les lettres du Roy au Roy des Romains, & pour l'aduertir de la venue d'iceux Ambassadeurs. Lequel Herault se meit à chemin à toute diligence, & tant qu'il arriua en Hongrie, où trouua le dict Roy des Romains en camp, faisant la guerre à vn Comte du pays, nommé le Comte Estephe, pource qu'il vouloit auoir la fille du Roy de Hongrie, que le Roy des Romains vouloit auoir pour le fils du Roy de Castille. Le Roy des Romains apres auoir receu les lettres du Roy, depescha le dict Herault, & luy bailla vn de ses postes, pour le mener deuers les dicts Ambassadeurs de France, & iceux aduertir de son vouloir. Sur ce se meirent à chemin le dict Herault, & la poste, pour

M.D.VI. retourner deuers les dicts Ambassadeurs, lesquels estoient partis de Tours le vingt-cinquième iour du mois de May en l'an susdict mille cinq cents & six, & auoient pris leur chemin à Orleans, à Troyes, à Bar le Duc, à Nancy, & à Strasbourg. Or auoit le dict Messire François de Rochechouart lettres du Roy, pour bailler à l'Euesque de Strasbourg, frere du Duc de Bauiere; Aussi auoit lettres adressans au Marquis de Baden, & au Duc de Vvirtemberg, lequel Duc estoit à vne sienne place, nommée Stuckhart, de Stuckhart feurent à Vlme, & là se meirent sur la riuere de la Dunoe, & par icelle riuere feurēt iusques à vne ville nommée Regensbourg es hautes Allemagnes, où illec trouuerent leur Herault, & le poste du Roy des Romains, lequel leur bailla lettres, par lesquelles leur madoit qu'il leur enuoyoit deux de ses Gentils-hommes, pour les mener en la Comté de Carinthie en Austriche, leur mandant quelà oyroient de ses nouuelles. Or estoit la dicte Comté de Carinthie à plus de dix iournées loing du lieu où estoit lors le Roy des Romains. Dont Messire François de Rochechouart, principal Ambassadeur pour le Roy, voyant l'esloing de son chemin, & la haste de son messaige, dit qu'il n'iroit au dict lieu de Carinthie, mais remanda au Roy des Romains par son poste, qu'il auoit charge du Roy son Maistre de luy dire de bonnes choses, & diligenter son voyage. Parquoy le prioit qu'il luy pleust ne le renuoyer si loing de luy, mais le voulust depescher au plus tost qu'il auroit temps de ce faire. Tantost que le
Roy

Roy des Romains eust sceul l'intention de l'Ambassade, luy manda puis qu'il ne se vouloit eslongner; ne aller en la dicte Comté de Carinthie, qu'il s'en alast en la ville de Lintz en Autriche assez pres de luy, & que là sçaueroit où se debueroit trouuer pour aller à luy. Dont s'en alla avec les autres Ambassadeurs le long de la Dunoe, iusques au lieu de Lintz, tresbelle ville, en laquelle le feu Empereur Frederic, pere du dict Roy des Romains se tenoit, & y mourut. Oū là les dicts Ambassadeurs attendirent l'espace de huit iours, pour cuider auoir responce du dict Roy des Romains, lequel ne sonnoit mot. A ceste fin renuoyerent par deuers luy pour sçauoir qu'il luy plaisoit de faire sur leur charge. Lequel derechef leur manda, qu'ils l'allaissent attendre à vn autre lieu nommé Isenays en la Comté d'Estayez, aux montaignes d'Autriche au mesme lieu où sont les minieres de fer, dont il tire tous les ans plus de cent mille florins de profit. Là arriuerent les dicts Ambassadeurs le premier iour d'Aoust. Ce mesme iour arriua illec vn des Gentils-hommes du Roy des Romains, pour dire aux dicts Ambassadeurs, qu'il leur mandoit qu'il n'iroit au dict lieu, mais qu'ils s'en allaissent l'attendre à vn autre lieu nommé Gretz, quatre iournées plus bas, tirant en la Hongrie à vne repeuë pres. Ce qu'ils feirent, & eulx estans là, feurent quatorze iours entiers, sans auoir aucunes nouuelles du Roy des Romains, lequel faisoit toutes ces dissimulations, & esloing de parler aux dicts Ambassadeurs, afin qu'ils n'allaissent par deuers luy, & qu'ils n'eussent veuë &

B

M.D.VI. congnoissance de l'armée, qu'il auoit tant pauvre & desordonnée, que à iceux François ne l'eust voulu monstrier pour chose du mode. Car ses gens estoient à peu de nombre, & nuds comme Arabes. Mais pendant ce qu'il desloingnoit les dictz Ambassadeurs, il traicta d'appoinctement avec les Hongres, qui plus puissants de beaucoup estoient que luy. Car estans les dictz Ambassadeurs à Lintz, iceux Hongres iusques à vne lieüe pres du camp du Roy des Romains, bruslerent trente & cinq villaiges de ses pays, sans ce qu'il leur donnast vn seul allarme, ains traicta d'appoinctement, & apres avec ses gens s'en alla à vne ville nommée Vienne en Austriche. Et de là pour conclurre du dict appoinctement, enuoya deuers les Hongres vn Cheualier des siens, bien fort son recommandé, lequel s'en alla droit au camp d'iceux Hongres, à vne lieüe pres du lieu, où le Roy des Romains auoit tenu son camp. Et lors que le dict Cheualier approcha, cuidant faire son Ambassade, la commune gent du camp des Hongres se meut, & sans auoir esgard à la seureté que doibuent auoir Ambassades, coururent sus au dict Cheualier, disant nous ne voulons appoinctement ne paix au Roy des Romains, qui sans iuste querelle vient assaillir nos pays, & nous faire la guerre. Et ce disant, sans vouloir ouyr le dict Cheualier, le tuerent sur le champ. Dedans Vienne estoient lors les Ambassades des Hongres deuers le Roy des Romains, qui tantost sceut la mort de son Cheualier, que les Hongres auoient occis. De quoy feust moult courroucé;

mais dissimula pour l'heure. Toutesfois le peuple M.D.VI.
de Vienne se meut, aussi voulant tuer les Ambassa-
des des Hongres, & leur faire jeu party. Ce que ne
voulut le Roy des Romains, pour l'honnesteté gar-
der, & l'enuie qu'il auoit d'auoir paix avec eux. Par
quoy rappaisa tout, & là conclud son appoincte-
ment tel, que les Hongres luy baillerent deux mille
bœufs, & trois mille aulnes de drap, pour nourrir &
vestir les gens, qui bon besoing en auoient, lesquels
disoit vouloir mener avec luy à Rome, pour se faire
là couronner Empereur. Ainsi feut conclud le trai-
cté d'entre luy & les Hongres. Parquoy fait partir ce
qu'il auoit de gens d'armes en son armée, & les fait
marcher le chemin de Rome, iusques au bout de ses
pays, & arrester en vne ville nommée Villac, pro-
chaine ville de la terre de saint Marc, & luy demeu-
ra dedans les montaignes d'Austriche, à la chasse des
cerfs & des chamois, où preint vn grand cerf à mer-
ueilles, & plus grand que autre communément, car
il auoit cinq pieds de hauteur, duquel il fait mettre
la grandeur en toile, qu'il donna pour la nouuelleté
à Messire François de Rochechouart, Ambassadeur
pour le Roy, & depuis luy enuoya les cornes ius-
ques à Grenoble, lesquelles estoient si grandes &
massiues qu'elles pesoient quarante & deux liures,
& icelles donna pour estrange present au Cardinal
d'Amboise.

OR ESTOIENT les dictz Ambassadeurs au dict
lieu de Gretz, ausquels il ennuioit moult, de ce qu'ils
n'auoient nouuelles du Roy des Romains. Dont

M.D.VI. Messire François de Rochechouart, grand Ambassadeur pour le Roy luy enuoya vn Gentil-homme des siens, nommé Germain de Mauleon, pour le prier & requerir que son plaisir feust de le vouloir ouyr, ou autrement veu la loingtainereté du temps de son voyage, & la charge hastiue qu'il auoit du Roy son maistre, s'en retourneroit sans luy dire la dicte charge. Et sur ce manda le Roy des Romains au dict Ambassadeur, qu'il se rendist à vne ville nommée Louen, à trois iournées du dict Gretz, sur la riuere de Meure, qui passe au dict lieu de Gretz, où se rendit le dict Messire François de Rochechouart avec les autres Ambassadeurs. Et là trouua les gens du Roy des Romains, lesquels les logerent dedans vne petite Abbaye, à vn quart de lieüe de Louen, où deux iours apres se rendit le Roy des Romains. Et le lendemain qu'il feut là arriué, manda les dicts Ambassadeurs, & leur enuoya cinquante Gentils-hommes des siens iusques à leur logis, pour les conduire & mener au dict lieu de Louen par deuers luy, lesquels se meirent à chemin, en deuisant ensemble de choses ioyeuses. Et en approchant la porte de la ville d'vn traiçt d'arc pres, leur veint au deuant l'Archeuesque de Treues, fils du Marquis de Baden, vn sien frere avec luy, & grand suite d'autres Gentils-hommes du pays, lesquels menerent les dicts Ambassadeurs descendre au logis du dict Archeuesque. Et apres collation faicte, & qu'ils feurent prests, le Roy des Romains les manda venir par deuers luy. Ce qu'ils feirent, & s'en allerent à son logis, & mon-

rerent en sa chambre. Messire François de Roche-M.D.VI.
chouart entra le premier, où trouua le Roy des Ro-
mains, là accompagné du Duc de Iuilliers, du Mar-
quis de Brandebourg, du Comte de Sorne, & de
l'Euesque de Gurse. A la venüe des dicts Ambassa-
deurs, le Roy des Romains se leua de la chaire, &
feut au deuant iusques à moictié de la chambre. Et
là meit la main au bonnet, en demandant à Messire
François de Rochechouart, principal Ambassadeur,
comment se portoit le Roy de France son frere, le-
quel de Rochechouart luy dit, Sire, il fai&t tres-bon-
ne chere, & se recommande à vous. Et lors le Roy
des Romains le preint par la main, & le tira à part à
vne fenestre de la chambre, où luy demanda s'il vou-
loit dire sa charge en public, ou à part, lequel dit que
tout ainsi qu'il luy plairoit, & qu'il vouloit bien dire
deuant tous, ce qu'il accorda volontiers. Et lors Mai-
stre Antoine du Prat, vn des dicts Ambassadeurs,
s'aduancea, & pource que tous les assistans n'enten-
doient le François, commença à dire en hault &
rhetoric Latin, la charge de leur Ambassade, laquel-
le contenoit comment le Roy pour le bien & vtilité
du Royaume de France, & à la priere & requeste, &
par l'aduis & deliberation du conseil des trois Estats
de France, il auoit donné en mariage Madame Clau-
de sa fille à François d'Orleans, Comte d'Angoules-
me, le plus proche à venir de la Couronne, de quoy
en vouloit bien aduertir le dict Roy des Romains.
Et au surplus, que le Roy vouloit & desiroit auoir
tousiours bonne paix & amour avec luy. Et en oul-

B iij

M.D.VI. tre vouloit sçauoir, si le Roy des Romains vouloit tenir l'accord qu'il auoit faict touchant l'ineuestiture de la Duché de Milan, pour Madame Claude, & ses successeurs. Autres articles feurent là pour le Roy dictz & declarez, par le dict Maistre Antoine du Prat. A chef desquelles choses, le Roy des Romains demanda au dictz Ambassadeurs, s'ils auoient autre chose à dire. Si auons, Sire, dit Messire François de Rochechouart, mais si est vostre plaisir, ce sera à vous seul, & à part. Or bien dit le Roy des Romains, ie sçay bien que auez prou de choses à dire, mais vous venez de loing, & estes las, & auez mestier de repos. Parquoy vous vous pouuez retirer à vostre logis, quand vous plaira, & demain à l'heure que ie feray prest de vous ouyr, ie vous manderay. Et sur ce s'en allerent à leur logis, accompaignez de grand nombre de Gentils-hommes du Roy des Romains.

LE LENDEMAIN sur les deux heures apres midy, feurent iceux Ambassadeurs transmis querir par le dict Roy des Romains. Si s'en allerent par deuers luy, & eulx venus en sa chambre leur dit, Or dictes Seigneurs vostre charge, quand vous plaira. Mais premier ie veulx sçauoir, si vous vouldrez bien, que aucuns de ceux de mon Conseil, soient avec moy pour ouyr vostre charge, Ouy, Sire, dirent les Ambassadeurs, qui vous plaira. Dont appella à cel' Archeuesque de Treues, le Duc de Iuilliers, le Marquis de Brandebourg, l'Euesque de Gurse, le Comte de Sornes, & le Chancelier de Tirol, pour assister. Lesquels tous assemblez, le Roy des Romains se

meit en sa chaire, son Conseil tout autour de luy. M.D.VI.
Lors Maistre Antoine du Prat, Maistre des Requestes, dit en Latin leur dicte charge, pour ce que autre que le Roy des Romains, n'entendoit le François, Disant, que le Roy leur auoit donné charge luy dire, ce que parauant luy auoient dict. Et dauantage que touchant les cent mille francs, qu'il demandoit pour l'inuestiture de la Duché de Milan, laquelle il auoit accordée pour les hoirs, qui en l'aduenir fortiroient de Madame Claude, attendu que le mariage d'elle & du fils du Roy de Castille, Archeduc, ne s'accomplissoit, entendoit le Roy que de riens ne luy en estoit tenu. Mais que là où il voudroit bailler la dicte inuestiture à Madame Claude, & à ceux qui d'elle descenderoient, il luy feroit bailler les cent mille francs, qu'il luy auoit promis, & iceux deliurer au lieu & iour qui seroit entre eulx aduisé & ordonné, par ainsi qu'il feist bailler le consentement des Electeurs. Ce dict, le Roy des Romains demâda aux dicts Ambassadeurs, s'ils auoient autre chose à dire, lesquels dirent que si auoient, ce qu'ils feroient, apres ce qu'ils auroient eu response de luy, sur les choses par eulx alleguées. Sur quoy ne voulut le dict Roy des Romains rendre response, mais les feist semondre par aucuns des siens, & luy mesmes les somma par plusieurs fois de dire toute leur charge. Ce que ne voulurent, s'ils n'auoient premierement response de luy, Lequel ne voulut dire autre chose, si n'est, Quant au regard du dict mariage, qu'il touchoit plus au petit Archeduc, que

M.D.VI. à nul autre, & que à celuy manderoit ce que le Roy luy en auoit faict dire, pour y pourueoir comme il sçauroit. Et aussi tant que touchoit l'inuestiture de Madame Claude, que aussi il le manderoit aux Electeurs del'Empire, pour en sçauoir leur vouloir, & de ce en aduertiroit le Roy. Et sur ce les dicts Ambassadeurs prindrent congé de luy, lequel au partir leur donna charge faire les recommandations au Roy de France, son frere. Et leur bailla vn Gentil-homme Allemand, lequel parloit bon François, nommé le dict Gentil-homme Symon de Ferrete. Quatorze iournées par le pays du dict Roy des Romains, celuy Gentil-homme mena & conduict les dicts Ambassadeurs. Et tant qu'ils arriuerent à Trente, ville pres de terre Sainct Marc, & de là tirerent à Milan, où estoit lors Lieutenant du Roy, Messire Charles d'Amboise, lequel aduertirent de l'armée du Roy des Romains. Et de là Messire François de Rochechouart manda au Roy de tout ce qu'il auoit exploicté en son Ambassade, & sceu enuers le dict Roy des Romains.

CHAPITRE

CHAPITRE III.

*Comment le Roy de Castille Archeduc, apres avoir
sceu le mariage de Madame Claude, & du
Comte d'Engoulesme, mal content de ce,
preint alliance à plusieurs, & se decla-
ra ennemy du Roy. Et de la mort
du dict Roy de Castille.*

LE ROY DE CASTILLE estant lors en ses pays d'Espagne, feut aduertty du mariage de Madame Claude, fille du Roy, avec François d'Orleans, Comte d'Engoulesme, laquelle pensoit estre pour son fils, dont autres fois par cy deuant auoit esté paroles. Parquoy se mal-contenta, disant que autres fois promesses auoient esté faictes de Madame Claude, & de son fils, à quoy il s'attendoit. Toutes fois ne sceut autre chose que faire sur ce, si n'est vser de menasses, & dire que tous ses amis & alliez luy fauldront, ou en France fera telle guerre, que maints qui de ce ne peuuent mais, le compareront chèrement. Et dès lors preint alliances & confederations à tous ceux qu'il peut sçauoir estre ennemis couuerts du Roy. Car nul pour lors estoit déclaré ennemy de France. Et en oultre voulut animer les autres à son pouuoir. Ettant fait, que le Roy des Romains, son pere, toutes les Espagnes, & Angleterre, com-

C

M.D.VI. me se disoit, avec les Venitiens suiuaus les plus forts, & grand partie des Itales, se teindrent de son party contre le Roy. Dont soy voyant de luy moult puissant, & de tant d'alliances fortifié, se declaira ennemy du Roy, qui delibera de sa part obuier à tous ces dangers, avec l'aide souueraine, disant qu'il mettra sus telle armée, que ce sera pour debuoir rabatre les coups à tous ses ennemis. Or adueint que le Roy des Romains, comme prest de tout temps de faire aux François quelque alarme, voulut mettre sus grosse armée, pour courir sur la Duché de Milan, le Roy de Castille faire aussi vne autre armée en Espagne, pour vouloir descédre en Languedoc, & en Guyenne, & les autres confederez chascun en son cartier, mettre sus grosse puissance, pour ennuyer le Roy, & assaillir son Royaume de France. De quoy ne se meut le Roy que bien à poinct, ains teint conseil sur son affaire, & enuoya par ses pays faire mettre sus tant de gens, que le nombre & le pouuoir d'iceulx, luy sembloit debuoir suffire à garder sa terre, & chasser ses ennemis. Et en oultre fait renforcer de gens d'armes sa Duché de Milan, disant, que si le Roy des Romains commence par ce costé, que luy mesmes ira en personne, pour luy couper le chemin, & empescher le passaige. Or estoit le Royaume de France menacé de toutes parts, & le Roy en propos delibéré de bien le defendre, & despendre grand thresor à l'affaire, dont en auoit plus que Prince de Chrestienté. Ce qui tenoit moult ses ennemis en craincte. Car il auoit gent & argent. Ce qui apres l'aide de Dieu, &

le cœur des amis, faict obtenir les victoires, faire les M.D.VI.
conquestes, & entretenir les Royaumes. Combien *Boulongne.*
que amas de pecune, soit à tout Prince liberal dete-
stable, si est-elle à tout affaire secourable. Or adueint
en deduisant le moyen de ses menées, comme il
pleut à Dieu qui des Royaumes dispose, que le Roy
de Castille estant en son pays d'Espaigne, feut soul-
dainement attainct de si griefue maladie, que mal-
gré le remede des Medecins, en moins de huit
iours feut mort. Dont tous ses alliez baissèrent le nez,
& firēt silence. Si que de tous poinctz leur entreprise
feut abatuë & aneantie. Dont le Roy demeura en
son entier, & paisible en son Royaume de France.

CHAPITRE IV.

*Comment le Roy enuoya Messire Charles d'Am-
boise avec grosse armée à Boulongne, pour icelle
soubmettre à l'obeïssance du Pape, Et comment
François de Clermont, Cardinal de Narbonne,
feut pour ce & autres choses deuers le dict
Saint Pere le Pape.*



EN CE MESME TEMPS & an mille
cinq cents & six, le Pape Iulius second,
meit armée sus pour vouloir soubmet-
tre & reduire à son obeïssance Boulon-
gne la grasse, laquelle auoit esté cinquante ans, ou
plus, hors la subjection de l'Eglise, à qui elle appar-

C ij

M.D.VI. tenoit d'ancienneté, mais estoit lors par force occupée & gouvernée par vn Boulonnois, nommé Messire Jean Bentiuole. Lequel aussi sçachant l'armée du Pape mise sus, à ceste cause feit de sa part grosse gent d'armée, fortifier la ville, & mettre dedans grand nombre de gens d'armes, & icelle bien garder. Le Pape voyant que difficile chose luy seroit, venir à chef de son intention sans autre secours que de sa main forte, enuoya deuers le Roy luy prier qu'il luy pleust donner en son affaire quelque renfort. Et que par le pouuoir de son armée, qui estoit lors en la Duché de Milan, luy pourroit aisément faire telle aide, que Boulongne pourroit estre remise & reduicte à la Seigneurie Apostolique, à qui de droit elle appartenoit. Et aussi que si vn tel seruice faisoit à l'Eglise, que à tousiours mais de plus icelle obligerait enuers le Royaume de France, qui à tout grád besoing & extresme necessité auoit tout temps eu l'espée au poing, pour icelle augmenter, secourir, & défendre. Dont pour le loyer de ses merites en portoit entre les autres Royaumes Chrestiens, l'excellent tiltre d'honneur souuerain du nom tres-Chrestien. Et aussi mandoit le Pape au Roy, que s'il vouloit passer les monts, pour veoir de ses affaires, & visiter ses pays, que volontiers se trouueroit en quelque lieu entre eulx aduisé, ou bien qu'il l'attenderoit à Boulongne, pour illec le veoir, & parler avec luy. Oyant le Roy la requeste & dire du Sainct Pere le Pape, & la promesse qu'il luy faisoit, de l'attendre à Boulongne, comme Prince tres-Catholique, con-

seruaueur des droicts de l'Eglise, defenseur de la fran- M.D.VI.
chise, & fils obeissant d'icelle, disposa d'employer *Boulongne.*
son pouuoir au dict affaire. En tant qu'il manda à
Messire Charles d'Amboise, son Lieutenant de là les
monts, qu'il teint prests ses gens d'armes, & qu'il feist
amas de gens de pied, iusques à grand nombre. Et
lors qu'il luy manderoit, qu'il allast en auant, là où
son plaisir seroit. Ce que feist le dict Messire Charles
d'Amboise si à poinct, que en peu de iours ses gens
feurent tous prests de marcher.

D V R A N T C E , le Roy transmeist deuers le Pa-
pe, qui ia estoit fort de Rome, vn nommé François
de Clermont, Cardinal de Narbonne, par lequel
mandoit au dict Pere saint, que il luy donneroit tel
secours en toutes ses choses, que rien n'espargneroit
à ce. Et que des gens d'armes siens estans en la Duché
de Milan, se reint tout seur, lesquels il auroit toutes
fois que besoing en seroit, & que ja l'auoit mandé à
Messire Charles d'Amboise, son Lieutenant de là
les monts. Et en oultre mandoit au dict saint Pere,
que il estoit deliberé de s'en aller apres l'Hyuer passé
de là les monts, & que tres-volontiers aussi viroit
sa Saincteté, & se trouueroit en quelque ville de par
delà, où seroit par luy aduisé. Autres charges & créa-
ces eut le dict Cardinal de Narbonne deuers le Pa-
pe, que ie laisse pour abreger, & dire que celuy Car-
dinal tres-bien accompagné, preint son chemin de
Rome. Et premierement feut passer par Auignon,
où sejourna quelque peu de iours, puis marcha par
la Comté de Venisse. Puis par le Dauphiné, à Brien-

M.D.VI. çon, à Ourse, à Suze, en Ast, à Alexandrie, & à Pauie, *Boulongne.* où estoit lors Messire Charles d'Amboise, Lieutenant du Roy. Et là feurent deux iours à courir les cerfs dedans le parc de Pauie, où preindrent vn grád cerf. Et apres ce qu'ils eurent parlé de leurs affaires, le dict Cardinal monta sur la riuere du Pau, & feut par eauë iusques à Plaisance en Lombardie, de Plaisance, à Parme, à Modene, & à Boulongne, où auoit ja grand nombre de gensd'armes, que Messire Iean Bentiuole, Gouverneur d'icelle auoit là mis, sçachant que le Pape auoit faict armée, pour venir assieger la dicte ville de Boulongne. Or ne sçauoit encores celuy Bentiuole que le Pape eust demandé secours au Roy, & que le Roy le luy eust promis, parquoy sçachant la venuë du dict Cardinal de Narbonne, voulant à celuy faire tout l'honneur qu'il pourroit, enuoya deuant luy ses enfans, bien accompagnez de gensd'armes, montez & armez, & leurs cheuaux bien bardez. Lesquels marcherent au deuant du dict Cardinal trois mille hors Boulongne, où meirent pied à terre, pour luy faire la reuerence. Ce faict, remonterent & marcherent tous ensemble vers la ville, où à vng mille pres se trouua Messire Iean Bentiuole, accompagné de gensd'armes à toute puissance, lequel vouloit descendre pour faire la reuerence au dict Cardinal, ce que ne voulut, mais s'entr'embrasserent tout à cheual. Et ce faict, en parlant de plusieurs choses, marcherent iusques à la ville, où le dict Bentiuole feit entrer honnorablement celuy Cardinal, & le mena descendre & loger de-

dans son Palais de Boulongne, où le festoya grandement, & le deffraya avec tout son train pour le *Boulongne*. M.D.VI.
dîner, & apres ce s'en alla le dict Cardinal coucher assez pres de là, à vne ville nommée Plenore, terre de Boulongne. Le lendemain, preint le trauers des Alpes, tirant le grand chemin de Rome iusques à Florence, & là sceut que le Pape estoit party de Rome pour s'en venir à Boulongne à toute grosse armée, & qu'il tenoit le chemin de la Marque d'Ancone. Parquoy celuy Cardinal pour adresser preint le chemin de Perouse, terre de l'Eglise, & passa oultre deux mille loing, où trouua le Pape avec grand nombre de Cardinaux, & gens d'armes. Et là luy feit le dict Cardinal son salut comme il debuoit, & luy dit ce que le Roy luy mandoit de par luy, & toutes ses charges. De quoy le Pape feut moult ioyeux, & feit tres-bonne chere au dict Cardinal, & le festoya tres-honorablement, en s'enquerant souuent de la prosperité du Roy, & de ses affaires. Apres long propos, & paroles ioyeuses, chascun se retira. Et le lendemain, le Pape feit son entrée au dict Perouse, où les Seigneurs, & le peuple de la ville le receurēt à grand triomphe. Là dedans sejourna douze iours, durant lequel temps le Marquis de Mantouë, Lieutenant de son armée, se rendit à luy au dict lieu de Perouse, entour la fin du mois de Septébre. Et là feit la monstre de ses gens d'armes, où auoit enuiron six cents hommes d'armes, armez à la mode d'Italie legèrement, & montez sur cheuaux legers. Aussi y auoit trois mille hōmes de pied, ou quelque peu moins.

M.D.VI. Les monstres d'iceux gens d'armes faictes, le Pape *Boulongne.* avec son armée partit de Perouse, & preint son adresse vers la ville de Vrbín, où feut receu & festoyé par le Duc, & la Duchesse, & traicté tout à plaisir, auquel lieu seiourna quatre iours.

LE ROY AVOIT ja sçeu que le Pape marchoit avec son ost, parquoy auoit mandé à Messire Charles d'Amboise, son Lieutenant, que à toute diligence marchast celle part avec huit cents hommes d'armes, & les gens de pied qu'il auoit amassez. Et de tout ce voulut aduertir le Pape par ses postes, & tant, que au dict lieu d'Vrbín, sceut le dict saint Pere les nouvelles du Roy, & comment son dict Lieutenant avec grosse armée se debuoit rendre à luy à Boulongne, & qu'il auoit mandé marcher son armée, qui ja estoit sur les champs preste de le secourir, & se joindre avec luy. De quoy le Pape feut moult ioyeux, & se dit tousiours estre tenu au Roy, en le remerciant de tout son pouuoir.

APRES CES nouvelles sceües, le Pape avec son armée marcha droit à Boulongne, & preint son chemin vers Cesenne, à Fourly, & deuant Fayence, terre d'Eglise, que les Venitiens par force occupoient lors. Et estoient dedans tous en armes, tenant les portes closes. Parquoy le Pape passa outre, & marcha iusques à Imole, & là demeura trois semaines, en attendant approcher l'armée du Roy, qui ja estoit à la route. Et aussi cependant fait marcher son armée iusques à vne ville nommée Castel saint Pierre, terre de Boulongne, estat à huit mille d'Imole.

d'Imole. Tantost apres que l'armée du Pape feut de- M.D.VI.
uant Castel sainct Pierre, ceux de la ville parlemen- *Boulongne.*
terent, & à la parfin se rendirent à la mercy du dict
Pere sainct.

CHAPITRE V.

*Comment Messire Charles d'Amboise, Lieute-
nant du Roy de là les monts, feit marcher son
armée droict à Boulongne, pour
secourir le Pape.*



MESSIRE CHARLES D'AMBOISE,
Lieutenant du Roy de là les monts,
sçaichant qu'il estoit heure de partir,
pour aller au secours du Pape, auoit
faict assembler ses gensd'armes à Par-
me, & mis en marche, cōme le Roy luy auoit man-
dé. Et tenoit ordre tel, que nonobstant l'empesche-
ment des pluyes, & l'ennuy de l'hyuer, qui lors
auoient cours, gensd'armes, pietons, & artillerie, &
tout le sommaige n'auoit arrest. Car soubs le dict
Lieutenāt du Roy auoit Capitaines experts, & Lieu-
tenans aduisez en faicts d'armes. Et pour ce que i'ay
sceu les noms des dicts Capitaines, qui là estoient,
ie les ay voulu commemorer, afin que si bien faict y
ha, que ce soit à la loüange d'eux, & à l'exemple des
futurs. Premieremēt y estoit present Messire Charles
d'Amboise, general Lieutenāt du Roy, lequel auoit

D

M.D.VI. à luy cēt hommes d'armes, Messire Iacques de Chabannes, seigneur de la Palice, lequel auoit cinquante hommes d'armes, Messire Yues d'Alegre, cinquante hommes d'armes, Messire Robert Stuart, cent hommes d'armes, Escossois, Adrian de Brimeu, Lieutenant des cent hommes d'armes du Marquis de Mantoüe, Messire Iean de Durefort, Seigneur de Duras, cinquante hommes d'armes, Messire Roger, Baron de Beart, cinquante hommes d'armes, Messire Galeas Paluesin, quarante hommes d'armes, Messire Antoine Marie de sainct Seuerin, cinquante, Messire Philebert de Clermont, Seigneur de Montoison, cinquante, le Seigneur d'Orose, quarante, le Seigneur de Chastelart, quarante, le Seigneur de Fonttrailles, trente, le Comte de Misoc, cinquante, Messire Mercure, cent Albanois. Les Capitaines des gens de pied estoient Mollart Allemand, Iacques d'Alegre, Peralte, Espagnol, Cossains, & vn Italien, nommé le Marquis Bernato, lesquels auoient sous leur charge quatre mille hommes Allemands, Daulphinois, & Piedmontois. Aussi y auoit quinze pieces d'artillerie, sous la main de Messire Iean de Besse, Gruyer de Bourgongne. Et ainsi feut mise l'armée de France aux champs, tirant le droit chemin de Boulongne. Et tant, que deuant vne place Boulonoise, nommée Castelfranc, feurent les François, & là meirent le siege. Puis commencerent à tirer quelques menuës pieces d'artillerie, pour veoir que ceux de la place vouldroient dire, lesquels se defendirent tout laschement, en tirant bien peu de coups, & sans

attendre sur eulx plus grand effort, se rendirent leurs M.D.VI.
bagues sauues. Ce fait, le dict Lieutenant du Roy *Boulongne.*
avec ce qu'il voulut de ses gensd'armes, entra dedans. Ce que tantost sceut le Pape, qui lors estoit à Imole, de quoy feut bien ioyeux, pensant que au moyen du dict secours, Boulongne seroit bien tost à luy soubmise.

MESSIRE JEAN de Bentiuole, qui lors estoit à Boulongne, sçachant la venuë de l'armée du Roy, & la prise de Castelfranc, feut bien esbahi, disant qu'il ne pourroit longuement tenir contre la dicte armée. Et que de deux maux luy falloit escheuer le pire, Ne voulant pour riens cheoir entre les mains du Pape, qui de mort luy en vouloit. Parquoy aduisa que mieux estoit pour luy se rendre aux François, pensant estre entre leurs mains & sous la clemence du Roy humainemēt traité. Et pour y ouurer sommairement, enuoya Ambassades à Castelfranc par deuers Messire Charles d'Amboise, Lieutenant du Roy, pour luy dire que si son plaisir estoit de prendre à mercy luy, & sa famille, & tous ses biens saufs, que à luy volontiers se rendroit, & luy metteroit Boulongne entre les mains. Les dicts Ambassades porterent leur parole, & feirent sur ce tout ce que enchargé leur estoit, & aduertirent le dict Lieutenant du Roy du vouloir du dict Messire Jean de Bentiuole, & comment entre ses mains se vouloit rendre, & mettre la dicte ville de Boulongne en son obeissance. A quoy fait response, que pour l'heure ne pouuoit avec luy rien composer, & qu'il n'auoit

D ij

M.D.VI. autre charge du Roy son maistre, que de venir au *se-Boulongne*. cours de l'Eglise, & faire ce que le Pape luy commanderait, parquoy ne pouuoit de luy riens conclurre, sans en aduertir le dict Pere saint. Ce nonobstant, veu le party humain de celuy Bentiuole, luy manda que s'il vouloit bailler sauf-conduit pour quelqu'un de ses gens, qu'il enuoyeroit deuers le Pape, & que à son pouuoir traicteroit de la paix. Dont le dict Bentiuole voyant que la chose ne pouuoit pour l'heure prendre meilleure fin, pour luy bailla sauf-conduit & seureté, pour passer par ses dangers, & aller vers le Pape. Ce fait, le dict Lieutenant du Roy transmeit à Imole vn sien Secretaire, thresorier des guerres de Milan, pour aduertir le Pape, comment Messire Iean de Bentiuole se vouloit rendre & mettre entre les mains du Roy, & la ville de Boulongne en son obeissance, pourueu que luy, sa famille, & tous ses biens, feussent saufs & gardez. Et comment sur ce le dict Lieutenant n'auoit voulu riens conclurre, mais auoit le tout remis au vouloir, & à l'ordonnance du Pape. En luy mandant que sa Saincteté y aduist, pour y besongner selon son plaisir & commandement, & que tout ainsi le feroit sans faillir, & qu'il luy pleust sur ce luy faire sçauoir son vouloir. Oyant le Pape les choses susdictes, feut content de la reduktion de Boulongne, mais quant à ce que le dict de Bétiuole, & ses choses demeuroient saufues, ne luy veint pour l'heure à plaisir, & si auoit bonne enuie de le traicter autrement. Car durant leur discord, le dict de Bentiuole, auoit fait mourir

le pere du Dataire du Pape. Dont auoit conceu haine mortelle contre luy. Mais apres auoir pensé à *Boulongne*, tout, & que vser de vengeance estoit contre le commandement de Dieu, consentit que le dict de Bentiuoke seroit mis entre les mains du Lieutenant du Roy, pour en faire à son plaisir, & ses biens saufs. Et ainsi de pescha le dict Thresorier des guerres, & le renuoya deuers ledict Lieutenant du Roy, lequel estoit à Castelfranc. Tantost apres qu'il eut renuoyé le dict messaiger François, luy souueint de quelque chose qu'il auoit oublié à mettre en ses lettres. Parquoy derechef transmeit apres vn autre des siens, qui estoit son Chambrier. Et pource qu'il ne scauoit parler François, demanda au Cardinal de Narbonne, qui avec luy estoit, vn de ses gens, pour accompagner son homme, & rapporter la parole, lequel luy bailla vn sien Chappellain, qui chantoit deuant luy. Si s'en allerent iceulx ensemble, & passerent par le camp du Pape, dont estoit chef le Marquis de Mantouë, lequel aduertirent de leur affaire. Et voyât qu'ils n'auoient sauf-conduit, leur dit que sur leur chemin n'auoit nulle seureté, pour ce que ce iour auoit enuoyé deuant Boulongne cent de ses Albanois, qui ne scauoient riens du traicté de la paix. Mais pour ce ne s'arrestèrent, pensant qu'ils passeroient au moyen du dict Chambrier, qui scauoit parler Italien, & qu'ils diroient aux Boulonnois, que pour le bien & profit de la ville, estoient enuoyez du Pape au Lieutenant du Roy. Or adueint que à l'approcher de la dicte ville, comme à deux mille

D iij

M.D.VI. pres , ou enuiron , rencontrèrent les Albanois du *Boulongne*. Marquis de Mantouë venās de leur course , lesquels auoient trouué vn Capitaine de Boulongne avec trente cheuaux legers , sortis pour descourir , desquels ne f'estoit sauué que le dict Capitaine , que tous ne feussent tuez , ou pris. Dont celuy Capitaine tout effrayé , s'en estoit retourné à bride abatuë , iusques à Boulongne. Oū là fait à sçauoir aux Boulonnois , comment les gens d'armes du Pape leur auoient couru sus , & leurs gens deffaits , dont les vns estoient morts , & les autres prisonniers , tellement que de tous n'en estoit eschappé que luy tout seul , qui à force de courir auoit gaigné la ville. Oyans les Boulonnois ces nouuelles , grand nombre d'iceulx s'armèrent , & monterent à cheual , puis se meirent aux champs à la suite des dicts Albanois , qui ja estoient pres de leur camp , dont ne les rencontrèrent : mais trouuerent le Chambrier du Pape , & son compaignon , courans la poste. Et pource que le dict Chambrier estoit mieux monté que le Prestre du Cardinal de Narbonne , estoit deuant plus de deux iectz d'arc. Or adueint que celuy Chambrier feut pris par les Boulonnois , lesquels le voulurent tuër , mais il leur dit comment le Pape l'enuoioit deuers le grand Maistre de France , Lieutenant du Roy , pour le profict de la ville , & traicter de la paix. Et aussi que s'il estoit question de guerre entre le Pape , & eulx , qu'ils ne le feissent mourir. Car il auoit de quoy payer cent escus pour sa rançon. Tant ioüa de doux parler , que autre mal ne luy feirent , mais le prindrent

& garderent tres-bien. Son compaignon qui tout M.D.VI. de loing voyoit les Boulonnois iouer de force, ne *Boulongne.* sceut que faire, si n'est tourner le dos. Et se voulut mettre à fuyr: mais feut aduisé par aucuns d'iceulx Boulonnois, dont l'un d'iceulx bien monté se meit seul à la course apres luy. Et tant que bien tost l'eut attainct, en luy voulant courir sus. Le Prebstre voyât son cheual las, & qu'il ne se pouuoit sauuer à fuyr, & aussi qu'il n'auoit à besongner que à vn homme seul, meit la main à l'espée, & se defendit en maniere, que la iaueine de son ennemy faist, & la luy osta du poing. Et de faict l'eust tué & deffaict, n'eust esté que sept ou huit des autres, qui veirent la defense de celuy Prebstre, hastiuement coururent là. Et sans le vouloir ouyr parler ne escouter sa raison, donnerent sur luy à tous costez, & tant que en se defendant, l'abbatirent, & le tuèrent sur le champ. Le Chambrier du Pape feut mené à Boulongne, & présenté à Messire Iean de Bentiuole, auquel dit celuy Chambrier la charge qu'il auoit du Pape, parquoy feut incontinent deliuré, & à luy baillé seureté, pour aller faire son messaige.

D V R A N T ces iours, la pluye estoit en celieu continuelle, nuit & iour, & dura tant longuemēt, que les fanges estoient si grandes par les chemins, que gens & cheuaux y estoiet iusques aux genouils. Tellement que l'artillerie ne se pouuoit charrier, & la falloit tirer à force de gens & cheuaux, qui à toute la peine du monde la menoient de lieu en lieu. Ce nonobstant Messire Charles d'Amboise, Lieute-

M.D.VI. nant du Roy, meit tel ordre à tout ce, que pour l'em-
Boulongne. peschement de celuy temps ne demeura riens en ar-
 riere, mais partit de Castelfranc avec son armée, &
 artillerie, & tira vers Boulongne, de tant qu'il feut à
 vn pont, deux mille pres du dict lieu de Boulongne.
 Là le trouua le Messaiger du Pape, & luy presenta ses
 lettres; desquelles feut bien ioyeux, mesmement
 pource qu'il consentoit que Messire Iean de Bentiuole
 feut mis entre les mains du Roy, & ses biens
 estre saufs. Lors que le dict Messire Iean de Bentiuole
 sceut le vouloir du Pape, & l'armée de Frâce estre
 si pres de Boulongne, partit du dict lieu, & à l'aube
 du iour se rendit au dict pont. Et là s'en alla mettre
 entre les mains du dict Lieutenant du Roy, comme
 auoit promis de faire, & avec luy vn de ses fils nom-
 mé Messire Alexandre de Bentiuole, lesquels receut
 doucement, & iceulx bailla en garde à vn Lom-
 bard, nommé Messire Antoine Marie de Paluezin;
 auquel donna charge de les mener à Milan, & les
 faire garder tant que seroit le plaisir du Roy. Et au
 partir, le dict Messire Iean de Bentiuole, bailla les
 clefs de Boulongne à Messire Charles d'Amboise,
 En luy recommandant sa pauvre femme desolée, &
 ses biens, la face toute couuerte de larmes, & le cœur
 ferré de douleur, en faisant les plus piteux regrets, &
 douloureux plaincts, qu'onques feit pauvre Che-
 ualier, disant, Helas! fortune ennemie de gloire, &
 marastre de prosperité, que t'ay-ie meffaiât, quand
 en mes iours florissâts, & au temps de ma doulce iu-
 uente, m'as laissé quelque temps feliciter à plaisir, &
 aux

aux ennuyeux ans de ma chainuë vieillesse , me M.D.VI.
meçts en exil perpetuel ? Ores me faiçts tu à clair *Boulongne.*
connoistre, que le plus malheureux genre de tes ad-
uersitez, est auoir esté longuement prospere, & puis
decheoir sans ressource. Plusieurs autres lamenta-
tions desolables feit le pauvre Cheualier, & tant, que
le Lieutenant du Roy mesmes, feut meü de telle pi-
tié, que des yeux luy sortirent les larmes, mais pour
rentrer, enuoya le dict de Bentiuole à Milan. La fem-
me, & vn des enfans du dict Bentiuole, apres ce s'en
allerent avec huiçt cents cheuaux hors Boulon-
gne, & tirerent vers la Duché de Ferrare, où porte-
rent la plus grand partie de leurs bagues, & choses
portatiues.

LE LIEUTENANT du Roy ayant les clefs de la
ville de Boulongne, pensant sans nulle resistance en-
trer dedans, transmeit là vn nommé Messire Galeas
Viscomte, avec ses fourriers, pour faire les logis.
Lesquels fourriers cuidans marquer les dicts logis,
feurent assaillis de la commune de Boulongne, qui
feit vn cry sur eulx, & vn tel hutin, que ce fut iusques
à charger. En maniere, que iceulx fourriers, feurent
les vns blesez, & aucuns tuez, & menez tellement,
que à grand peine se peut sauuer le dict Messire Ga-
leas Viscomte avec partie de ses fourriers, lesquels
s'en allerent d'effroy au deuant du Lieutenant du
Roy, qui avec son armée approchoit la ville. Et sçai-
chât la rebellion susdicte, comme ennemy d'icelle,
feit là droict marcher l'armée, & mettre le siege de-
uant, & à toutes mains faire petter artillerie, & abba-

E

M.D.VI. tre tours & murailles , en l'assaillant si vifvement, *Boulongne.* qu'il n'y eust dedans si hardy , qui n'eust frayeur de ce bruiët. Et ce voyans aucuns de ceulx de la ville, qui ja sçauoient l'appoinctement du Pape , & de Bentiuole, enuoyerent en poste deuers le dict Saint Pere, & deuers aucuns des citadins de la ville, qui ja festoient allez rendre au Pape , pour iceulx aduertir du siege, & de la continuelle batterie que faisoit le Lieutenant du Roy deuant Boulongne, & que si tost n'y estoit pourueu, la dicte cité estoit en danger d'estre prise d'assault, & pillée par les François, qui tous efforts mettoient en auant pour y entrer.

OYANT LE PAPE ces nouuelles, feut tant esmerueillé que plus ne pouuoit, & esbahy de cest affaire, veu les lettres que peu deuant luy auoit enuoyées le dict Lieutenant du Roy, disant que apres que Messire Iean de Bentiuole seroit entre ses mains, il s'en iroit loger dedans Boulongne. Or sçauoit le Pape ja que le dict Bentiuole auoit rendus les clefs de la ville, & que à Milan l'auoit enuoyé le Lieutenant du Roy. Sur quoy ne sçauoit que penser, si n'est que quelque nouuelle rebellion eussent faict les Boulonnois, ou que les François voulussent piller la dicte ville, qui estoit moult riche, & pleine de tous biens. Parquoy pensa que si la dicte ville estoit ainsi prise & pillée, qu'il feroit double perte, & que son entreprise luy seroit plus dommaigeuse, que profitable. Car il auroit perdu les frais & mises qu'il auroit faictes pour soustenir son armée, où ja auoit grand thresor despendu, & aussi que la cité qui estoit

sienne seroit destruicte & desolée , ce qui dedans M.D.VI. estoit, pris & pillé, le peuple mis à sac, & les biens d'i- *Boulongne.* celle ravis & emportez, ce qui seroit totalement à son desaduantaige. Dont pour à ce vouloir mettre prouision , transmeit hastiuement le Cardinal de Narbone, deuers Messire Charles d'Amboise, Lieutenant du Roy, luy prier & dire qu'il cessast de battre la ville, & qu'il feist tenir coys ses gens. Si s'en alla le dict Cardinal, & luy estant par chemin, couroient incessamment postes de Boulongne, pour hastier les messaigers du Pape, disans que les François auoient ja tant batu la ville d'artillerie, & faiët telle ouuerture, qu'on n'attendoit que l'assault, & que sans faillir elle seroit emportée & prise, qui ne metteroit sur ce hastif remede, & sommaire prouision. Le Cardinal de Narbonne, qui du Pape auoit charge de hastiuement aller faire cesser l'armée de France, voyant que assez tost ne pouuoit courir, & aussi que plus de quinze mille de chemin auoit encores à faire, transmeit là vn de ses gës nommé Iean Roussart, accôpaigné d'vne des postes de Boulongne, pour aduertir le Lieutenant de Roy du vouloir du Pape, & de la venue du dict Cardinal, & pour faire cesser le siege, iusques à ce que le dict Cardinal eust parlé à luy. Or se meirët les coureurs en voye, & tant que les cheuaux peurent aller, tirer & vie, en maniere que apres qu'ils eurent cheuauché huit mille de pays, le cheual du dict Roussart feut deferré, & tant las qu'il demeura tout court. Parquoy la poste de Boulongne qui sans celuy François ne pouuoit faire bon messaige pour

M.D.VI. les Boulonnois, se meit à pied, & luy bailla sa mon-
Boulongne. ture, en luy monstrant son adresse, & luy priant bien
fort, qu'il se hastast. Car long chemin auoit à faire.
Ce qu'il feist, & tant que sur les deux heures de nuict
arriua le dict Roussart deuant la ville de Boulongne
du costé d'Imole, où la trouua gros guet, & les gar-
des de la dicte ville en armes, lesquels salua, & leur
dit comment de par le Pape venoit là, pour les affai-
res de Boulongne, & iceulx aduertir de la venuë du
dict Cardinal son maistre, que le Pape enuoyoit là
à tout grand haste. Et que pour plus aduancer l'af-
faire, le dict Cardinal l'auoit transmis deuant à dili-
gence extrefme. Parquoy pria les dictes gardes, que
pour plustost estre au siege des François, & pour le
profit de la ville, le laissassent passer par là dedans,
qui estoit pour le plus court. Ce que ne voulurent,
pource qu'il estoit François. Et aussi que seurement
n'eust sceu passer, veu que guerre mortelle se faisoit
lors entre eulx, & les François, & que l'un n'espar-
gnoit l'autre. Mais iceluy adresserent hors la ville par
vn chemin touchant le long des fossez, & l'aduerti-
rent de crier en passant l'Eglise, qui estoit le cry com-
mun de la ville, ou autrement ceulx du guet luy pour-
roient tirer quelque coup d'artillerie, ou de traict. Si
se meit à passer le long du dict chemin tout coye-
ment, en criant l'Eglise, & ne luy demanderent riens
les ennemis, iusques il approchast le camp des Fran-
çois. Et lors que au raiz de la Lune, qui estoit claire,
le veirent adresser vers le camp, luy tirerent à la pas-
sée plusieurs coups de hacquebutes, & de traict. Et

tant, qu'il feut contrainct pour se sauuer, de mettre M.D.VI. pied à terre, & abandonner son cheual, pour gagner les hayes & iardins, qui là deffoubs estoient. Et ainsi comme il peut, se rendit au siege, où trouua sur les pieds le Lieutenant du Roy, armé de toutes pieces, faisant tirer artillerie au raiz de la Lune contre la ville, & abbatre murailles sans cesser, delibérant le lendemain dōner l'assault. Par le dict messaiger feut aduertie de la venue du Cardinal de Narbonne, que le Pape luy enuoyoit, pour faire cesser le bruiet. Et tantost qu'il sceut les nouuelles de ce, feut arrester l'artillerie, & accoiser le siege. Mais pour tant feut faire ses approches, & tranchées, & meit guets de toutes parts. Iusques à l'heure de la minuiet, des deux costez feirent silence, sans tirer, ne faire bruiet. Mais apres ce Boulonnois commencerent le hutin, & à tirer coups d'artillerie sur le camp des François, lesquels aussi ne leur faillirent, mais tirerent de plus belle, & plus que oncques mais. Car ils auoient ja approché leurs pieces pres des fossez de la ville. Et ainsi tirerent l'un contre l'autre iusques à vne heure apres minuiet, que le Cardinal de Narbonne surueint au camp, & là aduertit le Lieutenant du Roy comment le Pape ne vouloit que la dicte ville feut prinse par force, en priant le dict Lieutenant, qu'il cessast de faire plus tirer contre la dicte ville. Parquoy la baterie feut cessée, & le siege arresté, combien qu'il ennuyast moult au dict Lieutenant, & aux François, qui là estoient. Veu la defense que iceulx Boulonnois apres l'appoinctement faisoient.

E iij

M.D.VI. Mais pour obeir au Pape , tout feut arresté.

Boulongne. TANTOST APRES veindrent Ambassades de la ville deuers le dict Lieutenant du Roy , disans qu'ils auoient charge des citadins & peuple de la dicte ville , de dire au Lieutenant du Roy , que icelle dicte ville , & les habitans avec tous leurs biens , estoient au Pape , & de l'Eglise. Et veu que le dict Lieutenant qui là se disoit pour le Pape , vouloit icelle prendre & destruire , s'esbahissoient , en le priant pour l'honneur de leur souuerain Seigneur le Pape , qu'ils se voulsissent desister de plus leur courir sus , & que de leur part feroient leur debuoir , & viendroient à la raison. Sur quoy fait le dict Lieutenant responce , en disant , vous sçaiuez assez comment par le consentement du Pape , Messire Iean de Bentiuole , lors vostre chef & gouuerneur , s'est rendu au Roy , luy , sa famille , & ses biens saufs. Et comment apres qu'il m'eut baillé & rendu les clefs de Boulongne , mes fourriers , en voulant marquer dedans les logis , ont esté par vous , & vostre commune les vns occis , les autres blesez & chassez. Et aussi comment nonobstant tout aultre appoinctement entre le Pape , & aucuns de vos citadins fait , vostre cité s'est rebellée , & fait tout l'effort de guerre , qu'elle ha peu faire cōtre l'armée du Roy qui cy est. Qui est mal monstré à vous , que soyez ou veuilliez estre subiects au Pape , pour lequel la dicte armée est icy venue. Dont à ceste cause de ma partie suis deliberé de vous faire reparer tous ces meffaits , & d'entrer dedans Boulongne , veuilliez , ou non. Sur ce ne repliquerent les

dicts Ambassadeurs aultre chose, doubtons auoir M.D.VI. pis. Mais apres plusieurs autres raisons conclurent, *Boulongne.* que le dict Lieutenant, & ses gens de cheual entrentoient dedans, & les pietons demeureroient hors, ausquels seroit de la ville transmis force viures. Toutesfois ne feut du tout la conclusion arrestée, par ce que encores n'auoient le consentement de tout le peuple de la ville, mais feut dict que le lendemain à quatorze heures, qui sont huit heures en France, viendroient rendre responce sur cest affaire. Ainsi retournerent les dicts Ambassadeurs pour rapporter ce que auoient fait, & conclud, & besongner au surplus. Pendant lequel temps, Messire Charles d'Amboise, Lieutenant du Roy, & le Cardinal de Narbonne, parlerent de leur affaire, & apres delibererent entre eulx aller disner au pont, deux mille pres de là. Les Ambassadeurs de Boulongne retournez en la ville, apres leur rapport fait, meurent la ville de tenir conseil, où les Seigneurs, & la plus grand partie de la commune, feurent assemblez, & là feurent debatuës plusieurs choses. Toutesfois à la parfin par commun assentement feut dict, que le Lieutenant du Roy, avec les gens de cheual, comme auoit esté appoincté par les dicts Ambassadeurs, entreroit en la dicte ville. Dont s'en retournerent iceulx Ambassadeurs, deuers le dict Lieutenant du Roy, & luy dirent que lors qu'il luy plairoit, luy, & ses gens de cheual pouuoient entrer en la dicte ville, & que aux pietons seroient transmis viures & prouisions à suffisance. A quoy fait responce le dict Lieutenant du

M.D.VI. Roy, que à l'heure qu'il se trouueroit deliberé, il y
Boulongne. entreroit. Et sur ce luy, & le dict Cardinal, se meirent
à chemin, pour aller disner au pont, comme deuant
auoient entrepris.

LES DICTS Ambassadeurs se meirent au retour,
& tantost qu'ils feurent en la ville, vne partie de la
commune, qui n'auoit esté appellée au conseil sus-
dict, sçachant celuy appoinctement, dirent qu'il
estoit à leur preiudice, & que c'estoit chose qui tou-
choit à tous, pource de tous debuoit estre approu-
uée. Autre chose alleguerent, ou peu de propos rai-
sonnable auoit. Et ainsi ceste meschante commune,
prompte à mettre aux champs, & aisée à effrener, feit
vn insulte, & avec grand tumulte meirent la main
aux armes, monterent sur les murailles de la ville, &
recommencerent à tirer coups de traict, & artillerie
contre les François, & les François à eulx. Somme,
chascun recommencea la guerre de nouveau. Et
tant, que iceulx Boulonnois feirent vne saillie de
quatre à cinq mille hommes sur les François, qui se
teindrent pied coy, saisis de leurs armes. Si grand
feut le bruiet, que le Lieutenant du Roy, estant au
chemin pour cuider aller disner au pont, comme ce-
luy qui de ce ne se doubtoit, veu l'appoinctemēt de-
uant faict, oyant c'est effroy, tout à course de cheual
s'en retourna iusques au camp, où là trouua ses gens
d'armes tous en ordre, prests de charger sur leurs en-
nemis. Et sans autre chose dire, luy qui estoit legere-
ment armé, & monté sur vn courtault, meit pied à
terre, & preint vne picque au poing, puis se meit
avec

avec deux mille cinq cents Allemans, qui estoient M.D.VI. là pour le Roy, & adressa à ceulx qui estoient sortis, *Boulongne.* en maniere qu'il les repoussa iusques dedans la ville, tant que sur la foule à l'entrée des portes, feurent d'iceulx Boulonnois chapplez & assommez plus de deux cents. Et n'eust esté que ceulx qui sur les murailles estoient, à coups de traict & d'artillerie donnerent sur les Allemans, & recueillirent leurs gens, peu en feust reschappé.

A P R E S LA retraicte d'iceulx Boulonnois, voyant le Lieutenant du Roy, la desloyaulté d'iceulx villains tant continuër, feut deliberé de leur donner l'assault, & faire tout mettre à sac. Mais aussi sçachant que le Pape se mal-contenteroit, veu ce qu'il luy auoit mandé, différa, & voulut sur ce tenir conseil, où appella les Capitaines de l'armée, qui là estoient, & autres, comme le Cardinal de Narbonne, & l'Archeuesque d'Aix, & plusieurs autres, lesquels conclurent que le Pape seroit des dictes choses aduerty, & de la desloyaulté d'iceulx Boulonnois, & comment au moyen des faulx tours & appointemens, par eulx enfraincts, le Lieutenant du Roy auoit iuste cause & bõne querelle contre eulx, parquoy estoit deliberé de leur faire mortelle guerre. Toutes ces choses feurent mises par lettres, pour icelles demonstrier au Pape. Le dict Cardinal de Narbonne, s'en retourna par deuers luy, & luy bailla les dictes lettres que luy enuoyoit le dict Lieutenant du Roy, desquelles choses feut tres-mal content, & tres-animé contre les Boulonnois, disant qu'il les

F

M.D.VI. destruira, si l fault qu'en armes aille sur le lieu, & que *Boulongne.* à bon droit auoient deseruy cruelle punition.

A VC VNS DES principaux de Boulongne, lesquels festoient ja rendus au Pape, meirent si bonne diligence à rappaiser le default, que la chose feut adoulcie, moyennant ce que ceulx de Boulongne luy manderent que quand luy plairoit de entrer dedans la ville, que toutes les portes luy seroient ouuertes, & au Lieutenant du Roy pareillement. Ce qui pacifia tout.

LE P A P E sçaichant Boulongne auoir dict le mot, manda à Messire Charles d'Amboise, Lieutenant du Roy, que dedans trois iours apres, ce qui estoit le huiëtiesme du mois de Nouembre, il iroit faire son entrée à Boulongne, en le priant que auect tous ses gens d'armes de cheual luy voulsist tenir compaignée. Ce qu'il feist, car lors qu'il sceut que le Pape marchoit, & qu'il approchoit Boulongne, auect toute son armée feut au deuant. Et là luy feist le Pape ioyeux recueil, & tres-bonne chere, en remerciant le Roy de son bon secours, & luy de la peine, que pour luy auoit prise, soy offrant à luy faire tout le plaisir, de quoy leouldroit requerir.

CHAPITRE VI.

*Comment le Pape entra dedans Boulongne
avec son armée, Et l'armée du Roy.*



INSI S'EN ALLA le Pere Sainct à Boulongne avec ses gens de cheual, & le dict Lieutenant du Roy, aussi avec tous les gens d'armes. Et ainsi accompagné entra dedans la dicte ville de Boulongne, à grand triomphe. Apres qu'il feut ainsi entré, & qu'il se veid maistre de la ville, il feut commander à peine de la hart, que tout le harnois de la ville feust apporté, & mis dedans vne maison ordonnée à ce faire. Ce qui feut faict, & puis commis gens de par le Pape, pour la dicte maison garder, & disposer des armes, comme plairoit à sa Saincteté. Là dedans feut festoyé & entretenu le Pape, par les citadins, & Seigneurs de la ville, honnorablement. Et ainsi plusieurs iours durant, il festoya & traicta le dict Lieutenant de Roy. Tellement que tousiours le feut seoir à sa table, & seruir tout à souhaiet. En luy faisant tant familiere chere, que à toute heure parloit à luy. Et lors qu'il s'en voulut aller, luy feut grâds dons, & presens, & contenta à la raison, & feut en maniere, que luy & les Capitaines de l'armée du Roy, tout amplement se contenterent de sa benediction.

M.D.VI. CE FAICT, le dict Lieutenant du Roy, & les Gennes. Capitaines de l'armée, prindrent congé du saint Pere, puis s'en retournerent en la Duché de Milan, chascun à sa garnison.

CHAPITRE VII.

Comment en la ville de Gennes en celuy temps, le peuple & les nobles d'icelle eurent diuision ensemble, Et comment ceux du peuple chasserent les nobles, & s'armerent contre le Roy.



LA S V P E R B E Cité de Gennes, qui lors estoit entre les mains du Roy, & sous son pouuoir gouvernée par Messire Philippes de Cleues, Seigneur de Rauestain, ayant paix à tous ses voisins, & vie prospere en son estat, tout ainsi que grand aise foule le trop sejourner, non pouuant endurer le bien de felicité, à foy mesmes comme forcennée, se voulut prendre, & mutiner, par guerres ciuiles, & plus que ciuiles. Car citoien contre citoien, & parent contre parent, feurent commeus en maniere, que les nobles & le peuple de la dicte ville, eurent diuision mortelle entre eulx. Et ce, pource que les nobles voulurent suppediter le peuple, & le peuple se faire esgal aux nobles, & iceulx mespriser.

OR EST à sçauoir que la dicte ville de Gennes,

entre les autres villes du monde est excellente esti- M.D.VI.
mée, tant en estat de noblesse, que en faict de mar- Gennes.
chandise, en laquelle sont grâdes & anciennes Mai-
sons, desquelles sont les principales, comme ie l'ay
sceu estant sur le lieu, lesquelles pour verifier mon
Histoire, i'ay voulu nommer, & partie des noms des
Seigneurs des dictes Maisons; qui en ce temps
estoint. Et premierement la Maison noble de Flis-
co, qui lors estoit la plus renommée de Gennes, de
laquelle estoient Messire Jean Louys de Flisco, Sei-
gneur d'icelle, Paul de Flisco, Paris de Flisco, Francus
de Flisco, & Manuel de Flisco. Puis estoit la noble
Maison de Aurya, dont estoient Ieronyme de Au-
rya, Stephanus de Aurya, Marcus de Aurya, Con-
stantin de Aurya, & Raphus de Aurya. Aussi estoit
l'autre noble Maison de Spinulla, de laquelle estoier
Lucas Spinulla, Baptiste Spinulla, Jean Spinulla, Ste-
phanus Spinulla, Obertus Spinulla, Carolus Spinul-
la, Christophorus Spinulla, & Jean Iacques Spinul-
la. La quarte Maison des nobles de Gennes, estoit
de Grimaldis, dont portoient le nom Messire Jean
de Grimaldis, Amfaldus de Grimaldis, Georges de
Grimaldis, & Jean de Grimaldis. Autres Maisons ri-
ches estoient du peuple de Gennes, qui se nomme
le peuple gras, c'est à sçauoir ceulx qui tenoient plus
d'auoir. Entre lesquelles estoit la Maison des Iusti-
niains, de laquelle estoient Siluestre Iustiniain, Ste-
phanus Iustiniain, Lucas Iustiniain, Bricius Iusti-
niain, Paul Baptiste Iustiniain, Symon Iustiniain,
Demetrius Iustiniain. De la Maison de Furnarijs,

M.D.VI. estoient Manfredus de Furnarijs, Pascal de Furna-
Gennes. rijs, & Raphael de Furnarijs. De Francis, aussi estoient
 Lazarus de Francis, Ioannes Baptista de Francis, &
 Bernardus de Francis. Plusieurs autres grosses Mai-
 sons des nobles, & du peuple gras, estoient dedans
 Gennes, comme la Maison de Sauli, des Lomellins,
 des Cathanées, de Nigrono, de Vfus Maris, des Cen-
 turions, & plusieurs autres; Sur toutes lesquelles
 estoient preeminentes & de renom les Maisons de
 Adourne, & de Campefurgose, Desquelles estoient
 Augustinus Adourne, le plus grand de tous les dictés
 Adournes, lequel auoit esté Gouverneur de Gen-
 nes sous le Duc Ludouic, lors qu'il tenoit la Du-
 ché de Milan, Jean Baptiste Adourne, Bernardus A-
 dourne, & Balthazar Adourne. De la Maison de
 Campefurgose, estoit seulement vn nommé Petrus
 de Campefurgose, duquel le pere auoit esté lors
 Duc de Gennes, & se tenoient iceulx hors la ville,
 dedans grosses places & forts Chasteaux qu'ils
 auoient. Et combien qu'ils feussent du peuple gras,
 si viuoient ils noblement, sans vser de marchandise
 que par leurs facteurs. Or estoient iceulx Adour-
 nes, & Furgoses, tant autorisez en la dicte ville de
 Gennes, que toutes les autres Maisons dessus nom-
 mées, tant des nobles, que du peuple, voire & toute
 la commune de la ville, tenoient les vns pour Furgo-
 se, & les autres pour Adourne. Tellement que par cy
 deuant s'estoient plusieurs fois mis en armes Gen-
 neuois contre Genneuois, & faict meurtres & occi-
 sions, avec grands tumultes & seditions populaires,

l'un contre l'autre. Et tenoient à Gennes leurs crys M.D.VI. Adourne, & Furgose, comme à Rome Coulonne, *Gennes.* & Ourfin, ou à Milan, Guelphe, & Iubellin. Sur quoy auoit le Roy mis telle police, & si bon ordre, que de son temps n'auoient eu iceulx crys concurrents lieu auctorisé, en maniere que nouuelles en feust, à peine de la hart.

POUR ENTRER en propos Historial sur le reuoltement de la ville de Gennes, est à reciter que iceulx Genneuois, ayans le temps à plaisir, & l'heur à souhaiet, ne peurent longuement souffrir l'aïse de la paix, ne soustenir la durescé de la guerre, comme fera dict par apres. Car au premier, le peuple gras tout enoingt de richesses, & boursoufflé d'orgueil, avec le populaire effrenné, qui ne demande que mutation de Seigneurie, & cas de nouuelleté, voyant les nobles vouloir seigneurier, & prendre auctorité sur eulx, dirent que telle iniure ne souffriroient. Les nobles de leur part disans que à eulx appartenoit honneur & preeminence sur marchans & mecaniques, se teindrent fermes. Et tant que là où ils trouuoient ceulx du peuple mal apparentez, les soufflettoient à toutes mains, & outrageoient à leur pouuoir. Ceulx du peuple pareillement leur faisoient de mesmes, & eussent plus : mais autres que les nobles n'auoient loy de porter espées ou armes par la ville. Parquoy iceulx nobles se trouuoient là plus de fois les plus forts. Dont s'eschaufferent de plus. Et feirent iceulx nobles forger espées, & dagues, où feirent engrauer, & mettre sur les manches & lumelles de leurs glai-

M.D.VI. ues en escript, Castigue-villain. Le peuple gras, & la Gennes, commune, se meirent à gronder contre les nobles, & à grosses bandes cheminerent par les ruës, & marcherent deuant eulx, en les mesprisant, & voulurent prendre les honneurs, & eulx auctoriser par tout, deuant les dicts nobles. Et ainsi chascun d'eux, faisoit commencement de mutin: Et pour continuer, vn Genneuois du peuple gras, nommé Manuel de Canalle, durant ce temps rencontra par la ville vn des Gentils-hommes de Gennes, nommé Martin Spinulla, auquel demanda quelque chose qu'il luy debuoit, comme il disoit, lequel Gentil-homme en lieu d'autre paiement haulsa la main, & donna à celui de Canalle telle soufflé sur la iouë, que le sang luy en veint au nez, & à la bouche, puis passa oultre sans dire mot. Celuy qui auoit eu la buffe, estoit mal accompagné, & sans baston, dont ne se peut reuencher. Si s'en va avec cela disant entre les dents, vous m'avez presté vostre mitaine Gentil-homme de bran, que de fiebure quartaine soyez vous espoufé, & moy, si à quelque heure ne la vous rends, toutes-fois pour l'heure n'en feut aultre chose. Dedans peu de iours apres ce, adueint que vn autre des Gentils-hommes de Gennes, fils d'un nommé Dominicque de Nigrono, feut à la maison d'un Notaire, nommé Bernard Ragius. Et là celuy Gentil-homme pria la femme dudit Ragius de deshonneur, laquelle ne voulut par amour à son desordonné vouloir obeïr. Dont se voulut celuy prendre à elle par force. Si se preint à cryer, & à defendre sa piece, tant qu'elle eschappa

eschappa de ses mains. Et lors que son mary feut venu de quelque lieu, où il estoit ce iour allé, elle luy dit en plorant comment le dict Gentil-homme estoit pris à elle, & l'auoit voulu forcer. Dont celuy Notaire s'en alla plaindre à Messire Philippes de Cleues, Gouverneur de Gennes pour le Roy, lequel s'enquit de l'affaire. Et sçachant la verité du faict, voulut faire prendre & punir le dict de Nigrono, mais il se osta du chemin, & se absenta de la ville, pour vn temps, & demeura hors iusques son pere, & aulcuns aultres ses amis, eussent adoulcy le forfait, & appaisé partie, ce qu'ils feirent. Ce faict, le dict Gentil-homme s'en reueint à la ville, lequel n'eut là esté guieres de iours, que il ne se trouuaist à vn autre bruiet, tel que il eut paroles iniurieuses avec vn du peuple, nommé Peregrin de Leonardis. Et tellemēt que de paroles à patacs veint la chose en maniere, que le dict Gentil-homme, qui auoit vn poignart au costé, occist le dict Peregrin. Dont s'en alla, & avec le secours d'aulcuns autres Gentils-hommes ses amis, feut mis hors la ville. Ce faict, voyant le peuple que à toute heure estoiet les nobles de Gennes en querelle contre eulx, s'assemblerent à grosses troupes le long des ruës, & là où ils rencontroient les Gentils-hommes, ils leur couroient sus. Et de là en auant feurent deliberez que la premiere fois que iceulx Gentils-hommes feroient bruiet, que tout le peuple s'ellcueroit, & avec grād tumulte occiroient tous les Gentils-hommes de Gennes. Messire Philippes de Cleues, Comte de Rauestain, & Gouver-

G

M.D.VI. neur de Gennes pour le Roy, voyant le different & *Gennes.* la diuision des nobles, & du peuple, adressa sur ce sa parole à l'un & à l'autre. En leur disant, Messieurs, la diuision ciuile d'entre vous, vient d'une chose qui de petite occasion vous pourra porter dommaige irreparable, & perte sans recoeure. Entendez que toutes les plus grandes & plus renommées Citez du monde, sont tombées en ruine, & demeurées en desertion, par les seules diuisions, & guerres intestines & ciuiles de leurs mesmes citoyens. Et sçachez que par le lien de concorde petites choses se augmentent grandement: mais par l'effort de discorde, les grandes Seigneuries sont aneanties. Et vous souuienne que tous Royaumes, ou pays diuisez, chéent sans ressource, & viennent à ruineuse desolation. Ne faictes doncques que par vous mesmes vous & vostre Cité soyez destruits, & exilez: Car c'est la fin du payement du salaire de diuision. Plusieurs autres remonstrances & aduertissemens de profit leur feit le dict Seigneur de Rauestain, mais pour ce ne se rappaiserent. Dont voyant leur obstinatio, s'en alla deuers le Roy, pour l'aduertir des dictes choses. Et cependant iceulx tant suiuirent leur malheur, que le quinzième iour de Iuin, en l'an susdict mille cinq cents & six, adueint que vn des Gentils-hommes de Gennes, nommé Viscomte de Aurya, se trouua en la place de Aurya, où se vendoit la fruicte, & les herbes, de quoy se repaissent souuent les Genneuois. Et là feut vn autre Genneuois nommé Guillon, de ceulx du peuple, lequel marchanda à quelqu'un qui

là estoit des potirons, que les aucuns appellēt cham- M.D.VI.
pignons, & iceulx voulut emporter; Ce que vouloit Gennes.
auoir aussi le dict Gentil-homme, & meit la main au
pannier, où estoient les dicts potirons. Celuy Guil-
lon, qui encores ne les auoit payez, les voulut em-
porter, disant que premier les auoit marchandez, &
qu'il les auroit. Et voyant ce le dict Gentil-homme,
haulse la main, & donne vn grand coup de poing au
trauers du visaige du dict Guillon, en disant empor-
te cela villain, & i'emporterai les potirons. Et de
faict, tira vne dague qu'il auoit, & voulut frapper le
dict Guillon, qui tantost quitta le gaige, & comme
oultragé d'auoir esté batu, tout plein d'ire & de
courroux, commence à cryer pople, pople, sur les
Gentils-hommes. Dont tout à coup se meut le peu-
ple, & mesmement comme i'ay sceu au dict lieu de
Gennes, feurent trois du peuple nommez Paule Ba-
ptiste Iustiniain, Bricius Iustiniain, & Manuel de Ca-
nalle, qui premier feirent le bruit, & mutinerent le
peuple contre les nobles, tant que au cry du dict
Guillō, chascun courut aux armes. Si que en moings
d'vne heure plus de dix mille villains feurent armez
par les ruës, cryans tous pople, pople, à haulte voix,
adressant aux maisons des Gentils-hommes, dont
plusieurs en tuerent. Les autres voyans ainsi contre
eux le peuple esmeu, abandonnerēt leurs maisons,
& s'enfuirent hors la ville. Or estoit demeuré celuy
Viscomte de Aurya en la dicte place, où se trouue-
rent aucuns marchands, & luy dirent, Ostez vous
d'icy de Aurya, ne voyez vous le peuple en armes

M.D.VI. contre vous autres Gentils-hommes, sçachez que *Gennes*. fil vous trouue icy, que vostre vie est hazardée au plus perilleux danger qu'elle feut oncques, & pour ce aduisez à vostre affaire, car le plus tost ne sera pas assez. Desquelles paroles ne fait compte le dict de *Aurya*, mais dit qu'il ne craignoit les villains, ne toute leur puissance, & les attendit en l'heure que son malheur ne luy fuyt. Car iceulx villains sans nul respit le taillerent en pieces, & tous ceulx qu'ils en peurent rencontrer.

LE SEIGNEUR Iean Louys de Flisco, oyant ce bruit se fortifia en sa maison, où meit grand nombre de gens armez, pour le garder. Mais nul de ses gens osoit aller par la ville querir viures, & ce qu'il luy estoit necessaire, parquoy luy fallut à la parfin desloger, & laisser sa maison. Et le plus secretement qu'il peut, issit de la ville. Si s'en alla à vn Chasteau sien nommé *Montaubyou*, à douze mille de *Gennes*, où demeura quelque peu de temps, en attendant si le peuple cependant se pacifieroit. Ce que ne fit, car lors que les dicts Gentils-hommes eurent abandonné la ville, ceulx du peuple entrèrent dedans les maisons d'iceulx, & comme si de bonne guerre tout leur feut abandonné, meirent la main au pillage, & emporterent tout ce que dedans trouuerent, & d'aucunes d'icelles s'emparerent. Dont le dict Seigneur Iean Louys de ce aduertý, ne s'en osa retourner: mais s'en alla à vne petite ville nommée *Gauy*, terre des nobles de *Gennes*, où illec s'assemblerent tous les chassez, & teindrent conseil sur leur

affaire. Dont la conclusion feut d'enuoyer deuers *M.D.VI.*
le Roy, pour l'aduertir de l'insurrection du peuple, *Gennes.*
qui auoit ainſi tué & chaffé les nobles de ſa ville de
Gennes, & luy prier qu'il luy pleuſt y mettre bonne
paix, & doulce vnion, ou autrement ſa dicte ville
pleine de peuple effrené, ſe pourroit par elle meſmes
deſtruire, ou faire quelque rebellion contre ſa Ma-
geſté. A quoy eſtoit beſoing de mettre ordre ſom-
mairement. Et pour les dictes choſes rapporter, en-
uoyerent iceulx Gentils-hommes vn des nobles de
leur party Docteur, nommé Meſſire Eſtiéne. Ceulx
du peuple ſçaichans que les dicts Gentils-hommes
enuoyoient deuers le Roy, pour faire plaincte
d'eulx, pareillement y enuoyerent de leur part vn
autre Docteur, nommé Meſſire Nicolas, pour luy
dire & remonſtrer les griefues iniures, & continuel-
les extortions, que les nobles par cy deuant leur
auoient faiet, diſans, que de leur part ils ſ'en vouloiét
du tout ſoubmettre à ſon bon vouloir, & arreſtée
Ordonnance. Les dicts meſſaigers ouys par le Roy,
& miſe la choſe en conſeil, feut appoincté par le dict
Seigneur, que Meſſire Philippes de Cleues, Comte
de Raueſtain, retourneroit au dict lieu de Gennes.
Et pour aſſiſter avec luy, deux Docteurs luy feurent
baillez, nommez Meſſire Eſtienne Oliuier de Vien-
ne, Seigneur en Parlement de Grenoble, & Meſſire
Falque d'Aurillac, pour ouyr & ordonner du diffe-
rent d'iceulx Genneuois. Et ſur ce feurent par le Roy
iceulx depeſchez, leſquels ſ'en retournerent à Gen-
nes. Et en tirant celle part, le dict Comte de Raue-

M.D.VI. Itain, preint pour sa seureté mille hommes, pour le Gennes, conduire au dict lieu. Et aussi afin que la dicte chose feust tousiours mieux esclaircie & consultée, enuoya à Sienne querir vn Docteur, qui là estoit Conseiller de Iustice, nommé le dict Docteur, Messire Estienne de Cernerieu, lequel se trouua au dict lieu de Gennes avec les autres. Et là tous ensemble commencerent à faire inquisition de ce qui leur estoit enchargé, & consulter leur affaire.

MESSIRE JEAN LOUYS, qui estoit à Gauy, sçachant la venuë du Comte de Rauestain, & de ceulx que le Roy auoit là transmis, pësant que seurement pourroit aller à Gennes, se mit à chemin pour tirer celle part, & à toutes aduentures preint cinq cents hōmes de pied, pour le conduire, & mener plus seurement. Si s'en entra avec son infanterie dedans la ville, & s'en alla à sa maison. Le peuple de la dicte ville, qui ne l'auoit pas agreable, voyant que à grosse bande estoit entré, & aussi que le Seigneur de Rauestain auoit là amené grand nombre de gens, se doubtant que quelque force luy pourroit estre faicte, à ce moyen ne voulut entendre au conseil, mais comme suspicionneux d'iceulx gens d'armes, commencerent à crier pople, pople, & s'armerent à grosse rouverte, & feirent vn concurse tumultuaire contre le dict Seigneur Jean Louys, en le voulant assieger en sa maison. Et voyant ce bruit le Comte de Rauestain, feut deuers le peuple esmeu, pour le cuider adoucir, en disant Messieurs, voulez vous faire contre ce que vous auez mandé au Roy, vostre souue-

rain Seigneur, qui en voulant obtemperer à vostre M.D.VI.
 priere & remonstrence, ha cy faiçt assembler tout Gennes.
 plein de saiges hommes, & gens de conseil, pour
 vous faire droict & iustice contre ceulx qui tort
 vous auront faiçt, & remettre vostre Cité en paissi-
 ble estat, & tenir en frâche liberté? Ne luy auez vous
 mandé que à son vouloir estiez prests d'obeir, & fai-
 re ce qu'il luy plaira aduiser sur le different de vous,
 & des nobles de ceste Cité? Quel rapport luy pour-
 ray-ie faire de vous, & de vostre obeïssance, que ie
 voy contrarier du tout à raison? Veu que en lieu
 de traicter de la paix, vous mettez la main aux ar-
 mes. Ie vous prie Messieurs, que pour le bié de vous,
 & de vostre dicte Cité, que toutes vos diuisions
 soient de ores en auant assouppies & aneanties, &
 que par l'aduis du conseil du Roy, & du vostre, qui
 cy est, toute la rumeur & dissention d'entre vous,
 soient amendées. Autres remonstrances raisonna-
 bles leur meit deuant les yeulx, mais tout feut pour
 neant. Car la dicte commune toute pleine du pre-
 mier motif, toute à vne voix fait responce, que ja ne
 laisseroient ceulx du peuple leurs armes, ne n'enten-
 droient à propos de conseil, que premierement le
 dict Messire Iean Louys avec ses pietons, ne feust
 hors la ville, & que iamais Gentils-hommes n'au-
 roient pouuoir sur eulx. Sur quoy ne sceut le dict
 Seigneur de Rauestain, de quel moyen sçauoir vser,
 si n'est qu'il s'en alla deuers le dict Seigneur Iean
 Louys, & luy dit qu'il estoit besoing que hors la vil-
 le s'en allast, autrement le peuple ne laisseroit les ar-

M.D.VI. mes, & n'obeïroit à raison; Ce qui pourroit estre
Gennes. cause de conuertir diuision ciuile en rebellion publique. Disant, par ce que celuy peuple ja presques reuolté, pourroit penser que à l'aide des gens d'armes, que vous & moy auons cy amenez, on leur vouldroit faire quelque force, & que le Roy donneroit contre eulx faueur aux nobles, à ce moyen se pourroit toute la ville rebeller. Ce qui seroit tant difficile à ramender, que pour le moins ennuy ou dommaige s'en ensuiuroit pour le Roy, & pour la Cité seruitude, ou desertiō. Parquoy, dit-il, me semble pour le mieulx, en obuiant à ces dangers, que debuez desemparer pour vn temps. Et cependant le Roy pouruoyera à l'affaire, en maniere que les nobles seront remis & maintenus en leurs auctoritez, & le peuple gardé & tenu en son droict. Oyant le dict Seigneur Iean Louys celle remonstrance raisonnable, dit, il m'ennuye bien que pour la menace des villains, & le danger d'un peuple esmeu, ie soye contrainct d'abandonner ma maison, mais pour ce que c'est ores pour le mieulx, faire le me fault. Et ce dict, fait trousser ses bagues, & se meit à chemin, pour sortir hors la ville, lequel feut en passant menassé des villains, & en danger d'estre d'eulx assailly. Mais il sortit, & s'en alla a son dict chasteau de Montaubyou, où feit faire à ses gens le guet toute nuit, comme celuy qui se doubtoit d'auoir suite. Ce qu'il eut, car celle mesme nuit saillirent de Gennes plus de dix mille hommes en armes, & le suiurent iusques à vn lieu, nommé Carle, vne place sienne, à six mille

mille pres de Gennes, le pensant là trouuer. Mais il M.D.VI.
auoit passé oultre, & estoit allé à Mōtaubyou, com- Gennes.
me i'ay dict. Dont bien luy en feut. Car ils auoient
deliberé & iuré tous ensemble, de l'assieger & pren-
dre d'assault, & tuër luy, & tous ses gens, sans en re-
spiter vn seul. Aduent que iceulx Genneuois ainsi
mutinez, voyans que le dict Seigneur Iean Louys
estoit à Montaubyou, dirent que là le iroient assail-
lir, & proposerent d'y aller mettre le siege.

LE COMTE de Rauestain, Gouverneur de Gen-
nes, sçachant la faillie & l'exploict d'iceulx Genne-
uois, & le vouloir qu'ils auoient d'aller mettre le sie-
ge deuant le Seigneur Iean Louys, preint quand &
luy aucuns des Conseillers qui avec luy estoient,
quelques marchands aussi & citadins de la ville, Et
s'en alla au deuant des dicts Genneuois, qui ja tiroiēt
vers le dict lieu de Montaubyou, deliberez de l'assie-
ger. Et iceulx par doulces paroles, & belles remon-
strances quelque peu adoulcist, les voulant faire re-
tourner à Gennes. Ce que ne voulurent, mais s'en
allerent à vn lieu nommé Chabery, au port de Lespe-
ce, & aux autres appartenances des dictes places que
tenoit le dict Messire Iean Louys, & icelles prindrēt
par force, & meirent gens dedans pour les garder.
Sçachant le Seigneur de Rauestain la prise des di-
ctes places, feut sommer les gens de la dicte com-
mune, de icelles rendre & mettre entre les mains, &
à l'obeïssance du Roy, à qui elles appartenoient. Ce
que ne voulurent, mais dirent qu'ils les garderoient
à qui elles appartenoient, & ne voulurent par com-

H

M.D.VI. mandement, ne autrement, rendre au Roy les dictes *Gennes*. places. Dont le Seigneur de Rauestain en aduertit le Roy, & de tout le bruit que auoiēt faiēt iceulx *Genneuois*, & comment ils n'auoient voulu entendre au conseil, ne ouyr parler de l'appoinctement d'eulx, & des Gentils-hommes. Et qu'il ne pouuoit plus donner ordre en leur affaire. Car ils estoient presques tous reuoltez, & en voye de faire quelque rebellion, & que si il plaisoit au Roy qu'il s'en allast par deuers luy, qu'il l'aduertirot de tout. Le Roy oyant ces nouuelles, manda au dict Seigneur de Rauestain, qu'il s'en retournast par deuers luy, ce qu'il feit. Et premier que partir, voulant au mieulx pourueoir, laissa son Lieutenāt au dict lieu de *Gennes*, vn nommé *Philippes de Roquebertin*, Gouverneur de *Plaisance*, & avec luy vn autre, nommé *Messire Estienne de Cernerieu*, Docteur, lesquels au mieulx qu'ils peurent meirent peine de rappaiser le peuple, & les citadins entretenir, en maniere qu'il n'y eust plus de bruit dedans *Gennes*. Mais tousiours tenoient ceulx de la commune les places par eulx prises, sans les vouloir rendre, & pour chose du monde ne vouloient que les Gentils-hommes chassiez, retournassent dedans la ville. Parquoy *Messire Jean Louys*, & grand nombre des autres, se retirerent vers le Roy, & le prierent comme ses pauvres subiects exilez, de les vouloir recepuoir en sa garde, & leur aider à les remettre en leurs maisons, dont estoient par la force du peuple de *Gennes* sans raison de chassiez, & mis hors. Le Roy voyant ces pauvres Gentils-hommes

plaintifs & chassiez de leurs maisons , les accueillit M.D.VI.
doulcement, & les traicta en sa maison comme Prin- Gennes.
ce humain doit faire, en leur promettant de leur
secourir en leur affaire. En sorte que si par doulceur
n'y pouuoit pourueoir, que par force y mettroit la
main. Veu aussi que le peuple de Gennes, auoit ja
commencé contre luy-mesmes le hutin, en prenant
& detenant aulcunes places de sa Seigneurie de Gen-
nes, comme auoit esté aduertty par Messire Philip-
pes de Cleues.

ET AINSI passa le temps sans bruit, iusques en-
tour la feste de Noël, que derechef les dictz Genne-
uois s'esmeurent, disans que le Roy auoit tetiré les
Gentils-hommes de Gennes, & contre eulx les vou-
loit defendre & soustenir. Sur quoy teindrent leur
turbe populaire, où feurent appelez Paul Baptiste
Iustiniain, Demetry Iustiniain, Manuel de Canalle,
Antoine de Ciully, Bricius Iustiniain, Benedict Pon-
sono, Marc de Terilly, Bernard de Topolly, & plu-
sieurs autres mutins. Et par iceulx feut dict & alle-
gué deuant le peuple, comment iadis la Cité de Gen-
nes, auoit esté en si haulte reputation, & de tant esti-
mée, que Empereurs, & Roys, & tous Princes du
monde, la redoubterét; Et comment tant de victoi-
res & triumphes auoit obtenu par mer, & par terre,
qu'il n'y auoit au monde si puissant, qui contre elle
osast pour la guerroyer leuer la main. Et que tant
heureuse auoit esté en ses entreprises, que oncques
n'auoit en mer ne en terre esté domptée, vaincüe, ne
soubmarchée. Et veu doncques ses tiltres tant pleins

M.D.VI. de glorieuse renommée, en ensuiuant les loüables *Gennes*. œuvres de leurs vertueux deuanciers, pour augmenter les honorables gestes d'iceulx, & acquerir à eulx nouveaux tiltres de immortel los, debuoiens contre tous defendre leur querelle, & abandonner leur vie à tous dangers, pour soustenir la reputation excelsse de leur superbe Cité de *Gennes*, voire contre le pouuoir immodéré du plus redoubté Roy, le Roy de France, si contre eulx vouloit guerre entreprendre, ou iceulx fouller, pour soustenir les nobles. Tant d'autres propos d'aduis inconsulte feurent là mis en auant, que tout le peuple gras & maigre, c'est à sçauoir, marchands, mechaniques & gens de bras, tous ensemble leuerent les mains, disans que pour mourir ne fauldroient à tel besoin, mais estoient prests & appareillez de non seulement defendre leur ville, mais de faillir aux champs, & tenir bataille contre tous venans. Or estoient là *Genneuois* de leurs principaux, nommez Paulus Baptiste Iustiniain, Manuel de Canalle, & Antoine de Ciuilly, lesquels voyans le vouloir du peuple, dirent, oyans tous, Messieurs, vous sçaez comment les Gentils-hommes, par nous chassiez & exilez de ceste terre, se sont retirez vers le Roy de France, que tres-benignement ha retiré, & long temps ja entreteu. Et est à penser que contre nous leur donnera quelque secours, & qu'il se vouldra efforcer de nous soubmettre, & lier à quelque nouuelle seruitude, ce que ne feusmes oncques, ne nostre Cité domptée. Parquoy & pour obuiuer à ce danger, nous est besoin d'y pourueoir. Et la

façon, nous auons ja le port de Lespece, & d'autres M.D.VI. fortes places entre les mains, qui nous pouuoient *Gennes.* nuire. Et pour amender nostre affaire, besoing nous est d'en auoir vne qui sur toutes autres nous est necessaire & propice, sans laquelle ne pouuons tenir en seureté nostre Cité de Gennes, & nos ennemis en crainte. C'est la place de Monigue, qui est assise sur la mer, & marchissant à nos terres, entre la Comté de Nisse, & nos fiñs, tirant vers la Prouence, forte à merueilles. Et tellement, que si vne fois pouuoit estre entre nos mains, le Roy de France par son dict pays de Prouence, ne pourroit auoir entrée sur nous, ne prendre mer par ce costé, que à nos dangers ne se foubmeist. Parquoy nous est besoing, si nous voulons contre luy tenir, & ses ennemis nous declarer, d'auoir la dicte place, & pour ce mander nos alliez & amis, afin que à cest affaire nous veuillent donner aide & secours. Et pour mieulx faire seurement nostre cas, & que en ce ne soyons par le Roy de France empeschez, nous fault dissimuler nostre intention, en portant l'enseigne de France, & la liurée du Roy, & cryant France, France, disans que nous sommes tous bons & loyaulx François, & que sous la main & Seigneurie du Roy, nous voulons reduire, & mettre la dicte place de Monigue, & ses appartenances à la Seigneurie de Gennes. Et ainsi le Roy n'aura occasion de nous empescher nostre entreprise, veu que ses ennemis ne nous serons declarez.

M.D.VI.
Monaco.

CHAPITRE VIII.

*Comment les Genneuois feurent mettre le siege
 au Chasteau de Monigue.*



DO V T E S C E S C H O S E S dictes, le peuple de Genne tout à vne voix dict que tout prest estoit d'y aller, & iusques à la mort employer son pouuoir, pour prendre la dicte place. Lors que la commune & le peuple gras feurent vnis en cest affaire, transmeirent à Pise, qui lors estoit alliée & confederée de Genne, pour auoir secours des Pisans, lesquels sçaichans l'affaire de Genne, comme alliez d'icelle y enuoyerent deux mille cinq cents hommes leuez à Pise, à Lucques, & par leurs autres pays alliez, sous la charge de deux Capitaines Pisans, nommez l'un Ternatin, & l'autre Gambecourte, & deux grosses pieces d'artillerie, nommées le beuffle, & le lizzard. Les nouuelles de ceste entreprise feurent tost semées par les Itales, & en Lombardie, Et tellement que plusieurs villes mutines & mesmement de la Duché de Milan, pensans que Genne deust tout confondre, y enuoyerét soldats à grand nombre. Desquels me voulus enquerir estant à Genne apres la prise d'icelle, & pour en sçauoir & donner à connoistre desquels on se doit deffier, en demanday à plusieurs, qui diuersement m'en parle-

rent. Et à la fin tant y besongnay, que i'en sceus à M.D.VI.
Gennes par vn mien hoste & familier nommé An- *Monaco.*
tonius de Luzardo, lequel m'en parla, & dict com-
me celuy qui pouuoit auoir esté à toutes les consul-
tations, & veu tout l'affaire. Car il estoit du peuple
gras, & bien auctorisé en la dicte ville de Gennes. A
tant m'esclaircist la chose, qu'il me bailla par escript
les noms des premiers mutins, la maniere de la diui-
sion des nobles, & du peuple, l'occasion de l'insur-
rection de la commune, les noms des Capitaines, &
Commissaires de leur armée, le nombre des gens
qu'il y auoit, d'où, & de quelles villes ils estoient, les
noms des Maisons nobles, & du peuple gras, & de
ceulx qui lors en estoient, & en somme de tout l'af-
faire de Gennes. Pour rentrer doncques, & parler de
ceulx qui feurent avec les dicts Genneuois, est vray
que grand rouverte de Plaisantins, Alexandrins, &
Bosquins de la Duché de Milan, s'assemblerent avec
les Pisans, lesquels estoient en nombre de trois à qua-
tre mille, & tous ensemble s'en allerent à Gennes. Et
eulx là venus, le peuple de Gennes pour renforcer la
dicte armée, meit sus trois mille hommes de guerre,
Genneuois. Et pour iceulx mener esleurent entre
eulx pour Commissaires de la guerre, Paul Iusti-
nain, Manuel de Canalle, & Antoine de Ciully, &
les Capitaines Genneuois, Jean de Las, Basque, Ma-
nuel du Castellas, Lombard, vn Marquis de la Mai-
son de Sforce, parent du Seigneur Ludouie, & vn au-
tre nommé René Guyton, de Tours, lesquels feur-
rent ordonnez pour gouverner & conduire la dicte

M.D.VI. armée des Genneuois, & aller au dict lieu de Moni-
Monaco. gue. Et pour battre la place, pour ce que par terre au
 moyen de l'empeschement des montaignes, ne
 pourroient aisément charrier, meirent sur mer leur
 artillerie, c'est à sçauoir vingt & deux grosses pieces
 d'artillerie, toutes iettans boulets de fer avec force
 d'esmerillons, & autre menuë artillerie. Et aussi ar-
 merent & aitaillèrent en mer, vne carraque, deux
 galeres, deux grosses barques, & cinq brigantins,
 avec tout plein de petits luz à douze rames, pour al-
 ler assieger la dicte place du costé de la mer. Et tout
 cela prest, huit mille hommes payfans des enui-
 rons, se meirent sus, pour eulx assembler avec la di-
 cte armée de Genes, où pouuoit auoir de douze à
 quartorze mille hommes, que gens de guerre, que
 payfans. Aussi esleurent les Genneuois vn Duc du
 peuple, lequel estoit taincturier, & nommé Paul de
 Noue, auquel baillèrent gens, & estat, & à luy du
 tout soubmeirent leur affaire: pour ce que à leur mu-
 tin f'estoit monsté tousiours pour la querelle po-
 pulaire. Et combien que sa femme, qui saige & ad-
 uisée estoit, luy deffendist & detournast la charge de
 l'office, que on luy bailloit, toutesfois il l'accepta,
 dont luy en adueint ce qu'il debuoit, comme sera
 dict par apres.

AINSI COMME ces dictes choses s'exploictoiet
 en la maniere dicte, Messire Lucyain de Grimaulx,
 Seigneur de Monigue, feut par aulcuns de ses amis
 de l'entreprise aduerty. Dont à toute diligence feit
 aitailler & fortifier sa place, & manda querir sol-
 dats

re Charles d'Amboise, Lieutenant du Roy de là les monts, en luy demandant secours pour le Roy, de qui se disoit seruiteur, & sa dicte place avec tous ses biens estre à luy, & de sa Seigneurie. Tant feit le dict Seigneur de Monigue, que il eut par le commandement du dict Lieutenant du Roy, dix hommes d'armes, & vingt archers de ceulx de la compaignée de Messire Yues d'Alegre, lors Gouverneur de Sauonne. Les dicts gensd'armes menez par vn nommé Iean de Sainte Colombe, Lieutenant de la dicte compaignée. Aussi y feut vn autre nommé Arigoys, Basque, qui portoit leur enseigne. Pareillement y feurent enuoyez dix archers de ceulx du Seigneur Iean Iacques. Plusieurs Gentils-hommes parens, & autres amis, & subiects du dict Seigneur de Monigue, sçaichans son affaire, le feurent secourir & seruir à leurs despens, & se trouuerent en nombre de deux cents hommes des siens bien armez au dict lieu. Deux cents cinquante autres soldats François, Biscuains, Piemontois, Pisans, & Lombards, meit le Seigneur de Monigue dedás sa dicte place, où pouuoient estre en tout enuiron de cinq à six cets hommes. Or estoit celle place moult bien artillée. Car il y auoit dedans vingt & deux grosses pieces d'artillerie, toutes à roües, & pour battre murailles, D'autres moyennes & petites y auoit trois cents & dix-huict, Comme i'ay sceu par vn des freres du dict Seigneur de Monigue, qui dedans la dicte place estoit, durant le siege. Et me dict celuy, que telle munition de

M.D.VI. pouldrey auoit, que c'estoit pour vn an à tirer de *Monaco*. chascune des dictes pieces, six coups le iour. Pour la dicte artillerie exploicter, estoient dedans la dicte place trente & deux bons canonniers, & soixante hacquebutiers. Ainsi estoit la place de Monique garnie, & si tres-forte, que pour y entrer n'y auoit que vne passée d'estroicte aduenüe. Dont des quatre parts d'icelle, estoient les trois enuironnées de mer, & l'autre ceincte de hault rocher enciz d'amort iusques en bas, laquelle attendoit en ceste maniere la venue du siege des dicts Genneuois.

LE ROY feut de ces choses aduertty par Philippes de Roquebertin, qui lors estoit au Palais de Gennes, Lieutenant du dict Seigneur de Rauestain, où n'estoit pas à grande seureté. Car de iour en autre n'attendoit que l'assault d'iceulx villains; Mais il adoulcissoit au plus qu'il pouuoit, & à belles paroles, dont scauoit assez bien iouer, comme besoing estoit, les entretenoit. Et tant, que tousiours entre eulx auoit seureté de aller, & de venir. Toutesfois le Roy apres auoir sceu les dictes nouuelles, luy manda que si plus grand bruit suruenoit à Gennes, que luy & ses gens se retirassent au chasteau, le plus doucement qu'ils pourroient, & que là attendissent de ses nouuelles. Ce que encores ne feirent, doubtrant que fils se retiroyent, les Genneuois suspicionneux de ce, ne se retournassent du tout, & aussi qu'ils cryoient tousiours France, France, & ne se declairoient ennemis. Aussi manda le Roy à Messire Charles d'Amboise, son Lieutenant de là les monts, & à

Messire Yues d'Alegre, Gouverneur de Sauonne, *M.D.VI. Monaco.* que si les dictz Genneuois alloient assieger Monigues, que quelque bon nombre de gens d'armes, estans lors en garnison vers le costé du dict lieu de Sauonne plus pres de Monigue, avec vn autre nombre de gens de pied, feussent mis sus, & enuoyez au dict lieu de Monigue, pour leuer le siege, sil venoit à tant. Ce qui feut faict, comme sera dict apres.

MAIS FAULT ores continuer propos sur l'entreprise des Genneuois, qui par mer, & par terre auoient leur armée preste, pour aller mettre le siege à Monigue. Dont adueint que sur la fin du mois de Nouembre, la dicte armée se meit en voye, & preint son chemin la coste de la mer, & au plus droict qu'elle sceut. Et si tost qu'elle feut aux champs, sept ou huiet mille payfans des marchissans & confins de Gennes, s'assemblerent là, & tous ensemble marcherent vers Monigue, cryans tousiours France, & populo. Et adresserent iceulx Genneuois à Menton, & à Roquebrune, deux petites places, lesquelles ils preindrent legerement. Car elles n'estoient fortes, ne fournies de gardes. Et aussi en tenoit le Seigneur de Monigue peu d'estime: mais qu'il peust bien garder Monigue, laquelle estoit forte à merueilles, & bien armée, estant à six vingts mille de Gennes, qu'elle tenoit en subiection, & à l'aduenue de Prouence. Parquoy auoient iceulx Genneuois moult grâde enuie de la soubmettre à leur Seigneurie. Si feirent tant par leurs erres, qu'ils approcherent la dicte place de Monigue. Et voyant la venue vn

M.D.VI. nommé Barthelemy de Grimaulx, Capitaine de la *Monaco*. dicté place, fait atiltrer grand force d'artillerie à leur passée. Et pour les vouloir atraire, fait sortir cent hommes, & iceulx contre eulx marcher trois à trois, comme pour leur vouloir donner la bataille. Les Genneuois voyans la faillie de ceulx de la place, s'adresserent à eulx à grosse route; & là commencerent vne bonne escarmouche, & s'entremeslerent si à poinct, que de quinze à vingt d'iceulx Genneuois demeurerent morts sur le champ, & trois du chasteau fort blesez. Et en escarmouchant, ceulx de la place se retiroient tousiours pensans que les Genneuois les suiuroient, pour leur donner vne meute d'artillerie. Mais quand feut à l'approcher iusques à la portée de l'artillerie, ils se doubterent de l'amorce, par quoy s'arresterent, & laisserent les autres retirer. Ce faict, aduiserent les lieux plus à main, pour mettre leur siege. Et tout bié aduisé, premier que asseoir leur dict siege, sommerent le Seigneur de Monigue, de rendre la place, en luy promettant tant d'argent qu'il voudroit demander, si le thresor de Gennes pouuoit suffire à ce. Lequel fait responce qu'elle estoit au Roy, & à luy, & que si bien la garderoit, que ja villain par force n'y mettroit le pied dedans. Ce dict, les Genneuois bien marris feirent crier à son de trompe deuant la dicté place, que celuy du dedans qui voudroit tuer le dict Seigneur de Monigue, auroit trois mille escus, & celuy qui mettroit le feu dedans les munitions de l'artillerie, en auroit cinq cents. Et ainsi s'essayerent par argent d'auoir

icelle place, mais ce feut pour neant. Dont asseirent M.D.VI. leur siege, & meirent leur artillerie en onze lieux, *Monaco*. tant sur les montaignes, qui au tour de là estoient, que sur les costez, & au plain, où feirent onze remparts.

CHAPITRE IX.

Du siege & de la baterie du Chasteau de Monique par les Genneuois.

DV COSTÉ de la marine assiegerent aussi la dicte place, en maniere que de leurs barques, carraques, & galles pouuoient tirer contre les murailles & tours du dict chasteau de Monique. Et tant commença la dicte artillerie à bruire, & tempester, qu'il sembloit que les rochers esclataissent. Les canonniers du dedans leur rabattoient tellement leurs coups, que homme de eulx n'osoit monstrier le nez, qu'il ne feust mouché iusques au sang. Somme la baterie feut tant mortelle, que à toute heure sans cesser dura plus de six iours, si que les coups du dehors feurent estimez plus de six mille. Et tant ruèrent gros boulets, que en trois parts abattirent cent toises de muraille, ou plus, tant du costé de la mer, que de l'aduenüe de la place.

DVRANT CESTE baterie, Messire Yues d'Alegre, Gouverneur de Sauonne, transmeit Iacques

M.D.VI. d'Alegre, son fils, avec six cents laquais, à vne ville *Monaco*. pres d'illec, nommée la Turbye, pour icelle garder, & secourir ceulx de Monigue, pour empescher les viures par terre, & ennuyer le siege par allarmes. Ce qu'il feit souuent, & tant que vn iour durant le dict siege, neuf enseignes de Genneuois se meirent aux champs, pour ruër sur les gens, lesquels meit pareillement aux champs, & donna au trauers, en sorte qu'il les meit en rouverte, & les deffit. Plusieurs y demurerent, les autres feurent pris, & les autres s'enfuyrent.

AV DESSVS, & pres de la Turbye, auoit vne forte tour du Duc de Sauoye, où pareillement estoit grosse garnison de Sauoysiens, lesquels aussi donnerent souuent alarmes aux Genneuois. Ainsi estoient ennuyez de tous costez. Toutesfois batoient par terre & par mer la place de Monigue, & à tout pouuoir s'efforçoient de la terrer.

ET CE DV RANT, le second iour du mois de Ianuier, ceulx de la place feirent vne faillie sur ceulx qui estoient à la garde de l'artillerie des Genneuois, & se meirent hors iusques au nombre de vingt-cinq hommes armez, lesquels soubdainement chargerent sur les dictes gardes, qui estoient deux cents, ou plus, & donnerent si rudement, que iceulx Genneuois pensans estre surpris, abandonnerent leur artillerie, & s'enfuyrent tout le cours. Et ce voyans les soldats du chasteau, sortirent enuiron quatre vingts, & se ioignirent aux autres, lesquels tous ensemble approcherent l'artillerie de leurs ennemis. Et voyans

qu'ils estoient foibles pour l'emmener, & que les M.D.VI. Genneuois à toute puissance les approchoient, ce *Monaco*. nonobstant avec gros cloux de fer estoupperent les trous, par où se met le feu en l'artillerie, & en enclouèrent quatre des plus grosses pieces, en maniere que vn mois durant ne tirerent plus. Durant le dict siege, plusieurs assaults y donnerent les Genneuois, mais tousiours feurent repoussez & battus. Et pour ce ne cessoient de ruër coups à toutes mains. Si estoient ils souuent refueillez par ceulx du dedans; car le plus souuent des iours faisoient courses & faillies, & en aterroient tousiours quelcun.

IACQUES D'ALEGRE, Seigneur de Millo, estant lors à la Turbye, voulut aller pour quelque affaire à Nisse, & preint avec luy partie de ses gens de pied, & laissa le surplus pour garder le logis. Mais tantost qu'il eut desemparé le lieu, les Genneuois à grosse puissance, sçaichans le Chef estre absent, assaillirent la Turbye. Et combien que bien feust par les gens du dict Seigneur de Millo defenduë, si feut elle emportée, & les gardes prinſes, & mises à sac.

MESSIRE YVES d'Alegre, sçaichant toutes ces choses, & que le siege de Monigue auoit ja duré plus de trois mois, delibera d'y aller pour vouloir leuer le siege. Si preint avec luy huit vingts hommes d'armes des siens, de ceulx du Marquis de Montferrat, de ceulx de Montoison, & de ceulx du Capitaine Fontrailles, avec deux mille hommes de pied, fous la charge des Capitaines Peralte, Espagnol, Iherome Barnabo, Cossains, Estrelin, & quelques

M.D.VI. autres qui là estoient, & Messire Mercure, Grec, *Monaco*. avec cent Albanois. Et ainsi se mit à la route, tirant vers Monigue, qui tousiours estoit batuë, & assaillie des Genneuois. Ce qui moult ennuyoit à Messire Lucyan de Grimaulx, Seigneur du dict Monigue, lequel leur faisoit souuent alarmes, & ennuys.

SVR LE commencement du mois de Mars, le dict Seigneur de Monigue, feit vne faillie de deux cents hommes sur le camp des Genneuois. Et premierement adressa sur le plus proche rempart, auquel estoient environ cent hommes des Genneuois, lesquels feurent surpris; car ils ne se doubtoient de la dicte faillie, pensans ceulx de la dicte place assez embesongnez pour garder leurs murailles, & remparer les breches d'icelles, qui estoient moult grandes. Si adueint que le Seigneur de Monigue avec sa bande se trouua contre le dict rempart, où Genneuois sortirent garnis de leurs armes. Et là s'entremeslerent tellement, que les dicts Genneuois feurent oultrez. Et apres assez long combat, tournerent le costé, & se retirerent à vn autre rempart, de là pres vn iect de pierre, lequel rempart estoit fort, & gardé par aucuns François, qui s'estoient mis à la foulde des Genneuois. Aussi y auoit au dict rempart Pisans à force, lesquels pouuoient estre en nombre de trois à quatre cents. Avec le Seigneur de Monigue, estoit vn homme d'armes, Basque, nommé Arigoys, porteur de l'enseigne de Messire Yues d'Aligre, lequel Arigoys estoit hardy homme, & là se mit des premiers. La noise feut grosse, car ceulx du dedans

dedans ne faillirent à charger à grands coups de pic- M.D.VI.
que, & de hallebarde. Le Seigneur de Monigue, qui *Monaco.*
estoit en la meslée, enhardioit les gens, en donnant à
tour de bras. Quoy plus? Si à poinct se batirent, que
cinq de ceulx du Seigneur de Monigue feurent là
pris, & vntué, & le Capitaine Arigoys blessé. Du
party des Genneuois moururent de vingt à vingt-
cinq, & plusieurs blesez. Ce faiçt, apres que alarmes
feurent faiçts par tout le camp, le dict Seigneur de
Monigue avec tous ses gens se retira le petit pas. Et
feut suiuy des Genneuois: mais feurent iceulx re-
poussez à coups d'artillerie, & de traict. Tant que
sans autre dommaige entra dedans sa place, à toute
sa brigade.

LES GENNEVOIS, qui espies & descouureurs
auoient par tout le pays, sceurét pour vray que Mes-
sire Yues d'Alegre, avec grosse route de gens d'ar-
mes estoit ja sur les champs, pour aller secourir Mo-
nigue, & leur leuer le siege. Lors feurent enuoyez de
Gennes à Monigue deux Commissaires nouveaux,
c'est à sçauoir Paul de Noue, leur Duc, & vn nommé
Siluestre Iustiniain. Et dirent tous les Genneuois au
dict Paul de Noue, leur Duc, que fil pouuoit pren-
dre Monigue, que à sa venue seroit receu en curre
triumphal, à la maniere antique de Rome. Iceulx ar-
riuez au dict lieu de Monigue, sçaichans la venue du
dict Seigneur d'Alegre, & que besoing estoit de
mettre briefue fin à leur entreprise, dirent Seigneurs
Genneuois, vous voyez que ja quatre mois entiers
sont, que tenons icy le siege, où n'auons exploicté

K

M.D.VI. chose à nous honorable, ne profitable à la chose
Monaco. publicque. Et tant plus y demeurerons, & moings y
acquesterons, si de meilleur vouloir, & plus hault
courage, ne mettôs mains en besongne. Assez estes
aduerris de la venuë du Seigneur d'Alegre, qui à tou-
te grosse puissance vient pour leuer nostre siege, sil
est le plus fort. Mais pour obuier à tout inconue-
nient, nous est sur tout mestier de prendre ceste pla-
ce. Ce que en brief nous fault exploicter, ou demeu-
rer frustrez de nostre intencion, de laquelle est ja le
Roy de France asçauanté. Parquoy donnons y telle
prouision, que de plein assault soit par nous la dicte
place emportée. Et ce faict, soyons seurs, de demeu-
rer tout temps Seigneurs en terre, & Roys en la mer.
A chef de ces mots, chascun des dicts Genneuois re-
preint cœur, disans qu'ils mouroient tous, ou qu'ils
auroient la place. Et feirent recommencer vne bate-
rie, qui dura trois iours, & trois nuitcs, sans cesser, du
costé de Serrauai, vn lieu ainsi nommé, dedans Mo-
nigue. Et là aterrerent plus de cent toises de murail-
le. Et à la ruine, & cheute d'icelle, les defences basses
feurent estouppées. En maniere que l'artillerie du
dedans ne pouuoit nuire aux ennemis, & ne se o-
soient monstrier ceulx de la place à la defense de la
breche. Car elle estoit subiecte aux montaignes, où
les Genneuois auoient faict leurs remparts, & là leur
artillerie atiltrée. Et si estoient ceulx de Monigue de-
uers le costé de la mer tout à descouuert, Dont des
carracques, & galleres, tiroient les Genneuois sur
eux. En maniere que homme ne se osoit là arrester,

fans fa vie trop hazarder. Toutesfois le Seigneur de M.D.VI.
Monique delibera de mourir là avec tous ses gens, *Monaco.*
ou repousser ses ennemis. Voyans les Genneuois
que breche à suffire auoient , pour deuoir donner
l'assault, ordonnerét le lendemain iceluy estre don-
né par quatre mille hommes, lesquels Paul de Noue,
Duc des Genneuois , voulut mener & conduire.
Ayant souuenance du triomphe que les Genneuois
luy auoient promis, fil gaignoit la place. Or veint le
iour que les dicts Genneuois avec leurs eschelles &
crampons s'appresterét de donner l'assault, lesquels
sur l'aube du iour feirent sonner trompettes, & gros
tabours de Suisses , & sortirent en place pour com-
mencer le hutin. Et eulx ainsi en camp, Paul de Noue,
leur Duc , deuant tous commença à dire; A ceste
fois se monstrera le vouloir vertueulx , & pouuoir
inuincible du peuple Genneuois , qui oncques par
puissance d'homme viuant ne feurent surmontez,
ne à seruitude soubmis. Sus doncques Seigneurs, es-
uertuez vos cœurs, & exploictez vos forces à cest
affaire. Car à ce fil pèd le prix de vostre los, l'aduan-
cement de vostre honneur, & le rabais de vostre re-
putation. Si à ce coup estes vaincueurs, vie prospere
acquesterez, & immortelle renommée. Si lasche-
ment estes vaincus, la fin de vous sera reprochable à
vostre nom, & honteuse à vos amis. Si fortune vous
est aduerse, mieulx est mourir en bataille, que fuyr
vaincu. Ces paroles dictes, chascun des Géneuois, &
tous ensemble, leuerent la main , disans que pour
crainte de mort, ne reculleroient vn seul pas.

K ij

M.D.VI.

Monaco.

CHAPITRE X.

*D'un assault que les Gennenois donnerent au
chasteau de Monique, où feurent iceulx
reponssiez, Et plusieurs d'eulx occis.*



MESSIRE LVCYAN de Grimaulx, voyant que l'assault estoit prest à donner, ordonna pour la defense de la breche, sept postes, chascune de trente hommes. Desquelles il en preint vne pour luy, ordonnée à estre mise au milieu des autres. A vn sien frere, nommé Messire Charles de Grimaulx, bailla l'autre, à Barthelemy de Grimaulx, son Lieutenant, vne autre, au Capitaine Arigoys, à Christophle Royer d'Ast, à Anthony Bence, & au Comit de ses galleres, à chascun d'iceulx vne des dictes postes, ordonnées estre mises tout le long de la dicte breche, qui estoit grande à passer cent hommes de front. Et iceulx aduertist que au besoing, & à relais, ceulx des dictes postes qui seroient les plus frais, secourussent les lassez. Au Seigneur de sainte Colombe, Lieutenant de Messire Yues d'Alegre, bailla vne breche pres vne des portes du chasteau à garder, avec trente hommes François. Et ainsi assist ses postes, pour attendre l'assault, en disant à ses gens, Mes bons Seigneurs & amis, le temps est venu, que chascun de nous doibt desployer la force du bras, &

la vertu du cœur, pour son honneur defendre, & sa vie garantir, qui sont les choses entre aultres plus dignes de recommandatiō. Dont mieulx nous est icy mourir à la defense de ce, & en gardant nostre place, que nous rendre à la mercy des villains, comme lasches & meschans. Qui nous seroit à iamais vn descry de voix commune, & vn reproche de villainie. Si nous sommes peu de nombre au regard des ennemis, necessité qui au besoing renforce les craintifs, par viueraison nous doit rendre inuincibles. Si nos murailles sont brechées, il n'est forteresse que de gens vertueux. Et vous souuienne que audacieux vouloir, est vn rempart inexpugnable. Ce dict, chacun print cœur, en sorte que la meslée leur tardoit à venir. Et est à sçauoir que sur le lieu auoit prouision de grosses pierres, pour ruër sur ceulx qui voudroient escheller la muraille, huiles bouillans, lances de feu, chaulx viue, poix, & souphre ardent, pour donner à ceulx qui approcheroient la dicte muraille, & force artillerie dedans les tours, & defenses de la place, pour tirer à la trauerse.

ET AINSI tout au tour de la breche, attendoient ceulx de Monique la venue de l'assault, lequel feut commencé vn matin, sur le poinct de Soleil leuant, que Paul de Noue, Duc du peuple de Genes, avec quatre mille hommes Genneuois, & Pisans, approcha la muraille, à tout grand nombre d'eschelles. Et à l'approcher, l'artillerie des deux costez commença à tonner comme tempeste. Des montaignes, & de la mer, tiroient les Genneuois sur ceulx de la pla-

M.D.VI. ce, dont plusieurs en affollerent. Mais pour ceul
Monaco. desemparoit, pour doubte de mort. Et tant feut, que
main à main se combattirent les vns à la breche, les
autres sur les eschelles, tant mortellement, qu'on ne
voyoit que gens ruër par terre. Ceulx du dedans, à
grands coups de picques repoussioient ceulx qui les
approchoient. Les Genneuois s'efforçoient à relais
de gagner la place. Et là estoit Paul de Noue, qui feit
ses efforts, & tres-hardiment le feit. Car tousiours,
combien qu'il feust vieil & ancien, si estoit-il des
premiers, qui encourageoit moult les autres. Et tant
que vn Pisan, du party des Genneuois, monta l'en-
seigne au poing par vne eschelle, iusques sur le bort
de la muraille, laquelle n'estoit du tout mise à bas, &
meit vn pied dessus voulant entrer, & cryant popu-
lo, populo. Là eut merueilleuse foule : car les Gen-
neuois de toutes parts eschellerent la muraille, & af-
faillirent la breche. A quoy resisterent les Monigois
de telle force, que des Genneuois plusieurs furent
renuersez. Celuy qui portoit leur enseigne s'effor-
çoit d'entrer, & donnoit sur le costé, où vn nommé
Anthony Béce, Monigois, tenoit sa poste, lequel se
defendit à force immodérée. Et luy voyant l'enseigne
des Genneuois vn pied sur la muraille, adressa là si à
point, que d'un coup de picque qu'il rua, de toute
sa force, le renuersa du hault en bas, lequel feut a la
cheute tout accrauanté. L'enseigne ainsi par terre,
ceulx de Monigue se rauigourerent, & s'efforcerent
de nouveau, en iettant huile bouillant, & souphre
ardent, à tout lances de feu, sur ceulx qui assailloient

la place. Tellement que les Genneuois feurent re- M.D.VI.
pouffez, & abandonnerent la muraille, toute enrou- Monaco.
gie de leur fang. Dont feut cessé l'affault, qui plus de
cinq heures auoit duré. Leurs eschelles demeure-
rent là, qui seruirent de bierre pour emporter les
morts, dont il y en auoit de trois à quatre cents. Et
nemoururent de ceulx de la place que trois seule-
ment, mais grand nombre y eut de bleffez.

D V R A N T L' A S S A V L T, les Genneuois vou-
lans amuser partie des soldats de la place, afin que
tant de gens ne feussent à la defense de la grande
breche, prindrent barques couuertes, brigandins,
& autres bateaux, iusques au nombre de vingt. Et
dedans meirent quatre cents hommes de guerre,
lesquels aborderent leurs bateaux à l'entrée du port,
vers vne tour nommée l'esperon. Et là avec leurs es-
chelles descendirent, & prindrent terre, comme
pour vouloir assaillir la dicte place de celuy costé.
Dont ceulx qui estoient aux defenses de celle part,
voyans iceulx Genneuois descendus, tout soubdain-
ement donnerent coups d'artillerie contre leurs
barques, & brigandins, si qu'ils les percerent en ma-
niere, que l'eau entra dedans, tant qu'ils allerent à
fonds. Et ainsi demurerent ceulx qui estoient des-
cendus, entre la muraille de la place, & le bord de la
mer, au danger de leurs ennemis. Or auoient-ils
grand nombre d'eschelles, lesquelles dresserent con-
tre la muraille, & s'essayerent de monter. Mais à
grands coups de pierre, & de hacquebutes, feurent
repouffez & batus, en sorte qu'ils feurēt contraincts

M.D.VI. d'abandonner leurs eschelles. Et voyans que leurs *Monaco.* barques & brigandins estoient à fonds, ne sceurent où prendre seureté, si n'est derriere vne grosse tour, où se mussèrent pour le danger du traict, & demeurèrent iusques à ce que l'assault feut du tout finy, que le Seigneur de Monigue sceut leur piteux affaire, qui de ce feut bié ioyeux. Et pour en faire la raison, feit sortir par vne poterne, du costé où ils estoient, cent hommes des siens, lesquels les allerent resueillir, & donner au trauers. En maniere, que si tost qu'ils cuidoiēt prendre plaine, l'artillerie les affolloit, dont en feurent aucuns tuez, & les autres noyez à la riue de la mer, quatre vingts d'iceulx reseruez seulement, lesquels feurent pris, & menez au chasteau de Monigue.

CHAPITRE XI.

*Comment les Genneuois leuerent leur siege de
deuant le chasteau de Monigue.*

DV R A N T CE, Messire Yues d'Alegre approchoit de tant, que les Genneuois sceurent sa venuë. Et voyans qu'ils ne prendroient la place de Monigue, deux iours apres le dict assault bruslerēt leurs loges, & barraques. Puis meirent leur artillerie en mer, & s'en allerent partie par mer, & partie par terre. Les vns, tire-rēt vers vne place sur la marine, nommée Porte Morrice,

rice, l'autre partie des Genneuois, s'en allerent droict M.D.VI. à vne place nommée Vintemille, laquelle ils tenoient, Gennes. & de là à Gennes. Messire Yues d'Alegre, sçaichant leur desloger, les suiuit avec ses gens d'armes, & re- preint Menton, & Roquebrune, qu'ils auoient pris, en allant mettre le siege à Monigue, lesquelles pla- ces se rendirent sans nulle defense. Et aussi preint Porte Morice, laquelle se rendit par composition de dix mille ducats. Ce faiët, le diët Seigneur d'Ale- gre, s'en retourna à Sauonne, & ses gens, chascun à sa garnison.

CHAPITRE XII.

Du reuoltement de Gennes, Et comment Messire Galeas de Sallazart, preint aucuns Genneuois au College de Sainët Francisque à Gennes.

DV R A N T L E T E M P S du siege de Monigue, dedans la ville de Gennes au Palais d'icelle, estoit pour le Roy vn nommé Philippes de Roqueber- tin, lequel entretenoit le plus doux qu'il pouuoit le peuple de la ville, qui durant le diët siege ne f'estoit encores declaré contre le Roy, mais cryoit tousiours France, & populo.

O R A D V E I N T lors que le huiëtiefme de Feb- ruiet, à vn iour de quelque feste, grand nombre de Genneuois feurent à Sainët Francisque, vn College

L

M.D.VI. de Córdeliers , assis au pied de la Citadelle du chasteau de Gennes , où illec ouyrent le commencement de Vespres. Là feut Messire Galeas de Sallazart, en voyant iceulx Genneuois en les dangers , dit qu'ils estoient de bonne prise, veu que ja auoient commencé la guerre, & assailly aucunes places du pays du Roy, & que encores tenoient le siege à Monigue, terre du dict Seigneur. Parquoy feut garder les portes de l'Eglise, & iceulx preint, & enuoya dedans le chasteau prisonniers. Lesquels traicta rudement, & les enferma dedans vn lieu, où auoit vn moulin à bras , ausquels faisoit tourner le dict moulin, & mouldre le bled à grand peine, & trauail, sans leur donner que du pain, & de l'eau, ce que n'auoient iceulx Genneuois accoustumé. Ausquels demandoit grande somme d'argét pour leur rançon, de laquelle ne vouloient finer, disans qu'ils estoient pauvres, & que de tant grosse rançon ne sçauoient faire paye, parquoy feurēt pour vn temps mal traictez. Dont ceulx de la ville s'en allerent plaindre à Philippes de Roquebertin , Lieutenant du Gouverneur pour le Roy, auquel dirent que le Capitaine du Chasteau n'auoit querelle contre eulx, & qu'il ne deuoit prendre, ne detenir les gens de la ville, qui tenoient pour le Roy, & estoient ses subiects, & beaucoup d'autres raisons alleguerēt. Dont celuy de Roquebertin pour complaire au peuple, & pour doubte de cōmun insulte, leur promet d'en parler au Capitaine, & de luy remonstrier son tort. En façon, que les dicts prisonniers seroient rendus, ou pour le

moings traictez tres-bien, & humainement, ce qui M.D.VI. adoulcist quelque peu le peuple. Si s'en alla le dict *Gennes*. Roquebertin au Chasteau, & dit au Capitaine, comme la ville estoit presques reuoltée, au moyen des prisonniers qu'il detenoit. Parquoy aduifast qu'il en debueroit faire, en façon que le profict du Roy, & son honneur, y feussent gardez. Sur quoy respondit le dict Capitaine, qu'ils estoient ses vrayz prisonniers, & qu'ils estoient de prise: veu qu'ils auoient commencé la guerre, & assailly les places du Roy, parquoy ne les rendroit, si le Roy ne luy mandoit expressément.

T A N D I S Q U E ces choses s'exploictoient, le Roy aduertit du tout, & sçachant la reuolte de *Gennes*, dit qu'il pouruoyeroit à ce. Dont pour vouloir mettre prouision de plus à la garde de son dict Chasteau de *Gennes*, qui estoit la principale place, & meilleure defense, transmeit celle part vn nommé Allabre de Saule, son Huissier de Chambre, par lequel escripuoit & mandoit par creance, à Messire Charles d'Amboise, son Lieutenant General de là les monts, à Philippes de Roquebertin, Lieutenant du Gouverneur de *Gennes*, & à Messire Galeas de Sallazart, Capitaine du Chasteau de *Gennes*, son vouloir touchant son affaire de delà. Lequel Allabre s'en alla en poste, & si tost, que en moings de six iours feut à Milan deuers le Lieutenant du Roy, auquel en ensuiuant sa charge, bailla ses lettres, & dit sa creance. Apres que le Lieutenant du Roy eust veu & ouy ce que mandé luy estoit, au plustost qu'il peut

L ij

M.D.VI. despescha le dict Allabre, auquel bailla gens & Gennes. moyens pour le guider iusques à Gennes, ainsi que le Roy luy mandoit, par ses lettres. Et luy bailla vn cheuaucheur d'escuyerie, pour luy rapporter nouvelles de l'execution de son faict. Ainsi s'en va le dict Allabre son droict chemin, tirant à Gennes. Et premier adressa à vn lieu, nommé le Bourg de Bufalle, à quinze mille pres de Génes. Et là trouua vn nommé Messire Robert Spinolle, frere du Seigneur de Sarraual, Géneuois. Auquel dit le dict Allabre, que le dict de Sarraual, son frere, l'adressoit à luy, avec vn sié seruiteur, qu'il luy auoit baillé pour le cōduire. Et prioit le dict Messire Robert, que le plustost, & le plus droict que possible seroit, le fait adresser & mener à Gennes. Ce qu'il fait par vn marchād du dict bourg, qui scauoit le plus couuert chemin, & seures adresses, pour aller au dict lieu. Si le mena celuy marchād tout seurement iusques à l'entrée d'un lieu, nommé Poulceure, qui est l'aduenü des destroiets des montaignes de Gennes. Et luy dit celuy marchand, que là estoit le plus dangereux de leur passaige. Car de là estoient aucuns des Capitaines, & chefs des Genneuois mutins, & mesmemēt vn nommé Guilhō, Capitaine de Poulceure, par lequel estoit venu le moyen de la premiere diuision de Gennes, comme i'ay dict dessus. Toutesfois passerent outre, sans autre danger, & approcherent la tour de la Lanterne, nommée la tour de Codefa, assise en mer entre la ville de Gennes, & vn bourg, nommé le bourg de Saint Pierre d'Arcine, regardant sur le moulle. Et

ceulx estans au droict de la lanterne, pour ce que lors M.D.VI. faisoit froid, le dict Allabre enchapperonné, pensa *Gennes.* que luy en ceste maniere ne passeroit, sans estre de plusieurs regardé, enquis, & parauenture arresté de ceulx de la ville, osta son chapperon, & meit vne chaine d'or au col, qu'il auoit baillé à garder à sa guide. Et ainsi passa tout seurement iusques au Palais, où descendit, & enuoya loger ses cheuaux. Puis demanda à quelqu'un des mortes payes du dict Palais, où estoit vn nommé Philippes de Roquebertin, Lieutenant du Seigneur de Rauestain, lequel le mena en la chambre de celuy Roquerbertin, qu'ils ne trouuerent là. Car il estoit allé ce iour au Sermon, & deuoit disner en ville avec aucuns des citadins, lesquels il entretenoit tousiours de doulces paroles, comme besoin luy estoit. Le dict Allabre au plustost qu'il peut manda à Roquebertin, qu'il estoit là venu de par le Roy, & qu'il auoit à faire hastiuement à luy. Dont celuy Roquebertin à toute diligence s'en alla au Palais, où le dict Allabre luy bailla les lettres, que le Roy luy enuoyoit, & celles de Messire Charles d'Amboise. Et luy dit la creance qu'il auoit à luy dire, contenant que tout incontinent les lettres veües, le dict Roquebertin s'en allast à Milan, deuers le dict Messire Charles d'Amboise, Lieutenant du Roy. Et que premier eust à bailler au dict Allabre les mortes payes du Palais, où pouuoient estre trois cents hommes, pour les mettre où le Roy luy auoit mandé. Lequel Roquebertin dit, Volontiers accomplirai-ie le mandement & vouloir du Roy: mais difficile chose

M.D.VI. seroit à faire promptement, & seurement me deslo-
Gennes. ger. Car si les mortes payes abandonnent le Palais, le
peuple de Gênes pourra penser que le Roy se deffie
de eulx, & que leur machination est clairement des-
couuerte, par quoy moy & tous les François qui de-
uant eulx nous trouuerons, serons en danger de la
vie, dont est besoin differer la chose, quelque peu
de temps. A quoy ne voulut entendre le dict Alla-
bre, disant, Non, il est besoin de faire le vouloir du
Roy, qui est de promptement retirer les mortes
payes, & les mettre à la garde du Chasteau, qui grand
besoin en ha. Et si par aduanture ils sont deffaiçts ou
empeschez par les Genneuois, & que guerre soit du
tout ouuerte, à grand difficulté pourra estre le dict
Chasteau garny de gens d'armes. Et en outre vous
debuez sçauoir, que au moyen de la prise d'aucuns
Genneuois, que le Capitaine du dict Chasteau de-
tient, tout le peuple de Gênes en est mutiné, & prest
à dire le mot contre le Roy. Dont est mestier au plu-
stost que faire se pourra, & auant que plus de bruit se
leue, de renforcer le Chasteau. Et tant y ha que ja
pense le Roy que vous soyez avec les dictes mortes
payes au dict Chasteau, ainsi que ja long temps vous
ha mandé, comme il m'ha dit à mon departement,
& que là vous trouueroye, pour ce n'est heure de
plus differer : mais faire le vouloir du Roy. Oyant
celuy Roquebertin ce que dict est, pria le dict Alla-
bre, que au moins vous fist premier demeurer illec
deux ou trois iours, & que cependant il trouueroit
moyen de sortir de la ville, & escheuer le danger des

villains. Ce que ne voulut le dict Allabre, mais dit M.D.VI. que plus ne demeureroit au Palais. Car i'ay, dict-il, *Gennes*. lettres adressans à Messire Galeas, Capitaine du Chasteau, lesquelles fault à toute diligence à luy presenter. Car i'ay de ce commandement expres du Roy, auquel me fault, toutes choses laissées, obeir. Ce dict, voyant celuy Roquebertin que autre chose ne pouuoit, & qu'il estoit force que le dict Allabre s'en allast au Chasteau, dit, Or allez en la garde de Dieu, ie vous bailleray vne mulle, & vn Gentil-homme, pour vous conduire & accompagner iusques au Chasteau, afin que la ville ne se doubte de nostre affaire. Allez le plus celémét que pourrez, & par voyes obliques, que la guide que ie vous baille, vous sçaura bien mener. Et au surplus, ie vous transmettray toutes les mortes payes du Palais de nuict, afin que par les villains ne soient aduisées, ou arrestées. Ce dict, le dict Allabre avec sa guide monta à cheual, & dit à sa guide qu'il le menast vers la marine à l'opposite de là, où il vouloit aller, afin que les Genneuois ne sceussēt où il tiroit. Et ainsi s'en alla vers la marine à quartier, & retourna par ruës secretes, & foraines. Tant que sans empeschemēt se rendit au Chasteau, où trouua Messire Galeas de Sallazart, Capitaine de la dicte place, auquel bailla les lettres du Roy. Et luy monstra mandement du dict Seigneur, comme il faisoit & ordonnoit le dict Allabre, Capitaine de Saint Francisque, qui est vn College de Cordeliers, assis au pied de la Citadelle du Chasteau, bien renfermé, & fort à merueilles, lequel peut secourir le

M.D.VI. Chasteau, & estre du Chasteau secouru contre la vil-
Gennes. le, dont estoit besoin mettre garnison dedans le dict
College. Aussi mandoit le Roy par lettres aux dictz
soldats du Palais, qu'ils eussent à obeir au dict Alla-
bre en cest affaire, comme à sa personne, apres le de-
partement de Roquebertin.

CEL VY MESSIRE Galeas, Capitaine du Cha-
steau de Gennes, voyant les lettres que le Roy luy
escripuoit, & le mandement susdict, receut ioyeuse-
ment le dict Allabre. Et sommairement tous deux
ensemble parlerent sur leur affaire, disans pour con-
clusion, que mestier estoit que Philippes de Roque-
bertin, Lieutenant du Palais, montast iusques au
Chasteau, pour parler plus amplement de leurs be-
songnes, & sçauoir à luy de l'estat & maniere des vil-
lains de Gennes, & quel vouloir ils auoient, pour y
pourueoir selon leur possible. Ainsi transmeirent
messaiqe secretement deuers le dict Roquebertin,
le priant qu'il voulsist aller par deuers eulx, pour par-
ler d'aucunes choses, touchant les affaires du Roy. Et
que le Capitaine du Chasteau feust allé parler à luy,
mais il n'osoit abandonner le Chasteau, parquoy le
prioit bien fort qu'il luy pleust monter iusques au
dict lieu. Ce que ne voulut le dict Roquebertin, di-
fant, que pour la doubte de la commune, qui gran-
dement estoit esmeuë, n'oseroit, & que s'il faisoit
semblant d'y aller, le peuple l'assommeroit, car il
estoit tout effrenné, & en branle de ouurir la guer-
re aux François. Quoy plus? si n'est que le dict Alla-
bre manda à Roquebertin, s'il ne pouuoit monter
au

au Chasteau, qu'il luy enuoyast les mortes payes du M.D.VI. Palais, comme le Roy luy auoit mandé. Ce que pro- *Gennes.*
meit de faire celuy Roquebertin, dedans quatre iours apres. Pendant lequel temps, il praticqua aucuns des plus auctorisez de Gennes, par douces paroles, & moyens exquis, pour enuoyer à Milan Ambassadeurs par deuers Messire Charles d'Amboise, Lieutenant du Roy, lequel auoit puissance sur toutes affaires, & que avec luy pourroient telle chose traicter, que ce seroit au profit de la ville, & bien de la chose publicque. Et que de sa part il y besongneroit en maniere, que Gennes pourroit connoistre, qu'elle auroit vn amy en luy. Toutesfois ces belles choses leur disoit le dict Roquebertin, pour trouuer moyen de sortir de la ville avec eulx, & se retirer à Milan, pour la seureté de sa personne. Aufquelles choses s'accorderent les Genneuois, & à chief de quatre iours luy baillerent Ambassades, pour aller avec luy à Milan deuers le dict Lieutenant du Roy. Et sur ce propos, se mettent en auât les dictz de Gennes, accompagnez de trente cheuaux, & prennent leur chemin vers Bourg de Busalle. Or auoit le dict Roquebertin premier que partir de Gennes, despesché vne poste, & icelle enuoyé à Milan, pour aduertir le Lieutenant du Roy, comment il menoit les Ambassades de Gennes par deuers luy. A quoy fait responce le dict Lieutenant du Roy, que de luy il n'auoit commission ne puissance aucune, de faire avec les dictz Genneuois quelque traicté, ne de les ouyr. A ceste fin leur renuoya la mesme poste pour

M

M.D.VI. de ce les aduertir. Lesquels Genneuois oyans la dicte *Gennes*. responce, tres-mal contents s'en retournerent à Gennes, & le dict Roquebertin avec son train preint son chemin droict à Milan.

LE MESME iour que celuy Roquebertin, partit de Gennes, dit à vn nommé Maubouvier, & à vn autre nommé François de la Fuste, des soldats du Palais de Gennes, que la nuit ensuiuant de son partement, eussent à mener & conduire les autres soldats du dict Palais, à Saint Francisque, dont estoit Capitaine le dict Allabre, car ainsi l'auoit mädé le Roy. Dont icelle nuit se rendirent les dicts Maubouvier, & François de la Fuste, à Saint Francisque, avec six vingts & sept d'iceulx soldats. Les autres, qui estoient en nombre deux cents, ou enuiron, demurerent avec vn nommé Auerluch, Allemand, qui portoit l'enseigne du Seigneur de Rauestain, leur Capitaine, Lequel Auerluch ne voulut seruir le Roy, ains feit mutiner les dicts compaignons, dont y auoit plusieurs François, lesquels se meirent au seruice, & à la soulde des Genneuois.

DEDANS LE Palais de Gennes, estoit demeuré vn nommé Messire Estienne de Cernerieu, Docteur, lequel auoit là laissé Philippes de Roquebertin, pour estre son Lieutenant. Mais voyant la retraicte des soldats du dict Palais, & le peuple de Gennes esmeu, dit qu'il se osteroit du chemin, comme les autres, ce qu'il feit. Car la nuit ensuiuant, il deslogea sans trompette, & s'en alla d'emblée deuers le Lieutenant du Roy, qui lors estoit à vne petite ville nom-

mée Gamallo , terre de Milan. Et de là s'en alla au M.D.VI.
dict lieu de Milan, pour estre plus à seur. *Gennes.*

LORS QUE les dicts Maubouvier, & de la Fuste, eurent mené ce qu'ils peurent de leurs gens deuers l'Huissier Allabre, au matin dedans le dict College de Saint Francisque, receut le serment d'iceulx, de bien & loyaulment soubz sa charge seruir le Roy.

LE MESME iour que les soldats eurent fait le serment, comme dict est, le dict Allabre, Capitaine de Saint Francisque, voyant grand nombre de freres estre leans, doubta long siege, & que au moyen de trop de gens, les viures se peussent diminuer, & defaillir, & venir autres inconueniées, appella le Gardien, auquel dit que pour les causes susdictes estoit requis d'en enuoyer partie, & retenir ceulx seulement, qui mestier faisoient pour le seruice diuin. Parquoy le dict Gardien en enuoya tous les dicts freres, reseruez cinq, & luy sixiesme.

TOUT CELA fait, le dict Capitaine se preint garde de sa place, & l'environa de tous costez, pour icelle aduiser. Et aux lieux qu'il veid besongneux de ayde, fait faire forts & remparts, où luy & ses gens meirent la main à l'œuvre. En maniere qu'ils n'eurent doubte de la force des Genneuois, ne crainte de leur siege.

M.D.VI.

Gennes.

CHAPITRE XIII.

Comment les Gennenois se meirent sus contre le Roy, & assiegerent le Castellats de Gennes, & preindrent par composition, Et comme sur la dicté composition, ils occirent inhumainement les François, qui dedans estoient.



ANTOST QUE LES Ambassadeurs de Gennes, feurēt retournez du Bourg de Busalle au dict lieu de Gennes, sans auoir esté ouys du Lieutenant du Roy, Et aussi sçaichans les Gennenois comment le Capitaine du Chasteau de Gennes, auoit pris aucuns de leurs citoyens, que encores tenoit prisonniers, & iceulx traictoit tres-rudement, connoissans aussi par l'absentement des soldats du Palais, qui s'estoient retirez au Chasteau, que les François ne se fioient plus en eulx, & que de tous poincts leur entreprise estoit descouuerte, teindrent entre eulx vne turbe commune, ou conseil populaire, où plusieurs propos escartez, & raisons inconsultes, feurent mises sus. A ce conseil, feurent appelez Paul de Noue, Duc du peuple de Gennes, Manuel de Canale, Demetrius Iustiniain, Antoine de Ciuily, le Capitaine Ternatin, Guilhon, Capitaine de Poul-

ceuvre, & autres de ceulx qui estoient venus du sie- M.D.VI.
ge de Monigue, & grand nombre d'autres, tant du *Gennes.*
peuple gras, que de la commune. Lesquels apres plu-
sieurs allegations desordonnées, conclurent de de-
clarer eulx, & la ville de Gennes contre le Roy, &
dés lors commencer leur rebellion, & tuër tous les
François, qu'ils pourroient trouuer & prendre de-
dans leurs pays. Tant que pour commencer, tous à
vne voix crierent populo, populo, taifans leur cry
de France, France, que iusques à celle heure auoient
toufiours crié.

A VEC LEURS cris impetueux, & bruit de peu-
ple effrenné, s'en allerent assieger vne petite place,
nommée le Castellas, estant assise au dessus du Cha-
steau de Gennes, dedans les montaignes, en laquelle
estoit vingt François, & trois femmes, soubz la
charge d'un nommé Regnault de Nouaille, Capitai-
ne de la dicte place. Et vn iour de Vendredy, lende-
main de la my-Caresme, sur l'heure du poinct du
iour, approcherent les dictz Genneuois le Castellas,
& commencerent à tirer encontre leur attillerie,
sans cesser depuis le matin iusques au soir sur le ves-
pre. Les François qui dedans estoient, se defendirent
au mieulx qu'ils peurent : mais pour ce que la place
estoit mal aduitaillée, & despourueüe de secours, les
soldats parlementerēt, disans aux Genneuois, Nous
rendrons la place, nos vies, & bagues saufues, ou si-
non sommes deliberez, de viure & mourir icy à la
defense de nous, & de nostre place. Les Genneuois,
voyans qu'ils ne les auroient par force, sans auoir

M.D.VI. partie à la perte, combien qu'ils eussent iuré la mort *Gennes.* de tous les François, qui là estoient : toutesfois iurerent & promeirent la dicte composition, touchant la vie, & bagues saufues des dicts soldats. Ce que ne reindrent les traistres. Car tantost que la place feut renduë, & mise entre leurs mains, la commune forcennée ne voulut tenir la dicte composition : mais malgré aucuns des principaux de leur armée, qui auoient entre les mains les dicts soldats François, leur osterent, & occirent cruellement. Car aux vns encroiserent les bras, & attacherent, & leur fendirent le ventre, & l'estomach, en leur arrachant le cœur, & les entrailles du corps, puis picquerent les cœurs d'iceulx contre pousteaulx, & se souillèrent les mains dedans le sang des morts inhumainement. Les autres taillerent en pieces sans pitié, avec les femmes qui là estoient, lesquelles feirent mourir de tant cruelle & estrange mort, que l'horreur du faict, me defend d'en dire la maniere. Somme de tous ceulx n'en eschappa que vn tout seul, nommé Nicolas de Noyers, Lannois, lequel apres la prise de la place, & ainsi qu'on tuoit ses compagnons, feut pris par aucuns marchans de *Gennes* estans là, qui le connoissoient, & auoient eu avec luy quelques fois paroles familiares. Dont celément feirent tant qu'ils le musserent, & deguiserent, puis luy baillerent de l'argent, & tellement feirent qu'il se sauua. Et se retira au Chasteau de *Gennes*, ou depuis me trouuay, & parlay à luy, par lequel ie sceus les dictes choses, & les noms d'aucuns de ses compagnons morts, nommez Re-

gnault de Nouaille, leur Capitaine, Nicolas d'An- M.D.VI.
gu, le bastard du Chillou, Guillaume du Croq, pied Gennes.
d'argent, Jean de Saint Ouy, Gounon, & vn sien
fils, Artus, Morterre, Claude du Pin, Grand Jean,
d'Ozillac, Iannot le canonnier, vn nommé Robert,
& trois autres, avec trois femmes, qui feurent tous
mis à sac.

CHAPITRE XIV.

*Comment les Gennenois assiegerent le College de
Saint Francisque de Gennes, Et le
Chasteau du dict lieu.*



PRES QUE ICEVLX Gennenois eu-
rent pris le Castellas de Gennes, & oc-
cis les François, qui là estoient, dirent
qu'il falloit faire encores plus. Et con-
clurét d'assieger le Chasteau, qui estoit
fort à merueilles, bien auitaillé, & garny de bons
soldats, avec grand nombre de grosse & bonne ar-
tillerie. Estant assis entre le sommet de la môtaigne,
& la ville de Gennes, comme à mi-chemin des dictz
lieux. Entre lequel Chasteau, & la dicte ville, auoit
deux forts, C'est à sçauoir la Citadelle, dont l'issüë
regardoit deuant la grád porte de l'Eglise de Saint
Francisque deuers la ville, tout en pendant, & de
mal-aisée aduenüë. Laquelle Citadelle, estoit forti-
fiée de bastilles, & remparts, force gens, & bonne

M.D.VI. artillerie. L'autre fort, estoit le College de Saint Genes. Francisque, par lequel on descendoit en la ville par diuerses ruës, tirant au Domme, & au Palais de Genes. Lequel College estoit enceinct & fermé du costé de la ville, de bonnes & grosses murailles, bien tournellées, & garnies de bonne artillerie, avec bons soldats, prests d'attendre le siege, & les assauls des dicts Genneuois, qui estoient tous en armes par les ruës de Genes, & tant esmeus, que tous d'une voix dirent, qu'ils prendroient le Chasteau de Genes d'assault, ou que tous y demeureroient. Mais premier s'en entrerent au Palais, d'où s'estoient retirez les François, comme saiges. Et là dedans ne trouuerent à qui meffaire, si n'est que iceulx villains voyans les armes du Roy là par tout semées, avec lances & picques les esgratignerent, & effacerent de tous poincts. Et ce faict, fermerent, & barrerent toutes les ruës, ruêtes, chemins, passées, & aduenues, pour aller du Chasteau à la ville. Et aduiserent de tous costez l'assiete du Chasteau, pour y mettre le siege, qui leur sembla mal à main de tous costez, fors deuers Saint Francisque. Pour ce que de celle part ils pourroient faire dedans aucunes maisons, qui pres de là estoient, leurs taudis & remparts, & estre tousiours au couuert, & auoir à tout besoin gens & relais. Et pour mieux à seureté approcher, ils percerent les ruës & maisons de lieu à lieu, pour aller à couuert hors le danger de l'artillerie du Chasteau, iusques contre les murailles du dict College de Saint Francisque. Et asseirent leur artillerie en diuers lieux. En-

tre

tre autres, feirent vn rampart deuers Befaigne, touchant à vn lieu, nommé Pauie, pres d'un College de Gennes. M.D.VI.
Nonnains. Et là atiltrerent vn gros canon, nommé le Lizard, que iceulx Genneuois auoient emprunté de la Seigneurie de Pise. Pres vn autre lieu, où autres-fois auoit eu vn Chasteau du costé deuers Saint Roch, atiltrerent vne autre grosse piece d'artillerie, nommée le Beuffle, laquelle aussi auoient eu des Pisans. En plusieurs autres lieux de la ville, & du costé de Befaigne, auoient fait boulevarts & forts, pour mettre leur artillerie grosse & menuë, pour tirer contre le Chasteau, & Saint Francisque, aux lieux plus à main pour leur siege. Et ordonnerent entre eulx gens pour tenir le dict siege nuit & iour, & y obeir à relais, sans iamais cesser de tirer artillerie, & donner assaults, iusques la place feust prise, & les soldats morts, ou affamez.

MESSIRE GALEAS de Sallazart, Capitaine du Chasteau, voyant le siege d'iceulx Genneuois assis deuant luy, fait emboucher plus de cent pieces d'artillerie grosse & menuë, droict à la venue du siege. Et en fait mettre hors le Chasteau, à l'entrée de la Citadelle, au sommet d'un hault terrier, vne grosse serpentine, la bouche dessus la ville, & au droict du moule de Gennes, pour defendre le passaige aux ennemis, & ruër sur les maisons, & au trauers des ruës de Gennes. La Citadelle, & le College de Saint Francisque, feurent pareillement garnis de soldats, de viures, & d'artillerie, & chascun prest d'exploiter la guerre. Laquelle feut commencée par les Gen-

N

M.D.VI. neuois qui de premiere aduenue chargerent sur le *Gennes*, dict College de Sainct Francisque, & là ruèrent coups d'artillerie, à toutes mains. Ceulx du Chasteau, qui estoient au dessus, commencerent à rendre leur meute d'artillerie aux Genneuois, & tirer droict à leurs ramparts, & au trauers des ruës, & maisons de la ville, tellement qu'il sembloit que tout tremblast. Les femmes, & petits enfans, abandonnerent les haults estaiges de leurs maisons, pour l'horrible bruit, & dangereux coups, que l'artillerie des François donnoit autour d'eulx. Et se meirent sous les chambres basses vultées de leurs dicts logis. Pareillement les Genneuois ruoient coups sans cesser, contre les tours & murailles du Chasteau, & le plus souuent contre les defenses de Sainct Francisque, & au trauers del'Eglise. Pour ce que les soldats, & les freres du dict College, tiroient aux ennemis par grands trous, & larges pertuis, qu'ils auoient faicts au trauers de la muraille de la dicte Eglise, dont endommageoient fort les Genneuois. Parquoy n'espargnoient icelle Eglise, mais tiroient au trauers de tous costez. Et tant, que tantost apres ce, ie estant dans la dicte Eglise, veis partie du chœur, & pilliers d'icelle par terre, & les voutes percées en plusieurs lieux. Et entre autres coups estranges, veis vne image de Crucifix, estant sur la porte du chœur du dict College, ayant le bras dextre percé pres du coulede, d'un coup d'une piece d'artillerie, & plusieurs autres images brisez & rompus. Somme, la baterie estoit merueilleuse de tous costez. Car nuict, & iour, duroit le bruit.

LORS QUE LES Genneuois eurent batu lon- M.D.VI.
guement le dict College, dirent qu'il y falloit don- Genne.
ner vn assault, pour veoir la resistance des François,
& leur maniere de defendre. Et eulx à tout grosse
brigade, vn Lundy apres la mi-Caresme, garnis de
crampons, & eschelles, avec grand bruit de peuple,
& son de gros tabours de Suisses approcherent la
muraille du dict College, du costé d'un fort iardin,
qui là estoit à main fenestre, au deffoubs du dict
College, pres d'un lieu nommé Fontaine amoureu-
se. Et là commencerent à dresser leurs eschelles, &
donner le combat main à main aux François. Les-
quels à tour de bras receurent les Genneuois. Telle-
ment que du hault en bas plusieurs feurent renuer-
sez, & à grands coups de picques & haliebardes feu-
rent renuoyez. Et deux de leurs eschelles sur eulx
gaignées, & vingt hommes d'iceulx morts au pied
de la muraille, avec grand nombre de blesez. Des
François y moururent deux hommes seulement, &
huiet y feurent blesez.

CE FAICT, voyans les dictz Genneuois, que à
celieu ne pouuoient riens faire de leur aduantaige,
dirent que par vn autre costé assauldroient le fort.
Dont feurent querir par les maisons de là pres, gros
monceaux de fagots secs, & autres fustes graissées
d'huile, & de souphre. Et à grosse foulle approche-
rent la premiere porte de l'entrée du dict College,
laquelle feut defenduë des François, & la herse ab-
batuë, qui feut incontinent enuironnée de fagots,
pleins de souphre parmy. Tellement que la dicte

N ij

M.D.VI. herse feut à coup bruslée, & en flamme. Ce faict, là Gennes, eut combat à outrance. Car les Genneuois meirent tout leur effort, de gaigner celle entrée, & les François tout leur pouuoir pour la defendre, comme ceulx qui à ce hazard voyoient leur honneur branler, & aduanturer leur vie. Ce qui de tant les hardia, que à coups immoderez repousserent les Genneuois, & malgré eulx refortifierent leur entrée. Iusques à temps feray silence de ce siege, pour toucher d'aucunes choses, que le Roy lors exploïtoit en son Royaume de France.

CHAPITRE XV.

Comment le Roy sçachant la rebellion de sa Cité de Gennes, & les exploïts par cy deuant faïcts, se meit à chemin pour tirer celle part.



DE LA REBELLION de Gennes, & de tous les efforts qu'elle auoit ja faïcts, feut incontinent le Roy par ses postes aduerty. De quoy ne se meut que bien à poinct. Mais bien pensa de y pourueoir à l'aide de Dieu, & en faire telle raison que ce seroit au chasty d'icelle pour iamais, & à la craincte des mutins. Disant que luy mesme iroit en personne, pour veoir à l'œil le deffault des meschans, & deuëment le reprouuer, & connoistre le

bien-faict des vertueulx, pour à temps le remune- M.D.VI.
rer. Mais premier que desemparer meit ordonnée *Gennes.*
police aux affaires de son Royaume, tant à l'estat de
la iustice, que à la seureté des pays. Voulant que à la
garde de son pays, & Duché de Bourgongne, Messire
Louys de la Trimouille, en qui auoit singuliere
fiance, avec huit cents hommes d'armes, & grand
nombre de gens de pied, son Lieutenant general
demeurast.

C E F A I C T, entour la fin du mois de Ianuier, en
l'an susdict mille cinq cents & six, se meit à chemin
tirant droit à Bourges. Tous les Gentils-hommes
de sa Maison, Archers de la garde, Allemands, & ge-
neralement tous ses pensionnaires le suiurent. Mai-
stre Georges, Cardinal d'Amboise, qui plus d'aucto-
rité auoit enuers luy, que nul autre, estoit tousiours
avec luy, lequel auoit le maniement de toutes ses af-
faires, pour icelles veoir, connoistre, & despescher.
La Roynes pareillement voyant l'entreprise du Roy,
touchant le voyage de delà les monts, pour le vou-
loir, si elle eust peu, destourner, le suiuit. Et lors qu'elle
ne luy osoit dire par doulces remonstrances, ou
amiables paroles, son intention sur l'empeschement
du dict voyage, par contenance de face triste, &
chiere marrie, luy faisoit entendre souuent le secret
de sa pensée. Mais tout ce dissimuloit il tres-faige-
ment, tant que tousiours feut ferme en son propos.
Combien que plusieurs ne loüoient le dict voyage,
disans, qu'il n'estoit mestier que la personne du
Roy pour vne seule rebellion de villains, se deust

M.D.VI. partir du Royaume, ne prendre si loingtain voyage. Mais tout ce feut pour neant. Car à toute diligence fera ce dict son entreprise. Et luy estant à Bourges, transmeit deuant à Lyon, le dict Cardinal d'Amboise, Legat en France, pour faire despescher ses postes sur son affaire, & oüyr les Ambassades, si aucunes en venoit, & icelles despescher sur le champ, afin que pour elles ne retardast son voyage.

LE P A P E, qui lors estoit à Boulongne la grasse, où auoit mandé & promis au Roy de l'attendre, & parler à luy, sçaichant son partement pour aller de là les monts, feignit d'estre mal disposé, & malade. Par quoy au moyen de ce que le Roy des Romains faisoit publier & dire, que le Roy alloit de là les monts, pour occuper les Itales, & faire du siege Apostolique à son vouloir, à ceste occasion, comme se disoit, le Pape n'attendit le Roy à Boulongne, comme luy auoit mandé, mais s'en alla à Rome.

ALORS, AINSI que le Roy des Romains sceut que le Roy se deliberoit de s'en aller à son voyage de Gennes, voulant celuy empescher à son pouuoir, pensa la maniere comment il le pourroit faire au plus couuert. Or auoit-il vn Gentil-homme des siens, Bailly de Charrolois, lequel auoit son Hostel en Bourgongne, pres de la maison d'un nommé François de Chesnoy, Seigneur du dict lieu, estant des Gentils-hommes de la Maison du Roy, duquel le Bailly de Charrolois, auoit quelques fois parlé au Roy des Romains. Et à ce propos luy en souueint, disant à celuy Bailly, Il est besoin, que vous ayez à

parler à celuy de Chesnoy, qui est de la maison du M.D.VI. Roy de France, Et que entre autres choses luy dis- *Gennes.* siez, que de ma part ie voudrois bien auoir au Roy de France bonne amitié, & seure confederation. Et que à moy ne tiédra que amour, & paix, ne soit tout temps entre luy & moy parfaictemēt vnīe. En quoy facquiēta celuy Bailly en maniere, que au moyen de ce que leurs dictes maisons estoient assez pres l'une de l'autre, & confines, trouua celuy Bailly façon d'aller veoir le dict Seigneur de Chesnoy. Et eulx ensemble, se feirent tres-bonne chiere. Et de parole à autre, entrerent en propos de leurs maistres. Disant le dict Bailly, que au regard de son maistre, le Roy des Romains, de sa part auroit volontiers amitié au Roy de France, & que à luy ne tiendrait. Sur quoy fait response le dict Seigneur de Chesnoy, si le Roy des Romains, vostre maistre, veut auoir paix & amitié avec le Roy, mon maistre, de son costé ne tiendra, que bons amis ne soient. Car c'est vne chose, qu'il desire bien fort. Tant allerent paroles en auant, que le dict Bailly apres ce s'en alla deuers le Roy des Romains, son maistre, & l'aduertit des dictes paroles. Lesquelles ouyes par le Roy des Romains, voulant sous ombre d'une paix fourrée, retarder, ou arrester le voyage du Roy, renuoya derechef à toute diligence le dict Bailly deuers le Seigneur du Chesnoy, pour luy dire de la part du Roy des Romains, que la chose que plus au monde desiroit, c'estoit que avec le Roy de France eust fraternele amitié, & vnion paisible. Ce que le dict Bailly dit au dict Sei-

M.D.VI. gneur de Chesnoy. C'est tres-bien dict, dit-il, Mais **Gennes.** auez vous charge expresse de vostre maistre, le Roy des Romains, de dire ce que vous dictes? Ouy dit le Bailly, & suis cy enuoyé de par le Roy, mon maistre, pour le vous dire, & de ce vous aduertir, afin que en faciez le rapport, où vous debuez. Ce dict, celuy Seigneur de Chesnoy à toute diligence transmeit deuers le Roy, pour l'aduertir des dictes choses, & y aduifer à son plaisir. Puis s'en alla apres en Cour, & mena quand & luy le dict Bailly de Charrolois, lesquels feurent à Bourges deuers le Roy, le dixiesme iour de Feburier. Et eulx là arriuez, celuy Bailly alla faire son messaige au Roy. Disant, Sire, le Roy des Romains, mon maistre, se recommande bien fort à vous, & m'a donné charge de vous dire, qu'il desire sur toutes choses auoir bonne amitié auec vous, & faire à vous vne paix si assurée, & telle confederation, que iamais entre vous deux de sa part ne fault. Disant que au regard de toutes vieilles questiōs, il les veut mettre en oubly, & demeurer vostre bon frere, & perpetuel amy. Et afin que de ce soyez mieus assuré, plaie vous Sire, me bailler quelqu'un de vos Gentils-hommes, pour s'en venir deuers mon maistre, & sçauoir de luy s'il aduoüera les dictes choses. A quoy feitle Roy responce, que aussi de son costé ne demandoit au Roy des Romains, que auoir paix, & vnion. Dont pour sçauoir la verité des dictes choses, delibera y enuoyer quelqu'un, & transmeit querir vn sien varlet de chambre, nommé Mascé de Villebreme, lequel estoit lors à Blois. Et sçachant

ccs

ces nouuelles, s'en veint en poste deuers le Roy, qui M.D.VI. le despescha, sans luy donner autre charge, que de al- *Gennes.* lerauec le dict Bailly deuers le Roy des Romains, sçauoir si les choses dictes par celuy Bailly, estoient vrayes, & si les aduoüoit. Si s'en allerent iceulx droict en Bourgongne, & par la Comté de Ferrete, puis entrerent en Allemaigne, où trouuerent le Roy des Romains dedans vne ville, nommée Strasbourg, Et là receut le messaiger du Roy, en la presence du dict Bailly de Charrolois. Apres ce, demanda le Roy des Romains à celuy de Villebreme, quelle charge il auoit du Roy pour luy dire. Lequel dit, Sire, ie n'ay autre charge, si n'est que à la requeste du Bailly de Charrolois, que voicy, le Roy mon maistre m'ha cy enuoyé, pour sçauoir si les choses que iceluy Bailly ha dictes de par vous à mon dict maistre, sont vrayes, & si vous les aduoüez. Lequel les aduoüa. Et apres plusieurs autres paroles, le Roy des Romains dit, que le Roy entreprenoit de s'en aller de là les monts, pour faire la guerre à Gennes, qui estoit terre d'Empire. Ce qu'il ne debuoit. Et qu'elle n'estoit subiecte ne tenuë à luy, ne à la Couronne de France. Parquoy fil y alloit à main armée, qu'il donneroit tout le secours aux Genneuois qu'il pourroit. Et en outre dit, Vostre maistre le Roy de France, s'en va sur les Itales, pour icelles occuper, & veut mettre le Papat entre les mains, pour en faire à son vouloir. Ce qui est de nostre Majesté Imperiale, ne à autre Prince appartient soy entremettre du siege Romain, que à nous seulement, car c'est de nostre affaire Imperial.

O

M.D.VI. Ainsi se meit aux champs, sans parler plus de la paix: *Gennes.* mais à toutes fins concludoit d'empescher le voyage, & entreprise du Roy. Et pour ce despescha le dict Bailly, & luy bailla instructions selon l'opinion de son Conseil. Et ce faict, les sus dictz s'en retournerent vers le Roy. Aduent que le dict Bailly en venant en France avec le dict Villebreme, approcha de sa maison, disant qu'il luy falloit par là passer. Or bien, dit le messaiger François, le m'en vois donc deuant, pour asçauanter le Roy de vostre retour. Ce que fait, & le plus hastiuement qu'il peut. Et tant que à la my-Mars feut à Lyon sur le Rhosne, où illec trouua Maistre Georges, Cardinal d'Amboise, Legat en France. Auquel dit & racompta tout ce qu'il auoit ouy & sceu du Roy des Romains, & comment il enuoyoit derechef le Bailly de Charrolois. Dont le dict Legat enuoya celuy messaiger à toute diligence deuers le Roy, qu'il trouua entre la Bresse, & Lyon. Et là le aduertit de toutes les choses susdictes, & comment à son aduis le Roy des Romains faisoit toutes ces choses, pour vouloir retarder son voyage de Gennes. Parquoy selon son aduis le meilleur estoit de haster son dict voyage. Ce que feitle Roy, Car il ne coucha que vne seule nuit à Lyon, & le lendemain tira droit à Grenoble. Tandis le dict Bailly arriua à Lyon, où feut receu par le dict Cardinal d'Amboise, lequel ouyt son dire. Et entre autres propos, comment le Roy des Romains disoit, qu'il estoit deliberé, si le Roy alloit faire la guerre aux Genneuois, de leur donner tout le secours & aide

qu'il pourroit. Et que si le Roy entreprenoit sur le M.D.VI.
sainct Siege Apostolique, qui estoit de sa Majesté *Gennes.*
Imperiale, qu'il luy contrarieroit à son pouuoir. Et
sur ce poinct reprint le Cardinal d'Amboise celuy
Bailly, disant ainsi, Comment l'entend le Roy des
Romains, vostre maistre, il sembleroit à ouyr vostre
dire, que nostre sainct Pere le Pape, & les Cardinaux,
ne feussent que pour luy seul. A quoy celuy Bailly
fit response, que aussi n'estoient-ils. Mais son pro-
pos luy feut sur ce par le dict Cardinal d'Amboise,
rabbaru. En maniere, qu'il se trouua pour l'heure
mal pourueu de soustenables responses. Et eurent
entre eulx paroles picquantes. Tant, que à la parfin
le dict Bailly se trouua estonné. Toutesfois s'en alla
à Grenoble deuers le Roy, où dit sa charge, & feut
du Roy doucement accueilly. Auquel Bailly fit
response, que de sa part, combien que le Roy des
Romains luy vouloit empescher son voyage, ja
pourtant ne s'arresteroit, mais iroit en armes le plu-
stost qu'il pourroit. Et si luy y auoit au monde hom-
me, qui se trouuaist au deuant, pour le vouloir em-
pescher, qu'il luy donneroit la bataille, & se mettroit
par armes en tel effort de passer, qu'il esperoit avec
l'aide de Dieu, qui est l'escu des iustes querelles, que
ce seroit par sur le ventre de ses ennemis. Ce dict, ce-
luy Bailly s'en retourna vers le Roy des Romains. Et
le Roy ayant fait ses Pasques à Grenoble, le lende-
main commencement de l'an mille cinq cents & M.D.VII.
sept, se mit à la voye, & laissa la Roynetoute adou-
lée pour son departement.

M.D.VII. LE TEMPS durant que les dictes Ambassades *Gennes*, venoient de deuers le Roy des Romains, le Roy feit despescher vn nommé Gabriel Fourestier, Roy d'armes de Normandie, lequel enuoya deuers le Roy d'Angleterre, qu'il trouua à Londres. Et là ouyt le dict Roy d'armes sur sa charge, Telle, que le Roy, comme confederé, & amy du dict Roy d'Angleterre, luy faisoit à sçauoir son voyage de delà les môts, en le priant que tousiours ensemble feussent bons freres, & loyaulx amis, comme tousiours de leur temps auoient esté. A quoy respondit le Roy d'Angleterre, Iamais, dit-il, ne luy fauldray, Et avec ce si le Roy de France, mon frere, ha mestier de mon aide, moy-mesmes en personne me trouueray à son besoin, & affaire. Ce dict, le Roy d'armes apres auoir ouy sa bonne response, s'en alla deuers le Roy, auquel dit ce que de par le Roy d'Angleterre auoit en charge de dire, Dont le Roy feut bien ioyeux.

AVSSI QUELQUE temps deuant ce, auoit le Roy enuoyé vn sien Secretaire, nommé Maistre Iean Bouchier, vers le pays des Ligues, pour sçauoir le vouloir des Seigneurs des Ligues & Cantons du pays, sur le consentement de tirer & auoir du dict pays vn nombre de gens. A quoy les dictes Seigneurs des Ligues, & Cantons, donnerent leur consentement. Dont le Roy de ce aduertty, transmeit deuers Messire Ican de Durefort, Seigneur de Duras, estant lors de là les monts en la Duché de Milan, auquel manda que à toute diligence s'en allast deuers aucuns des Seigneurs des dictes Ligues, & Cantons, Et

quelà choisit, preint, & leuaist, iusques au nombre M.D.VII. de dix mille payes, Ce qu'il feit. Et iceulx leuez, & Gennes. prests de marcher, eurent le premier de leur payement, ains que desemparer leur pays, disans, que ain- si l'ont de coustume. Et de vray ja ne marcheront vn pas, qu'ils ne voyent la croix deuant. Le Lieutenant du Roy, qui lors estoit à Milan, sçaichant les dicts Suisses marcher, leur enuoya au deuant Messire Iean de Bessey, Gruyer de Bourgongne, pour iceulx recepuoir. Lequel s'en alla à vne ville, nommée Varaiz, de la Duché de Milan, & là receut iceulx Suisses, lesquels n'estoient encores tous assemblez: mais partie d'eulx auoit marché deuant, & les autres venoient apres. Au dict lieu de Varaiz, feut faict aux premiers venus second payement. Ce faict, partirent du dict lieu de Varaiz, & marcherent iusques en Alexandrie, où seiournerent quelque temps, en attendant le surplus de leur suite, qui encores estoit derriere. Messire Charles d'Amboise, Lieutenant du Roy, feut aduerty lors, que les autres du demeurât des dicts Suisses marchoient vers Varaiz. Parquoy leur enuoya Messire Iean de Bessey, pour iceulx recepuoir, comme auoit faict les autres, lequel y alla, & les trouua ja arriuez, où pouuoient estre en nombre trois mille cinq cents, lesquels feurent là pareillement payez. Et apres leur payement faict, feirent aucune difficulté de marcher en auant, disans, qu'ils ne sçauoient si leurs gens estoient deuant, ou non, & que sans eulx n'iroient outre, & tout plein d'autres propos, signifi- fians quelque don pour les Capitaines. Ce que en-

M.D.VII. tendit bien le dict Messire Iean de Bessey. Dont meit Gennes. la main à ses coffres, sans esparagner pour poincts & foyes de veloux, & autres bagues qu'il leur donna. Et feit tant qu'il les feit marcher droict à leurs compagnons, qui d'Alexandrie ne voulurent partir, que premier ne feussent asseurez, que ceulx qui apres eulx venoient, ne feussent hors le lieu de Varaiz, pour tirer vers eulx. Disans, que fils n'estoient tous ensemble, ja ne se trouueroient en camp pour combattre. Toutesfois par dons & promesses que leur feirent les Capitaines de l'armée de France, & autres Gentils-hommes François, ils se meirent tous en auant.

CHAPITRE XVI.

Comment le Roy transmeit Maistre Georges, Cardinal d'Amboise, deuant en Ast, pour aduancer son affaire, & faire haister son armée, Et du nombre de ses gens d'armes, & autres choses sur le faict de la guerre.



TOUTE DILIGENCE passoit le Roy son pays du Daulphiné, & preint son chemin de Grenoble, à Gap, à Ambrun, à Briançon, à mont Geneure, à Ourse, où là luy veint au deuant le Duc de Sauoye, bien accompagné de Seigneurie de son

pays, lequel conduisit le Roy iusques à Moncalier, M.D.VII.
vne deses villes de Piedmont. *Gennes.*

LE ROY ainsi estant à son dict voyage, trans-
meit deuant le Cardinal d'Amboise en Ast, pour fai-
re haster son armée de marcher en auant. Car ja
estoit passez long temps deuant quatorze mille
hommes de pied, que conduisoient Mollart Suffray
Allemand, Gouverneur de Grenoble, Iacques d'A-
legre, Seigneur de Milho, Messire Yues de Malher-
be, & autres Capitaines François, qui estoient de là
les monts. Aussi estoit passée l'artillerie, & charroy
d'icelle, Dont l'une partie estoit venue de France, &
l'autre de Milan. Et le tout estoit à Tourtonne.

MESSIRE CHARLES d'Amboise, Lieutenant
du Roy de là les monts, auoit aussi mandé tous les
gens d'armes des garnisons de la Duché de Milan,
qu'ils s'assemblassent tous pour faire camp, & mar-
cher deuers le Bourg de Busalle, auquel lieu se deb-
uoit trouuer toute l'armée de France. Et ja estoient
assemblez avec les gens de pied, & l'artillerie à Tour-
tonne, prests de marcher en auant. Estans en nom-
bre, selon ce que i'ay veu & sceu au dict lieu, & au lo-
gis de la dicte armée,

PREMIEREMENT, les cent hommes d'armes de
Messire Charles d'Amboise, Lieutenant du Roy,
Ayans lieu pour leur garnison, au Castellats, & à
Tourtonne. Les cinquante hommes d'armes, de
Messire Philippes de Cleues, dont estoit Lieute-
nant, le bastard de la Clayette, tenans leur garnison à
Solieres pres Felissant. Cinquante hommes d'armes,

M.D.VII. d'un nommé Iean Guillerme, Marquis de Montfer-
Gennes. rat, tenans garnison dedans les villes du dict Mar-
quisat. Cinquante hommes d'armes de Francisque
de Gonfago, Marquis de Mantoüe, duquel est Lieu-
tenant vn nommé Guillaume Gouffier, de Boisi,
estans en garnison en Lastizane. Cinquante hom-
mes d'armes de Alain d'Albret, Sire du dict lieu,
soubz la charge de Messire Iean de Durefort, Lieute-
nant du dict Sire d'Albret, & cinquante de Messire
Iacques de Chabannes, Seigneur de la Palice, à Par-
me. Cinquante hommes d'armes de Gaston, Com-
te de Foix, conduicts par Messire Roger, Baron de
Beart, son Lieutenant, à Salles pres Pauie. Cent hom-
mes d'armes du Seigneur Iean Iacques, tenans gar-
nison à Pauie. Cent hommes d'armes de Messire Ro-
bert Stuart, Escossois, desquels la garnison estoit à
Nouarre. Cinquante hommes d'armes de Messire
Iean de Bessey, Gruyer de Bourgongne, tenans gar-
nison à Come. Cinquante hommes d'armes du Sei-
gneur de Môroison, en garnison à Lodes. Cinquan-
te hommes d'armes de Messire Antoine Marie de
Saint Seuerin. Cinquante de Messire Antoine Ma-
rie Paluesin, rous à Plaisance. Cinquante hommes
d'armes de Messire Yues d'Alegre, tenans garnison
à Lastizane. Quarante homme d'armes de Adrian
de Brimeu, Seigneur de Humbercourt, en Lastiza-
ne. Quarante hommes d'armes du Seigneur de Cha-
stellart, en Lastizane. Trente hommes d'armes du
Seigneur de Fontrailles, en Lastizane. Vingt cinq
hommes d'armes de Messire Theodore Treuolce, à
Marignan.

Marignan. Et les cent Albanois de Messire Mercure, M.D.VII. en Lastizane. Lesquels comme j'ay dict avec les gens Gennes. de pied François, & l'artillerie, estoient lors au dict lieu de Tourtonne.

MAISTRE GEORGES, Cardinal d'Amboise, estoit en Ast, auquel lieu manda venir aucuns Capitaines, & gens de Conseil, pour traicter des affaires du Roy. Par lequel conseil, feut conclud que les gens d'armes des dictes garnisons, avec les pietons, & artillerie, à toute diligence marcheroiēt droict au bourg de Busalle, quatorze mille pres de Gennes. Et delà, selon la menée & conduicte de Messire Charles d'Amboise, Lieutenant du Roy, besongneroiēt. Et que là aussi se rendroient les dix mille Allemands, qui estoient venus du pays des Liges.

ET FEVT DICT aussi que deuers Messire Yues d'Alegre, qui lors à toute grosse puissance estoit à Sauonne, seroit enuoyé, pour le faire rendre au dict lieu de Bourg, deuers le Lieutenant du Roy. Dont feut là transmis au dict lieu de Sauonne, vn des Gentils-hommes du Roy, nommé celuy Gentil-homme Messire Jean Picart, Bailly d'Estellan, lequel s'en alla à Sauonne. Et là aduertit le dict Seigneur d'Alegre, qu'il estoit appoincté que avec ses gens se rendroit au Bourg de Busalle, pour là se ioindre à l'armée du Roy, & de là marcher en auant: Et qu'il failloit gaigner la montaigne, pour tirer vers Besaigne avec partie de l'armée, pour assaillir Gennes de deux costez. Dont estoit requis que toute l'armée se trouuaſt à Bourg, pour illec estre departie, si mestier

M.D.VII. estoit, ou mise à chemin, droict à Gennes. Messire **Gennes.** Yues d'Alegre, oyant les paroles de celuy Bailly d'Estellan, dit, Je pensoye qu'il feust besoin de garder la marine d'entre cy & Génes, pour l'effroy que pourroient par là les villains de Gennes faire sur nostre armée. En quoy les eusse tousiours empesché, & tenu en seureté le chemin. Et avec mes gens d'armes la dicte marine, & les enuirons de la ville de Gennes, tenu en craincte. Mais puis qu'il est dict, qu'il faut que toutes choses mises à part, se rendent à Bourg, ie transmetray là partie de mes gens. Et de moy seray tousiours prest, de me trouver où mestier fera. Et ce dict, enuoya deux mille hommes au dict lieu de Bourg, & demeura à Sauonne, iusques mestier feust d'aller outre. Ce fait, le dict Gentil-homme s'en alla deuers le Lieutenant du Roy, pour l'asçauanter de ce qu'il auoit fait.

ENTRE GAVY, terre des nobles de Gennes, & la dicte ville de Gennes, auoit plusieurs gros bourgs, & forts villaiges, comme Bourg Busalle, Pontadesme, Riuereu, S. Pierre d'Araine, & autres lieux de la Seigneurie de Gennes, lesquels estoient demeurez inhabitez pour doubte de la guerre. Dont les habitans auoient retiré leurs biens à Gennes. Et eulx gardoient les montaignes avec la commune du pays, qui se nommoit la Commune de Poulceure. De laquelle estoit Capitaine, vn nommé Guilhaon, par qui estoit venu l'occasion de tout le mutin. Lesquels villains estoient en nombre de dix mille, ou plus, & gardoient iceulx les montaignes, & passaiges du

pays, si que nul n'y passoit, qui ne feust destrouffé. M.D.VII.

ET AVSSI du Royaume de France venoit tant Gennes. de gens d'armes, que toutela Sauoye, & le Daulphiné, en estoient pleins. Car tous les Princes, & grands Seigneurs de ce Royaume, reserué François d'Orleans, Comte d'Engoulesme, seconde personne de France, y estoient, & grand nombre de ieunes Gentils-hommes, qui sans gaiges, pensans qu'il y eust là mortelle bataille, & honneur à acquerir, & voyans la personne du Roy, prendre le voyage, se trouuerent les vns en poste, doubtrant n'y estre à temps, les autres des premiers, pour y estre sans faillir.

LE ROY Ferrand d'Arragon, estoit lors à Naples, avec Dame Germaine de Foix, sa femme, laquelle estoit niepce du Roy. Et sçaichant le dict Roy d'Arragon l'entreprise du Roy sur la ville de Gènes, & comme elle s'estoit rebellée, luy enuoya par mer quatre galleres, & deux fustes armées, desquelles estoit Capitaine vn nommé Miquel Pastour. Lesquelles se rendirent par la mer du Leuant deuant Gennes, où estoit vn nommé Pregent le Bidoulx, Capitaine de quatre galleres, & de huit gallions, qu'il auoit pour le Roy. Et ainsi tous deux assemblez, teindrent Gennes en telle subiection, que homme sans leur mercy n'y auoit entrée, ou issuë. Et ne pouuoient pour leur destour, Gennenois auoir viures, ne autres choses à eulx necessaires, par mer, Ce qui moult les greuoit.

M.D.VII.

Gennes.

CHAPITRE XVII.

*Des sieges du Chasteau de Gennes, & d'un
assault tres-dur, que là donnerent
les Genneuois.*



LOUISIOVS CONTINVOIT le sie-
ge du Chasteau de Gennes, qui sans
cesser estoit par les Genneuois battu,
& assailly, mais si bien defendu par les
François, que sur eulx ne gaignerent
les ennemis vn seul fort, dont leur ennuyoit moult.
Et eulx sçachans la venuë de l'armée de France, qui
ja estoit pres, plus fort qu'oncques mais ruèrent
coups, & abbatirēt murailles de tous costez. Et avec
ce feirent mines soubz terre, pour tirer vers vne tour
de la place, & icelle ruër par terre. Asscz pres du Cha-
steau, demeuroit vne femme Généuoise, de laquelle
estoient les François bien voulus, comme elle leur
monstra. Car ainsi que les Genneuois faisoient leur
mine soubz terre, pour les vouloir surprendre, icelle
montra au plus hault estaige de sa maison, qui en la
veuë du Chasteau estoit, & se meit en lieu où ceulx
du Chasteau, & de Sainct Francisque, la pouuoient
bien aduifer. Et là par plusieurs fois, & diuers signes,
leur monstra, comment on faisoit mines soubz ter-
re, pour les prédre. Et apres cheuauchoit vn baston,
& mettoit en sa main vne gaule longue, faisant ma-

niere de tourir la lance. Puis faisoit vn estandart, & M.D.VII. monstroit comme leur secours venoit de France. A Genes. l'autre fois leur monstroit vn char, qui estoit le cry du Seigneur Iean Louys, pour bailler à connoistre qu'il venoit. Et à toute heure leur faisoit diuers signes, lesquels ne peurent clairement entendre les François, si n'est qu'ils se doubterēt des mines qu'on faisoit soubz terre, pour les signes que ceste femme leur faisoit. Dont s'assemblerent Messire Galeas de Sallazart, Capitaine du Chasteau, Louys de Saint Aulbin, Capitaine de la Citadelle, & Allabre de Saule, Capitaine de Saint Francisque. Et parlerent ensemble de cest affaire, disans, que celle femme ne leur faisoit les dicts signes pour neant. Parquoy se doubterent, & teindrent sur leurs gardes. Mesmement la nuit se meirent contre terre, l'oreille aux escoutes. Ayanstabourins, & des poix dessus, bassins à barbier, & aiguilles dedans, qu'ils posoient aux lieux où pensoient estre faictes les mines, mais ils n'y connoissoient rien. Car les Genneuois, afin qu'on n'entendist le bruit de leurs dictes mines, illec au plus pres, & de nuit, charpenoient leurs eschelles, manteaux, & cheuretes, & faisoient le plus de bruit qu'ils pouuoient, mesmement es lieux, où ils faisoient leurs dictes mines.

OR ADVEINT que le Mercredy de la sepmaine sainte, Allabre de Saule, Capitaine de Saint Francisque, sur le poinct de dix heures de nuit, estant aux escoutes avec ses gens, dedans le iardin d'embas, ouït miner soubz terre, & le bruit de leurs

M. D. VII. coups entendit. Dont tout en l'heure, sans bruit en-
Gennes. uoya querir aucuns de ses gens, qui guettoient d'au-
 tre costé, auxquels se fioit. Si leur dit ce qu'il auoit
 ouy, & les feit escouter, & ouyr, sçauoir si c'estoit mi-
 ne, lesquels dirent que si estoit. Dont aduiferent,
 pour ce que à leur semblant la mine tiroit vers vne
 tour de leur fort, & ja en estoit à quatorze pas pres,
 ou enuiron, que là feroient vne tranchée, & contre-
 mine, & à la trauerse, pour couper chemin à leurs
 ennemis. Ce qu'ils feirent, en maniere que le lende-
 main à midy, iour du Ieudy absolu, trouuerent la di-
 cte mine, & les Genneuois dedans. Laquelle feut as-
 faillie par les François qui là estoient, & defenduë
 des Gennueois, où feurent blesez deux d'iceulx
 François: Mais à grands patacs feurent iceulx Gen-
 nueois oultrez, tellement qu'ils abandonnerent les
 dictes mines, que les François gaignerent, & fortifie-
 rent de leur part. En maniere, que par là n'eurent
 plus doubte de leurs ennemis.

LE VENDREDY sainct, & la vigile de Pasques,
 d'un costé & d'autre tirerēt quelques coups de me-
 nuë artillerie, sans faire grand effort. Mais le lende-
 main, apres que chascun eut fait ses Pasques, sur le
 poinct de onze heures du matin, recommencerent
 les Genneuois à tirer de leurs grosses pieces d'artille-
 rie, c'est à sçauoir de gros canons, serpentins, & gran-
 des couleurines, tirans tous boulets de fer, lesquels
 tiroient de plusieurs lieux, & mesmement d'un lieu
 nommé Pauie deuers Besaigne, pres d'un College
 de Nonnains, où là auoient vn fort rempart, & des

le commencement du siege mis là vn gros canon, *M.D.VII* nommé le Lizard. Aussi tiroient d'vn autre lieu du *Genes.* costé deuers Saint Roch, & de plusieurs autres lieux, où auoient faict forts & remparts, dont tirent contre le Chasteau, & Saint Francisque. Ainsi que celle partie duroit, le Capitaine Allabre, & partie de ses gens, se merrent à leur defense. Et là commencerent à tirer coups contre le rempart de leurs ennemis. Mais la grosse artillerie d'iceulx Geneuois tiroit si menu, qu'ils ne se osoient descouyrir. Et tellement feut, que l'vn des canonniers Geneuois estant au dict rempart nommé Pauie, adressa vers vne tour du iardin, où estoit le dict Allabre, & aucuns de ses gés. En sorte, que le boulet entra tout au trauers de la tour, & rua si roidement, que des esclats de la muraille, le dict Allabre feut fort blessé au visaige, & dessoubs la tetine au costé fenestre, si qu'on pensoit qu'il feut mort. Trois autres des siens feurent aussi blesez, & couuerts d'vn pan de la dicte tour, qui tomba sur eulx. En maniere, qu'ils cuiderent là estouffer. Car homme n'osoit là approcher, pour les secourir, pour l'horrible batterie, qui là se faisoit. Mais puis peu apres la force de la dicte batterie cessée, le dict Allabre, & ses gens blesez avec luy, par aucuns des autres des siens, feurent tirez, & emportez, & mis en la litiere.

CHAPITRE XVIII.

*Comment les Genneuois assaillirent à toute force
le Chasteau de Gennev. Et de la mer-
ueilleuse defense que la firent
les François.*



MERVEILLEUSE FEVT celle batterie tout celuy iour de Pasques, le Lundy, le Mardy, & le Mercredy. Sans cesser ruèrent coups les Gêneuois, sans que ceulx de la place eussent repos de leur part. Car si ceulx de la ville enuoyoiert souuent de leur relief au Chasteau, de mesme mers estoient seruis. Et tant, que au trauers de la ville, & sur le siege, y parut iusques à l'estimation de plus de cent morts, & de deux cents blesez. Plusieurs de ceulx du Chasteau, feurent aussi blesez & morts. Quoy plus? Si n'est que les Genneuois voyans approcher l'armée de France, pour secourir le Chasteau, & assieger Gennev, dirent, Il nous est mestier à ceste fois de prendre nos ennemis d'assault, ou leuer nostre siege, pour aller au deuant de l'armée de Frâce, & luy donner la bataille. Mais pour le meilleur debuons nous efforcer à prendre ceste place. Car si vne fois elle est entre nos mains, Prince du monde iamais ne nous assauldra. Et aussi en faillant à ce, nous sommes frustréz de nostre intention, & descheus de nostre entreprise.

treprise. Pource mettons les mains à l'œuvre, & que M.D.VII.
chascun de nous y facetel debvoir, que ce soit ius- *Gennes.*
ques à l'augmentation de nostre hōneur, & au pro-
fict de nostre Seigneurie. Telles paroles dirent au-
cuns des Seigneurs Genneuois, pour donner cœur
au peuple, & bon vouloir à leurs soldats. Dont ad-
ueint que le Mercredy de Pasques, entre vne & deux
heures apres midy, les dicts Genneuois commence-
rent à sonner leur assault de trompetes, & grosta-
bourins, à grand bruit de cris, & tumulte de peuple.
Et auec grand nombre d'eschesles, pauois, man-
teaulx, cheuretes, & autres choses necessaires pour
donner assaults, approcherent Sainct Francisque, du
costé du iardin, & en plusieurs autres lieux brechez.
Et là de premiere aduenue dresserent en diuers lieux
plus de quatre cents eschesles, & commencerent vi-
goureusement à monter. Messire Galeas, Capitaine
du Chasteau, Louys de Sainct Aulbin, & leurs gens,
auec ceulx de Sainct Francisque, feurent tous arren-
gez aux breches & lieux qu'il failloit defendre, gar-
nis d'artillerie, de traiçt, de grosses pierres, de lances
à feu, de huilles boüillans, de pots pleins de souphre,
& de chaulx viue, pour ruër sur les premiers qui se
hasteroient de monter. Que feut ce, les Genneuois
en nombre de plus de trente mille enuironnerent
tout le College Sainct Francisque, & se meirent à
grosses escoadres, pour assaillir à relais, disans que
lors que les vns seroient morts, laissez, ou affollez, les
autres prendroient leur place. Et ainsi amoncellez
comme pourceaulx, à la foule semeirent à monter

Q

M.D.VII. leurs eschelles. Qui eust lors veu grands coups de *Gennes*. main donner sur ces eschelleurs, emporter testes, & bras, & renuerfer Genneuois du hault des eschelles en bas, & l'un sur l'autre acrauanter à gros móceaulx, eust eu horreur de l'affaire. Mais quád les vns estoient abbatus, les autres remontoient tres-hardiment. Aucuns des nostres estans au dedans des tours, & sur les defences, tiroient traict & artillerie à la montée, tellement que grande occision en faisoient. Mais pour tant homme ne desemparoit. Tousiours durroit le combat main à main sur les eschelles, qui estoient cramponnées pour attacher à la muraille, & toutes pleines de Genneuois, qui à toute puissance s'efforçoient d'entrer. Mais les François du dedans leur deffendoient de telle force, que des ce qu'ils mettoient le pied hors l'eschelle, pour vouloir entrer, ils estoient sans faillir renuersez du hault en bas. Tant feut sanglant le dict assaut, que toutes les eschelles, & la muraille, où le combat se faisoit, estoient enrougies de sang. Durant ce dur assaut, comme les Genneuois s'efforçoient de tous costez vouloir entrer, les François aduiserent vn lieu nommé la Carace, contre l'Eglise Saint Francisque, qui est vne voulte où l'on met les morts, où auoit vn bout de muraille rompu, à passer trois hommes de front. Et pensans que par là s'efforceroient aucuns Genneuois d'entrer, pour leur donner vne amorce, feirent là vne trainée de pouldre à canon. Puis aucun des François avec son feu tout prest, semeit attouchant de sa trainée. Et là en attendant veid venir ses

gens, & entrer par la dicte breche, iusques au nom- M.D.VII.
bre de tréte. Lesquels entrez, le boutefeue feut prest, Gennes.
& enflammée la trainée. En maniere, que des trente
en brulla vingt & deux. Les autres qui estoient les
plus pres de la breche, se ietterent à bas, tous affollez,
& les autres ardirent sur le lieu. Sans cesser duroit ce
mortel assault, & tant que les François estoient
moult foullez & combatus. Car ja en y auoit bien
vingt morts, & quarante de blesez. Et pour ce ne
perdoient coup à dōner. Car à les veoir besongner,
tant plus combatoient, tant plus efforçoient leurs
coups. Somme, ces pauures soldats feirent merueil-
les d'armes. Aussi estoit là Messire Galeas de Salla-
zart, qui frapport au desesperé. Depuis deux heures
apres midy iusques à la nuict dura celuy assault, que
les Genneuois ne voulurēt pour mourir tous aban-
donner, iusques à grands lances de feu, & cercles
pleins de souphreardant, huile boüillant, & chaulx
viue, ils feussent par les François chassez de leurs es-
chelles. Lesquelles à la parfin abandonnerent, dont
les dicts François en gaignerent bien trois cents, les-
quelles depuis ie veis au dict Chasteau de Gennes.
Ainsi se retirerent les Genneuois, mais non pas tous.
Car par auoir ouy dire à plusieurs de ceulx qui au
dict assault feurent, plus de quatre cents hommes
morts demeurèrent au pied de la muraille, & y feurent
plus de six cents blesez.

MAIS POVR tant ne leuerent leur siege, ains le
lendemain, qui feut vn leudy apres Pasques, recom-
mencerent la batterie de plus belle, laquelle conti-

Qij

M.D.VII. nuerēt huit iours sans cesser. Durant lequel temps, *Gennes*, vn François, Capitaine de mer, nommé Pregent le Bidoulx, avec quatre galleres qu'il auoit, & quatre de celles d'Espaigne, qui là estoient venuës pour seruir le Roy, suiuit & chassa vne fuste Genneuoise, iusques dedans le tercenal de *Gennes*, qui est vn lieu au bout du moule, & contre la ville, où les barques & fustes qui apportent viures à *Gennes*, viennent aborder pour faire leur descharge. Dont voyans les Genneuois ainsi approcher les galleres de France, preindrent leur grosse artillerie, & la porterent sur le moule, pour celuy defendre, & sur les passaiges, où pensoient venir les François. Ainsi cessa la batterie du Chasteau. Et eulx voyans que là ne feroient rien de leur profit, feirent vn fort bastion sur le sommet de la montaigne de *Gennes*, au droit de la venue des François, & là meirent grosse garnison de gens d'armes, & bonne artillerie. Aussi meirent gens au Castellat, pour secourir le dict bastion, & faire sailles & allarmes sur les François, fils approchoient *Gennes*. Pareillement feirent forts, & barrieres, tout le long de la montaigne, au pied, & sur la croupe d'icelle, & empescherent tous les passaiges, & à tous costez meirent artillerie, pour tirer à la venue des François. Et meirent quatorze ou quinze mille hommes en armes sur les dictes montaignes. Et partie d'iceulx enuoyerent iusques à la venue du Bourg de *Busalle*, pour là commencer à empescher le passaige des François.

LE ROY à toute diligence aduançoit lors son

voyage, lequel arriua en Piedmont vn Mardy de M.D.VII. apres Qualimodo, & sans aucun seiour s'en alla Gennes. droict en Ast. Au deuant de luy veint Charles, Duc. de Sauoye, comme dict est, accompagné des Seigneurs de son pays, avec grand nombre de Gentilshommes, & Prelats d'Eglise. Et là luy offrit de sa part seruire de sa personne, secours de ses gens, & les clefs de ses villes, en le voulât accompagner à son voyage de Gennes, fil luy plaisoit, desquelles choses le remercia le Roy bien fort. Et puis s'en alla en sa ville & Comté d'Ast, où illec feut receu des Seigneurs du pays, & peuple de la ville, à grand ioye. Et preint son logis chez vn nommé Messire Alexandre Malbelle, vn de ses Maistres d'Hostel, lequel estoit moult bien logé à certes. Là se trouuerent des Princes & Seigneurs des Itales, Alphonse d'Est, Duc de Ferrare, Francisque de Gonzago, Marquis de Mantouë, lequel auoit rencontré le Roy à Veillaine en Piedmont, Iean Guillerme, Marquis de Montferrat, le Seigneur Iean Iourdain des Vrsins, lequel pareillement estoit allé au deuant du Roy iusques à Grenoble, Messire Alexandre de Bentiuolle, fils de Messire Iean de Bentiuolle, Gouverneur feu de Boulongne la grasse, estant lors prisonnier entre les mains du Roy, le Comte Ludouic Borromée, & grand nombre d'autres Italiens, & Lombards, estans là venus, montez, & armez, avec grosse suite de gens d'armes, pour seruir le Roy à son voyage, & guerre de Gennes.

LA SEIOVRNA le Roy par l'espace de quatre

Q^{iiij}

M.D.VII. iours , pour vn peu se rafraischir. Et cependant feit *Gennes.* mettre son armée à chemin, laquelle Messire Charles d'Amboise, son Lieutenant, conduisoit. Et ordonna icelle marcher droict à Bourg de Busalle, Ce qui feut faict. Et voulut aussi que Messire Iean Iacques, demeurast en la Duché de Milan, pour faire la prouision des viures, & se donner garde du pays. Aussi y auoit ja pourueu Messire Charles d'Amboise. En maniere, qu'il auoit donné charge à quelques marchands du pays, d'en faire le plus grand pourchas, que possible seroit. Et avec iceulx auoit marchandé, & baillé cinq mille escus d'aduance, lesquels s'en acquiterent tres à poinct.

LES VENITIENS estoient lors à grosse armée en la Comté de Cremone, terre de Milan, lesquels ne faisoient maniere de saillir de leurs garnisons, mais disoient qu'ils estoient là pour garder leurs pays, & secourir le Roy, si besoin auoit de leur aide. Toutesfois on ne s'y fioit pas trop, Car ils ont souvent garde derriere, & tiennent le party des plus forts.

EN AST se reposoit le Roy lors, Et luy vn iour se sentant deliberé, dit que il se vouloit essayer en son harnois, & cheuaucher vn des coursiers de son escuyerie, pour s'en aider à la bataille, laquelle chacun esperoit. Et comme ce iour ie feusse entré en sa chambre, pour luy vouloir bailler quelque peu d'escrpt ioyeux que i'auoye en la main, ie le trouuay en pourpoint avec peu de gens, & Messire Galeas de Saint-Seuerin, son grand escuyer, aussi en pour-

point, lequel luy chaussoit ses follelers, & harnois de M.D.VII. iambes, avec les cuissots. Ce faict, demanda la cui- *Gennes.* rasse, & premier que la vouloir prendre, dit au dict Messire Galeas, le la veulx veoir premierement sur vous, car mon harnois vous est presques tout faict. Apres que le dict escuyer feut armé de la dicte cuirasse, le Roy la regarda de tous costez, & la trouua bien faicte, disant, Je cuide qu'elle me sera bonne, & bien aisée. Et feit desarmer celuy escuyer, puis se feit armer de sa dicte cuirasse, & de toutes les autres pieces. Et essaya dessus son harnois vn soye d'orfèverie moult riche, & tout autour semé d'escripteaux, où estoit escript en lettre Romaine, *Nescis quid vesper vehat*, c'est à dire, Tu ne sçais, quelle chose la fin porte, ou tu ne sçais la fin à quoy ie tends. Tandis qu'il se faisoit armer, ie desplyay mon papier, en m'approchant de luy, & luy dis, Sire, l'ay faict vne petite balade touchant les Genneuois, fil est vostre plaisir de l'ouyr, ie l'ay icy. Lors me commanda que ie la leusse, ce que ie feis comme s'ensuit,

*LES Genneuois de leur propre nature,
N'ont foy, ne loy, si ce n'est d'aduanture
Par faintise, qu'on ne doit soustenir.
Ia tant de fois ont mis à la ruyture
Leurs promesses, qu'il n'y ha creature
Raisnable, qui se y vueille tenir.
Voire & cuident par force entretenir
Leur bon credit, & mener leur affaire,
Sans le debuoir & tribut vouloir faire
A vous, Sire, ne à droict vous supplier.*

M.D.VII. *Mais s'ils sont forts, pour leur effort deffaire,
Gennes. Leur force faut par force humilier.*

*L'historiale & prouuée escripture,
Nous monstre assez, & faict claire lecture
De leurs faulx tours, dont nous deust souuenir,
Sur nos gens lors feirent desconfiture
En leurs destroicts, sous ombre & couuerture
De leur vouloir aider, & subuenir,
Le Roy Louys les scent bien preuenir,
Quand en enfer ordonna leur repaire.
Au Roy Charles teindrent party contraire,
Puis les voyez contre vous rallier.
Que reste plus? pour venir au parfaire,
Leur force fault par force humilier.*

*Faiçtes sur eulx, & dessus leur closture
Vn tel eschec, & si ample ouuerture,
Qu'on y puisse seur aller, & venir,
Sans leur laisser ne viure, ne pasture,
Place, ne fort, or, argent, ne voicture,
Tant qu'il en soit memoire à l'aduenir,
Et que tous ceulx qui les voirront punir,
Ayent tout temps craincte de vous meffaire,
Mais au surplus qui voudroit satisfaire,
A son deffault, il fault tout oublier.
Aux rebelles qui ne se voudront taire,
Leur force fault par force humilier.*

*Prince, à la fin qu'on n'y soit à reffaire,
Prenez tous ceulx qui ont voulu forfaire,
Et les faiçtes bien baguer, & lier,
Pour les traicter, comme il vous pourra plaire,*

Et en

*Et en faire des autres l'exemplaire,
Leur force fault par force humilier.*

*Vne autre fois aduiendroit de leger,
Que par default de les bien corriger
De leurs delicts, dont ils en ont faict tant,
Que leur vouloir seroit prest & content,
De faire vn tour pour vous endommaiger.*

*Si à ce coup ne les faictes renger
A la raison, il est bien à songer,
Qu'ils en feront encores bien autant,
Vne autre fois.*

*Puis qu'autrement on ne s'en peut venger,
Chastiez les ores pour abreger
Vn coup pour tous, en vous y esbatant.
Et cela faict, soyez assure de tant,
Que eulx & autres doubteront le danger,
Vne autre fois.*

A PRES LA lecture de ceste ballade, le Roy transmeit querir vn courfier bay, nommé bay gratieulx, lequel feit amener dedans vn preau fermé, derriere son logis. Et luy armé de toutes pieces, monta legerement dessus, sans aide. Et là commença à faire faire carriere, courses, & grands faults à son dict cheual, qui estoit si tres à main à la bouche, & à l'esperon, qu'il en faisoit tout à son plaisir. A la fois luy donnoit vne viste course, & à l'arrest le tour, & les quatre pieds à mont. Et à la fois le grand fault, & la ruade, avec le trot court sous bride, & tous les tours que cheual pouuoit faire. Aussi estoit le Roy qui le manioit, si tres à droict, & tant bien à cheual,

R

M.D.VII. que pour fault, ouruade, que feist son cheual, on Gennes, n'eust ouy sur luy piece de harnois branfler. Somme tant tourmentra son dict cheual, qu'il le meit tout en caüe, puis meit pied à terre, & s'en alla boire, & des- armer.

LA NEVST Officier de la maison du Roy, des les plus grands iusques aux souillons de cuisine, qui n'eussent leurs harnois. Aucuns des vieils Maistres d'Hostel du Roy, & autres qui pour la goutte n'estoient aisez de leurs personnes, voyans que c'estoit à tout, essayerent aussi leurs harnois, quel long temps deuant ce n'auoient mis sur le dos. Somme il n'y eust celuy qui ne meit la main aux armes. Voire aucuns Prelats & Seigneurs d'Eglise, qui là estoient, disans que deffendre par armes la personne du Prince, Seigneur de leur pays, estoit milité & bataillé pour la defence mesme du pays, Ce qui leur est permis & loisible, en temps de necessité.

APRES QUE le Roy eut pris en Ast quatre iours de repos, & mis son armée à chemin, pour tirer à Gennes, partit de sa dicte ville d'Ast en armes, avec plusieurs des Seigneurs de son sang, & autres grands Seigneurs de France. Là auoit avec luy cent de ses Gétils-hommes, & toutes ses gardes. Et ainsi le vingt & vniesme iour du mois d'Auril, en l'an mille cinq **M.D.VII.** cents & sept, tira son chemin droict à Felissant, terre de Marquisat, où dormit pour la nuitée ensuiuant.

MESSIRE CHARLES d'Amboise, qui conduisoit son armée, estoit ja au Bourg de Busalle, & six mille de Allemans, qui premiers estoient venus

des Liges, ionctz à la dicte armée de France. L'autre M.D.VII. bande d'iceulx Allemans, estoit aussi arriuée à vne *Gennes*. petite ville, nommée Noue, pres de Sarraual, à l'entrée des montaignes de Gennes. En laquelle bande, estoient trois mille cinq cents Allemans, lesquels ne vouloiét pour rien passer outre, difans que leur charge ne le portoit point, & qu'ils ne marcheroiét plus auant. Et sur ce propos, seiournerent au dict lieu de Noue six iours. Messire Charles d'Amboise, Lieutenant du Roy, & plusieurs des autres Capitaines François, meirent toute la peine qu'ils peurent, pour les faire marcher. Et pour ce donnerent à leurs Capitaines or, & argent, & force habillemens de soye, En leur difant, Messieurs, n'estes vous pas venus icy pour seruir le Roy, & à ses gaiges, que ja auez receu, & par le vouloir & consentement des Seigneurs de vos Liges, & Cantons? Ne voyez vous ja l'armée de France, & l'autre bande de vos compaignons, prests de partir pour aller à Gennes, & le Roy mesmes qui nous marche en queue, pour se ioindre avec la dicte armée? Plusieurs autres raisons leur furent dictes, & mises sus, mais pour ce ne voulurent desloger. De quoy le Roy feut merueilleusement contre eulx courroucé, delibérant si autre chose ne vouloient faire, de les faire tous tuer. Les Seigneurs des Liges, & Cantons, feurent par poste de ceste chose aduertis, parquoy à toute diligence leur manderent, que sur leur vie, ils marchassent en auant, & qu'ils seruissent le Roy enuers tous, & contre tous, Ce qu'ils feirent, & se mirent à la route, droict au

R ij

M.D.VII. Bourg de Bufalle, où trouuerent l'armée de France.

Gennes. LE VINGT & deuxiesme iour du dict mois d'Apuril, le Roy partit de Fellissant, & adressa vers Alexandrie. Auec luy estans Charles, Duc de Bourbon, Antoine de Lorraine, Duc de Calabre, François d'Orleans, Duc de Longueuille, & Seigneur de Dunois, Alphonse d'Est, Duc de Ferrare, Charles de Cleues, Comte de Neuers, François Monseigneur de Luxembourg, Francisque de Gonzago, Marquis de Mantoüe, Jean Guillaume, Marquis de Montferat, & tous les autres dessus nommez, reserué le Duc d'Alençon, lequel estoit demeuré en Ast, malade de la rougeolle. Et ainsi accompagné s'en alla à Alexandrie. Au deuant de luy sortirent les Seigneurs de la ville à grosse troupe, pour le recepuoir, & faire la harangue pour le peuple de la dicte ville. Aussi luy sortirent au deuant trois cents petits enfans, tous vestus de robes blanches, portans chascun en la main vne banerolle des armes de France. Lesquels petits enfans couroient au deuant de luy, cryans à haulte voix France, France, France, France. Et ainsi s'en entra par le Bourg tirant vers la Cité, où toutes les ruës estoient tenduës & parées de verdure, & au dessus toutes semées des armes de France, & de Bretagne. Et dés l'issuë d'une ruë, nommée la Ferrerie, entrant en la place de la dicte ville, auoit vne haye de verdure, couuerte d'un drap rouge, pers, & iaune, lequel alloit iusques deuant la grãd porte du Domme Saint Petre, où contre le hault de la dicte grand porte, estoient trois escus, A sçauoir au milieu, celuy de

France aux armes pleines, & aux deux costez Fran- M.D.VII.
ce, & Bretagne, my-parties. Ainsi accompagné, & Gennes.
soubz vn poisle de damas blanc à franges d'or, porté
par six des plus grands de la dicte ville, s'en alla ius-
ques à la porte du Domme, où meit pied à terre. Et
là trouua tout le Clergé de la ville, avec les relicques,
qui là le receurent & conduirent iusques deuant le
grand Autel du Domme, où là deuotement fait ses
oraisons, & offrandes. Puis ouyt la Messe dedans
vne deuote Chappelle de nostre Dame, estant sur
main fenestre du dict grand Autel. Et la Messe ouye,
s'en alla leger à l'hostel d'un des Seigneurs de la dicte
ville, nommé Messire Francisque Trot, où seiourna
celuy iour seulement, Et sceut là que toute son ar-
mée estoit assemblée à Bourg.

C H A P I T R E X I X.

*Comment les villains de Poulceure, voulurent
empescher le passaige aux François à
Bourg de Busalle, Et d'aucunes
escarmouches là faictes.*



L'ARMEE DE FRANCE assemblée
à Bourg de Busalle, & tous les Alle-
mands là venus, pource que encores ne
sçauoient soubz quel Capitaine le Roy
les voudroit faire mener, en demande-
rent vn à Messire Charles d'Amboise, Lieutenant du

R. iij

M.D.VII. Roy. Lequel leur dit, Aduisez entre vous, lequel de
Gennes. tous ceux que connoissez, vous sera plus à main, &
soubz la charge duquel aimerez mieulx estre con-
duicts, & sans point de faulte autre n'en aurez. Ce
dict, les Capitaines d'iceulx Allemands, & aucuns
autres de leurs bandoliers, s'assemblerent, & tein-
drent leur conseil sur l'eslection de leur Capitaine
general. Tant que à la conclusion, ils demanderent
tous Messire Iean de Bessey, Gruyer de Bourgon-
gne, Lequel leur feut baillé, & depuis à toutes affai-
res les conduisit & gouuerna. Vn autre Gentil-hom-
me, nommé le Lorrain, de ceulx du Roy, en auoit
aussi soubz sa charge cinq cents d'autres, appelez les
francs compaignons, par ce qu'il les auoit amenez
des dictz pays des Lignes, comme aduanturiers.

LES GENNEVOIS sceurent incontinent com-
ment l'armée de France estoit à Bourg. Et ja auant
l'arriuée de la dicte armée, auoient mis gens à grand
nōbre sur les montaignes, & auoiēt faiēt vn fort viz
à viz du dict Bourg, au pendant de la montaigne, &
là faiēt embuscher grand nombre de gens armez,
lesquels feurent des François aduisez, & descou-
uerts. De quoy feut aduertty le Lieutenant du Roy.
Et pour ce appella vn ieune Gentil-homme nom-
mé Iacques du Mas, Seigneur de l'Isle, & luy bailla
six hommes d'armes nommez Martin Villetpeyon,
Ymbault, Charles de Villennes, Sallenelles, & deux
autres, avec dix archers, lesquels enuoya à la dicte
montaigne, pour veoir la maniere, & le fort d'iceulx
villains. Iacques de Bourbon, Comte de Roussillon,

& quelques autres Gentils-hommes, & gens de pied M.D.VII.
auec eulx, tirerent aussi celle part. Et n'eurent guieres *Gennes.*
monté, que villains de toutes parts ne leur fussent en
barbe, & commencerent bien à poinct à escarmou-
cher. Et tant que finablement les François repousse-
rent les Gèneuois. Durant ceste escarmouche, deux
François archers, de la compaignée du Seigneur de
Montoisson, fescarterent des autres François, en
chassant aucuns d'iceulx villains. Lesquels archers,
feurent clos par quelques embusches, & premier
que on les peust secourir, sur le champ, feurent as-
sommés, & morts. L'escarmouche dura longue-
ment. Car les villains estoient à grand nombre, & si
auoient vn fort où se retiroient, & de là tiroient
traict à tous costez. Là feut blessé vn homme d'ar-
mes nommé Mondragon, de ceulx du Seigneur de
la Palice, & eut vn coup de traict au visaige. A toutes
mains feurent chargez ces villains, & tenus de si pres,
que plus de vingt y demeurerent morts en la place.
Et tant feut, que à la parfin abandonnerent leur fort,
& fuyrent par les montaignes, en maniere que plus
ne voulurent empescher celuy passaige.

MESSIRE MERCURE, Capitaine des Alba-
nois, feut enuoyé courir le long de la vallée de Poul-
ceure, auec vn nombre de ses Albanois, lequel s'en
alla iusques pres de Saint Pierre d'Areine, qui est
dès faulxbourgs de Gennes. Et là trouua vn Capitai-
ne de pictons Gèneuois, lequel feit bonne manie-
re de guerre, & meit bien deux cents hommes qu'il
auoit en ordre, pour attendre les dicts Albanois. Là

M.D.VII. commencerent l'escarmouche, telle que les *Genne-Gennes*. uois feurent à deux ou trois charges espartis & rompus. Si preindrent la fuite vers *Gennes*, & *Albanois* apres. Et tant que plus de vingt d'iceulx meschans *Genneuois* y demeurèrent, & mesinement leur Capitaine, duquel emporterent les *Albanois* la teste, picquée au bout d'une de leurs lances. Et en eulx retournant, trouuerent aux deux costez & au bas des montaignes, terre couuerte de gés armez, pour leur couper le chemin. Mais iceulx *Albanois* tenoient tousiours le milieu du grauier, loing des dictes montaignes de demy. iect d'arc. Et si tost que aucuns d'iceulx *Genneuois* cuidoyent prendre la plaine, les *Albanois* à course de cheual les repouffoient arriere aux montaignes, & en demeuroit tousiours quelqu'un. Et ainsi se retirerent iceulx *Albanois* iusques au Bourg, où estoit l'armée du Roy. Et là aduertirent Messire Charles d'Amboise, Lieutenant du Roy, comment les montaignes de Poulceure, estoient toutes couuertes de gens armez. Et tout au tour de *Gennes*, sur les montaignes, & au pendant d'icelles du costé de la passée de l'armée de France, auoit plusieurs forts, barrieres, & bastions, garnis de gens, & d'artillerie. Et que grand route de villains estoient embuschez par les montaignes, pour destrouffer les viuandiers, & ceulx qui s'escarteroient de l'armée, ou autres mal accompagnez, A quoy estoit besoin de y pourueoir, pour la seureté des viures, & passans. Pour mettre prouision à la garde des passaiges, le Lieutenant du Roy, ordonna estre mis
gens d'armes

gens d'armes de six milles en six milles, qui garderoient M.D.VII.
 les dictes passaiges, & de lieu à autre feroient accom- Gennes.
 pagner les viuandiers. Et ce fait, feut mis le feu par
 tout, & bruslez villaiges, & maisons.

CHAPITRE XX.

*Comment l'armée du Roy partit du Bourg
 de Busalle, pour aller assieger la
 ville de Gennes.*

LE VENDREDY, vingt & troiesme
 iour du mois d'April, en l'an mille cinq
 cents & sept, Messire Charles d'Amboi- M.D.VII.
 se, Lieutenant de l'armée du Roy, feit au
 matin desloger la dicte armée du bourg de Busalle,
 & mettre l'auant-garde assez loing deuant, que luy
 mesmes conduisoit. Entre l'auant-garde, & la batail-
 le, feit mettre en auant le charroy de l'artillerie, & le
 sommaige. La bataille, & l'arriere-garde apres, estans
 loing l'une de l'autre de deux iects d'arc, ou enuiron.
 Les Allemands, & gens de pied, avec l'artillerie. Et
 ainsi marcherent gens d'armes le petit pas, iusques à
 vn lieu nommé Pontedesme, à six milles pres de
 Gennes. Et là feurent ce iour, & tout le lendemain,
 pour tenir conseil, & ordonner des approches de
 Gennes, & de la maniere comment au plus seur le
 siege se pourroit assieoir, & mettre, & de toutes leurs
 autres affaires. Lesquelles choses feurent là mises en

S

M.D.VII. conseil, où feurét appelez Messire Iacques de Chabannes, Seigneur de la Palice, Messire Yues d'Aligre, Messire Iean de Besley, Capitaine des Allemâds, Messire Philebert de Clermont, Seigneur de Montoison, & plusieurs autres Capitaines, & Gentilshommes, pëssionnaires du Roy. Aufquels dict Messire Charles d'Amboise, Lieutenant du Roy, Messieurs, Vous sçauiez assez le vouloir du Roy, & la cause de nostre affaire, qui est entierement fondée sur la prise & reduction de la Cité de Gennes, rebelle, & desobeïssante au dict Seigneur. Or sommes nous à tant venus qu'il ne reste sur ce, que de mettre les mains à l'œuvre. Ce qui nous est mestier de faire, en maniere que ce soit à nostre loüange, à l'honneur du Roy, & au profit de la chose publicque. A ceste fin vous ay-ie voulu icy appeller, afin que chascun de vous, selon ce que en pourrez sçauoir, & entendre au plus pres, de loyal conseil m'en vueillez decouurer vostre aduis, comme ceulx qui à plusieurs haultes entreprises, & loüables faicts auez esté. Vous sçauiez à suffire de la force & situation du lieu, & comme tout au tour de plus en plus fort elle est fortifiée. Toutesfois il n'est si forte chose, si cœur vertueux par vouloir la desire, que de pouuoir ne l'obtienne. Et sçachez que Seigneurie gouvernée & soustenuë par Democratie, qui est puissance populaire, ne peut nullement durer, & longuement estre en pouuoir. Car peuple effrenné, comme est cestuy de Gennes, par enuie de dominer, ou orgueil de Seigneurie, se diuisent facilement. Or ont ja esleu, &

faict vn Duc d'un taincturier & mechanicque, que M.D.VII.
longuement n'approuueront les marchands, & Genues.
ceux du peuple gras. Parquoy nous fault vertueuse-
ment les assaillir, & donner dedans, au plustost que
faire se pourra, pour les preuenir. Et ne leur donner
temps d'aduitailler leur ville, & penser à leurs beson-
nes. Et me semble, sauf meilleur aduis, que demain
au matin, soit transmis aucun bon Capitaine avec
bonne puissance de gens d'armes, descouurir la mon-
tagne, & aduiser leurs forts. Car sur tout est requis
auant que assaillir la ville, gaigner les montaignes, &
les forts qui sont au dessus, & au tour. Autrement si
nostre armée passe outre, & les montaignes soient
occuppées par les Genueois, nos viuandiers sans
grosse garde de gens d'armes mise en diuers lieux,
(ce qui amoindriroit fort nostre armée,) ne pour-
ront passer, & nuiét & iour seroit nostre armée de
tous costez ennuyée, & assaillie, & sans repos. Par-
quoy me semble qu'il y fault enuoyer quelque bon
Chief & bien accompagné, pour aller veoir que
c'est. Et en queue faire marcher toute l'armée, pour
renforcer au besoin ceux qui monteront la mon-
tagne. Et aussi pour donner sur leurs forts, & barrie-
res, ferons là pres, & en lieux propices, charrier, &
atiltrer quelques pieces de bonne artillerie, pour
donner au trauers. Et en ce faisant m'est aduis, si
nous y allons de bonne voilhe, que nous aurons
part au logis.

L'ADVIS & opinion du Lieutenant du Roy, feut
de tous les Capitaines qui feurent là, & autres Gen-

M.D.VII. tils-hommes, loüé, & recommandé. Auquel feurent
Gennes. par aucuns des dictz Capitaines, plusieurs autres
moyens adioustez, & faictes diuerfes ouuertures,
mais à la conclusion feut dict, que la dicte montai-
gne seroit assaillie & gaignée, qui pourroit, premier
que passer outre. Et dit là Messire Iacques de Cha-
bannes, Seigneur de la Palice, Il me semble, dit-il,
que quelque nombre que soiét ces villains, & quel-
ques forts qu'ils ayent aux montaignes, si auec eulx
nous nous assemblons, que peu de resistance feront,
Veu que ce n'est que commune, qui n'ha accoustu-
mé la guerre, ne n'est vsitée du mestier, Et aussi qu'ils
ont leur ville au dos pour retraicte, où tousiours au-
ront l'œil, qui les chargera roidement. Et en outre si
quelque paoureux, (dont entre eulx y peut auoir
quelqu'un,) par crainte des horions, qui là se don-
neront à tour de bras, par aduanture prend la fuite,
Dieu sçait quelle fuite des autres il aura. Car la ma-
niere de commune, tient tel desarroy en bataille,
que le premier qui desloge, attraiet tous les autres, &
à fuyr les conuie, y ayant tel desordre au surplus, que
apres esbranler iamais ne se rallient. Dont mon opi-
nion est, qu'ils soient tost assaillis, & chargez roide-
ment. Laquelle opinion, feut tenuë de rous, Et or-
donné par le dict Messire Charles d'Amboise, Lieu-
tenant du Roy, que celuy Messire Iacques de Cha-
bannes, Seigneur de la Palice, auroit ceste charge. Et
que auec luy auroit trois mille homes de pied Fran-
çois, & quelque nombre d'autres gens d'armes, qu'il
voudroit choisir par les compaignées. Laquelle

charge preint volontiers le dict Seigneur de la Pali- M.D.VII.
ce. Et sçaichans celle entreprise plusieurs Seigneurs, Gennes.
& autres Gentils-hommes, qui là estoient, dirent
que sans eulx ne se feroit la menée, Et que Messire
Iacques de Chabannes, que chascun suiuiroit volon-
tiers, n'iroit à la dicte montaigne, qu'ils ne feussent
auec luy, Et tant, que chascun se conuiroit à ce ban-
quet. Dont se delibererent plus de cent des pension-
naires, & autres Gentils-hommes du Roy, de se
trouuer à cest affaire.

CHAPITRE XXI.

*Comment le Roy partit d'Alexandrie, pour
s'en aller ioindre à son armée, qui
marchoit droict à Gennes.*



LE ROY, QUI d'Alexandrie sça-
uoit à toutes heures nouuelles de
son armée, se voulant ioindre à elle,
partit de la dicte ville d'Alexandrie,
le vingt & troisieme du mois d'Ap-
ril, sur les sept heures du matin, apres la Messe ouye,
ayant disné legerement, & estant armé de toutes
pieces, monté sur vn coursier blanc, bardé de blanc,
auec vn foye de mesme couleur, & broché d'or. Et
ainsi, auec ses Princes, Seigneurs, & Gentils-hom-
mes de sa maison, & archers de la garde, tous armez
auec luy, cheuaucha de son logis, par la grand ruë, &

S iij

M.D.VII. le long de la place, où auoit là grand nombre de Dames, & autres des Seigneurs, & du peuple de la ville.

Dont les Dames disoient à la passée, Ha, que grand dommaige est de tant de grands Princes, & Seigneurs, & beaulx Gentils-hommes de France, qui s'en vont prendre leur fin, & mourir à Gennes, la n'en reschappera vn tout seul, disoient ces pauvres Dames. Et de vray pensoient que Gennes coustumiere d'obtenir victoire, deust tout mettre à sac. Ce que eussent bien voulu aucuns d'Alexandrie, qui par auanture y auoient de leurs freres, ou voisins, comme feut dict par apres.

OR S'EN VA le Roy cheuauchant tout armé d'Alexandrie à vn lieu nommé le Boscq, mauuais François. De Boscq, à Gauy, & au bourg de Bufalle, qui estoit tout en feu. Au dict lieu de bourg arriua le Roy, le Samedy, que le Lieutenant, & les Capitaines de son armée auoient tenu le conseil, d'aller donner sur les villains de la montaigne de Gennes, Ce qui feut faict.

CHAPITRE XXII.

Comment Messire Jacques de Chabannes , Seigneur de la Palice , avec plusieurs Gentilshommes François , & gens de pied , feut assaillir la montaigne de Gennes , Et de la prise d'un bastion , & autres forts , Et d'une bataille faicte sur la dicte montaigne.



VN DIMANCHE, vingt & quatriesme iour du mois d'April, en l'an mil cinq cents & sept, Messire Jacques de Chabannes, Seigneur de la Palice, sur le point de cinq heures du matin, apres la Messe ouye, partit du Pontedefme, avec trois mille hommes de pied, & aucuns Gentilshommes, armez, & montez legierement, & se meit en marche droict à Gennes. Lequel ne feut si tost party, que grand nombre de Gentilshommes de la maison, & des pensionnaires du Roy, ne s'armassent pour aller apres, lesquels dirent à Messire Charles d'Amboise, Lieutenant du Roy, qu'ils iroient volontiers apres. En luy priant, qu'il luy pleust, que sans eulx le dict Seigneur de la Palice ne montast la dicte montaigne, ou commenceast le hutin. A quoy differa le Lieutenant du Roy, disant, Je n'ay pas transmis le

M.D.VII.

M.D.VII. Seigneur de la Palice, pour donner la bataille à nos Gennes. ennemis : mais seulement pour aduifer la montée plus aisée, & assaillir quelque maison au bas de la dicte montaigne, où est quelque nombre de villains, qui gardent ce passaige. Et aussi n'est heure, ne lieu de leur donner encores la bataille, s'ils ne descendent en plaine. Ce que ne feront, car ils ont sur nous l'aduantage des montaignes. Parquoy n'est mestier pour ceste premiere fois faire grand effort: mais seulement veoir leur maniere, & espier les lieux. Sur ce feirent responce les dicts Gentils-hômes, Nous sçauons bien que les lieux des môtaignes sont difficiles pour nous, & aduantageux pour les ennemis. Mais tât y ha, que si le Seigneur de la Palice, que auez là enuoyé, les rencontre, quelque puissance, ou lieu aduantageulx qu'ils ayent, nous sommes tous assurez qu'il donera au trauers, quelque chose qu'il en doibue aduenir. Dont est requis, que avec ses gens de pied, aye quelque nombre de gens bien armez, pour soustenir vn faix, s'il en est besoin. Et pour ce le prierent derechef qu'ils y allassent. Or allez donc, dit-il, & gardez sur tout à ceste premiere charge, de ne hazarder par trop vostre affaire. Car le lieu où sont nos ennemis, est moult aduantageulx pour eulx. A chief de ces paroles, grand nombre de Gentils-hommes bien armez, & montez sur bas cheualx, se mettēt apres à course de cheual. Et tant, que avec le Seigneur de la Palice, & ses pietons, se trouuerent au droict d'un petit bourg, nommé Riueru, à vn mille pres de Gennes.

ET DE

ET DE là commença le Seigneur de la Palice à M.D.VII. regarder la môtaine, & les forts, qui dedás estoient, *Gennes.* & tout le sommet & pendát de la dicte montaigne, pleins de gens armez, qui de tous costez faisoient cris, & tiroient artillerie sur nos gens. Or auoient iceulx Genneuois fait sur la cime de leur montaigne, vn fort bastion, percé de terre à tous costez, & mis dedans grand puissance de soldats, & force artillerie. Et est à sçauoir que là dedans ceste montaigne sont deux chemins, qui du bas de la greue, & du pied de la dicte montaigne, montent droict au dict bastion, & de là descendent à *Gennes*, vers le Chasteau, & à *Besaigne*. Desquels chemins, l'vn est pres de l'issüe du bourg de *Riuereu*, comme de demy iect d'arc, ou enuiron, regardant vers le chemin de *Gennes*, sur main fenestre. L'autre, outre le dict *Riuereu*, loing de deux iects d'arc, tirant aussi vers *Gennes*, du costé de la greue. Entre lesquels deux chemins, estoit assis le dict bastion, sur le sommet du mont. Ory auoit sur le bord, & au trauers d'iceulx chemins, barrieres, & maisons fortifiées, & force gens d'armes, pour les garder. De l'autre costé sur main dextre, estoit vne autre montaigne, de la hauteur, & pareille de ceste, qui pareillement estoit toute pleine de gens armez.

AINSI QUE Messire Iacques de Chabannes avec ses gens aduisoit le lieu pour monter, Messire Charles d'Amboise, fait à coup marcher toute l'armée, & tira celle part. Et premier qu'elle feust là arrivée, ja commençoit le Seigneur de la Palice à mon-

T

M.D.VII. terauec ses Gentils-hommes. Les pietons vn peu à Gennes, cartier. Tirant le dict Seigneur de la Palice, par le chemin plus prochain de Riueru, droict à vne maison, fortifiée sur le bord du dict chemin, hault en la dicte montaigne, enuiron deux iects de pierre.

AV POINCT que le Seigneur de la Palice commençoit à monter, toute l'armée de France arriua sur le lieu. Là feurent tous les gens d'armes à cheual, & les Allemands, & pietons François, viz à viz du dict bastion. Dont tirerent les Genneuois coups d'artillerie à pierre perduë au trauers de l'armée, & du camp, sans faire que peu de mal. Car la plus part de leurs coups passoient par dessus, pource qu'ils venoient d'amont.

MESSIRE CHARLES d'Amboise, Lieutenant du Roy, voyant mōter le Seigneur de la Palice, avec ses gens, & adresser vers la maison fortifiée sur le bord du chemin, & les montaignes couuertes d'ennemis, commanda à Messire Paul de Beusserrailhe, Maistre de l'artillerie, que tout soubdainement il fait monter sur la montaigne quatre faulcons, & qu'ils feussent mis en lieu propice, pour tirer contre la maison que le Seigneur de la Palice alloit assaillir, & au trauers des villains, qui estoient sur la dicte montaigne à grosses troupes. Et tout en l'heure ce-luy Maistre de l'artillerie, avec les Commissaires d'icelle, qui estoient Estienne de Champellais, Guerin Maugué, Perot d'Oignois, & Louys Benoist, feirent monter quatre faulcons, Dont le premier feut monté par les pionniers, les autres trois, à force de che-

taulx, & de chables. Et feurent mis au pendant de la M.D.VIII^e dicté montaigne, entre le bourg de Riuereu, & le Gennes. chemin, où estoit la dicté maison, & là tauldissez, & assis. Et pour iceulx tirer, vn nommé Ferry Vtel, & quatre autres canonniers, feurent là mis & ordonnez. Deux autres gros canons, feurent mis au pied de la montaigne, pour tirer contre le bastion d'amont, Et feurent là ordonnez trois canonniers, nommez Iacques Daussel, Thibault d'Archet, & Pierre de Salenoue.

A CESTE mesme heure, Messire Charles d'Amboise, Lieutenant general de l'armée du Roy, feit Cheualier vn nommé Maistre Thomas Bouyer, General de Normandie, lequel feur là au camp, armé de toutes pieces, vestu d'un soye de drap d'or, & monté sur vn bon coursier.

LE SEIGNEUR de la Palice, avec grand nombre de Gentils-hommes, s'efforçoit à toute puissance de gagner la montaigne, laquelle estoit droicte à merueilles, & haulte d'un lieuë de chemin, ou de pres. Et pour ce que i'estoye lors sur le lieu, & veis iceulx Gentils-hommes monter, & partie de leur exploict, aucuns d'iceulx ay voulu nommer icy, Premièrement Messire Iacques de Chabannes, Seigneur de la Palice, & Chief de la bande, Iean Stuart, Duc d'Albanie, Iacques de Bourbon, Comte de Roussillon, Iacques de Rohan, Seigneur de Leon, René d'Anjou, Seigneur de Maizieres, Iean de la Chambre, Vicomte de Morienne, René de Bretaigne, Comte de Pointieure, le Vicomte de Rhodéz,

T ij

M.D.VII. Odet de Foix, Seigneur de Barbazan, Andrieu de Gennes, Foix, Messire Roger, Baron de Bearn, Messire Mery de Rochechouart, Seigneur de Mortemar, Messire Germain de Bonneual, Gouverneur du Limoufin, Louys de Ianlis, Seigneur de Montmor, François de Crussol, Seigneur de Beaudifner, Messire Jean Piccart, Bailly d'Estellan, Pierre de Bayart, le Seigneur d'Arpaion, Marc du Fresné, Ymbault de Romanieu, le Basque, nommé Pierre de Tardes, Adrian Tiercelin, Seigneur de Brosses, Iean de Saint Amadour, vn nommé Cytain, & grand nombre d'autres, Dont la plus part estoit à pied, & les autres sur petits courtauts, pour les mener iusques au lieu, où seroit besoing de combattre. Et cepédant qu'ils marchaient, les villains d'amont ruoyent grosses pierres le long de la montaigne, tiroient traitt, & artillerie, & faisoient du sanglant pis qu'ils pouuoient, & se monstroient sur la dicte montaigne en nombre de plus de trente mille hommes. Dont Messire Charles d'Amboise, ayant la charge de toute l'armée, voyant si grosse puissance d'ennemis, doubtant que le Seigneur de la Palice, & ses gens, ne feussent assez pour soustenir le faix de tant d'ennemis, voulut là faire monter trois mille Allemands. Lesquels refuserent la haye, disans qu'ils ne se departiroient point, fils ne montoient tous ensemble, & plusieurs fois refuserent à monter. Toutesfois par belles remonstrances qu'il leur feit, & voyans tant de drap d'or monter, eurent honte du reffus, & commencerent à sortir de leur rym. Mais premier que vouloir mōter, deman-

derent des gens de cheual à leur queue, pour arrester M.D.VII. les ennemis, quand il viendroit à l'exécution. Dont *Gennes.* leur feut baillé le Capitaine Fontrailles, avec cinquante hommes à cheual, lesquels se meirent à la queue d'iceulx Allemands. Et ce faict, regarderent à mont, & voyans grosse bataille d'ennemis en ordre, en montant baisèrent la terre, & croiserent les bras, deux, ou trois fois, & feirent longues ceremonies. Tant, que pour les acheminer, le dict Lieutenant du Roy, feit marcher deuant eulx, tout au droict du bastion, Jacques d'Alegre, Seigneur de Milho, Messire Yues de Malherbe, Peralte, Espagnol, Pommeroul, & quelques autres Capitaines de gens de pied, avec trois mille pietons. Aussi monterent Messire Robert Stuart, avec quatre vingts de ses archers, tous à pied, Mollart Allemant, Capitaine de gens de pied. Et à la queue de leurs gens, estoient Messire Antoine Marie de Saint Seuerin, avec quarante arbalestriers. Aussi y estoit Messire Phillebert de Clermont, Seigneur de Montoison, lequel menoit quinze hommes d'armes, & trente archers à cheual, montez legerement, & armez à la bastarde.

Messire Jacques de Chabannes, Seigneur de la Palice, & les gens de sa bande, approcherent la maison, où grand nombre de Genneuois s'estoient fortifiez. Et pour sçauoir qu'ils voudroient dire, leur transmeit quarante arbalestriers à cheual, pour escarmoucher, lesquels chargerent bien à poinct, à grands coups de traict. Mais pour ce que le lieu estoit mal à main pour gens de cheual, pour l'em-

M.D.VII. peschement de la montaigne, qui estoit droiſte, ne
Genes. leur sceurent guieres nuire, & à la fin, à coups de
traict & de main feurent repoussez bien tost. Aussi
estoient aucuns de nos gens de pied môtez si hault,
qu'ils auoient trouué leurs ennemis en barbe, qui pa-
reillement les auoient renuoyé bien lourdement, &
se retiroient. Dont le Seigneur de la Palice, voyant
aucuns d'iceulx reculer, leur escria, Tournez Ri-
baultx, tournez, Car fil y en ha vn, à qui ie voye des-
marcher vn seul pas, ie le feray tailler en pieces. Et là
feut vn Gentil-homme nommé Pierre de Bayart, le-
quel s'adressa à aucuns de ceulx qui s'estoient recu-
lez, & à tour de bras commença à charger, & tant
que ils tournerent en auant. Tantost feut la maison,
où les Genneuois s'estoient fortifiez, par le Seigneur
de la Palice, & ses gens, à grands coups assaillie, & ap-
prochée, iusques à combattre main à main. Là mei-
rent pied à terre ceulx qui auoient cheuaulx, & se
ioignirent tous ensemble. Ceulx du dedans ne se de-
fendirent longuement. Car ainsi qu'on les assailloit,
vn canonnier nommé Ferry Vtel, Preuost de l'artil-
lerie, estant à vn rampart entre Riuereu, & la dicte
maison, adressa là vn coup d'un gros canon, telle-
ment qu'il perça la dicte maison tout au trauers, &
tua deux hommes Genneuois. Ce faict, qui peut fuir
de là, ne feit autre demeure, ainsi abandonnerent le
fort, & à mont. A ceste premiere rencontre, les vil-
lains qui estoient en la montaigne, tirerent artillerie
à toutes mains, & tant de traict, qu'il tomboit me-
nu, comme gouttes de pluye.

GRAND CHALEVR faisoit lors, dont à grand M.D.VII. peine montoient les Gentils-hommes, & autres, qui *Gennes.* estoient armez de toutes pieces, & à pied. Aduent que pour la force du chauld, le Seigneur de la Palice meit bas & auala sa gorgerette, laquelle estoit double, & toute eschauffée, pour la chaleur du Soleil. Et comme chascun s'efforçoit de mōter, vn traict veint d'amont, donner droict au default de la gorgerette du dict Seigneur de la Palice. Et luy entra en deuant bas dedans la gorge, bien quatre doigts. De quoy ne teint cōpte, mais marcha encores en auant, disant, ce n'est rien, ce n'est rien. Et arracha le traict, dont incontinent grand force de sang commença à saillir de la gorge. Et tant, qu'il ne peut plus tirer auant, Car ja auoit perdu moult de sang. Toutesfois ne s'esbahit de rien, mais tout en riant dit, Je n'ay nul mal, si n'est que ma douleur est seulement, pour ce que ie ne puis à mon vouloir, & à ce besoin seruir le Roy, & me trouuer à la bataille contre ces villains. Lesquels sans faillir, à l'aide de Dieu, & des grands coups, que vous Messeigneurs, donnerez auourd'huy, seront deffaicts. Or allez sous la main de Dieu, qui vous soit auourd'huy secourable. Monseigneur le Duc d'Albanie, s'il vous plaist, dit-il, vous prendrez la charge de conduire le demeurant de ceste entreprise. Et vous, Messeigneurs, & amis, Je vous supplie que auourd'huy vous ayez vostre honneur, & les affaires du Roy, sur toutes choses pour recommandées. Ce dict, se fait emmener par vn Gentil-homme nommé Antoine du Cartier, maistre d'Ho-

M. D.VII. stel de Messire Charles d'Amboise, & se fait penser
Genes. en vne maison pres de là.

LE DUC d'Albanie, qui auoit la charge de ceste
menée, marcha hardiment avec tous les autres Gen-
tils-hommes, & pietons, qui cheminoient à cartier
d'eulx. Et tant marcherent, que dedans vne petite
plaine pres d'une montaignette, & à un iect de pier-
re du sommet de la montaigne, trouuerēt bien cinq
cents Genneuois là ralliez ensemble. Le lieu estoit
assez aisé & propice pour combattre, mais aduanta-
geux pour les Genneuois, car il falloit monter hault,
pour gagner la dicte place. Là se rangerent les Gen-
neuois, & à coups de hacquebutes, de traict, & de
pierres, chargerent nos gens bien rudement, & en
blesserent plusieurs, Desquels furent Odet de Foix,
lequel eut vn coup de traict en la cuisse, mais pource
ne s'arresta. Aussi y fut blessé vn Gentil-homme de
Gascongne, nommé Estienne de Carnac. Et ainsi
que Messire Germain de Bonneual descendoit de
dessus vne petite hacquenée, pour vouloir comba-
tre à pied, fut failly d'un coup de traict, lequel la di-
cte hacquenée receut. Longuement fut à celieu
cōbatu, & par force la place gagnée, & les Gēneuois
chassez, & suiuis iusques au sommet de la dicte mon-
taigne. Et est à sçauoir, que pietōs François, & Alle-
mands, se meirent à la chasse par les montaignes, en
diuers lieux, apres les Genneuois. Dont les Allemāds
en enclouffirent pres du sommet de la dicte mon-
taigne, bien deux cents, lesquels furent tous degoil-
lez, & despoüillez en l'heure. Là aussi estoient à che-
ual

ual François de Maugiron, Lieutenant de Mollart M.D.VII.
 Allemant, Jacques du Mas, Seigneur del'Isle, Hu- Gennes.
 guet d'Asnieres, Pierre de la Boucherie, vn nommé
 Tartarin, & huit hommes d'armes de ceux de Fon-
 trailles, & Messire Mercure, avec les Albanois. Les-
 quels feirent vne sanglante execution de Genne-
 uois. Qui tousiours se defendoiet, en eulx retirant à
 la cime de la montaigne. Et tant de traict tiroient,
 que bien quatre vingts de ceulx des gens de pied,
 que François, que Allemands, y moururent. Et y eut
 de blesez, bien quatre cets, ou plus. Car aussi estoiet
 ils mal armez. Le Seigneur de Milho, Malherbe, Pe-
 ralte, & Poñeroul, avec quelques autres Capitaines
 de leurs bandes, marcherent tout au droict de la di-
 cte montaigne au bastion. Les Allemands, & les au-
 tres gés de pied, avec les cheuaucheurs qu'ils auoiet
 en queue, marcherēt aussi roidemēt droict à mont.
 Et voyans iceulx Genneuois que de toutes parts leur
 montaigne estoit assaillie, & que les François appro-
 choient leur bastion, abandonnerent leur fort, &
 meirent le feu dedans leurs pouldres. Là monta des
 premiers Jacques d'Alegre, & preint l'estendart de sa
 bande, puis tout le premier entra dedans le dict ba-
 stion, tout plein de feu, & de fumée, de la poudre
 qui ja estoit brullée, & meit son estendart dessus ce-
 luy bastion. Les Allemands, & autres gens de pied
 François, tuèrent là tous les Gennenois, qu'ils y trou-
 uerent, & donnerent la chasse aux fuyans, iusques
 contre les portes de Gennes.

AINSI QUE ce chapplis duroit, & que les Fran-

V

M.D.VII. çois gaignoient la montaigne, au bas à l'entrée du
Gennes. chemin, par lequel on monte droict au bastion,
auoit vne forte barriere sur le grauier, où estoient là
pour la garde d'icelle mille ou douze cents hom-
mes de guerre Genneuois, pensans que la venuë des
François se feroit par là. Et cependant que ceulx qui
alloient en la bataille, montoient à mont, ceulx de la
dicte barriere ennuyoient moult les gens d'armes,
tant de traict, que d'artillerie, & des faillies qu'ils fai-
soient sur le camp. Dont le Lieutenant du Roy y feit
mener trois grosses couleurines, & vn canon serpent-
tin, pour battre la dicte barriere, & vne maison, qui
estoit au dessus. Et aussi feit marcher vne bande de
Suiſſes, lesquels voyans la dicte barriere, dont ve-
noit le traict & artillerie sans cesser, ne la voulurent
assaillir : mais dirent qu'ils iroient volontiers à la ba-
taille, où estoient allez leurs compaignons. Et lors
vn nommé Messire Rigault d'Oreille, du pays d'Au-
uergne, Maistre d'Hostel du Roy, s'en alla vers la di-
cte barriere, faignant escarmoucher, pour icelle ad-
uifer, & la maniere des Genneuois, qui la gardoient.
Et cela veu, en s'en retournant trouua vn nommé
Guyon le Roy, Seigneur de Chillou, auquel dit,
Venez veoir vne barriere, que les Genneuois tien-
nent, laquelle me semble assez facile à gaigner, &
m'est aduis si quelque bonne bande de gens de pied
marchoit celle part, que bien tost seroit gaignée. Et
qui me vouldra bailler renfort, ie prendray sur mon
honneur de l'emporter. Celuy Guyon le Roy dit,
Pour moy ne tiendra qu'elle ne soit assaillie, & de ma

part m'y trouueray volontiers avec vous. Et sur ce M.D.VII. poinct, le dict Messire Rigault s'en va hastiuement *Genes.* deuers Messire Charles d'Amboise, Lieutenant de l'armee, lequel auoit l'œil, & la main à toute heure au besoin de l'affaire. Auquel dit Messire Rigault, Monseigneur, Il y ha icy pres sur le grauier, à l'entrée d'un chemin qui va droict au bastion d'amont, vne forte barriere, & grand nombre de Genneuois, qui la gardent, & de là ennuyent fort l'armée du Roy, à coups de traiçt, & d'artillerie, laquelle n'abandonneront iceulx Genneuois pour nostre artillerie. Car ils ont des taudis, où se garantissent. Et aussi les Allemands que auez là enuoyez, pour l'assaillir, ne veulent coup donner, combien qu'elle soit de prise, & facile à emporter. Car i'ay veu & aduisé l'entrée, qui est gaignable pour gens de pied. Pource fil vous plaist m'en bailler quelque bonne bande, il m'est aduis, & me semble sans faillir que ie chasseray les villains, & gaigneray la dicte barriere. Messire Charles d'Amboise, oyant ce propos, luy bailla les cinquante hommes d'armes, & cent archers de Messire Yues d'Alegre, lesquels fait tous là marcher à pied. Droict à la dicte barriere adressa Messire Rigault d'Oreille, avec luy le dict Guyon le Roy, & vn autre nommé Phillebert de Beaujeu, & les hommes d'armes & archers du dict Seigneur d'Alegre. Là feut vn nommé Antoine de Saint Nectaire, Capitaine des archers, lequel marcha droict avec ses archers, Et à la queue d'iceulx, estoit vn nommé Iames de Sainte Colombe, Lieutenant de la dicte compaignée,

M.D.VII. avec ses hommes d'armes, Tous à pied, Lesquels *Gennes.* marcherent droict à la barriere, dont grands coups de traiçt, & hacquebutes, venoient. Et à l'approcher, Messire Rigault d'Oreille dit aux gens d'armes qui le suiuiroient, Marchez hardiment, & seurement. Car i'ay veu l'entrée des barrieres, laquelle est aisée, & ja font les villains esbranlez. Ce dict, se met deuant l'espée au poing, & là à grands patacs chargerent François sur ceulx de la barriere. Les archers commencerent à descocher flesches, au trauers de la route des Genneuois. Les hommes d'armes pareillement se mellerent en la presse, & chargerent tous ensemble. En maniere, que la barriere feut abandonnée des dicts Genneuois, & gagnée par les François, Lesquels leur donnerent la chasse, iusques à vne maison estant sur le bord du chemin, & fortifiée de gens, & d'artillerie. Iames de Sainte Colóbe avec ses gens d'armes assaillit celle maison si tres-viurement, que les Genneuois l'abandonnerét, & se meirent à monter la montaigne par diuers lieux.

ALORS QUE ces exploits se faisoient, les Gens-hommes, & autres, qui estoient montez des premiers, combatoient en plusieurs lieux par la dicte montaigne. Dont les dicts Genneuois, qui s'enfuyoient de la dicte barriere à mont, feurent la plus part rencontrez des Allemands, & gens de pied François. Et Dieu sçait, quelle composition ils eurent. Iusques au sommet de la dicte mōtaigne monterent les François, qui auoient gagné la barriere d'embas, & là trouuerent grande executiō de morts.

Dont il y en eut selon l'estime de plusieurs, enuiron M.D.VII. deux milles cinq cents Genneuois, Et des François, *Gennes.* & Allemands, bien cent, & de quatre à cinq cents blesez.

TANDIS QUE les François donnoient la chafse, & tuoient les Genneuois par les montaignes, à l'autre costé de la mōtaigne sur main dextre, au dessus d'vne Abbaye de Saint Benoit, auoit grand nombre de Genneuois armez. Et ce voyant le Lieutenant du Roy, qui auoit l'œil par tout, appella vn nommé Cossains, Capitaine de cinq cents laquais, lequel feit mōter avec ses pietons, droict où estoiet les Genneuois. Là sur le grauier estoit toute l'armée de France en ordre, sans se mouuoir nullemēt, Dont aucuns regardoient monter le dict Cossains, & ses pietons, disans, que sur la montaigne auoit moult grand nombre de gens armez, & que c'estoit bien peu, de enuoyer cinq cents hommes seulement. Et que bon seroit de marcher apres quelque nombre de gens à cheual sur la queue, pour les secourir, si besoin en estoit. Et sur ce, vn nommé Guillaume Gouffier, de la Maison de Boisi, Lieutenant des cent hommes d'armes du Marquis de Mantoüe, & aucuns autres gens d'armes de diuerfes compaignées, estans iusques au nombre de vingt hommes d'armes, & archers, sortirent de leur ordre, & laisserent leur enseigne, tirans apres le dict Cossains, & ses pietons, qui s'estoit ja assemblé avec les Genneuois, & donné dessus si rudement, que la place luy estoit demeurée. Les Genneuois, qui estoient des villains de Poul-

M.D.VII. ceure, se meirent en fuite, par le bas de la dicte montaigne, lesquels feurent arrestez par les gens de cheual, & rechassez à mont. Les laquais de Cossains pareillement les rembarrent, en maniere que grand partie d'iceulx feurent enclos. Et eulx cuidans gagner vn chemin au dessus d'une Abbaye, qui est au bas de la dicte montaigne, pour tirer à Saint Pierre d'Areine, & à Gennes, feurent là arrestez, chapplez, & assommez bien cinq cents, comme feut dict par aucuns de ceulx, qui auoient esté à l'exploict.

AINSI FEUT gagnée la montaigne, nommée la montaigne des deux freres, pour vne desconfiture, que feirent là autrefois deux freres Genneuois sur leurs ennemis. Et aussi feut gagné leur bastion par Iacques d'Alegre, Seigneur de Milho. Chascun de ceulx, qui feurent à ce faict honorable, s'y acquerirent tellement, que pour eulx y acquerirent louënge immortelle, & renom florissant. Et entre autres feut donné le bruit à Messire Iacques de Chabannes, conduiseur de la premiere charge, & aux Gentils-hommes de sa bande, lesquels eurent le premier heurt, sousteindrent le plus grand faix, & en porterent plus de peine. Car eulx armez de toutes pieces, & à pied la plus part, monterent la dicte montaigne haulte à merueilles, & tant droicte, qu'en plusieurs endroiets d'icelle, falloit grimper les buissons, & monter à quatre pieds. Somme ce feut vn ceuvre de merueilles à tous ceulx qui en ouyrent parler, & espouuentable à tout le monde.

IVSQUES A celle heure, ne sceurent ceulx du

Chasteau le vray de leur secours. Car voyans par- M.D.VII.
uant les villains sur les montaignes , pensoient que *Gennes.*
de là veinssent assieger , & assaillir le Chasteau. Mais
voyans la croix blanche , & l'estendart des François
sur le bastion , & la chasse qu'on donnoit aux Gen-
neuois, lesquels on tuoit à la veuë du Chasteau, con-
gneurent qu'ils auoient secours , & que l'armée de
France estoit au pied des montaignes , & dedans.
Pour lesquelles choses, feirent vn cry de ioye, com-
me fils feussent resuscitez de mort à vie. Et aussi
estoint-ils en grand hazard. Car leur vin estoit fail-
ly , & leurs autres viures diminuez , & des soldats
grand partie de morts, & les autres affollez. Toutes-
fois ceulx qui feurent sains, monterent sur les mu-
railles, & là feirent sonner trompetes , & tabourins,
en tirant artillerie au trauers de la ville , comme si
tout deust basir, & s'esbaudirent ioyeusement. Mes-
sire Galeas, voyant du Chasteau sur le hault des mu-
railles du Palais, deux estendarts de Sainct George,
fait adresser vne grosse serpentine celle part, & tirer
si à droict, que d'un coup rua par terre vn d'iceulx
estendarts. De quoy les Genneuois feurent moult
esbahis, & tant, que plus ne s'essayerent de dresser
leur estendart.

L E R O Y qui estoit lors au bourg de Busalle,
sceut par postes, que couroient aucuns de ses var-
lets de chambre, les nouuelles de la prise des mon-
taignes, & du bastion, & comme ses gens auoient
gagné la bataille. De quoy feut moult ioyeux , &
manda à Messire Charles d'Amboise, son Lieute-

M.D.VII. nant general, que le lendemain il seroit à son armée.

Gennes. APRES TOUTES ces choses, gens d'armes furent mis à garder le bastion, que le Seigneur de Milho, avec quelques autres Capitaines de gens de pied, & trois mille laquais François, eut en garde. Aussi furent ordonnez trois mille Allemands, à garder la montaigne. Car encores tenoient les Genneuois le Castellats, qu'ils auoient au commencement du mutin gaigné sur nos gens. Lequel Castellats, est assis au pendant de la montaigne, du costé de Gennes, contre le bastion, & le Chasteau à main fenestre, en descendant du bastion à la ville, bien garny de gens, & d'artillerie, pour encores tenir longuement, & amuser l'armée. Mais pour ce que ja estoit sur la vesprée, & pres de nuict, feut dict que pour ce iour ne seroit fait autre chose, si n'est que gens d'armes furent mis au tour de celuy Castellats, pour garder que celle nuict ne feust renforcé de gens, ou de viures, pour celuy assaillir le lendemain, & approcher Gennes.

CE FAICT, gens d'armes furent logez, & mis chascun à son cartier. L'auant-garde feut mise pres de Sainct Pierre d'Arcine, à la venuë de Gennes. La bataille, viz à viz, & tout au tour d'un gros bourg, nommé Riureu. L'artillerie, & tous les gés de pied, entre la bataille, & l'auant-garde, tout au droict du bastion. L'arriere-garde, au dessoubs du bourg de Riureu, à un grand iect d'arc loing en arriere de la bataille. Là sur les costez, & au pendant des montaignes, auoit grand nombre de Palais, & beaulx logis à merueilles, qui estoient des Seigneurs, & marchands
de

de Gennes, où là dedans estoient logez les Capitaines, & Seigneurs, qui là estoient. Dedans le bourg de Riuereu, estoit logé Messire Charles d'Amboise, Lieutenant du Roy, & grand compaignée de Gentils-hommes du Roy, qui repaissoient tous à son logis. Aussi tenoit-il maison ouuerte à tous venans, où ce iour me trouuay à l'heure du soupper, pour en auoir ma part, comme les autres. Tout le logis hault, & bas, estoit plein de mordans. Là veis arriuer plusieurs des Gentils-hommes, qui auoient esté à la bataille, dont aucuns n'estoient encores defarmez de leurs griefues, & gardebras, tous lassez, & barboüillez, le visaige de pouldre, & de sueur. Chascun parloit là de l'affaire de la guerre, où ie ouys, & appris beaucoup de choses, que i'ay cy mises par escript.

SVR LE point du soupper, deuant le logis du Lieutenant du Roy, arriua grand flote d'Allemands, dont les vns portoient les autres à leurs cols, & sur des picques, tous blesez, & sanglants. Lesquels fait monter à mont, & iceulx fait repaistre, & penser à ses despens, & tenir au dict logis, iusques ils feussent gueris.

A TOUTE heure luy suruenoit nouuelles de la guerre, & des affaires du Roy. Et entre autres, au commencement du soupper, surueint vn des Capitaines des Allemands, qui auoit monté la montaigne, Disant, que iceulx Allemands ne demeureroient en la dicte montaigne, si leurs compaignons d'embas n'y alloient, ou que on leur enuoyast quelque autre renfort, pour leur aider à garder la dicte montaigne.

X

M.D.VII. Et tout en l'heure, le Lieutenant du Roy laissa le soup-
per, & à toute diligence s'en va au camp, où prist
Gennes. gens d'armes, & pietons, iusques au nombre de deux
mille. Et iceulx fait monter, pour aller là où estoient
les Allemands, & garder la montaigne avec eulx.
Puis s'en alla tout au long du camp, veoir l'ordre de
ses gens. Et comme celuy qui auoit la charge de
tout, estoit tousiours en pieds. En maniere, qu'il ne
dormoit ne nuiët, ne iour : mais estoit tout temps
par chemin de lieu en lieu, pour luy mesmes veoir
asseoir le guet du soir, & de la minuiët, & du matin.
Et avec ce, auoit mis telle police & prouision à l'af-
faire des viures, que toute la vallée de Poulceure, qui
contenoit plus de douze mille de pays, estoit tous-
iours pleine de viuandiers. Et si bien estoit l'ost gar-
ny de viures, que là aussi grand marché en estoit, que
en la meilleure ville de France. Toute celle nuiët,
feut mis gros guet, & escoutes à force au tour de
Gennes, & sur les montaignes.

A VSSI NE dormoient pas les Genneuois de
leur part, combien qu'ils eussent mal fait leurs be-
songnes, le iour de deuant. Là estoit leur Duc, nom-
mé Paul de Noue, & vn autre, Pisan, nommé Iaco-
bus Corfus, lesquels auoient la charge de l'armée de
Gennes, & auoient conduiët ce iour l'armée à la
montaigne, & perdu la bataille, comme i'ay dict.
Lesquels voyans le commencement de leur male
fortune, pour donner confort, & esperance au peu-
ple, dirent deuant tous, Messieurs, si nous auons au-
iourd'huy fait quelque peu de perte, demain re-

cōurerons le tout. Car fortune , qui oncques ne M.D.VII.
tourna le dos à Gennes, que à ceste fois, nous sera à Gennes.
vne autre secourable. Si nos ennemis les François
occupent partie de nostre montaigne , encores
auons nous le Castellars, & la montaigne de nostre
costé à deliure, par où pouuons monter sans leur
danger iusques à mont, & là leur tenir bastille, &
pied ferme. Reprenons donc nouueau courage de
vertueulx vouloir, & nous efforçons de leur donner
vn eschec. Aurât de gens, & plus qu'ils ne sont, som-
mes icy, ne reste plus que auoir bon vouloir de bien
faire, & au besoin l'executer. Pour ce est mestier que
demain au plus matin, tout homme de Gennes, qui
pourra armes porter, se trouue à la montaigne deli-
beré par armes defendre nostre liberté, que nul hō-
me de cœur vertueulx doibt laisser perdre, si n'est
quand & la vie. Pourtant nobles cœurs de Genne-
uois, trouuez vous à la montaigne des deux freres,
pour là viure & mourir à la defense de vostre fran-
chise, & garder vostre Ciré. Outre est aduisé, que
pour nos ennemis amuser & surprendre, enuoye-
rons Ambassades deuers le Lieutenant du Roy de
France, faignans de vouloir parlementer, & rendre
la ville. Lesquelles Ambassades exploreront & adui-
seront l'armée des François, les lieux où est assis leur
camp, & la maniere de leurs gens d'armes, pour nous
en aduertir, afin de donner dedans par le plus aisé. Et
cependant nous monterons tous par le derriere de
nostre montaigne, afin qu'ils ne voyent nostre puis-
sance. Et nous ainsi montez, ferons faire vne faillie

M.D.VII. de trois ou quatre mille hommes, vers le costé de la Gennes. lanterne, Comme pour leur vouloir donner de ce costé la bataille. Oû soubdainement accourra toute l'armée. Et elle ainsi passée, de uallerons de la montaigne, & à tour de bras leur donnerons la charge sur la bataille, ou arriere-garde. Dont seront effrayez du bruit, & se desordonneront en maniere, que sans faillir, si nous auons cœur, nous gagnerons la bataille, & mettrons tout à sac. Là furent presens Paul Baptiste Iustiniain, Demetrius Iustiniain, Manuel de Canalle, Antonius de Ciully, des premiers mutins de Gennes, Et deux Capitaines, nommez Ternatin, & Gambecourte. Lesquels deuant tout le peuple de Gennes, loüerent & recommanderent l'opinion susdicte, disans que de meilleur ne plus seur moyen ne sçauoient trouuer, pour deffaire les François. A quoy s'accorda tout le peuple. Tant que toute la nuit, ne firent autre œuvre par la ville, que armer gens. Voire de tant, comme depuis ie sceus par mon hoste de Gennes, que en nombre se trouuerent quarante mille hommes armez, ou plus, lesquels dès l'aube du iour se meirent à monter la plus part. Et eulx montez, se meirent entre les montaignes, hors la veuë de nos gens. Toutesfois bien furent aduertis par ceulx de nostre guet, que grand nombre de Genneuois estoient montez.

AV PLUS matin enuoyerent deuers le Lieutenant du Roy leurs Ambassadeurs, lesquels passerent par le cartier de l'auant-garde, regardans ça & là, comme auoient charge de faire. Disans à ceulx qui

les enqueroient où ils alloient, Nous allons en Am- M.D.VII.
bassade deuers le Lieutenant du Roy, pour parle- Gennes.
menter, & faire composition, pour rendre la ville au
Roy. Et ainsi tousiours en regardant l'ordre de l'ar-
mée, passerent oultre iusques au logis du Lieutenant
du Roy, auquel dirent la charge qu'ils auoient de la
ville. Je ne puis rien, dit-il, conclure avec vous, ny ne
pouuez auoir responce iusques à la venuë du Roy,
qui sera icy dedans deux heures, comme il m'a
mandé, Je m'en vois au deuant de luy, pour l'aduer-
tir de tout. Oyans les dictz Genneuois, que le Roy
estoit si pres, feurent tous esbahis, pensans qu'il ne
viendrait point, quelque chose qu'on en dist, Ce
que pareillement ne croyoient ceulx de Gennes.
En bonne garde feurent mis les dictz Ambassa-
deurs.

CE FAICT, Messire Charles d'Amboise, preint
grand nombre de gensd'armes, & s'en alla au de-
uant du Roy, qui estoit party bien matin de son lo-
gis, & auoit cheuauché armé, & matin, pour la
fraischeur.

M.D.VII.

Gennes.

CHAPITRE XXIII.

*Comment le Roy se rendit à son armée deuant
Gennes, Et d'une bataille gaignée par les
François, Et comment la ville de
Gennes se rendit au Roy.*



M.D.VII.

LE ROY SVR LES neuf heures du matin arriua au camp, avec grosse route de gens d'armes. Et feut le vingt-cinquieme iour du mois d'April, en l'an fusdict mille cinq cents sept. Autour de luy, deuant, & derriere, estoient ses deux cents Gentils-hommes, tous en armes, & leurs cheuaux bardez, & accoustrez richement. Avec luy estoient le Duc de Bourbon, le Duc de Calabre, le Duc de Longueuille, le Duc de Ferrare, le Comte de Neuers, le Marquis de Mantoüe, le Marquis de Montferrat, le Seigneur Iean Iourdain, & plusieurs autres grands Seigneurs, tous armez, & vestus de soyes, de drap d'or, & d'orfeuerie, montez sur grands coursiers, bardez moult richement. Le Roy armé de pied en cap, estoit au milieu des quatre cents archers de sa garde, Les vingt & quatre du corps, tout au ioignant de luy. Lesquels archers estoient armez de leurs brigandines, & sallades, & vestus de leurs hocquetons, les arcs tendus, & faisoient entre autres belle monstre, en marchant moult fierement. Au derriere de

luy auoit vne escoadre de gensd'armes , semblant M.D.VII. estre assez pour debuoir soustenir vn faix de grosse Gennes, bataille. Somme sa route duroit vne lieue de pays. Ce que pouuoient clairement veoir les ennemis, qui estoient en la montaigne, Dont feurent esbahis, ne se doubtrons de sa venuë. Les Allemands de sa garde tous empennachez, armez de hallegrets, & la picque au poing, marchoient en poincte, & deuant les archers de la garde. De sa venuë, feut tout l'ost resioüy. Les Allemands commencerent à battre leurs gros tabourins, & marcher au deuant de luy, en luy faisans la reuerence le genoüil en terre. Ce fait, apres qu'il eut veu & aduisé l'ordre de toute son armée, qui là estoit toute en bataille, s'en alla loger à vn Monastere de Sainct Benoit, au pied de la montaigne, sur main dextre, où là auoit beau logis, & deuote Eglise, & grands iardins, clos de bonnes murailles. Dedans lequel feurent logez les quatre cents archers de la garde, & les cent Allemands. Le Cardinal d'Amboise feut logé là dedans le dict Monastere, avec partie de son train. Maistre René, Cardinal de Prie, estoit pareillement logé là pres. Tristan de Salazart, Archeuesque de Sens, suiuit aussi le Roy. Et si auoit avec luy vingt hommes à cheual, tous la brigandine sur le dos, & luy son harnois complet dedans ses coffres, & vn bon coursier, pour le seruir au besoin.

TANTOST QUE le Roy feut arriué, Messire Charles d'Amboise, son Lieutenant, luy mena les Ambassadeurs de Gennes, qu'il ne voulut veoir, ne

M.D.VII. ouyr. Mais les enuoya au Cardinal d'Amboise, pour *Gennes*. les ouyr, & sçauoir qu'ils voudroient dire, & ce faict, aduiser sur leur despesche. Apres disner, les Ambassades furent ouyes, touchant leur charge. Telle, que le peuple, & toute la ville de *Gennes*, disoient que volontiers se rendroient au Roy, & luy mettroient la dicte ville entre ses mains, leurs libertez, biens, & vies sauues. Prians le dict Cardinal d'Amboise tres-humblement, de vouloir interceder pour la desolée Cité de *Gennes*. Et qu'il feust le bon plaisir du Roy, leur Seigneur souuerain, comme disoient, de ne vouloir destruire son mesme pays, & que ils amenderoient partie au vouloir du Seigneur. Auquel propos ne voulut entendre le Roy, ne rendre autre response.

ADVEINT cependant & durant ce parlement, sur les trois heures apres midy, que vne allarme se feit sur le camp. Tellement que le bruit feut incontinent par tout l'ost, dont chascun courut aux armes. Les deux cents Gentils-hommes, les quatre cents archers de la garde, & les cent Allemands du Roy, furent armez, Les Gentils-hommes, à cheual, & les archers, à pied, tous ioignant le logis du Roy, avec plusieurs de ses Princes, & pensionnaires. Le Roy oyant le bruit de son logis, demanda que c'estoit. L'un de ses Chambellans, nommé Messire François de Rochechouart, Seneschal de Thoulouze, luy dit, Sire, c'est quelque allarme, qui est suruenu au camp. Comment, dit le Roy, ce n'est pas ce que les Ambassadeurs disoient, qui sont venus cy pour parlementer,

lementer, & traicter de la paix, Orallez, dit-il, veoir M.D.VII.
que c'est. Et sur ce, le dict Messire François de Ro- *Gennes.*
chechouart sortit hors, & veid aucunes des trom-
pettes courans parmy l'ost, & cryans l'alarme à tou-
te force. Si s'en retourna deuers le Roy, le plustost
qu'il peut, disant, Sire, sans point de faulte il y ha
bruit, & me doubte que ce soit vers la lanterne, &
que par là les Genneuois ont faict quelque faillie. Et
tout à coup le Roy se feit armer, & monter ses ar-
chers de la garde tous à cheual. Et transmeit Messire
Mercure, avec ses cent Albanois, deuers la lanterne
hastiument, pour aller sçauoir que c'estoit, & re-
tourner incontinent. Lequel à course de cheual feut
tantoost pres les portes de Gennes, Dont estoit sorty
grand nombre de Genneuois, & estoient entre leurs
barrieres, & la tour de la lanterne. Messire Charles
d'Amboise, auoit faict mettre l'auant-garde ja en or-
dre, à l'issüe du bourg de Saint Pierre d'Areine, pour
les attendre. Lesquels ne marchoiient, mais estoient
arrestez, pour amuser l'armée, comme auoient en-
trepris. Du costé des montaignes deuers Gennes,
commencerent Genneuois à monter à la foule de
tous costez, & tât, que les dictes montaignes estoïent
couuertes de Genneuois armez. Les autres de ceulx
qui estoient les premiers montez, lors qu'ils veirent
leurs gens approcher, sortirent d'entre les montai-
gnes, & tous ensemble planterent à mont leurs en-
seignes, Lesquelles se pouuoient veoir de à bas. Et y
en auoit deux blanches, & vne rouge, & vne my-
partie de rouge, & de blanc, & plusieurs autres, qui

Y

M.D.VII. ne se pouuoient d'embas clairement aduifer. Sur le *Gennes*. hault des trois montaignes, comme à vn iect d'arc pres l'une de l'autre, sur la dicte montaigne se meirent *Genneuois*, en trois grosses routes. Et tout le long du sommet de la dicte montaigne, venant de *Pontedisme* pres du bastion que les François tenoient, & en vn autre lieu, à cartier du *Castellars*, à main fenestre, entre les montaignes, estoit la grande escoadre de leurs gens, où pouuoient estre en tout quarante mille hommes, ou plus, & là se meirent tous en bataille. Le Seigneur de *Milho*, & autres Capitaines, qui gardoient le bastion, & les Capitaines des Allemands, qui tenoient la montaigne de nostre costé, meirent toutes leurs gens en deux batailles, où estoient de six à sept mille hommes François, & Allemands, pres les vns des autres de six vingts pas, ou enuiró. Le Maistre de l'artillerie auoit faict monter à force de gens, & de chables, des le soir de deuant six grosses pieces d'artillerie, & trente couleuri-nes à croc sur cheuallets, portées par les pionniers. Desquelles pieces, aucunes feurent mises & assises aux lieux, où estoient les gens d'armes François, & Allemands, estans sur la montaigne. Et là icelles pieces embouchées, droictement contre les *Genneuois*, Et pour icelles tirer, monterent là huit des canonniers du Roy.

EN CE POINCT, auoient les vns & les autres, ordonné leurs batailles, & mis ordre en leur affaire. Les *Genneuois* doncques auoient donné l'alarme sur le cartier de la lanterne, pour faire tirer là l'armée

du Roy, & mis sur les montaignes leur grosse puissance, pour donner par le bas de ce costé sur les François, qui tantost congneurent leur stratageme. A quoy pourueut le Roy, qui ja estoit armé, & monté sur vn courfier, nommé bay gracieux, qui estoit moult adroict pour les armes. Et hors de son logis, accompagné de plus de trente mille hommes armez, sans plus attendre, marcha tout droict, où pensoit estre le bruit. Mais voyant la montaigne de tous costez pleine de Genneuois, & en trois ou quatre lieux auoir grosses batailles, feit arrester toute son armée, & mettre en bataille bastout au droict du bastion. Deuers la lanterne estoit l'auant-garde en bataille, pour là attendre les Genneuois, lesquels ne sortirent de leurs barrieres, mais se retirerent. De quoy Messire Mercure aduertit le Roy, qui lors arrangeoit ses batailles, & luy mesmes mettoit ses gens en ordre, Disant que luy mesmes monteroit à mont, pour se trouuer à la meslée. Ce qui luy feut desconseillé par tous ses Capitaines. Là feut tenu conseil qu'il estoit de faire, & fil estoit bon de leur donner la bataille. Là feurent Messire Charles d'Amboise, Lieutenant du Roy, Messire Robinet de Framezelles, & plusieurs autres Capitaines de l'armée, & saiges Cheualiers. Dont aucuns feurent d'aduis, que le lieu estoit moult auantageux pour leurs ennemis. Disans, Sire, vous voyez vos ennemis à grosse puissance à merueilles, lesquels ont pris lieux aduantageux, & choisi le plus à main de la place. Et aussi que pour les combatre, sont à mont peu de nombre de vos

Y ij

M.D.VII. gens, au regard de eulx. Et en outre, Sire, vous voyez
Gennes. que l'heure est ja tarde, Aussi estoit-il sur le point
de cinq heures du soir. Parquoy dirent aucuns Capitaines, premier que renfort peust estre mōté à mont, la nuit feroit venuë, & les villains qui sçauēt & congnōissent les secrets & destroicts des montaignes, pourront la nuit auoir aduantage sur vos gens, & leur donner quelque amorce. Rien, dit le Roy, il est encores plus de deux bonnes heures de Solcil. Auec ce, ie voy mon armée ioyeuse, & deliberée de combattre, & mes gens d'amont prests de commencer le combat, Et les villains ferrez, & en craincte, Et suis seur que tout soudain tourneront le dos, qui viuement les chargera. Ce sçais-ie, Car autresfois les ay-ie veuz en meslée, dont grosse route d'iceulx à peu de François feurent deffaicts. Ce dict, appella Messire Mercure, Capitaine des cent Albanois, auquel dit, Montez là sus avec tous vos Albanois, & sur la bataille des Genneuois, que voyez plus prochaine du bastion, que tiennent mes gens, faictes vne legere escarmouche. Et cependant au derriere de la montaigne, faictes mettre quelque embusche de vos gens, & autres à cheual, pour vous secourir, fil en est mestier. Et apres vostre escarmouche, feignez de vous retirer, pour les attirer iusques à l'embusche, & là leur donner quelque venue. Et cependant ie feray monter grosse puissance de gens de pied, & à cheual, pour se ioindre à ceulx d'amont, & donner la bataille.

CE DICT, Messire Mercure avec ses cent Al-

banois, tous bien montez, à tout leurs bannerolles M.D.VII.
se mettent à mont le long du chemin, tirant droict *Gennes.*
au bastion. Plusieurs François à cheual, & autres, se
meirent apres. Et entre autres, le Marquis Francisque
de Gonsago, Marquis de Mantoüe, monté & armé
à l'Albanoise avec grand nombre d'autres. Pareille-
ment fait monter des Allemáds, au nombre de trois
mille, desquels trois de leurs Capitaines fait là Che-
ualiers. Puis fait ceulx monter, & autres de ses gens
de pied, iusques au nombre de six mille. Lesquels ne
preindrent le chemin des Albanois, & autres gens
de cheual, pour ce que c'estoit le plus long. Mais des
le pied de la montaigne, tout au droict du bastion se
meirent à grimper, & monter comme escuriaux. Le
Roy regardant ses gens aller ainsi allegrement, &
toute son armée deliberée, estoit moult ioyeux. Et si
alloit de lieu en lieu regardant son armée avec face
ioyeuse, & maniere asseurée, l'espée en la main, pour
faire tenir chascun en son ordre. Là sonnoient trom-
pettes, & gros taboutins de Suisses, à toutes mains.
Au tour de luy estoient Charles, Duc de Bourbon,
Antoine de Lorraine, Duc de Calabre, François d'Or-
leans, Duc de Longueville, Jean Stuart, Duc d'Alba-
nie, Alphonse d'Est, Duc de Ferrare, Charles de Cle-
ues, Comte de Neuers, Jean Guillaume, Marquis de
Montferrat, le Comte de Vendosme, Guy de Laual,
le Comte de Pontieure, le Prince de Talmont, Jac-
ques de Bourbó, Comte de Roussillon, le Seigneur
Jean Iourdain, Messire Germain de Bonneual, Mes-
sire Mery de Rochechouart, & plusieurs autres Sei-

M.D.VII. gneurs de France, & de Bretagne, & tous les autres
Gennes. Gentils-hommes, & pensionnaires, avec tous les
hommes d'armes, la lance sur la cuisse. Aussi se trou-
ua à ceste bataille Tristan de Sallazart, Archeuesque
de Sens, armé de toutes pieces, & monté sur vn bon
courfier, vne grosse iaueline au poing. Disant, puis
que le Roy y estoit en personne, que tous ceulx des
siens, qui auoient pouuoir de le defendre, se deb-
uoient là trouuer en armes. Et si auoir le dict Arche-
uesque vingt hommes des siens, tous le harnois sur
le dos.

LES GENNEVOIS tenans bataille à mont sur la
montaigne, voyans de tous costez mōter François,
& Allemands, & marcher droict à eulx, feurent tous
asseurez d'auoir la bataille, fils attendoient. Ce que
feurent tous deliberez de faire, & en bransle de char-
ger sur ceulx des François, & Allemands, qui là estoient
des premiers à mont, premier que les autres qui mō-
toient, se feussent ioincts à eulx. Et ainsi qu'ils vou-
loient esbranler, pour marcher droict à eulx, Messie-
re Mercure ayant ja fait son embusche, avec partie
de ses gens, sort par derriere vne mōtaigne, à la veüe
du Roy, & de l'armée d'embas, & luy mesmes com-
mencea l'escarmouche. Mais à coup de traiet, & de
hacquebutes, le receurent les Genneuois, dont au-
cuns d'iceulx sortirent en place, & à grands coups de
picques chargerent les Albanois, qui pareillement à
course de cheual, qui estoient faicts & duiets aux es-
carmouches des montaignes, à pointe de lance les
retournoient batant iusques à leur bataille. A ceste

escarmouche estoient le Marquis de Mantoüe, M.D.VII. François de Maugiron, & d'autres Italiens & Fran-
çois tout plein. Longuement dura l'escarmouche, où six des Genneuois feurent tuez, & deux Albanois blesez, & vn mort. Les Allemands demeurez à bas avec le Roy, voyans à mont commencer l'escarmouche, se meirent tous à genoüils, & baisèrent la terre, les bras encroisez. Et tant que dura la dicte bataille, tousiours feurent agenouïllez. Tandis que celle escarmouche duroit, les François & Allemands montoient la montaigne, & les Genneuois approchoient leurs batailles. Et lors que Messire Mercure sceut, que tous les François, & Allemands, que le Roy auoit commandé à monter, feurent assemblez, apres auoir donné vne charge sur les Genneuois de la plus prochaine bataille, feit maniere de se retirer avec ses gens. Et tout en l'heure ceste brigade de Genneuois laisserent leur montaigne, & se meirent apres. Ceulx de leurs autres batailles, pareillement le plein pas, Et les aucuns à course suiuirent les Albanois, en faisant grandes huées, & cris horribles, disans, acarne, acarne, amace, amace. Là demie lieuë pres n'eussiez ouy tonner, pour le bruit des Genneuois, qui pensoient que les François s'enfuyssent. Mais tout soudainement lors que iceulx Genneuois feurent assez pres, deux grosses pieces d'artillerie feurent à trauers d'eulx delchargées. Et ceulx qui estoient en embusche, sortirent avec toutes les deux batailles des François, & des Allemands. Les Albanois, & autres gës de cheual, ensemble. Et dōnerent

M.D.VII. sur ceste premiere bataille de Genneuois si rude-
Gennes. ment, que sans resistance de gens vertueulx tourne-
rent le dos. Les autres qui estoient au derriere d'eulx,
& venoient à leurs secours, voyans la premiere de
leurs batailles fuyr vers eulx, & les François à leur
dos, qui les tuoient à grands monceaux, feurent ef-
frayez. Mesmement Paul de Noue, leur Duc, & Ia-
cobus Corsus, Chefs de leur armée, lesquels ne sceu-
rent plus tenir en ordre leurs gens, ne rallier ense-
mble. Car chascun se meit à la fuite. Dont les aucuns se
laissoient cheoir, & rouller du hault en bas. Grande
occision en feut faicte, car les gens de cheual les ar-
restoient par les mōtaignes, & les pietons mettoient
tout à sac. La chasse leur feut donnée plus de deux
milles par les montaignes. Dont aucuns se defen-
doient, les autres se laisserent coupper les gorges
comme moutons. Et me feut là compté, que à ceste
deffaicte, vn des Albanois de Messire Mercure, à la
rencontre de la premiere bataille coucha sa lance,
pour assenner vn Genneuois, ieune, fort, & leger.
Lequel Genneuois attendit l'Albanois, à tout vne
rondelle en la main, & vne espée en l'autre, & de sa
dicte rondelle destourna le coup de celuy Alba-
nois. Puis soubdainement s'approcha de luy, & d'vn
fault le saisit au trauers du corps. Tellement qu'il le
meit hors la selle de son cheual, & le porta par terre.
Lesquels l'vn sur l'autre se tournoyèrent, & voiltril-
lerent, trois, ou quatre tours. Le Genneuois, ne se
pouuoit bien aider de son espée, qui estoit longue.
L'Albanois, ne pouuoit rencontrer son poignard,
qu'il

qu'il auoit derriere le dos, couuert du panneau de sa M.D.VII. longue robe. Mais à la parfin le dict Albanois, qui *Gennes.* estoit en grand danger de sa vie, feut secouru en maniere, qu'il eut loisir de trouuer son poignard, de quoy trancha la gorge au dict Genneuois. Toute la montaigne feut ionchée de morts, & ensanglantée du sang de ces pauures Genneuois, qui feurent menez tuant iusques dedans les portes de Gennes, & plus de deux milles par les montaignes. Tant que le nombre des morts feut estimé à quatorze cents hommes, & de François enuiron trente six, mais grand nombre de blesez.

VOYANT LE ROY que à l'aide de Dieu il auoit gaigné la bataille, & deffaißt ses ennemis, feit asseoir son camp, & mettre ses gens d'armes autour de Gennes, pour y aller le lendemain mettre le siege, & destruire tout, si elle ne se rédoit à sa mercy. Et premier que faire autre œuure, tout armé s'en alla en l'Eglise del'Abbaye, où il estoit logé, rendre graces à nostre Seigneur de sa victoire, puis se feit desarmer, & se mit à repos.

LE D^UC de Gennes Paul de Noue, voyant de tous poinçts les Genneuois abbatu, & deffaiçts, & son regne prendre fin, ne sceut plus que faire, ne à quel moyen auoir recours, si n'est à la fuite. Dont preint de ses bagues ce qu'il peut, & avec grãd nombre d'autres Genneuois, sçaichant là estre le Roy en personne, tous espouuentez s'enfuyrent. Le dict Paul de Noue, s'en alla avec sa suite embarquer au gouffre de Rappel, de nuict, pour la doubte des

Z

M.D.VII. galleres du Roy, qui estoient autour du moule de Gennes. Gennes, & tira droict en l'isle de Corse. Aucuns des autres, s'en allerent en Barbarie. Les autres, à Rome. Les autres, dedans aucunes de leurs places, estans autour de Gennes. Iacobus Corfus, Pisan, Ternatin, Gambecourte, & les autres Capitaines estrangers, avec le demeurant de leurs soldats, s'enfuyrent par les montaignes droict à leur cartier.

DEDANS LA ville de Gennes lors n'auoit que pleurs, cris, & lamentations de pauures femmes desolées, qui auoient perdu aux batailles leurs maris, freres, ou enfans. Pensans au surplus, que le Roy les destruiroit du tout, & feroit mettre la ville à feu, & à sang. Dont ne sçauoient autre chose que faire, fors douloir leur perte passée, & attendre l'aduenir. Et pour ne perdre tout, au fonds de leurs caues, cisternes, & roches, mussèrent partie de leurs bagues, & tresors, & porterent leurs draps d'or, & de soye, & partie de leur cheuance, par les Eglises & Colleges de la ville, & delibererent enuoyer derechef Ambassades deuers le Roy, & parlementer pour rendre la ville, à la meilleure composition que faire se pourroit.

LE MARDY au matin, Ambassades feurent transmises deuers le Roy, qu'il feit ouyr par Maistre Georges, Cardinal d'Amboise, Lesquelles Ambassades dirent, Nous sommes icy venus & enuoyez deuers le Roy nostre souuerain Seigneur, de par les Citadins, & tout le peuple de la desolée Cité de Gennes. Pour au premier, nous recommander tous tres-

humblement à sa benigne grace. Et au surplus, pour M.D.VII. la composition de l'amende & satisfaction du mes- *Gennes.* fait, que la dicte pauvre Cité de Gennes, gouuernée sous la main du peuple deslié, & conseil de mutins desordonnez, ha par cy deuant commis & perpetré contre la tres-haute Seigneurie, & sacrée Majesté. Le supplians tres-humblement, qu'il luy plaise prendre sa dicte ville entre ses mains, & en sa sauuegarde, & son pauvre peuple à mercy, avec la vie, & biens sauues. A quoy ne voulut entendre le Roy, mais dit qu'il auroit la ville, & le peuple à sa volonté, ou qu'il mettroit tout au feu, & à l'espée. Sur quoy les dictz Ambassades feirent autres ouuertures, disans que pour les frais & mises de l'armée du Roy, & pour l'amende profitable, & honorable, ils satisferoient la plus part au vouloir du dict Seigneur, & ordonnance de son Conseil. Ce que ne voulut le Roy, disant tousiours qu'il auroit le tout à sa volonté. De laquelle responce les dictz Ambassadeurs aduertirent le peuple de la dicte ville de Gennes. Sur quoy teindrent le conseil, où plusieurs propos furent alleguez, Et finalement conclud, veul l'extremité où ils estoient, congnoissans aussi le Roy entre les autres dons de vertueuses graces, estre tant humain, que oncques ne fait mourir homme, à qui il peut pardonner, & que leur offense ne touchoit qu'à luy seul, Ayans sur ce confiance de sa grace, dirent le mot, en se rendans la corde au col, c'est à sçauoir, à sa volonté. Luy mandans que à toute heure que luy plairoit, il pourroit entrer en sa dicte ville de

M.D.VII. Gennes, & faire du peuple à son plaisir.

Gennes. ET VOYANT le Roy que tout alloit à son vouloir, receut les dicts Genneuois à sa volôré. De quoy sur le champ en voulut aduertir François de Clermont, Cardinal de Narbonne, lequel estoit deuers le Pape à Rome, Orateur pour le dict Seigneur, & luy escriuit lettres contenans la dicte composition. Lesquelles monstra le dict Cardinal de Narbonne, à nostre Sainct Pere le Pape, qui pallist tout le visage, en lisant les dictes lettres, & dict, Ie ne le croy pas. Plusieurs Romains, & autres, auoient faict gaigeures, & misailles à plusieurs, disans que le Roy ne prendroit point Gennes, ou que de six mois n'y entreiroit. Pareillement le dict Cardinal de Narbonne, transmeit les dictes lettres du Roy à Naples, au Seigneur de la Guiche, qui là estoit pour le Roy deuers le Roy d'Arragon, qui aussi les monstra au dict Roy d'Arragon, lequel aussi ne le cuidoit point croire. Et dit Gonssales en branlant la teste, Il n'est possible à mon aduis que en si peu de temps, vne si forte ville, comme est Gennes, feust si tost renduë. Et est à croire que plusieurs eussent bien voulu, qu'elle n'eust esté prise par les François.

MAIS TANT en feut, que le mesme iour de la dicte composition, le Roy transmeit là à Gennes le Seigneur du Bouchaige, Messire François de Rochecouart, & Messire Raoul de Lannoy, & avec eulx Antoine de Pierrepont, & Pierre de Montalembert, Mareschaux des logis, avec ses fourriers, pour prendre les logis & departir les cartiers. Le lendemain,

tous les dictz logis feurent marquez. Et là dedans en M.D.VII. trerent six cents hommes d'armes, qui feurent logez *Gennes.* vers le cartier de Besaigne. Et cependant le Roy se reposoit à son logis.

CHAPITRE XXIV.

*Du nombre de l'artillerie, De la munition d'icelle,
Et des noms d'aucuns des Canonniers,
Et autres Officiers, qui estoient
à ce dict voyage.*



PRES CES DICTES choses, que le Roy, & chascun se reposoit, en attendant l'entrée du dict Seigneur à Gennes, comme ie feisse lors inquisition sur le lieu des exploicts de la guerre, pour iceulx rediger en ma Chronicque, Ie me trouuay vne apres disnée sur le grauier, au lieu où estoit l'artillerie, Laquelle estoit entre le logis du Roy, & vn bourg, nommé Riuerieu, sur le millieu du chemin du dict grauier. Et là m'enquis, & demanday à aucuns de ceulx qui gardoiēt icelle artillerie, où estoit le Capitaine de la dicte artillerie, lesquels le me monstrerent. Dont à luy m'adressay, disant, Capitaine, i'ay charge du Roy de m'enquerir icy de toutes les choses, qui se feront, pour icelles mettre & rediger par escript. Et pour ce que i'ay sceu que estes le Maistre de son artillerie, ie me suis adressé à vous, pour

Z iij

M. D. VII. vous prier, qu'il vous plaife me faire aduertir du *no-*
Gennes. bre, & de la munition, & del'exploict de la dicte ar-
tillerie, & des noms de ceulx qui en ont la charge.
Lequel Capitaine me feit mener au logis du Con-
trerolleur, où là trouuay le dict Contrerolleur, le
Treforier, le Preuost, & les Commissaires de la dicte
artillerie, ausquels dis ma charge, & comment le dict
Capitaine m'auoit là fait adresser, pour m'enquerir
des dictes choses. Desquelles iceulx m'aduertirent
volontiers, & me baillerent par escript, ce que i'en
ay cy enregistré.

P O U R commencer doncques, d'iray au premier
du nombre des pieces d'icelle artillerie. Premiere-
ment y auoit six gros canons serpentins marquez,
quatre, aux armes de France, & de Milan, & deux,
aux armes de Luxembourg, que feu Louys Mon-
sieur, Comte de Ligny, feit fondre en Ast, quatre
couleurines bastardes, neuf moyennes, huit faul-
cons, cinquante hacquebutes à crochet sur cheua-
lets, bien aisées à manier, lesquelles se portoient sur
le col des pionniers, voire iusques au sommet des
plus haultes montaignes.

A P R E S D I R O N S des munitions, où auoit soi-
xante charretes, chargées les vingt-six à boulets ser-
pentins, quatre de boulets à couleurines bastardes,
quatre, pour les moyennes, & faulcons, six charretes
de pouldres amenées de France, à chascune charre-
te, huit barils de fil de bote, & de trait, deux char-
retes, où estoient les forges, trois chargées de pelles,
picques, & tranches, deux, chargées d'aisseaulx, pour

seruir aux dictes pieces, vne chargée de charbon, M.D.VII.
 pour les forges, vne pour les outils des charrons, *Gennes.*
 deux, pour porter les haquebutes, vne, pour les char-
 pentiers, vne, pour les chables, & poulies, vne, pour
 les chargeurs, & trois, pour les tentes. Et outre ce qui
 auoit esté apporté de France, feut pris à Tourtonne
 quatorze charretes à bœufs, chargées de boulets, &
 onze de pouldre.

ET POUR tirer & mener tout le charroy susdict,
 auoit quatre cents six cheuaux, pris à Bourges, à Or-
 leans, & à Troyes en Champaigne. De laquelle ar-
 tillerie estoit Capitaine vn nommé Paul de Beusse-
 raille, Seigneur d'Espic. Le Preuoost, estoit Ferry Vtel,
 Bernardin Bochetel, Contrerolleur, Le Tresorier,
 Maistre Florimond Frotier, Les Commissaires;
 estoient Garin Maugué, Perot d'Oignois, Estienne
 de Champellais, & Louys Benoist. Au dict lieu auoit
 cinquante Canonniers, Desquels estoient Jacques
 d'Aussel, Pierre de Salleneufue, Thibault d'Archer,
 Lubin Foucault, Iean Champion, Guillaume de la
 Fontaine, Capitaine des pionniers, Iean de Layne,
 Robinet Lescot, Robin Carneu, Iean Garnier, Iean
 Guerin, Claude Liger, Pierre de la Rochelle, & au-
 tres, iusques au nombre de cinquante. Les condui-
 teurs du charroy, estoient Odille de Doyac, Capi-
 taine, Claude de Salins, & Iean Bence.

AVEC le train de la dicté artillerie, auoit deux cets
 mineurs François, & Daulphinois, soubz la charge
 d'un nommé Claude du Port, leur Capitaine, Les-
 quels estoient tous experts au mestier de quoy ils
 seruoient.

M.D.VII.

Gennes.

CHAPITRE XXV.

Comment le Roy entra en armes en sa ville de Gennes, Et comment il feit apporter toutes les armes de la dicte ville dedans le Palais.



ES LOGIS feurent marquez, & les cartiers departis par les Mareschaux & Fourriers des dictz logis du Roy, & six cents hommes d'armes mis en la dicte ville de Gennes. Et ce faict, le leudy, vingt-huictiesme iour du mois d'April, en l'an sus-
 M.D.VII. dict mille cinq cents & sept, le Roy sur les huit heures du matin, partit de son logis du camp, armé de toutes pieces, vestu d'un riche soye d'orfeuerie, l'armet sur la teste, tout empennaché de plumes blanches, monté sur vn courfier tout noir, bardé de mesme accoustrement qu'estoit son soye. Et ainsi avec tous les gens d'armes à cheual se meit à chemin, tirant droict à Gennes, où ja auoit faict mener son artillerie.

AV DEuant de luy iusques au bourg de Saint Pierre d'Areine, faulxbourgs de Gennes, luy vindrent trente citadins Genneuois, des plus solempnels de la ville, lesquels conduisoit vn nommé Messire Galeas Viscomte, Milanois, estant à pied avec eulx, vestu d'un soye de drap d'or. Lesquels Genneuois auoient

auoient leurs chiefs descouuerts, & tous robes noires, habillez en dueil, les testes rases, & bien pesneux. *M.D.VII. Gennes.* Lors qu'ils arriuerent en la personne du Roy, ils meirerent les deux genoüils en terre, cryans misericorde. Et ce faict, apres auoir esté longue piece à genoüils, se leuerent, & là dirent plusieurs choses, en excusant le peuple de la ville de Gennes.

A VOY le Roy n'entendit, mais se meit à chemin. Au deuant de luy & les premiers marcherent les cent Suisses de sa garde, tous armez de leurs halberets, & empennachez, la halberde au poing, lesquels marcherent en bon ordre. Deuant eulx estoit leur Capitaine, à cheual. Apres marchoient Antoine de Lorraine, Duc de Calabre, en armes, & richement accoustré, & Iean Stuart, Duc d'Albanie, Apres, René de Bretagne, Comte de Poinctiure, Messire Berault Stuart, Odet de Foix. Puis assez loignet marchoit Charles, Duc de Bourbon, sur vn gros courfier bien bardé, & luy armé, & richement accoustré, lequel estoit Chief de tous les archers de la garde du Roy. Apres estoit le Seigneur de Laual, armé & monté à l'auantaige. Puis marchoient les quatre cents archers de la garde, tous à pied, armez de leurs brigandines, & sallades, vestus de leurs hocquetons. Au derriere d'eulx estoient aussi à pied Messire Iacques de Crussol, & Messire Gabriel de la Chastre, Capitaines des dictz archers. En apres estoient grand nombre de Seigneurs François, & Italiens, comme François d'Orleans, Duc de Longueuille, Alphóse d'Est, Duc de Ferrare, Francisque de Gonzago, Marquis de

A a

M.D.VII. Mantoüe, Iean Guillaume, Marquis de Montferrat, *Gennes.* le Comte de Vendosme, ieune enfant, Iacques de Bourbon, Comte de Roussillon, & Messire Robinet de Frametzelles. Apres ceulx là cheminoient les trente Genneuois, que Messire Galeas, Viscomte, conduisoit. En ensuiuât marchoit le grand Escuyer. Puis les trompettes, qui sans cesser sonnoient à relais. Le Roy marchoit apres, armé, & monté, en la maniere que i'ay dict. Apres luy auoit quatre Cardinaulx, C'est à sçauoir Maistre Georges, Cardinal d'Amboise, Maistre René, Cardinal de Prye, le Cardinal d'Alby, & le Cardinal de Final. Messire Charles d'Amboise, marchoit apres, monté sur vn courfier bay, vestu sur son harnois d'un foye blanc, couuert d'orfeuerie, moult riche, Ayant l'espée toute nuë au poing, comme Capitaine, dompteur, & vainqueur des dictz Genneuois, sous la main du Roy. Apres suiuoient Messire Louys de Brezé, grand Seneschal de Normandie, & Messire Guyon d'Amboise, Seigneur de Ruel, Et apres eulx marchoient, les deux cents Gentils-hommes de la Maison du Roy, desquels ils estoient Capitaines. Et puis grand suite de hommes d'armes, la lance sur la cuisse, avec leurs archers, & vn million de peuple. Ainsi s'en alla le Roy passer par deuât la lanterne, nommée la tour de Codefa, Et tirant droict à la ville, passant deuant le moule, où auoit huit galleres armées, Dont les quatre estoient Françoises, sous vn Capitaine François, nommé Pregent le Bidoulx, Et les autres quatre, estoient du Roy d'Arragon, desquelles estoit

Capitaine vn Espagnol, nommé Miquel Pastour. M.D.VII. Lesquelles galleres à la passée du Roy tirerent si tres-*Gennes.* horriblemēt, qu'il sembloit que tout deust abismer. Messire Galeas, Capitaine du Chasteau, feit pareillement à l'arriuée du Roy tirer toute l'artillerie du Chasteau. Tant, que tout au tour des montaignes, & sur la ville de Gennes, sembloit que tout tremblast. Car l'un coup, n'attendoit l'autre. Et si y auoit telle piece, que tout ensemble en tiroit d'une trainée onze, ou douze, Ce qui pettoit gros comme le cul d'enfer. Droiēt au Palais s'en alla descendre, & monta tout armé iusques en sa chambre, où là se feit defarmer, en attendant à couvrir.

TANTOST QV'IL feut entré en la ville, les Allemands qui le suiuioint en queue, approcherent la porte, cuidans illec entrer en armes. Ce que ne voulut le Roy, doubtant qu'ils meissent les mains au pillage, De quoy auoient moult grand enuie, & attente, comme ceulx qui pensoient que la dicte ville leur deubt estre abandonnée, & butinée aux gens d'armes. Ce que ne feut, Car pour le mieulx feut aduisé, que le Roy, à qui elle estoit, la debuoit garder pour luy, & defendre contre tout autre. Ce qu'il feut, Et pour obtiuer au vouloir d'iceulx Allemands, les portes feurent fermées sur eulx, & mis gens d'armes à grand nombre, pour les garder, & artillerie dedans le portail embouchée, droiēt à la venue d'iceulx. Lesquels feurent tout le long du iour en armes, encontre les dictes portes. Et là se cuiderent mutiner, & charger sur les coffres des Seigneurs, qui auoient

Aa ij

M.D.VII. tout leur sommaige là dehors. Plusieurs Gentils-
Gennes. hommes, & moy avec eulx, arresté dedans vne mai-
son, pres la porte, pour là regarder, & enregistrer à la
passée l'ordre de l'entrée du Roy, & de ses gens d'ar-
mes, comme d'avanture demeurez hors la ville, avec
ceste ennuyeuse compaignée, passasmes ce iour. La
nuict venuë, iceulx Allemands, & grand nombre
d'avanturiers François, s'en retournerent au lieu, où
ils auoient tenu leur dernier camp. Lesquels apres
bien dringuer, s'entrepreindrent de paroles par les
chemins, & se batirent bien estroict, tant que d'un
costé & d'autre, en eut plusieurs de morts, & de blef-
sez. Et n'eust esté que leurs Capitaines à grâds coups
de hallebardes les departirent, entre eulx eust esté
sanglante besongne exploitée. Tousiours estoient
en picque, Et là où les François les trouuoient mal
apparentez, tres-mauuaise compaignée leur fai-
soient, & eulx de mesmes aux François. En somme,
les plus forts estoient tousiours les maistres des lo-
gis, & aduantageulx au surplus. Et tant estoient iceulx
Allemands outrecuidez, que au regard de eulx esti-
moient les pietons François à si peu de chose, que
vn d'iceulx en cuidoit valloir deux. Et à ce propos
dirai, que ce mesme iour, comme iceulx Allemâds,
& aucuns François feussent deuant la porte de Gen-
nes, comme i'ay dict, Le veis là entre iceulx Allemâds
vn de eulx, n'ayant sur son dos vaillant la vailleure de
trois solds, lequel au prendre & departir du vin, qui
là se vendoit, eut question avec vn gros ieune varlet
François, ayant vn pot au poing, pour auoir du vin.

Lequel Allemand, combien qu'il veint apres, vou- M.D.VII.
lut estre seruy le premier, pensant estre le plus hom- Gennes.
me de bien. Le varlet qui auoit soif, dit, Dea, ie suis
icy premier que vous, & premier seray seruy, car les
premiers vont deuant. Et ce dict, se voulut aduancer
de faire emplir son pot. Mais l'Allemand, qui auoit
le sien au poing, & la hallebarde en l'autre, meit son
baston contre vne muraille pres delà, Et tout soub-
dain en mauuais François commença à dire, *Ha ve-*
lain, velain, appartient-il vous seruy premier que moy?
Et ce disant, preint le varlet par le collet, & le voulut
faire reculer. Mais le varlet feut verd, & se teint fer-
me. Et voyant que l'Allemand le vouloit gouspiller,
lasche son pot, & happe aussi son homme au collet,
& du collet à la perrucque, Où bié à poinct se com-
mencerent à pellauder, & donner l'un à l'autre gros
coups de poing sur la teste, & par le visaige. Là fas-
semblerent grand nombre d'autres Allemands, &
laquais François, lesquels voyans ce combat, qui n'e-
stoit que à coups de poing, & à cause de debat de
vin, se commencerent tous à rire, & les laisserent ba-
rrer longuement, iusques à ce que l'Allemand, qui
auoit eu vn coup de poing sur le nez iusques au
sang, voulut mettre la main à la hallebarde, & le var-
let à l'espée. Dont feurent departis par leurs compai-
gnons, lesquels enquis du tort, blasmerent l'Alle-
mand. Combien que volontiers eussent eu ensem-
ble, & de leger, question de plus. Mais d'un costé, &
d'autre, auoit grosse bande, parquoy cesserent. Et fei-
rent boire les deux compagnons ensemble, & em-

M.D.VII. plir leurs pots. Ainsi mesprisoient iceulx Allemands Gennes. les pietons François, disans, que sans le secours de leurs Lignes, les gés d'armes à cheual de France n'auroient leur renfort de leurs pietons. Car peu d'ordre tiennent en bataille, facilement sont espartis, & à grand peine ralliez. Et de vray combien que prou de gens de pied soient en France bons combatans, hardis, & legers à la guerre, toutesfois les Allemands tiennent communémēt meilleur ordre, & plus mal aisez sont à rompre, & mieulx duiçts au rallier. Mais tant y ha, que au plus des fois, sont difficiles au payement, souuent retifs à la besongne, & tousiours prompts au pillage.

POUR RENTRER en compte, le Roy estoit lors en son Palais de Gennes, où là fait loger les Seigneurs de son sang, Maistre Georges, Cardinal d'Amboise, & grand nombre des autres Seigneurs de France, autour de luy. Et voulut que tous les quatre cents archers, & les cent Allemands de sa garde, avec leurs Capitaines, feussent tous logez dedans le Palais, qui estoit moult grand, & spatieulx, garny de grandes salles, belles galleries, & bonnes chambres, & à grand nombre. Et aussi fait au dedans de la place du dict Palais, monter sept grosses pieces d'artillerie, charger & atiltrer droit à la passée, & entrées d'ice-luy, & là dedans faire toutes les nuitz le guet à ses gardes.

LE MESME iour de son entrée, fait despescher la poste, pour aller à Rome, où escriuit à François de Clermont, Cardinal de Narbonne, pour l'aduertir

de la prise de Gennes, & de son entrée. Afin que le M.D.VII. Pape, & les Romains, qui de cene croyoient riens, *Gennes.* en feussent clairement asseurez, & du tout aduertis. Ce qui ne feut bié au plaisir du Pape, Car si tost qu'il eust veu les lettres du Roy, escriptes dedans le Palais de Gennes, & sceu la maniere de la prise d'icelle, le dict Pere saint, selon le rapport d'aucuns, qui lors estoient à Rome, feut trois iours en sa chambre, sans vouloir parler que à peu de gens, Disans aucuns, que sa chiere le pouuoit lors monstrier estre bon Gennenois. Aussi estoit-il né de Sauonne, terre de Gennes. Le double des lettres du Roy, feut transmis par le dict Cardinal de Narbonne à Naples, au Seigneur de la Guiche, qui là estoit Ambassadeur pour le Roy enuers le Roy d'Arragon. Lequel presenta le double des dictes lettres au Roy, Et dit au Capitaine Gonssales Ferrande, Signor Capitaine, ne faiçtes plus de doubte, que le Roy mon maistre, ne soit dedans Gennes. Car voyez cy le double des lettres escriptes dedans son Palais à Gennes, lesquelles il ha enuoyées à Rome à Monseigneur le Cardinal de Narbonne, signées les dictes lettres de sa propre main. Lesquelles nouuelles, semblerent estranges au dict Roy d'Arragon, & à Gonssales. Tant, que apres ce feurent long temps sans dire mot. Je ne sçay si le plaisir qu'ils eurent des bonnes nouuelles, ou l'aduancement de la gloire des François, leur imposa silence. Maistant feut, que apres quelque temps le dict Roy d'Arragon dit, qu'il estoit bien ioyeux de la victoire du Roy, qui en si peu de temps auoit

M.D.VII. faict œuvre si grande, & chose tant loüable.

Gennes. LES NOUVELLES feurent tantost publiées par toutes les Itales, & les Allemaignes, & autres contrées de la Chrestienté, voire iusques en Turquie. Ce qui sembla chose nō ouye à chascun, & cas de merueilles à tous. Veu la soubdaineté de la prise, & la force du lieu, qui sembloit estre inexpugnable à tout le monde, & sans famine imprenable à iamais. Dont plusieurs demeurèrent en erreur de la verité, & en doubte du faict, long temps apres.

LE ROY qui lors estoit dedans son Palais de Gennes, sceut que hors la ville auoit encores grand nombre de ses gens, avec tout le sommaige, commanda le lendemain de son entrée, que les portes feussent ouuertes, & là mises grosses gardes. Ce qui feut faict. Et ainsi sommiers & charroy entrèrent, & quelque nombre d'Allemands, & autres gens de pied, pour aller querir viures, & autre prouision, pour les autres qui estoient hors la ville.

CE MESME iour, qui feut vn Vendredy, vingt-neufiesme du mois d'April, le Roy feit crier à son de trompe dedans la place du Palais par trois crys de trompette en François, & Italien, que tous ceulx de Gennes, de quelque estat qu'ils feussent, eussent dedans le lendemain au soir à apporter toutes les armes qu'ils tenoient en leurs logis, & maisons de Gennes, comme cuirasses, brigandines, sallades, hallebardes, picques, partizanes, rondelles, & pautois, voulges, haches, & espées, & en somme tous autres bastons de guerre. Et que tous ceulx qui apres le iour dict

aucunes

aucunes armes retiendroient, ou celleroient, des M.D.VII.
 ores estoient declairez rebelles, & desobeissans au *Gennes*.
 Roy, leurs personnes, & biens confisque. Ce faict,
 Commissaires feurent ordonnez, pour faire enregi-
 strer les noms de ceulx qui rendroient les armes, &
 icelles recepuoir. Ce qui feut moult ennuyeulx aux
 Genneuois, qui par les places de la ville, à grosses
 tourbes se pourmenoient, baissans le chief, & haul-
 sans les espaules, comme tristes, & esbahis, doub-
 tans encores auoir pis. Parquoy ne se feirent plus presser
 à bailler leurs armes : mais les feirent porter toutes
 au dict Palais, & mettre là dedans vne Chappelle, où
 estoient les Commissaires, pour receuoir icelles ar-
 mes, & auoir les noms de ceulx qui les rendoient.
 Car plusieurs riches Genneuois honteux de rendre
 ainsi les armes, prièrent leurs hostes François, de les
 prendre pour neant. Dont aucuns en voulurēt auoir
 quelques pieces, qui leur semblerēt belles, & riches.
 Mais cela feut defendu de par le Roy, à la peine de la
 hart, de non en prédre aucune chose. Parquoy cha-
 cun des Genneuois feut contrainct aller au Palais, &
 là faire porter toutes ses armes. Tant, que ce iour, &
 le lendemain, ne feirent autre mestier. Si que la dicte
 Chappelle, qui estoit grande, & spatieuse, en feut
 route pleine, & empeschée. Ce faict, le Roy com-
 manda que les dictes armes feussent abandonnées
 aux gens de pied François, & Allemands. Desquels
 auoit grand nombre en la ville, qui departirent le
 butin, tout ainsi que sans noise chascun en peut
 auoir, & puis meirent leur paquet au col. Tant d'ar-

Bb

M.D.VII. meures y auoit, que là ne se trouua paige, ne varlet, *Gennes*. ne autre, qui voulust mettre la main au pillage, qui n'en feust tout chargé. Et voyans les Genneuois ainsi emporter leurs armes, Dieu sçait quelle patience ils eurent. Mais autre chose n'en peurent faire, fors que penser ce qu'ils voulurent.

LE R O Y voyant que de la force & trahison des Genneuois n'auoit plus garde, enuoya ses Allemâds en leurs pays, lesquels fait payer par Messire Thomas Bouyer, Cheualier, General de Normandie, en la presence de Messire Charles d'Amboise, son Lieutenant. Lesquels Allemands feurent tresmal aisez à contenter, demandans paye pour leurs varlets, & porteurs de bagues, & pour leurs ribauldes, dont auoient grand nombre. Leur payement faict, se meirent à chemin, droict au bourg de Busalle. Aucuns de eulx demeurerent derriere; pensans que seurement pourroient passer. Mais entre Pontedesme, & Busalle, leur sortirent en queue des montaignes de Poulceure grand nombre de payfans, qui les chargerent au derriere bié estroict. En maniere, que cinq d'iceulx Allemands feurent par les dicts villains de Poulceure tuez. Les autres se rallierent, & à coups de picques rechasserent iceulx villains, iusques dedans leurs montaignes, où illec se sauuerent. Et voyans iceulx Allemands que autre mal ne leur pouuoient faire, meirent derechef le feu par les maisons, & villaiges de là au tour, qui encores n'estoient tous brulés.

A V R O Y feut dict lors, & acertené, que durant

le temps qu'il estoit deuant Gennes, ceulx d'Alexan- M.D.VII.
drie semerent nouuelles, que son armée estoit def- Gennes.
faicte, & les François tous morts. Parquoy voulurent courir sus à ceulx de France, qui là estoient demeurez, mesmement à ceulx de la Chappelle, qu'il auoir là laissez au partir du dict lieu d'Alexandrie. Lesquels apres la prise de Gennes, s'en allerent là deuers le Roy, & luy dirent que les dicts villains d'Alexandrie, au moyen des dictes nouuelles festoient voulus reuolter, & mettre en armes, pour aller garder les chemins d'entre Gennes, & Alexandrie, afin que les François ne peussent passer pour eulx retirer, ne auoir par là secours. Et tant en firent, que les licols de leurs cheuaux coupperent, & meirent leurs malles en la ruë, prests à les vouloir destrousser, & tuer. Et si grand peur leur feirent, entre autres à vn nommé Prioris, Maistre de la Chappelle, qu'il cuidoit estre mort. Quoy plus? si n'est, qu'ils eurent tous si belles affres, qu'ils deslogerent sans trompette, & s'enfuyrent en Ast, Où sceurent tantost apres, que le Roy estoit auec son armée dedans Gennes. Auquel lieu s'en allerent, & luy compterent les dictes choses. De quoy le Roy feut tres-mal content, tant qu'il feut presques deliberé de la faire destruire, & mettre le feu dedans. Mais dict que autrement les puniroit, iusques du tout feust deuëment ascauanté. Ce qu'il feir, Car il manda aux Allemands, qui s'en alloient en leur pays, que trois mille de eulx seiournassent dedans, iusques ils eussent de ses nouuelles. Aussi y enuoya trois mille cinq cents laquais, lesquels tous

M.D.VII. ensemble y seiournerent plus de six sepmaines , Et
Gennes. Dieu sçait, comment ils payerent là leur escot. Som-
 me, ils y feirent tout le sanglant pis qu'ils peurent.
 Tellement, que à la parfin la ville leur demeura, que
 les villains abandonnerent, iusques le Roy eust faiët
 desloger leurs hostes, qui leur feut bien à tard.

CHAPITRE XXVI.

*Comment le Roy enuoya à Rome deuers le Pape
 deux de ses Gentils-hommes.*



LE ROY, QUI lors auoit & sçauoit
 nouuelles de tous pays, sceut pour vray
 que le Roy des Romains, mal content
 de la prise de Gennes, disoit & faisoit
 dire publiquement par les Allemai-
 gnes, que le Pape luy auoit mandé, que le Roy n'en-
 treprenoit le voyage de delà les monts, si n'est pour
 vouloir vsurper le Papat, & faire du saint siege de
 Rome, à sa volonté. Et aussi pour se faire là couron-
 ner Empereur, & occuper toutes les Itales, comme
 feit iadis Charlesmaigne. Et que à ceste fin voulant
 le dict Pere Sainct obuier à ce, s'en estoit allé de
 Boulongne à Rome. Dont pour sçauoir la verité de
 ces nouuelles, le Roy feit à Gennes despescher deux
 de ses Gentils-hommes, nommez l'un, Messire Iean
 de Saincts, l'un de ses Eschançons, & l'autre, feut le
 Seigneur de Gimel, lesquels enuoya à Rome deuers

le Pape, avec lettres de creance, & instructions. Des- M.D.VII.
quels Gentils-hommes, le dict Seigneur de Gimel, Gennes.
alloit pour demeurer à Rome, Ambassadeur, & le
dict Eschançon, pour rapporter au Roy, ce qui fe-
roit faict enuers le Pape, & la responce de son dire.

LEVR DESPESCHE faicte, partirét de Gennes,
le cinquiesme iour du mois de May. Et pour aduan-
cer leur voyage, le Roy les feit mener par mer à deux
des galleres de Pregent, & à vn Capitaine Espagnol,
nommé Miquel Pastor, Capitaine de quatre galle-
res, que le Roy d'Arragon luy auoit enuoyées, pour
le seruir à la guerre de Gennes, Lequel Pastor, avec
les autres Espagnols des dictes galleres, contenta à
leur plaisir, & leur feit riches presens, & grands dons.
Puis avec eulx feit embarquer ses dicts Gentils-hom-
mes, pour mener avec leurs galleres, & celles du dict
Pregent, iusques à Rome. Quatre iours feurent sur
mer, puis arriuerent à Ciuitauieche, port de mer, à
vne iournée pres de Rome, par terre, Où ne voulut
arrester le dict Miquel Pastor, ne prendre port, mais
avec ses galleres passa la route, tirât droict à Naples,
vers son maistre le Roy d'Arragon. Les autres deux
galleres de Pregent, demurerent là, pour attendre
si Messire Iean de Saincts, s'en voudroit retourner
par mer.

DEVERS LE PAPE s'en allerent les dicts Gen-
tils-hommes François, auquel presenterent les let-
tres du Roy, & dirent leur creance, contenant en
somme, que le Roy vouloit sçauoir, comment la
Sainteté du Pape vouloit viure, & demeurer avec

Bb iij

M. D. VII. luy, Comme estant douteux, & mal asseuré de l'intention de son vouloir. Et ce, pour ce qu'il pensoit à sa venue le trouver à Boulongne, dont s'en estoit party, & retiré à Rome, sans l'auoir attendu, comme luy auoit mandé. Et comme par les Allemagnes estoit bruit, que le Roy des Romains disoit & faisoit publiquement dire, que le Pape luy auoit mandé, que le Roy ne prenoit le dict voyage, si n'est pour s'efforcer de vsurper le saint Siege Apostolique, & en faire à son vouloir. Et aussi pour se faire par force couronner Empereur, & occuper toutes les Itales. Lesquelles choses monstrerent par lettres, & dirent de bouche au Pape. Et en outre luy dirent, quant au regard de l'vsurpation du Papat, à ce point ne respondoit le Roy, Disant, que la chose d'elle mesme se doit penser impossible à faire par raison, & incroyable à entreprendre. Veu que luy, & ses predecesseurs, ont tousiours esté protecteurs de l'Eglise, & defenseurs de son droit. Aussi quant à ce que le dict Seigneur se vouloit faire couronner Empereur, & occuper les Itales, que à ce n'auoit oncques pensé, mais disoit estre ces choses controuuées, & mises par l'inuention du Roy des Romains. Mais pour respondre du tout à la principale cause, qui le mouuoit de passer les monts, c'estoit pour vouloir veoir la Sainteté du Pape à Boulongne, comme le dict Pere saint luy auoit mandé, Et pour conferer & traicter avec luy du bien de l'Eglise, & profit de la Chrestienté. Et aussi pour la cause de la rebellion de sa ville de Gennes, qu'il vouloit remettre entre ses

maines, & reduire à la raison. Comme il auoit ja par M.D.VII. armes faict, & estoit dedans, Ayant le peuple, & toute la ville à sa mercy, pour en faire à son plaisir, & du tout à son vouloir. Dont toutes ces dictes choses considérées, s'esmerueilloit grandement, de ce que le dict saint Pere luy auoit mandé qu'il l'attenderoit à Boulongne, (que par armes luy auoit peu de iours deuant soubmise, & rendue à sa Saincteté, & obeissance, & faict tout le secours & seruice, que bon fils doit faire au pere,) le dict Pere saint s'en estoit allé à Rome, sans le vouloir attendre, comme luy auoit promis. Et aussi s'esmerueilloit, de ce que le Roy des Romains s'estoit iacté, touchant les paroles susdictes. Mais tout ce nonobstant, le Roy comme Roy tres-Chrestien, & obeissant fils de l'Eglise, estoit deliberé de tousiours se monstrier par effect protecteur de la Saincteté Apostolicque, & vray défenseur de l'Eglise. Et au surplus prioit le Pere saint, pour aduerer la chose, que son plaisir feust, enuoyer deuers le Roy des Romains messaige express, pour sçauoir dont les dictes paroles estoient venues, & faire en maniere, qu'il peust clairement congnoistre le bon vouloir du dict Pere saint. A quoy feit le dict saint Pere response, en disant, Au regard des paroles, que Maximilian Roy des Romains ha faict publier, & semer par les Allemaignes, je respons que oncques ne les dis, ne n'en sceus iamais rien. Et quant à ce que le tres-Chrestien Roy de France s'esmerueille, de ce que ne l'ay attendu à Boulongne, comme ie luy auoye mandé, ne fault

Gennes.

M.D.VII. qu'il pense que pour sa venue me soyer retiré à *Rogennes*. me, mais feut pour ce que au dict lieu de *Boulougnem* trouuay si mal de ma personne, que les Medecins me defendirent la demeure, disans si i'auoye ma santé pour recommandée, que besoin m'estoit de changer l'air, & me retirer icy, Ce que ie feis. Et en outre de ma part ie veulx estre, & demeurer tout temps enuers le dict tres-Christianissime Roy de France, tout ainsi que le bon pere doit faire enuers l'obeissant fils, prest à toute heure, à luy faire tout le plaisir, secours, & amitié, que entierement se pourra estendre ma puissance. Et au surplus, tout en present despescheray messaiges, pour mander au Roy des Romains, qu'il me face sçauoir dont sont procedées & issuës les dictes paroles, pour en aduertir tout au vray vostre dict maistre Christianissime, Roy de France. Et ce dict, le dict Messire Iean de Saincts preint congé du Pape, & s'en reueint en poste deuers le Roy, lequel aduertit de toutes les dictes choses. Le Seigneur de Gimel, demeura à Rome deuers le Pape, pour le Roy, & les deux galleres de Pregent, s'en reueindrent droict à *Gennes*.

LE ROY dedans la ville de *Gennes* estoit lors à seiour, où de iour en autre deliberoit de ses affaires, en se enquerant de ceulx qui auoient esté cause principale de la diuision & reuoltement de *Gennes*, & mis le peuple en vouloir de prendre les armes, & faire rebellion contre luy. De quoy feut tantost aduertty, & tant, qu'il eut les noms de tous les mutiniers, desquels l'une part estoit en la ville, & les autres estoient

estoyent fuitifs. Dont delibera faire grace & pardon M.D.VII. à ceulx qui s'estoyent mis entre ses mains, & rendus à *Gennes*. sa volonté, & punir les absens, comme criminels de leze Majesté, rebelles à Iustice, & deffians de misericorde. Parquoy meit gens de toutes parts, à chercher & prendre ceulx, qui à sa venuë s'estoyent absentez. Et entre autres sceut, que vn nommé Demetrius Iustiniain, des plus gros de la ville, & l'un de ceulx qui le plus auoit mis le peuple, & celuy entretenu en obstination de rebellion, estoit hors de *Gennes*, dedans vne sienne place, sur la coste de la mer. Parquoy transmeit là vn nommé Pregent le Bidoulx, Capitaine de quatre galleres, & avec luy vn autre nommé Mollart Suffray Allemant, Seigneur du Riage, bien accompagné, par mer, pour prendre le dict Demetri Iustiniain. Lesquels s'en allerent sans bruit avec quelque guide de *Gennes*, qui les mena droictement par mer, viz à viz du lieu, où estoit celuy Demetri, Lesquels le plus cellément qu'ils peurent gaignerent terre, & desguisez s'en allerent secretement droict au dict logis, où entrerent soubdainement, leurs espées au poing. Et ce voyant le dict Demetri, voulut vuidier: mais feut suiuy si tost, qu'il n'eut loisir de trouver issue seure, pour s'enfuir, ne lieu secret, pour se cacher. Si feut pris, & ramené à *Gennes*, & mis en bonne garde, & seure main, iusques le Conseil eust veu en son affaire, & ordonné de son procez. Plusieurs autres fuitifs feurent pris, & menez à *Gennes*, où apres leur procez fait, feurent aux vngs par les places de la ville tranchées les testes, & escartelez, & les

Cc

M.D.VII. autres pendus à potences par les cantons des ruës, & Gennes. les autres attachez pres des portes de la dicte ville. En maniere, que par toutes les ruës paroissoit à ces enseignes, que Iustice auoit manié les rebelles si aigrement, que tous ceulx de leur secte voyans le spectacle de seuerité, estoient transis de peur, & effrayez de craincte, Comme attendans d'heure en autre la venuë des bourreaux, & la corde au col. Mais le Roy sur tous autres le plus humain, ne voulut la mort de tous ceulx, qui cõtre sa Majesté l'auoient iustement deseruie : mais seulement d'aucuns de ceulx qui à la prise du Castellas, auoient à ses gens vsé de cruelle tyrannie, cõme est dict dessus, ou d'autres commisseurs de crimes tant damnables, que de toute grace feussent frustrez, ou forclus de misericorde, dont l'executiõ de Iustice, feut par le pouuoir de clemence adoulcie. Toutesfois toute la ville de Gennes, n'ayant encores pleniere grace, estoit espouuentée du chasty des malfaiçteurs, & soucieuse de sa douteuse aduanture. Et pour y vouloir au mieulx pourueoir, feurent aucuns Genneuois enuoyez deuers le Roy, de par la ville, le prier que son plaisir feust, de auoir pitié de son pauvre peuple, & prendre de chascun d'eulx le serment de fidelité, & l'amende honorable, & profitable, selon sa bonne ordonnance, & l'aduis de son Conseil. A quoy voulut bien entendre, comme Prince tres-humain. Et pour ce ordonna tantost apres tenir siege Royal, & mettre fin en ces affaires.

CHAPITRE XXVII.

*Comment le Roy teint en son Palais de Gennes,
siege Royal, Oû les Genneuois luy feirent le
serment de fidelité. Et d'une Harangue
faicte en Italien, avec la
response de mesmes.*

DEDANS LA GRAND court du Palais de Gennes, feut dressé vn grand eschaffault, touchant aux degrez de l'entrée de la porte, par où l'on monte en la salle du dict Palais. Et sur ce luyeschaffault, vn autre petit eschaffault, Sur lequel estoit vne haulte chaire, preparée pour le Roy, & couuerte de drap d'or, Et le dessus couuert d'vn poille, semé de fleurs de lys, Et le bas couuert d'vn drap pers, semé aussi de fleurs de lys. Et là aux deux costez estoient bancs, & chaires mises, pour asseoir les Seigneurs du sang, & les Cardinaulx, qui là estoient. Aux deux costez estoient les Gentilshommes, & les archers de la garde, à deux rangs, prenant du dict eschaffault, en tirant iusques à la porte de l'entrée du Palais, pour faire là entrer le peuple, & garder la presse. Lors que tout feut prest, le Roy se meit en chaire, & au tour de luy tous les Princes, & Cardinaulx, qui là estoient, & tous ses Cham-

Cc ij

M.D.VII. bellans, avec ses archers du corps. Et ce faict, vn Roy Gennes. d'armes, nommé Daulphin, feit là son cry de par le Roy, que chascun eust à faire silence, à la peine d'estre desobeissant au dict Seigneur.

APRES TOUTES ces ceremonies, grand nombre de peuple de Gennes, entra dedans le Palais. Et entre eulx feut vn Docteur Genneuois, nommé Messire Iohan de Illice, lequel s'approcha de l'eschaffault du Roy. Et là dessus se meit, les deux genouïls à bas, & les yeulx tendus vers le ciel, portant piteuse, & esbahie chiere, lequel à voix basse, & tremblante, dit en langue Italienne l'Oraison qui f'ensuit.

¶ Seguita la Proposizione fatta per Misere Ioanne de Illice, Doctore de Genoa, al Christianissimo Re Luysse duodecimo, Re di Franza, Duca de Milano, & Signor di Genoa, in nome del populo Genese.

CHRISTIANISSIMO, & Inuictissimo Re, vnico, & supremo Signor nostro in terra, Questa vostra deuotissima Citta di Genoa, & vniuersalmente li habitanti in quella, veramēte ricognoscano li infiniti meriti, & beneficij de la Majesta vostra, per il passato per noi riceuuti, esser tali, & tanti, che rendano tutti noi, & li posteri nostri, in perpetuum obligatissimi, a douer a la Majesta vo-

stra rendere, & referire non quelle gracie, & laude, che se M.D.VII. conuerenbono, ma quelle che possiamo per le debile nostre Gennes. faculta. Ma veramente, Clementissimo Re, li preteriti beneficij, & gratie, al tutto supera & auanza questo vltimo singularissimo & preclarissimo dono di Clementia, che dignata sia venir personalmente à liberarne di tanta seruitu, & capriuita, in quanta per colpa, non percio di grande numero di homini di male affare, erauano reduiti, Quali essendi seguiti da la vulgar, & ceca gente, con le arme, & a forza, la Citta hanno induta a errore. Ma la Clementia vostra infinita, imitando il nostro Redemptore Iesu, (Et noi percio seguendo no la infruttuosa di Iuda, ma di Pietro salutifera penitentia, Et considerato con li occhi al ciel leuati, che tarda non fu mai la gracia diuina,) è stata tanto superabondantissima, che non rispettato il dicto errore, noi è venuto a liberar & redimere in modo tale, Christianissimo Re, che cosi como per tutto il mondo la Majesta vostra a sua grande gloria, & laude, è insignita & decorata Christianissima meritissimamente, se li po & debbe adiungere il triumphal titolo di Clementissimo, se non superior, saltem non inferior, ma coequale a li altri decorati titoli. Et per che poi vostra somma Clementia, ne a riceuuti a sua bona gratia, & sotto il tutissimo clypeo di sua protectione, cessato è ogni male, seguito ogni bene, Et Christo in croce sta, con le bracie aperte, a perdonare ad ogni vno, che a lui si torna, et il suo errore recognosce. Percio tutti vniversalmente, in virtu di questo nono, & triumphal titolo di Clementia, in terra prostrati, supplicano la Majesta vostra, si degni concedere le infrastrate gratie, & Riqueste.

PRIMA, Che vogli vniversalmente perdonare, secon-

Cc iij

M.D.VII. do para, & iudicara essa summa Clementia.

Gennes. SECUNDO, Remettere & cācellare la pena, & multa pecuniaria, a la vostra Citta inflitta, per lo error preditto.

TERTIO, A noi concedere & condonare li priuilegij, gracie, exemptione, immunita, & altri a questa Citta consueti.

QUARTO, Così como descendo la anima del glorioso Christo al limbo, per redimere & liberar le anime, gia longo tempo captiuuate, Così in memoria di sua santissima passione, & liberatione preditta, si supplica, & humilmente requiere, che degnar si vogli la Maiesta vostra, per questo suo aduento liberare li soi Citadini, fin al presente giorno nel Castelleto retenuiti, & quelli graciosamente condonare a le isconsolate madre, a le afflicte mogliere, a li tribulati parenti, a perpetua laude & gloria de la Maiesta vostra, Et acio si no patisca il iusto per lo iniusto.

NON obmetterò, Clemētissimo Re, l'altro preclaro dono, che a noi etiam deue esser condonato, in costituire vn Regio Governatore, sotto il gouerno del quale, per sua virtu, somma prudentia, & ingenio, speramo questa Citta, con tuto il suo distretto, douer esser talmēte rezzuta & governata, che grande gloria ne resulte a la Maiesta vostra, e da noi vile pacifico, e stabilita perpetua. La qual Citta, con ogni sua pertinentia, non con qual si de, ma con qual si po humilta, & genibus flexis, prostergata in terra, deuotissimamente se aricommanda, inducendo & allegando il dicto dal Psalmista, Cor contritum, & humiliatum, Rex, ne despicias. Amen.

¶ *Seguita la Risposta fatta per Missere Michele Rizo, Doctore, Consigliere, & Maestro de Requeste ordinario de la Maison del prefato Christianissimo Re, per commandamento de soa Maiestà.*



SENTENCIA de Philosophi, che perfidia noce tanto a la generatione humana, quanto gioua la obseruantia de la buona fede, Perfidia tantum incommodi humano generi adfert, quantum salutis bona fides præstat. Questa perfidia non solamente ha submerso le Citade, terre, & prouincie, como se lege ne le Historie di Capoa, Numàtia, & Carthagine, & molte altre Citta, & Prouincie: ma vna parte de la natura Angelica casco in ruyna per quella, irreparabilmente. El nostro Padre Adam per la rebellione & inobediencia verso el suo Signore, fo condannato lui, & la sua posterita, in perpetuo. Et quantum che nostro Signore & Redemptore Iesus, noi habbia redempto col prezioso sangue, non dimeno nostra natura resta imbecile & inferma, per la ditta colpa. O populo Genoesè, me se concedesse tanto ingenio, memoria, & facundia, che io potesse condignamente considerare, cōmemorare, & explicare le gravita de vostre execrable perfidia! Ma la grandezza & enormita di quello, offuscano l'intelletto, perturbano la memoria, & impediscono la lingua. Pero che quando considero la perfidia de Cartagine si verso Xantiippo Lacede-

M.D.VII. monio, che è existimata grauissima, quelle de Hannibal Genes. verso li Nocerini, & Acerani, de Digneo Domicio, contra Butuito, Re di Auernia, de Seruio Galba, contra le tre Citta di Portugalo, tutte insieme non sono a comparare a questa vostra vsata & commissa verso el Christianissimo, & piensissimo Re nostro. Et me dole che non la posse bene explicare, a fine che se intendesse meglio la somma Clementia, & bonta de soa Maiesta Christianissima.

ME ricordo, & credo molti di noi presente ne habia-
no memoria, che in l'anno de la Natiuita del nostro Signore mille quattro cento nonante noue, nel mese de Ottobre, Ricognoscendo, che nostro vero, & natural Signore, era lo Christianissimo Re di Franza, Et che longo tempo la Citta vostra hauea prosperato sotto lor dominio, & obediencia, & maximamente nel tempo del Re Carlo magno. Et poi de recente & fresca memoria, sotto el dominio del Re Carlo sexto, & del Re Carlo settimo, Et se alcuno altro dapoi hauea gouernato & dominato la Citta vostra, era infeudato del Re Christianissimo di Franza, recognoscendo in directo et supremo Signore, Elegistiuo de vostra spontanea volonta, & proprio moto, sedeci notabili Citadini, a li quali, per commune decreto de vostro gran Consiglio nemine discrepante, donastiua commissione & auctorita, de mettere la Citta vostra, & distretto de quella, a la obediencia de soa Christianissima Maiesta, como a vero, naturale & supremo Signore li fare & prestare lo debito sacramento de fidelita. Li quali vostri Ambasciatori se transferino a la Citta de Milano, doue sua Maiesta era in quello tempo, & gli fero solennemente la ditta fidelita. Et nel mese de Nouembre seguente, in la grande Sala de questo Palazzo, me
pro-

proponente, tutti li capi di casa, & homini capaci de ra-
 son, ratificando la ditta fidelita, & tutto quanto per li det-
 ti Ambasciatori era stato fatto, de nouo se obligarono &
 iurarono la fidelita, in mano de Monsignore di Rauastein,
 per soa Maiesta, afirmando, che la reductione de la Citta
 vostra a la sua obediencia, era reformare el Stato di essa Cit-
 ta, che per algun tempo 'era stato detorpato & deformato,
 per la tyrannia de alcuni, & vostre particolari odij, & ini-
 micie intestine.

SED quis furor ô populi, & quæ tanta demen-
 tia ciues? Che è quello che ve ha induto à rebellione con-
 tra el Re Christianissimo nostro Signore? El qual a fatto
 verso voi tutto quello, che era conueniente a iusto, pio, &
 amoreuol Signore, incontenente che seti venuto a la obe-
 diencia soa. Ha fatto cessare tutte vostre parcialita, che
 erano causa spesso de ogni vestro male. Ha ordinato far-
 ue administrare iusticia, cosi al richo, como al pouero, sen-
 za acceptar persone. Et se alcuno mancamento è stato in
 la Iusticia, la colpa se po dare a voi, che non hauete aduer-
 tito a soa Maiesta. Ve ha difeso de tutte oppreissione, &
 violentie, Fauorito tutti vostri commercij, & mercantie,
 & per tutto vostra nauigatione, con le baniere, & ensegne
 de la soa Maiesta. Seri stati honorati, & carezzati. Et
 quantum che tutta Italia habbia sentito li danni & incom-
 modi de la guerra, sola la vostra Citta, & lo Genoesè,
 hanno goduto della pace. Che è quello che ve mosso, ô
 populo Genoesè, a dismenticarne de tanti beneficij, etiam
 per voi commemorati, & el tranquillo, & dolce stato, nel
 qual voi erano, & venir contra el sacramento de la fide-
 lita, & metter la Citta vostra, le persone, lo honore, & li

Dd

M.D.VII. *beni, in cosi euidente ruyna. Che se la somma Clemencia, & pietà del Re Christianissimo non hauesse obuiato, per voi non è rimasto de ruynare, & souertere perpetuamente el tutto. Che è quello che a possuto fare el Re Christianissimo, in vestro beneficio, che habbia lassato de farlo? Et po dire como dice il nostro Signore, Popule meus, quid feci tibi?*

LONGO tempo è, che li predecessori vostri hanno cognosciuto non poder esser senza iusto Signore. Et è sententia di Philosophi, Quod sub iusto Principe viuere, summa est libertas. Se voi non hauesiuo Signore, & volessiuo eleggere vno, a pena trouaressiuo simile al Re Christianissimo. Si consideramo la origine & genealogia, è la piu antica, & continuata de Christiani. Pero che lo Re Christianissimo, è lo cinquanta vno descendente del primo Re. Si consideramo le vertu sue, tutto è pieno de Religione, de Iusticia, pietà, prudentia, fortitudine, & temperancia. Et se la presentia de soa Maiesta non me reuocasse dal proposito, dubitando incorrere vicio de adulatione, io ve mostraria, che con tutti quelli, che sono laudati ne le antiche & moderne Historie, de Religione, de Iusticia, de pietà, de prudentia, de forteza, & temperança, sua Christianissima Maiesta se po comparare. Lo fanno i soi subditi. Lo fanno i soi seruitori, quale sono continuamente presso de soa Maiesta. Lo posseti per experiencià cognoscere, vo i populo Genoesi, che haucte nouamente experti sua magnanimità, in hauermi vinto con tanta celerità, & so gran bontà, in volerue perdonare si gran colpa. Et nientedimeno, obcecato populo, haucte procurato meterue fore de la obediencia de soa Maiesta. Voi pigliastiui le arme nel principio, fa-

cendo tumulto, & sedicione, & commettendo crimen læsæ M.D.VIL. Maiestatis. Et perpetrasti poi homicidij, & robarie, & Gennes. per violentia cagasti uo li Nobili, che sono li principale de vostra Citta.

DONASTIVI ad intendere venir a uenia, & domandar gracia, & perdõ, promettẽdo posar le arme, & remettere el tuto al pristino stato. El bono, & clementissimo Re, liberalmente vi pardono, sperando che douessi uo recognoscere sua bõta, & clemẽcia, & disponerue del tutto al suo seruicio. Como fe el bõ Cinna Romano verso OEtauiano Imperadore, poi che lui donna la uirta, che li possẽua giustamente togliere. Ma uoi cechi de furore, & ingrati, andando de mal in peggio, hauete occupato le Castelle, & terre, che se teneuano per soi Capitanei, assiegiate altre, quale soi gente d'arme con soi bandere deffendeuano, impedito & depredato le uirtualie, & homini, che se mandauano a le sue forteze & Castelle, Preso el Castellazo, & sotto fede, crudelmente trocidato li homini, Assediato & combatuto el suo Castelleto. Et quel che è pegio, ue hauete munito & fortificato per resistere a sua Maiesta, la qual uenua in persona. Non considerando che la forza vostra verso quella de soa Maiesta, è simile a quella d'un pulice ad vno Elephante.

O DAMNATA, & detestabile perfidia! O somma dementia! Se io uolesse pesare la qualita & granita di vostri delicti, & excessi, & commensurar li con digna pena, non solo gli homini, ma le muri, & la terra, meritariano perpetua euerisione. Et tutti gli tormenti exquisiti per Phalaris, & Dionysio, & altri tyrani, non sarebono sufficienti. Io so bene, che vi dispiace intendere exprobrare & detestare lo errore uostro, Ma vi cognosco de tanto ingenio, che

D d ij

M.D.VII. cognosceti ch'el ditto errore è piu grande, & meritar piu Gennes. graue reprehensione. Io cognosco nel vultro, & ne lo habito, che seii Genoesi, ma li fatti, & le opere sono contrarie, & piu presto da inimici, Hauendo exposta la patria a cost gran pericolo. Et son certo, che quando voi considerate, li capilli si riuoltano insuso, & le viscere se commouano.

SED respexit vos oculo pietatis clementissimus Rex, & misertus est populi sui. Non è minor la gloria de soa Maiesta Christianissima, in hauer temperato la giusta indignatione sua verso voi, che hauerui vinto, & ridotto a soa obediencia. Et quando considero li casi, per li quali Valerius Publicola, Furius Camillus, li doi Scipioni Affricani, Marco Marcello, Marco Catone, Archia Tarentino, & gli altri sono laudati de la vertu de temperança, senza dubio in questo caso el Re Christianissimo, è digno de maggior laude, el qual me a comandato rispondere a la Supplicatione vostra.

CHE sua Maiesta perdona & remette a tutti li Genoesi li delitti, tanto de leza Maiesta, nel primo, o secundo capo, quanto altri, qual se voglia, & de qual se vole grauita, & importantia, in fino al presente giorno, Reseruata la rasone del terzo, quale porra proseguire civilmente, & criminalmente, como li piacerà. Et intende sua Maiesta Christianissima, che siano inclusi in la presente gratia, cosi li absenti, como li presenti, dummodò ipsi absenti infra vno mese dal presente di, comparano dauanti el Governatore, & suo Locotenente, & iurano in soi mano la fidelita a sua Maiesta Christianissima, La qual excetna, & exclude da la ditta gratia solamente quelli, che a fatto particolarmente nominare.

ET ULTRA, ex plenitudine gratiæ, Remette & M.D.VII. dona la multa & pena de Cento milia scudi, inclinando a Gennes. essa vostra supplicatione. Et ve restituisse & reintegra a gli honori, dignita, & beni vostri.

ET circa lo articulo di priuilegi, quale sono qui in prompto, sua Maiesta per conseruare la auctorita Regia, ha ordinato che siano rotti attualmente, cancellati, & brufati. Et nientedimeno vsando de sua pieta, & clemencia, poi che gli harete fatto & prestato lo debito Sacramento de fidelita, ve fara legere le concessione, priuilegi, & ordinatione, li quali intende che habbiati.

ET A l'ultima parte de vostra Supplicatione, sua Maiesta ha deputato alcun, per intendere se sono presoni de bona guerra, o non. Et in ogni caso, li fara cosi bene tractare, che voi, & loro, hauereti causa de contentarne.

O SOMMA bonta! ô inestimabile pieta! ô immensa magnanimita! Doueti duncha, populo Genoesse, recognoscere perpetualmente vno tanto beneficio, & dono, che sua Christianissima Maiesta vi ha fatto in questo di, Restituendoui la patria, lo honore, la vita, Donne, figlioli, & beni, Et lo doueti con perpetua memoria celebrare, Afin che ne voi, ne vostri successori habiati a incorrere mai piu in simile errore. Pero che como sua Maiesta ha vsato al presente de somma pieta, & clemencia, recascando, bisognaria vsare de immenso rigore, & somma seuerita, la qual douesse cedere in exemplo perpetuo a tutti subditti.

POURCE QUE tous n'entendent entièrement le langage Italien, & que dedans les sus dictes Harangue, & Response, sont mainctes choses recommandables, dignes de record, alleguées, Afin que

Dd iij

M.D.VII. chascun en puisse auoir congnoissance, & entendre Gennes. la substance, ie diray cy apres de mot à mot le contenu en icelles. Dont l'introite de la Proposition du dict Messire Iean de Illice, Referendaire du peuple de Gennes, feut telle.

TRES-CHRESTIEN, & inuictissime Roy, nostre Souuerain, & vnicque Seigneur en terre, Ceste vostre tres-deuote Cité de Gennes, & vniuersellement les habitans en icelle, vrayemēt nous recongnoissons les benefices, & merites infinis de la Majesté vostre, par vous faicts, & par nous receus, estre tels, & si grāds, que tous nous & nos posteres rēdent perpetuellement obligez, à debuoir rendre & referer à vostre Maiesté non telles graces & loüanges, comme nous deuons, mais telles que par nostre debile faculté pouuons. Mais vrayement, Roy tres-benin, les preterits biens-faicts & graces ha tous surmonté & passé, ce dernier tres-singulier & tres-noble don de clemence, que soyez daigné venir personnellement nous deliurer de si grande seruitude, & captiuité. Et tant que par la coulpe, non pour ce de grand nombre d'hommes de mal affaire, estions reduicts, lesquels estans ensuiuis de la vulgaire & auiliegent, par armes, & à force, la Cité auons esmeu à erreur. Mais vostre clemence infinie, prenant doctrine en nostre Redempteur Iesus-Christ, (Et nous pour tant non ensuiuans l'obstination infructueuse de Iudas, mais de Pierre la salutifere penitence, Et les yeulx au ciel leuez, considéré que tarde ne feut iamais grace diuine,) ha esté tant superabon-

chantissime, que nō regardé le dict' erreur, nous estes M.D.VII.
venu deliurer & rachepter en telle maniere, Chri- *Gennes.*
stianissime Roy, que ainsi comme par tout le mon-
de la Majesté vostre à sa grande gloire & louïange,
est enseignée, nommée, & decorée Christianissime,
à bonne & iuste cause le triomphal tiltre Clem-
tissime, se peut & doit à luy adiouster, lequel s'il
n'est superieur, au moins est nō plus bas, mais coe-
gal à l'autre honorable tiltre. Et pource que vostre
souueraine Clemence, nous ha receu en sa bonne
grace, & sous le tres-seur escu de sa protection,
tout mal cesse, & tout bien ensuit. Comme Iesus-
Christ estant en la Croix, les bras estendus & ou-
uerts pardonne à tout homme, qui à luy se tourne, &
recongnoist son erreur. Pource tous vniuerselle-
ment, en vertu de ce nouveau tiltre de Clemence,
en terre prosternez, supplions vostre Majesté, que
nous daigniez bailler & octroyer la grace & Re-
queste qui s'ensuit.

P R E M I E R E M E N T, Que vueillez vniuerselle-
ment pardonner, & iuger selon vostre souueraine
Clemence.

S E C O N D E M E N T, Remettre & canceller la pei-
ne de grande pecune, à vostre Cité infligée par l'er-
reur susdict.

T I E R C E M E N T, A nous octroyer & donner les
priuileges, graces, exemptions, immunitéz, & au-
tres libertez, à ceste Cité accoustumées.

Q U A R T E M E N T, Ainsi comme l'ame du glo-
rieux Iesus-Christ descendit aux lymbes, pour

M.D.VII. rachepier & deliurer les ames ja long temps là capti-
Gennes. ues. Ainsi en memoire de sa tres-saincte Passion, &
 deliurance susdicte, chascun vous supplie, & hum-
 blement requiert, si vostre Majesté veult, que dai-
 gniez par cestuy vostre aduenement, deliurer vos ci-
 tadins, iusques à ce present iour dedans le Castellet
 retenus, & gracieusement les donner à leurs meres
 inconsolées, à leurs femmes afflictes, & à leurs trou-
 blez parens, A la perpetuelle loüange & gloire de
 vostre Majesté, Et afin que les iustes, ne souffrent
 pour les iniustes.

IE N'OBMETTRAY pas, Roy Clementissime,
 l'autre hõnorable don à nous aussi à oõtroyer, pour
 constituer vn Royal Gouverneur, sous le gouver-
 nement duquel, par sa vertu souveraine, prudence,
 & aduis, esperons ceste Cité avec toutes ses affaires,
 debuoir estre tellement regie & gouvernée, que
 grande gloire en resultera à la Majesté vostre, & de
 nous vtilité pacifique, & stabilité perpetuelle. La-
 quelle Cité avec toutes ses appartenances, non pas
 comme se doibt, mais comme se peut humilier, &
 genouïls pliez, prosternée en terre, tres-deuotement
 se recommande, en ramenant & alleguant celuy
 dict du Psalmiste, Cœur contrit, & humilié, Roy ne
 desdaigne pas.

ET CE disant, tout le peuple de Gennes, se pro-
 sterna & coucha du ventre en terre, les testes des-
 couuertes.

CE FAICT, le Cardinal d'Amboise, & Messire
 Michel Ris, approcherent la chaire du Roy, & là
 parlerent

parlerent assez long temps ensemble, comme par M.D.VII. l'espace de demy quart d'heure. Et puis le dict Mes- *Gennes.* fire Michel Ris, commis de par le Roy, pour respondre à ce que les Genneuois auoient faict deuant proposer, fait la dicte Responce en Italien, selon le contenu, comme est cy deffous redigé en François.

SENTENCE est du Philosophe, que la rebellion, & desobeissance, autant nuit au genre humain, que l'obseruance de bonne foy luy donne d'aide, *Perfidia tantum incommodi humano generi adfert, quantum salutis bona fides praestat.* Ceste desobeissance non seulement ha submergé & destruiet les Citez de la terre, & Prouinces, cōme se lit en l'Histoire de Capoue, Numance, & Carthaige, & maintes autres Citez & Prouinces. Mais vne partie de la nature Angelique ha mis & chassé en ruine. Et par icelle, irreparablement nostre pere Adam, par la rebellion & inobedience faicte vers son Seigneur, feut luy, & sa posterité, à perpetuité condamné. Et combien que nostre Seigneur, & Redempteur Iesus, nous aye par son precieulx sang racheptez, neantmoins nostre nature en demeure imbecille, & infirme, par la dicte coulpe. O peuple Genneuois, ie me vouldroye bien de si grand memoire sçauoir, & facōde, que ie peusse condignement considerer, commemorer, & expliquer la grauité de vostre execrable desloyauté. Mais la grandeur & enormité d'icelle, me offusque l'entendement, me perturbe la memoire, & m'empesche la langue. Pour ce que quand ie considere la desloyauté des Carthaginois vers Xantippus Lacede

Ec

M.D.VII. demonien , qui est tres-griefue estimée , celle de *Gennes.* Hannibal, vers les Nocerins, & Acerains, de Digneus Domitius contre Bituite, Roy d'Auuergne, & de Seruius Galba, contre les trois Citez de Portugal, routes ensemble ne font à comparer à ceste vostre, perpetrée & commise vers le tres-Chrestien & tres-piteulx nostre Roy. Et me dueil, que ie ne la puis bié declarer, afin que mieulx s'entendist la souueraine bonté & clémence de sa Christianissime Majesté.

LE ME RECORDE, & croy bien que maints de vous presens, auez bien memoire, que en l'an de la Natiuité de nostre Seigneur, mille quatre cents quatre vings & dix-neuf, au mois d'Octobre, recongneustes que vostre vray & naturel Seigneur estoit le Christianissime Roy de France. Et que long téps vostre Cité auoit prospéré sous la Seigneurie & obeïssance des Roys de France, Et mesmement du temps du Roy Charlesmaigne. Et puis de nouveau, & freische memoire, sous la domination du Roy Charles sixiesme, & du Roy Charles septiesme. Et si aucun autre depuis auoit dominé vostre Cité, ce auroit esté au preiudice & fraude du Christianissime Roy de France, Et en le recongnoissant en vostre direct & souuerain Seigneur, Vous esleustes de vostre franche, & liberale volonté, & propre mouuement, seize notables Citadins, ausquels par commune ordonnance de vostre grand Conseil, nuly contrariant, donnastes commission & auctorité de mettre vostre Cité, & deppendances d'icelle, à l'obeïssance de sa Christianissime Majesté, comme à vo-

estre vray, naturel, & souuerain Seigneur, luy faire & M.D.VII. bailler le deu serment de fidelité. Lesquels vos dictz *Gennes.* Ambassadeurs vers luy se transporterent en la Cité de Milan, où sa Majesté estoit lors, & là luy feirent solennellement la dicte fidelité. Et au mois de Novembre ensuiuant, en la grande salle de ce Palais, moy present, tous les chefs de maison, & hommes capables de raison, en ratifiant la dicte fidelité, & tout ce que par les dictz Ambassadeurs auoit esté faict, de nouueau s'obligerent, & iurerent la fidelité en la main de Monseigneur de Rauestain, à la Majesté du Roy, affirmans que la reduction de vostre Cité à son obeïssance, estoit reformer les statuts, & la Cité, qui par aucun temps auoit esté enlaidie & déformée par la tyrannie d'aucuns, & de vos particulieres haines, & intestines inimitiez.

SED quis furor, ô populi, & quæ tanta dementia ciues? Mais ô peuple, & Citadins Geneuois, quelle fureur, & tres-grande follie, vous ha induict à rebellion, cõtre le Christianissime Roy nostre Seigneur? Lequel ha faict enuers vous tout ce qui estoit conueniẽt & requis à iuste, pitieux, & amiable Seigneur, incontinent que estes venus à son obeïssance. Ha faict cesser toutes vos partialitez, qui estoient souvent cause de tout vostre mal. Ha ordonné vous faire administrer iustice, autant au riche, comme au pauvre, sans accepter personne. Et si aucun defaillment ha esté en la iustice, la coulpe s'en peut donner à vous mesmes, qui n'en auez sa Majesté aduertie. Vous ha defendu de toute oppression, & violence,

E c ij

M.D.VII. fauorisé toutes vos merceries, changes, & marchandies, & par toute vostre nauigation, avec la banniere & enseigne de sa Majesté, auez esté honnorez & chers. Et combien que toute l'Italie aye senty le dommage, & perte de la guerre, vostre seule Cité, & le Geneuois, auez iouy du bien de la paix. Quoy, & quelle chose est ce qui vous ha meus, ô peuple Geneuois, à oublier tant de biens-faicts par vous mesmes commemoiez, Et le tranquille & doulx estat auquel vous estiez, & venir contre le serment de la fidelité, Et mettre la Cité, les personnes, l'honneur, & les biens, en si euidente ruine? Que si la souueraine clemence, & pitié du Roy Christianissime, n'y eust obuié, par vous n'est demeurée de ruiner & subuerter perpetuellement. Le tout de ce, & cela que le Roy Christianissime, pour vostre profit & bien ha peu faire, que ha il laissé de le faire? Il vous peut dire, comme nostre Seigneur dit aux Iuifs, *Popule meus, quid feci tibi?* Mon peuple que ay-ie fait à toy?

LONG TEMPS y ha, que vos predecesseurs ont congneu, ne pouuoir rien sans iuste Seigneur. Il est sentence du Philosophe, que *sub iusto Principe uiuere, summa est libertas*, qui est à dire, que viure sous iuste Prince, est souueraine liberté. Si vous Géneuois, n'auiez Seigneur, & vous en voulussiez vn eslire, à peine le trouueriez vous semblable au Roy Christianissime. Si nous considerons l'origine & genealogie de celuy, elle est la plus auctentique, & continuée des Chrestiens. Pource que le Christianissime Roy est le cinquante & vniesme descendant du pre-

mier Roy de France. Si nous considerons sa vertu, M.D.VII.
 toute est pleine de Religion, de Iustice, de pitié, pru- *Gennes.*
 dce, force, & téperance. Et si la presence de sa Maje-
 sté ne mereuocquoit du propos, doubtrât encourir
 vice de adulation, ie vous monsteroye, que à tous
 ceulx qui sont louiez en l'antique & moderne Hi-
 stoire, de Religion, de Iustice, de pitié, de prudence,
 de force, & de temperance, sa Christianissime Maje-
 sté se peut comparer. Cela sçauent ses subiects, Cela
 sçauent ses seruiteurs, lesquels sont continuellement
 pres de sa Majesté, Cela pouuez par experience con-
 gnoistre, vous peuple Genneuois, qui auez nouuel-
 lement sa magnanimité experimentée, en vous ayât
 si tost vaincus, Et sa grande bonté, en vous voulant
 si griefue coulp pardonner. Et neantmoins, peu-
 ple aueugle, auez procuré vous mettre hors de sa
 Christianissime Majesté, Vous auez au commence-
 ment pris les armes, en faisant tumulte, & sedition,
 & commettant crime de leze Majesté. Et puis auez
 perpetré homicides, & roberies, & par violence
 chassé les nobles, qui sont les principaux de vostre
 Cité.

Vous auez donné à entendre venir à raison, &
 demander grace, & pardon, promettant laisser les ar-
 mes, & remettre le tout au premier estat. Et le bon &
 tres-humain Roy, liberalement vous pardonna, es-
 perant que vous deussiez recongnoistre sa bonté &
 clemence, & vous disposer du tout à son seruice,
 Comme feit le bon Cinna Romain vers Octauien
 Empereur, pour ce qu'il luy donna la vie, que iuste-

Ee iij

M.D.VII. ment luy pouuoit tollir. Mais vous aueuglez de fu-
Gennes. reur, & ingrats, en allant de mal en pis, auez occuppé
 le Castellas, & les terres, qui setenoient par les Capi-
 taines, assiegé aucunes autres que les gens d'armes
 avec leurs bandes vous defendoient, empesché &
 destroussé les victuailles, & hommes qu'il enuoyoit
 à ses forteresses & Chasteaux, Prins le Castellas, & sur
 la foy cruellement occis les soldats, qui dedans
 estoient, assiegé & occuppé son Chastellet. Et qui
 pis est, vous estes munis tous & fortifiez, pour vou-
 loir resister à sa Majesté, laquelle est venuë en per-
 sonne. Non considerans, que vostre force enuers
 celle de sa Majesté, est semblable à celle d'un ver-
 met à un Elephant.

O DAMNEE, & detestable perfidie! ô souuerai-
 ne folle! Si ie vouloye peser la qualité, & gravité de
 vostre delict, & excez, & commesurer condigne
 peine, non seulement les hommes, mais les murail-
 les, & la terre, meritoient perpetuelle euerfion. Et
 tous les tourmens exquis par Phalaris, Denys, & au-
 tres tyrans, n'y seroient bien suffisans. Je sçay bien
 qu'il vous desplaist entendre blasmer & detester vo-
 stre erreur. Mais ie vous congnois de tel entende-
 ment, que congnoissez bien, que tant plus est l'er-
 reur grande, & plus griefue reprehension merite. Je
 congnois en vostre visaige & habit qu'estes Genne-
 uois, mais les faicts sont contraires, & plustost œu-
 res d'ennemis, En ayant exposé le pays à si grand
 peril. Et suis certain que quand vous le cōsidererez,
 que les cheueulx se reuolteront en sus, & les entrail-
 les se mouueront.

MAIS LE Roy tres-humain, vous a regardé de M.D.VII.
l'œil de sa pitié, & ha eu mercy de son peuple. Moin- *Gennes.*
dre n'est la gloire de sa Christianissime Majesté, en
ayant temperé sa iuste indignation vers vous, que de
vous auoir vnis & reduicts à son obeïssance. Et quād
ie considere les cas par lesquels Valerius Publicola,
Furius Camillus, les deux Scipions Affricains, Mar-
cus Marcellus, Marcus Cato, Architas Tarentinus, &
les autres, sont loüez de la vertu de temperance, sans
doubte en cestuy cas le Roy Christianissime est di-
gne de plus grande loüange, Lequel m'ha comman-
dé respondre à vostre Supplication.

QVE SA Majesté pardonne & remet à tous les
Genneuois les delicts, tant de leze Majesté au pre-
mier, & secong chef, comme autres delicts, quels
qu'ils soient, & de quelque importance, iusques au
iour present, Reseruë le droict d'autrui, qu'il pourra
criminellement, ciuilement, ou comme il luy plair-
ra, poursuiure. Et entend sa Majesté Christianissi-
me, que en la presente grace soient inclus & com-
pris ainsi les absents, comme les presens. Pourueu
que dedans vn mois, dès le iourd'huy, compareront
deuant le Gouverneur, ou son Lieutenant. Et iure-
ront la fidelité entre ses mains à sa Majesté Christia-
nissime, Lequel excepte & forcloft de la grace seule-
ment ceulx, qu'il fera particulièrement nommer.

ET EN outre, par grace plainiere remet & donne
la taxe & peine de cent mille escus, en obtemperant
à vostre Supplication, Et vous restitue à vos hon-
neurs, biens, & dignitez.

M.D.VII. ET TOVCHANT l'article des priuileges, tels *Gennes.* sont, que promptement la Majesté, pour conseruer l'auctorité Royale, ha ordonné qu'ils soiēt rompus reellement, cancellez, & bruslez. Et neantmoins en vsant de sa pitié, & cleméce, apres que luy auez faict & baillé le deu serment de fidelité, vous fera lire les concessions, priuileges, & ordonnances, lesquelles entend que vous ayez.

ET QUANT à la derniere partie de vostre Supplication, la Majesté ha deputé aucun, pour sçauoir si les prisonniers du Chasteller, sont de bonne guerre, ou non. Et en tout cas, les fera si bien traicter, que vous, & eulx, auez cause de vous contenter.

O SOUVERAINE bonté! ô inestimable pitié! ô immense magnanimité! Doncques deuez, peuple Genneuois, recongnoistre perpetuellement vn si grand benefice, & don, que la Christianissime Majesté vous ha faict en ceste cy, de vous restituer le pays, l'honneur, la vie, les femmes, les fils, & les biens, Dont le faict debuez avec perpetuelle memoire celebrer, afin que vous, ne vos successeurs, ayez à encourir iamais plus en semblable erreur. Pource que la Christianissime Majesté, ha vsé à present de souveraine pitié & humaine clemence. Et en recheant, besoin auroit vser de immense rigueur, & souveraine seuerité, laquelle deburoit ceder en exemple perpetuel à tous subiects.

LA MESMES en la presence du Roy feurent nommez particulièrement tous ceulx qu'il ne vouloit estre compris en la grace dessus dicté, Lesquels
feurent

feurent en audience par le dict Messire Michel Riz M.D.VII. declarez commissseurs de crime deleze Majesté, re- Gennes. belles, & desobeissans au Roy, & leurs biens confisque-
quez.

EN O V T R E, feurent apportez sur les eschaffaults les liures, où estoient escripts & enregistrez leurs priuileges, tant des douze anciens Gouverneurs du faict politicque, des douze de l'Office de la Baillie, des huit del'Office de la monnoye, que des huit del'Office de Saint George, ordonnez sur la recepte des Isles, Chasteaux, terres, & Seigneuries de Gennes. Et est à sçauoir, que de chascun Office, estoient moictié des nobles, & moictié du peuple. Et là voulant le Roy vser de puissance Royale, & auctorité Seigneurieuse, voulut & ordonna les dicts priuileges estre en sa presence cancellez, rompus, & bruslez, Ce qu'ils feurent sur les dicts eschaffaults, & mis en cendre, En retenant à luy, & de son domaine, toute la souueraineté & Seigneurie de la dicte Cité de Gennes. De laquelle Seigneurie sont les Isles, & terres, qui s'ensuiuent, Premierement y est l'Isle de Corse, située en Leuant, entre Gennes, & Barbarie, à cent millaires de Gennes, pres de Sardaigne, terre d'Espaigne. Dedás laquelle sont villes & Citez, cōme Boniface, bonne Cité, & grande, Caluy, Bastia, Laquelle Isle ha de tour cinq cents millaires, ou environ. Autres fortes places y ha sur la riue de la mer du Leuant, comme Sarzanne, Spedia, Leuanto, & Ciranaro, assises sur rochers, & fortes aduenües, Distant de Gennes l'une des dictes places, de trente

F f

M.D.VII. milles, l'autre, de quarante, l'autre, de cinquante, & Gennes. l'autre, de soixante, Chascune, à dix milles l'une pres de l'autre, pour au besoing donner secours d'heure en autre, où mestier en seroit. Aussi est de la dicte Seigneurie de Gennes, vne autre Isle en Grece, nommée Chio, De laquelle Isle possèdent grand partie les Iustiniains de Génes. Autres places & Chasteaux sont és parties d'Occidét de la dite Seigneurie, C'est à sçauoir Sauonne, Naule, Albingue, & Vintemille, toutes Citez, le Gouffre de Rappalle, & le port de Lespece, Sainct Pierre d'Araine, Riueru, Bosseneau, Pontedefme, Iugum, Vultabium, Gauy, Noue, bourg de Bufalle, Monjardin, Cabella, Sainct Christophle, Arcora, Sarraualle, & Monigue, avec plusieurs autres bonnes places, & forts Chasteaux, desquels ien'ay sceu les noms. Mais i'ay sceu par le rapport d'un mien hoste de Gennes, homme auctorizé, & ancien, que la bourse de Sainct George, est estimée par chascun an à cét mille ducats, lesquels se leuent seulement sur la vendition du pain, du vin, des draps, & des autres marchandises, qui viennent hors de Gennes en la Cité, & qui sortent de la Cité, pour aller ailleurs. Lesquelles Isles, villes, Citez, Chasteaux, & domaines, le Roy meit entre ses mains, & reteint à sa Seigneurie, où meit & ordonna Capitaines, Lieutenans, & Gouverneurs sous luy, pour icelles regir, & entretenir, & du tout à la maniere & coustume de France gouverner.

APRES feut dict par celuy Michel Ris aux dictz Genneuois, que le Roy les auoit pourueus d'un

Gouuerneur, lequel estoit en presence, nommé M.D.VII.
Messire Raoul de Lannoy, Bailly d'Amiens, hom- *Gennes.*
me d'age, vertueux, scient, noble, & bon iusticier,
Lequel feit là le serment, en mettant les mains sur les
Euangiles, iurant, & promettant, de bien & loyale-
ment seruir le Roy au dict Office, De faire iustice au
grand, & au petit, sans acception auoir à personne,
& de s'acquitter en maniere, que à son pouuoir l'hō-
neur du Roy y seroit gardé, le bien de la chose pu-
blique entretenue, & la conscience deschargée.

EN ENSUIVANT, monterent sur l'eschaffault
les quarante Officiers susdicts, Et là en la presence
du Roy, feirent le serment de fidelité, en baisant la
paterne, & mettant les mains sur les Euangiles. Et
apres que ceulx eurent faict leur sermēt, tout le peu-
ple de Gennes vniuersellement leua les mains, en
croyant à haulte voix France, France, France, France.

ET TOUT ce faict, le Roy se meit hors de chai-
re, & s'en alla en sa chambre, & chascun à son lo-
gis.

LES Genneuois ainsi mis à la raison, En oultre,
pour pacifier de l'amande profitable de leur for-
faict, baillerēt au Roy cent mille escus, & cent mille
pour le deffroy de son armée, Et quarante mille, pour
faire faire vn Chasteau neuf au lieu, où est la tour de
Codeffa, nommée la lanterne, Lequel debuoit estre
fossoyé, en roch enciz, de soixante pas en large, &
tant de parfond, Que la mer qui frappe là, peut pas-
ser par tout au tour. Pour lequel faire, & fortifier, le
Roy ordonna vn nommé Paul de Beusseraille, Mai-

Ff ij

M.D.VII.ltre de son artillerie, & Seigneur d'EsPY. Outre plus, Gennes. promeirent les dictz Genneuois, & feurent tenus dorefnauant de soudoyer quatre cents hommes de guerre au Chasteller, & cent, au Chasteau neuf, pour le Roy, Et dedans leur port, entretenir pour le dict Seigneur trois galleres, armées, & equippees.

CHAPITRE XXVIII.

*Comment vn Genneuois, nommé Demetri
Iustiniain, eut la teste tranchée
à Gennes.*

DEDANS LES prisons du Roy estoit lors vn nommé Demetri Iustiniain, des plus gros du peuple gras de la ville de Gennes, Lequel, comme i'ay dict, auoit meule peuple à sedition, & entretenu en sa rebellion, contre le Roy. Tant, que le dict peuple apres la reduction de Gennes crioit contre luy à haulte voix, Disant, C'est le traistre qui nous ha seduicts par erreur, commeu à guerres ciuiles, diuerty d'obeissance, & obstiné à rebellion. Quoy plus? Son procez feut faict, sur lequel feut par le Conseil conclud & determiné, que veu sa desobeissance, & rebellion, & l'erreur damnable, en laquelle auoit mis & tenu le peuple de Gennes, qu'il estoit digne d'encourir peine capitale. A laquelle feut iugé. Dont feurent faicts les eschaffaults, & les

choses apprestées, pour luy trancher la teste dedans M.D.VII.
vne belle place pres du moule de Gennes, Et dict, *Gennes.*
que le douziesme iour du dict mois de May, vigile
de l'Ascension de nostre Seigneur, seroit executé.
Chascun courut celle part, Tant, que depuis huit
heures du matin, la dicte place, & les maisons d'en-
tour, feurent iusques au soir toutes plaines de gens
du Roy, & du peuple de la ville, attendans illec la ve-
nuë del'heure de la dicte despesche. Mais quand ce
feut sur l'heure de vespres basses, feut dict sur le lieu,
que le dict Demetri ne seroit pour l'heure executé.
Dont aucuns des villains de Gennes leuerent les es-
paules, disans en leur langage, Je sçauoye bien, qu'il
n'en mourroit point, car il est garny de denare. Aussi
estoit-il, car lors qu'il sceut que son procez estoit
faict, & luy condamné à mourir, voulut donner au
Roy quarante mille ducats, pour estre respité de
mort. A quoy ne voulut entendre le Roy, disant,
Autre chose n'en sera faict, si n'est ce que Iustice en
ha ordonné. Ce qui feut faict à l'honneur du Sei-
gneur, & à la craincte de tous malfaiçteurs. Et si
pour argent en eust esté quitte, comme plusieurs di-
soient, ce que le Roy aduisoit bien, quelque autre
garny de ducats, pensant pour autant en estre ab-
sout, en cas pareil se feust peu mettre à l'auanture.
Mais en adueint que le lendemain, qui feut le pro-
pre iour del'Ascension nostre Seigneur, sur le poinct
de neuf heures du matin, feut par vn Preuost des
mareschaux conduict iusques à la dicte place, &
faict monter sur l'eschaffault, Où là voulut parler, &

Ff iij

M.D.VII. dire quelque chose au peuple de Gennes, & com-
Gennes. mencer quelque propos. Mais le Preuost ne luy
 voulut donner temps de finir son dire. Et voyant ce-
 luy Demetri qu'il ne seroit ouy, iecta vn grand souf-
 pir à merueilles, en leuant les yeulx à mont, la face
 toute pallie, & blefme, les bras encroisez, se teint
 coy assez long temps. Et ce faict, le bourreau luy
 banda les yeulx. Puis, de luy mesmes se meit à ge-
 nouïls, & estendit le col sur le chappus. Le bourreau
 preint vne corde, à laquelle tenoit attaché vn gros
 bloc, à tout vne doulouere trenchante, hantée de-
 dans, venant d'amont entre deux posteaux, & tira la
 dicte corde en maniere, que le bloc tranchant à ce-
 luy Genneuois tomba entre la teste, & les espauls.
 Si que la teste s'en alla d'vn costé, & le corps tomba
 de l'autre. La teste feut mise au bout du fer d'vne
 lance, & portée sur le sommet de la tour de la lanter-
 ne, qui est attouchant, & au dedans du moule de
 Gennes, regardant celle teste droictement sur la vil-
 le. Le corps demeura mort sur le dict eschaffault,
 tout le long de ce iour. Puis feut le soir avec le con-
 gé de la Iustice de là osté, & porté enterrer.

APRES QUE les dictes choses feurent mises à
 fin, la ville de Gennes feut de tous poincts accoiffée,
 les pays circonuoisins espouuëtez, les François tous
 resiouys, & le Roy tout à souhait. Dont ie qui lors
 estoie au dict lieu, voyant la grace de Dieu si large-
 ment estendue sur l'affaire des François, la gloire du
 Roy prosperer, & son honneur accroistre, pour
 commencer à luy vouloir donner louange de son

bien faict, & luy diuersifier passe-temps, luy presen- M.D.VII.
tay ce peut d'escript comme l'ensuit, Gennes.

OR EST Gennes la superbe soubmise,
Qui oncques mais ne feut au deffoubs mise
D'homme viuant, ne par force occuppée,
Ains ha dompté le pouuoir de Venise,
Terre en la Grece, & outre mer acquise,
Prins Sarraïns, & Turcs mis à l'espée,
Espaigne en mer vaincüe, & assouppée,
De Barbares esclauex grosse somme,
De victoires eües plus d'une somme,
Et emporté par tout los à grand erre,
Descheuë puis par vn seul qui se nomme,
Roy de la mer, & Seigneur de la terre.

Ayant ainsi vſé de sa maistrise,
Longue saison, sans trouuer qui luy nuise,
Cuidant tout temps estre si hault huppée,
Le Roy voyant qu'elle ha faulte commise,
Ha contre elle tant vſé de main mise,
Que par armes la conquise, & happée,
Sa puissance rompuë, & dissipée
En batailles, Où les siens prie, & somme,
De ruer coups, Dont l'un fiert, l'autre assomme,
Chascun François son Gennenois atterre,
Là est présent, pour en ordonner comme
Roy de la mer, & Seigneur de la terre.

Après vn chief de si haulte entreprise,
Ia n'est besoin que plus on loue, ou prise
Cesar, Sylla, Scipion, & Pompée,
De Daire aussi, & Cyrus, vous suffise,

M.D.VII. D'Alexandre, & Ninus, qui ont prise
 Gennes. Par long seiour la terre, & vsurpée,
 Cestuy ha faict conqueste anticipée,
 La plus noble qu'onques feit iamais homme,
 Digne de tous les triumphes de Rome,
 D'immortel los, qui par mort ne s'enterre,
 Mais en memoire eterne le renomme
 Roy de la mer, & Seigneur de la terre.

Prince, gardez bien Gennes, & son Domme,
 Puis reposez seurement vostre somme,
 Et ne doubtez picque, ne cimenterre,
 Ne que nully vous defface, ou consomme,
 Car vous serez, & demourrez en somme
 Roy de la mer, & Seigneur de la terre.

CHAPITRE XXIX.

Comme le Roy partit de Gennes, pour s'en aller
 à Milan, & à ses autres villes de Lom-
 bardie, Et de son entrée de Pavie,
 & de Milan, Avec plusieurs
 autres nouuelletez.



ORS QUE toutes ces choses feurent,
 comme auez ouy, ordonnées, & mises
 à chief, le Roy eut vouloir de visiter la
 Duché de Milá, & ses autres pays. Mais
 premier que desemparer Gennes, feit
 mettre manœuvres, & maistres d'architecture, à
 commencer

commencer son Chasteau neuf, où tantost feurent M.D.VII. embesongnez plus de cinq cents ouuriers, sans les *Gennes*. seruiteurs, En sorte, que le Commissaire se feit bien fort de rendre le dict Chasteau dedás six mois apres ce, prest à mettre dedans les garnisons au couuert, Et aussi pendant ce que le dict Chasteau se feroit, afin que les Genneuois coustumiers de mutinerie, n'empeschassent l'œuure, ordonna le Roy demeurer à *Gennes* grand nombre de ses gens d'armes, & piecons, pour tousiours leur tenir la bride roide, & les garder de ruër.

ET CE FAICT, trāsmeit les mareschaux des logis avec les fourriers au bourg de Busalle, & à Gauy, marquer les logis. Et le lendemain de l'Ascension, sur les trois heures du matin deslogea de *Gennes*, dont chascun se meit apres. Toute celle nuict, feit vn temps de pluye si tres-merueilleux, que tous les chemins estoient pleins d'eauë, & tous les fleues desriuez, Mesmement vne petite riuiere, qui descend des montaignes, sur le grauier de Poulceure, cheant en la mer de *Gennes*. Laquelle riuiere, estoit par la force de la pluye, qui tousiours continuoit, tant roide, & si tres-impetueuse, que c'estoit chose espouuentable à regarder, mais plus dangereuse à passer, mesmement à gens de pied, & à ceulx qui au desloger auoient pris basse monture. Ce que le Roy n'auoit faict, ny les autres, qui auoient de quoy le faire, & leur seureté pour recommandée. Que feut ce, plusieurs mal montez, & sommiers trop chargez, sen allerent à val l'eauë. Et tant adueint, que com-

Gg

M.D.VII. bien que au desloger, & iusques à Pontedefme, qui
Gennes. est enuiron my-voye de Gennes, & de Busalle, la di-
 cte riuere ne feust encores trop impetueuse, tant
 s'efforcea de pleuuoir, que avec l'impetuosité de
 l'eauë, elle deueint si tres-enflée, qu'elle couuroit
 toute la graue, si que on ne pouuoit tenir voye, ne
 aller droict. Là fallut à plusieurs mal monter, & au-
 tres, demeurer contre les rochers, pour attendre à
 vuidier l'eauë; ou se mettre en peril de boire d'autant.
 Je n'en diray plus, si n'est que ie n'eus oncques si
 grand peur. Car i'en veis plusieurs, par où me falloit
 passer, estans à la mercy des vagues. Et entre autres
 vn nommé Maistre Pierre Charron, des Secretaires
 du Roy, lequel feut noyé entre Busalle, & Bourg,
 sans ce que iamais homme le peut sauuer, Combien
 que plusieurs des Allemands du Roy, qui là estoient
 passez à grand danger, & autres à cheual, se meissent
 en leur debuoir de le secourir, mais ne sceurent, qu'il
 ne feust mort.

LE ROY, qui s'estoit mis des premiers à che-
 min, & auoit cheuauché roidement, auoit gaigné le
 bourg de Busalle, cuidant aller iusques à Gauy, six
 milles pres de là, mais la riuere feut tant perilleuse à
 passer, qu'il demeura pour ce iour au dict lieu de
 Bourg. Les autres qui peurent passer, allerent outre.
 Sur le soir commencea le beau temps, & dura toute
 nuit. Tant, que les fleuues seurent du tout asseichez,
 & escoulez. Parquoy le Roy deslogea le lendemain,
 & preint son chemin à Gauy, à Noue, à Tourtonne,
 & à Voguaire, tirant à Pauie, Dedans laquelle arriua

le dixhuitiesme iour du dict mois de May.

M.D.VII.

AV DE VANT de luy feurent les Seigneurs de la *Pauie*. ville, & les Docteurs de l'Vniuersité, iusques à l'entrée du pont du Tesin. Et là feut entre autres vn Docteur, nommé Iazon Maynus, Docteur en tout droit, estimé l'vn des plus excellents de toute Chrestienté, Lequel feit vne Harengue au Roy, en Latin tant rhetoric, que tous ceulx qui l'entendirent, peurent bien congnoistre qu'elle procedoit du plus profond ruisseau de la fontaine caballine. Auquel feut respondu par vn nommé Maistre Estienne Ponchier, Euesque de Paris, qui pareillement en tres-hault & rhetoric Latin, luy feit la Responce.

AVSSI sortirent de *Pauie* cent ieunes Gentils-hommes à pied, tous habillez de blanc, & en pourpoint, lesquels se meirent le plus pres du Roy qu'ils peurent, Difans, que la coustume estoit, quand leur Prince venoit là, pour faire son entrée, ou de quelque victoire, que les Gentils-hommes de *Pauie* debuoient estre tout autour de luy, en tel habit qu'ils estoient, Et ainsi le conduire iusques à son logis, A ceste fin se presentoient à faire le debuoir, qu'ils estoient tenus. A quoy le Roy les receut.

LA DE VANT l'entrée du pont du Tesin, auoit vn tabernacle de verdure, A l'entrée duquel estoient à mont esleuées les armes du Roy, & au plus bas à costé dextre, les armes du Cardinal d'Amboise, & à senestre, les armes de Messire Charles d'Amboise, Lieutenant du Roy de là les monts. Au dedans de celui tabernacle, estoit attaché vn rollet, où auoit

Gg ij

M.D.VII. en escript les deux meîtres qui ensuiuent.

Panie. NON maris Ionij sunt littora nostra Ticini,

Rex tibi sed letos porrigit vnda sinus.

Ce qui est à entendre, & à dire,

O Roy, nos riues & entrées ne sont pas tant impetueuses, que celles de la mer Ionie, mais sont les ondes douces du Tesin, qui te baillent son ioyeux port.

DES l'entrée de celuy fleuve, tout au trauers iusques à la porte de la ville, auoit vn pont couuert, long de deux cents pas ou enuiron. Au milieu duquel estoient attachez les meîtres dessous escripts.

VICTOR ad Eoum sic Rex tranabis Araxem,

Tigris, & Euphrates, sub tua castra fluent.

Roy tres-puissant, ainsi vainqueur nauigueras le fleuve Araxe, Oriental, iusques aux parties du Leuant. Tigris, avec Euphrates, ainsi sous tes forts ruisseront.

A L'ENTREE de la porte de la ville, estoient en escript ces meîtres,

CONSPICE Rex proprias arces, qui celsa Capharei

Iam perfracta tuo Marte tenes.

Regarde Roy tes propres forteresses, qui apres auoir le hault sommet du mont Capharée brisé, & destruiât, par tes armes paisiblement obtiens.

A L'ENTREE de la grand ruë, nommée ruë nouue, auoit vn autre tabernacle, couuert d'un drapeau, à la cime duquel estoient les armes du Roy, & au dessous estoient escripts ces meîtres,

INGREDERE ô Latij splendor, spes, gloria, norma,

Gens tua victorem cernat vbiq̃ue Ducem.

M.D.VII.

O lumiere, esperance, gloire, & la reigle d'Italie, *Pauie.*
entrez icy, Toute la gent d'un costé & d'autre te re-
garde, comme Duc victorieux.

Tout le long de la dicte grande ruë couuerte,
estoit à mont attachez les escus de France, de Bre-
tagne, du Cardinal d'Amboise, & de Messire Char-
les d'Amboise, Lieutenant du Roy, Et tout le dessus
de la ruë couuert, faict tout le bas, & au long, à pil-
liers de verdure: Et des l'entrée d'icelle ruë, iusques
pres l'entrée du Chasteau, estoient attachez à mont
ces mectres, loing l'un de l'autre de quarante pas, où
enuiron.

REX Regum dominator adest, & Rector, habenas

Cum loue diuisas, qui tenet Imperij.

Le Roy dominateur & Recteur des Roys, est pre-
sent, qui les inclinations du monde, & puissances di-
uisées tient avec Iupiter.

ACCIPERE populi plausus, & corda frementis,

Qui patrem patriæ, præsidiumque vocat.

Prens les cœurs, l'accueil, & l'admiration de ton
peuple, de ioye tressaillant, Qui le vray secours, &
bon pere du pays l'appelle.

ALTA triumphantem prospexit Roma Metellum,

Clara Ludouici gesta Papiæ colit.

Rome excelsè regarda Metellus le triomphant,
mais Pauie honnore les clairs gestes de Louys.

NON Apennini salebrosa culmina montis

Es veritus, vallum, frigora, tela, mare.

Le sommet tres-aspre, & chemin mal-aisé du

Gg iij

M.D.VII. mont Apennin, la froideur des glaces, l'empesche-
Milan. ment des fossez, les coups des dards, & les ondes de
 la mer, ne t'ont donné craincte.

HANNIBAL *ardenti, montem dirupit aceto,*
Agmina tu infracto vertice tuta locas.

Avec ardent vinaigre Hannibal froissa la mon-
 taigne, Et toy sans fracture, au plus hault des monts
 rout à seur loges tes gens d'armes.

SOLA *Ludouici Ligurem frenare superbum*
Dextra valet, Ligurum sunt freta, terra, lacus.

La seule dextre de Louys peut dompter Gennes
 la superbe, soubz qui sont mers, terres, & fleuves.

PLVSIEURS autres meîtres estoient là mis &
 faicts à la loüange du Roy, par vn escholier de Pa-
 uie, nommé Maistre George de Candie, lesquels ie
 laisse pour escheuer proxilité de compte, Mais di-
 ray que le Roy ainsi s'en alla droict au Domme, faire
 son Oraison, & puis au Chasteau prendre repos, Oû
 sejourna quatre iours. Durât lequel temps plusieurs
 banquets & danses en masques feurent là faictes, où
 estoient grand nombre de Dames, belles à merueil-
 les, & habillées moult richement. Les Princes, & au-
 tres Gentils-hommes François, qui là estoient, pas-
 serent ces iours ioyeusement.

ET PUIS le Roy adressa vers sa populeuse Cité
 de Milan. Au deuant de luy, à vn grand mille loing
 de la ville, feurent les Seigneurs & citadins tous à
 cheual, & à grand nombre, avec les Medecins, &
 Docteurs, & les enfans, & armuriers de la dicte
 ville.

A L'ENTREE de la porte de la ville, appelée la M.D.VII. porte Tisenys, estoit vn spectacle de verdure, faict à *Milan*. beaulx arceaulx verdoyans, où estoient penduës les armes du Roy au plus hault, & aux deux costez du bas, celles du Cardinal d'Amboise, & de Messire Charles d'Amboise, Lieutenant du Roy. Et attouchant de la dicte porte estoiet attachez les meïtres, qui cy dessoubs sont escripts.

IN patriam succede tuam, dignissime Regum,

Quæ pridem est meritis facta beata tuis.

*HOC deerat, quòd te incolumem spectaret, & hostis
Victorem, tribuunt hæc quoque dona Dei.*

O le plus digne des Roys, succede à ton pays, lequel iadis par tes merites & biens-faicts, est faict sur tous autres plus heureux, Auquel ne defailloit autre chose, si n'est que sain & en bon poinct te peult veoir, & vainqueur de tes ennemis, Ce que la grace de Dieu t'ha donné.

DES L'ENTREE de la ville iusques au grand Domme, & des le Domme en retournant iusques au Chasteau, estoient les ruës tenduës de hayes de verdure, & au dessus couuertes de draps iaunes, & rouges. Le deuant des murailles des maisons tout couuert de riche tapisserie. Et tant que duroient les dictes ruës, toutes les fenestres, portes, & ouueroiers, & autres passées & veües des dictes maisons, estoiet pleines & empeschées de Dames, toutes ou presques vestues, & accoustrées de draps d'or, & veloux cramoisi, ou autres riches soyes. Au surplus tant belles, qu'on sçauroit à souhait penser, & le plus riche,

M.D.VII. ment ornées, de quoy se pouuoient aduifer.

Milan. S v r le poinct de trois heures apres midy, le Roy entra dedans la ville de Milan, le vingt & quatriesme iour du mois de May. Pour parler de l'ordre de son Entrée de degré en autre, diray ce que i'en ay peu veoir. Premièrement trois cents des armuriers de la dicte ville, tous armez à blanc, & tous emplumez, portans les vns demies picques, les autres hacquebutes, les autres partizannes, ronçons, & grandes espées à deux mains, marcherent les premiers à deux rangs, Lesquels auoient trois Capitaines à cheual, deux deuant, & vn derriere. A la queuë d'iceux estoient grand nombre de Lombards, tous gorriement montez, & accoustrez. Puis suiuoit le Preuoost de l'Hostel, & tous ses archers. En apres Messire Berault Stuart, Capitaine des Escossois de la garde, Messire Iacques de Cressol, & Messire Gabriel de la Chastre, Capitaines des archers de la garde François. Lesquels menoiient les quatre cents archers de la garde, tous à cheual, & en armes. Au derriere d'eulx, estoient grand nombre de Gentils-hommes à cheual, François, & Lombards. Puis marchoiient à pied quatre cents enfans de la ville, tous en pourpoint de veloux, satin, & taffetas pers, semez tous de fleurs de lys, Desquels les aucuns portoient deux à deux quatre à quatre sur leurs espaules, avec perches propices à ce, grosses tours en faincte, villes, & chasteaux, glaiues, & armeures de diuerses sortes. Pour demonstrier à ces enseignes l'effect de la victoire du Roy, & la despoüille de ses ennemis vaincus. Apres estoit

estoit vn grand curre triomphal à cheuaux, dedans M.D.VII. lequel estoient assises en chaire les quatre vertus cardinales, C'est à sçauoir, Iustice, & Prudence, au deuant de celuy curre, & Fortitude, & T'éperance, au derriere. Et au milieu sur vne haulte chaire, estoit assis le Dieu Mars, Dieu des batailles, tenât en la main dextre vn dard aigu, & en la senestre main tenoit vne palme, en signe de victoire. Apres marcherent les Medecins, & Docteurs de la ville, Puis le Capitaine des cent Allemans de la garde, Lesquels armez de halberets, la picque au poing, & tous empennachez, cinq à cinq marcherent par ordre. Apres feurent les trompettes, qui sonnerent sans cesse. Le Roy feut apres, lequel estoit sous vn poisse, que six des plus grands Seigneurs de Milan portoient. Et tout autour de luy estoient les vingt & quatre archers Escossois du corps, tous à pied. Et luy ainsi accompagné, estoit monté sur vn courfier blanc, vestu d'une robe de drap d'or traict, frizé d'or, le chief couuert d'une toque de velours cramoisi, Et dedans auoit vne cornette de taffetas rouge. Apres luy estoient les Cardinaux d'Amboise, de Ferrare, de Saint Seuerin, de la Trimouille, d'Alby, & de Final. Et apres marchoit le Duc de Bourbon, le Duc de Longueuille, Messire Charles d'Amboise, le Seigneur Iean Iacques, Messire Galeas de Saint Seuerin, grand Escuyer, Messire Louys de Brezé, grand Seneschal de Normandie, & Messire Guyon d'Amboise, Capitaines des deux cents Gentils-hommes de la Maison du Roy, Lesquels Gentils-hommes estoient apres leurs

Hh

M.D.VII. dictz Capitaines, bien montez, leurs haches au
Milan. poing, & tous vestus de robes de vellours. Apres
 marcherent grand flote de Gentils-hommes Lom-
 bards, & tant de peuple de la ville, qu'on ne pouuoit
 passer par les ruës. Et ainsi s'en alla le Roy descendre
 au grand Dôme, où feit ses deuotes Oraisons, & of-
 frit larges presens. Et ce faict, s'en alla droict à son
 Chasteau, où artillerie tiroit si menu, quel vn n'en-
 tendoit parler l'autre. Là dedans trouua les mortes
 payes & gardes du dict Chasteau, en bel ordre, tous
 en armes, & arrangez à double, depuis l'entree du
 pont, iusques à la porte de la salle de son logis, Les-
 quels estoient en nombre de cent hommes d'ar-
 mes, & deux cents archers. Là estoient deux Capi-
 taines, L'vn, nommé Messire Gilles de Louvain,
 François, Capitaine du Chasteau, Et l'autre Guillau-
 me Creston, Escossois, Capitaine de la Roquete.

P O U R descrire à plein toutes les choses, qui là
 feurent faictes, grande prolixité s'en ensuiuroit, &
 parauanture plustost ennuy que fin. Mais toutes
 les ruës estoient pleines d'arcs triomphans, & tabe-
 rnacles de verdure. Et entre autres, entre le Domme
 & le Chasteau, dedans vne ruë, nommee la ruë du
 Mont de pitié, en laquelle sont les Hostels Dieu, &
 les Hospitaux de la ville, auoit vn portail de verdu-
 re, tenant tout le trauers de la ruë, faict à pilliers & ar-
 ceaux de fucilles, & tout couuert de mesmes, le de-
 dans semé des armes de France, & de Bretagne. Et
 dessus auoit vn mont artificiel, de la haulteur d'vn
 homme, ou enuiron, lequel estoit tout au tour en-

uironné à six rangs, & semé d'escus au soleil, où pou- M.D.VII.
uoit auoir mille escus, ou plus. Et dessus le dict por- *Milan.*
tail au plus hault, estoit l'imaige de nostre Seigneur,
tout nud, & flagellé. Aux deux bouts, & dedans vn
eschaffault, qui là estoit, auoit deux chaires, parées
de drap d'or. Dedans l'une desquelles estoit l'imaige
de Sainct Ambroise, Patron, & protecteur de Mi-
lan, tenant vn foïet en la main. Et en l'autre chaire,
estoit l'imaige du Roy, ayant le sceptre au poing.
Tout au tour de celuy mont d'or, auoit quatre pe-
tits enfans, habillez en Angelots, tenans chacun vne
trompette en la main, garnie de bannerolles, semées
de croix rouges. Et au dessous de ces Angelots, qua-
tre autres petits enfans, portans chacun vne faille ar-
dant, en signe de feu de ioye. Et au pied de celuy
mont estoient escripts ces vers,

EXIGVVS qui collis erat, nunc aureus est mons,

Hoc tua Rex mirum dextera larga facit.

Celieu, qui petit val souloit estre,

Est maintenant vn grand mont d'or couuert.

Ce grand merueille ha faict ta large dextre,

Qui aux pauures ha son tresor ouuert.

TANTOST que le Roy feut en sa Cité de Mi-
lan, de toutes parts y vindrent Ambassades. Les Ve-
nitienens voyans la merueilleuse puissance du Roy, &
les excessifs efforts d'armes des François, eurent
doubte sur leur affaire. Mais pour vouloir faire des
bons varlers, transmeirent deux Ambassades en
Court, nommez Messire Iheronymie Treuisan, &
Messire Paul de Pisé, Lesquels arriuerent à Milan, le

Hh ij

M.D.VII. vingt-sixiesme iour du mois de May, & s'en allerent
Milan. au Chasteau, pour vouloir là faire, & dire leur charge. Le Roy qui tantost sceut leur venue, entra en salle, où illec les dicts Venitiens attendoient, pour parler à luy, Ausquels dit qu'ils dissent leur affaire, & ce qui les amenoit. Tantost se meit en chaire, pour ouyr le dire d'iceux Venitiens, qui s'approcherent, & commencerent leur Harangue en Latin, disans, Sire, Toute la Seigneurie de Venise, sçachant la bonne prosperité de vostre Christianissime Majesté, & la triomphale victoire, que sur vos ennemis auez glorieusement obtenu, comme vos bons amis, loyaux seruiteurs, & entierement confederez, se resjouyssent avec vous, en vous donnant souveraine loüange des victoriosissimes effects de vostre invictissime puissance, Par laquelle auez la redoubtée en mer, & crainte en la terre, Gennes la superbe, dompté & soubmis. Mais Christianissime Roy, si le hault guerdon meritoire de glorieuse renommée auez par la victoire deseruy, moindres tiltres d'honneur par la vertu de clemence n'avez acquis, Dont toute la Seigneurie de Venise, en attribuant los immortel à vostre Christianissime Majesté, vous offre cœurs, corps, & biens, & viures de son pays, si mestier en auez. En recommandant tres humblement l'Estat de la dicte Seigneurie de Venise, à la bonne grace de vostre Majesté Christianissime. Et ce dict, voyant le Roy que sur ces dictes recommandations, que jamais telles n'auoient faictes, finissoient leur propos, leur fait faire réponse par Maistre Estien-

ne Poncher, Euesque de Paris, lequel leur dict aussi M.D.VII. en Latin, que le Roy se resiouyssoit de leur bonne *Milan.* visitation, laquelle il auoit tres-agreable, disant, que tousiours auroit leur Seigneurie en singuliere recommandation cōme de ses bons amis, alliez, & cōfederez. Et que si le Turc, ou autre de ses ennemis, leur faisoit guerre, que sans faillir les secoureroit & aideroit de sa puissance. Et quant au regard de la haulte louiange, & honorables tiltres, que pour sa victoire ils luy attribuoient, la laissoit à Dieu seulement, de qui viennent toutes victoires, & d'où procedent toutes vertus.

PAREILLEMENT feurent là les Ambassades de Florence, demandans au Roy secours, pour soubmettre les Pisans, disans, Sire, Vous sçaez que autresfois nous auez dict, que nous donneriez renfort, & main armée, pour ce faire, Et comme auons esté tousjours bons François, & loyaux à vostre Christianissime Majesté. Et en outre vous auez querelle contre eux, Veu que vos ennemis ont contre vous par armes fauorisé, & soustenu, & donné à eux toute l'aide qu'ils ont peu. Parquoy si ne les chastiez à ceste fois, doresnauant ne doubteront prendre alliance contre vous, & secourir vos autres ennemis, Dont deuez par raison estre du tout enclin, à leur faire congnoistre leur deffault, & reparer leur meffaiet. Le Roy nonobstant toutes les remonstrances des Florentins, ne se meut, mais comme saige pensa que le default des Pisans n'estoit, qu'ils ne feussent à luy soubmis, & que de leur franche volon-

Hh iij

M.D.VII. ré & liberal vouloit f'estoient plusieurs fois donnez
Milan. à luy, Lesquels au moyen de quelque bien-veillance qu'il auoit eüe à iceux Florentins, ne les auoit voulu accepter, ne receuoir soubz sa main, & sauuegarde. Et tout ce considéré, dit, si les Pisans ont pris party ou alliance contre moy, de riens ne m'ont offensé, Veule refus que i'ay faict d'eux, & de leur Seigneurie, & que foy, hommaige, ne promesse, ne m'ont faict, Voyât aussi que necessité les cōpelle & contrainct, & que premier que les Genneuois meussent guerre contre moy, iceux Pisans estoient leurs aliez & confederez, dont aucun default n'ont contre moy commis, parquoy leur deusse faire la guerre, ne secourir autrui contre eux. Lesquelles raisons par le Roy calculées & debatues, delibera les laisser en leur entier, ce qu'il feit. Et me feut dict, que les Florentins deuant le temps de la guerre de Genes, auoient promis au Roy, fil passoit les monts, de luy bailler gent, & argent, & luy faire tout le secours qu'ils pourroient, de quoy ne feirent riens. Ce qui peut-estre entre autres choses moyen de la paix des Pisans, & du refus de la demande d'iceux Florentins. Car le droit veut, que à celuy qui fault promesse, que promesse luy soit faillie.

DE GENES venoient en Court nouuelles, disans les aucuns que longuement ne tiendroient leur foy & ferment les Genneuois, si n'est autant qu'ils se sentiroient les plus foibles. Ce qui estoit bien à croire. Car plusieurs fois en auoient autant faict. Mais pour obuier à ce, le Roy leur auoit laissé dedans leur

ville si forte main armée, qu'ils n'eussent osé toussir. M.D.VII.
Les autres disoient que si le Roy desemparoit Lom- *Milan.*
bardie, que les dicts Genneuois ne demeureroient
guieres de temps apres, sans faire quelque bruit.
Tout plein d'autres nouuelles couroient en Court.
Et entre autres quelqu'un des Gentils-hommes du
Roy venant de Gennes; dit, que depuis la prise, & re-
duction d'icelle, s'estoit trouué là dedans, où auoit
ouy plusieurs des Genneuois parler, Entre autres vn
des principaux. Et comme le dict Gentil-homme,
& celuy Genneuois, feussent quelque fois ensem-
ble, parlans de plusieurs choses touchant la guerre,
& prise de Gennes, entrât de propos en autre, le dict
Gentil-homme dit au dict Gēneuois, Or ça, dit-il,
Seignor Genneuois, si fortune vous eust esté si dou-
ce, qu'elle vous eust donné tel auantaige sur les Fran-
çois, comme elle ha aux François sur vous, par vo-
stre foy quel party leur eussiez vous fait? Par ma
foy, dict celuy Genneuois, puis que de ce me vou-
lez enquerir par serment, nous autres Genneuois
estions tous deliberez de mettre à l'espée & sacque-
ment toute vostre gent, avec tous les Princes, & Car-
динаux, & autres, sans en excepter vn seul, reserué la
personne du Roy, que nous eussions gardé entre
nos mains, pour en faire à la parfin selon l'ordon-
nance de nostre Conseil. Et pourquoy, dit celuy
gentil-homme, eussiez vous mis à mort tant de
grands Princes, Cardinaux, & autres personnaiges
d'auctorité, qui premier que mourir eussent peu pa-
yer de rançon sept ou huiet cēt mille escus, ou plus,

M.D.VII. comme le Duc de Bourbon, le Duc de Calabre, le Gennes. Comte de Foix, & autres, qui pour vn million d'or ne feussent demeurez. Et le Legat de France, & autres Seigneurs d'Eglise, qui eussent peu payer moult grosse somme d'argent? Tel exploict, dit le Genneuois, voulions ores faire, comme pour clorre le pas de nos combats, des plus haults faicts d'armes, qui feurent oncques faicts, Et en ensuiuant les grandes victoires, & triomphales œuures, que par cy deuant ont faict nos predecesseurs. Et aussi pour arrondir nos Chronicques, & nos gestes magnifier, d'vne gloire tant louïable, & si honorable victoire, que eust esté ceste. Disant, que apres vne telle victoire, nul Prince du monde eust osé nous assaillir, ou presumé faire guerre à nous, comme vaincueurs des vaincueurs, & dompteurs de la plus forte main du monde.

CHAPITRE XXX.

*Comment Paul de Noue, Duc de Gennes, feut
descapité dedans le Palais du dict
lieu de Gennes.*

PLVSIEURS des Genneuois qui à la venue du Roy s'estoient absentez, & fuyz de Gennes, sçaichans, comme au iour que les autres Genneuois, auoient faict le serment, leur grace auoit esté déclarée, s'en retournerent,

nerent, & feirent le serment, comme auoit esté ordonné. Les autres qui n'auoient esté compris en la dicté remission, demurerent où ils peurent. Dont les aucuns feurēt pris. Et entre autres, le Duc de Genes, nommé Paul de Noue, lequel s'en estoit fuy en l'Isle de Corse, cuidant estre là bien à seur. Mais le Roy sçachant qu'il estoit là, auoit donné charge à vn nommé Pregent le Bidoulx, Capitaine de quatre de ses galeres, de s'en aller vers la dicté Isle de Corse, & prendre le dict Paul de Noue, s'il le pouuoit trouuer en lieu pour ce faire. Lequel Pregent, avec deux de ses galeres armées, s'en alla vers la dicté Isle, le plus couuertement qu'il peut. Or auoit celuy Pregent cognoissance à vn des patrons d'aucunes barques de Genes, son bien familier, & amy, qui souuent alloit de Genes en Corse, & de Corse à Genes, mener viures, & marchandise, auquel parla le dict Pregent, & luy descouurit son entreprise, En luy disant, Signor, le Roy m'a donné charge d'une chose, laquelle ie vous diroye volontiers, pourueu que me promeissiez aider en mon affaire, & que teinsiez la chose secreete. Et en ce faisant, feriez vn bon seruice au Roy, Et à moy vn singulier plaisir, Et à vous mesmee vn grand profit. Car si vous m'aidez à paracheuer mon entreprise, i'en feray tel rapport au Roy, que tousiours serez enuers luy pour recommandé. Et en outre, l'ay deux cents escus, tous prests à vous bailler, si à ce me voulez secourir. Lors que le dict Genneuois ouyt parler de deux cents escus, approcha l'oreille, en disant, Signor Pregent,

M.D.VII. vous sçavez que ie suis tout au Roy, & à vous. Et touchant ce que m'auez dit, fil y ha chose en quoy ie puisse seruir le Roy, & à vous faire plaisir, soyez tout seur, en me tenant promesse, que à mon pouuoir tant seurement, & à secret que faire se pourra, à ce m'employeray. Ce dict, le dict Pregent luy dit son intention, & comment il estoit là par le commandement du Roy, pour vouloir prendre Paul de Noue, qui estoit dedans l'Isle de Corse. Ce qu'il ne pouuoit bonnement faire, sans l'aide de quelqu'un, disant fil sçait aucunement l'entreprise, il s'absentera, ou mettra en lieu, qu'on ne le pourra trouuer. Faisez vous, dit le patron, si vous me voulez bailler les deux cèts escus, ie le vous mettray entre les mains, & pour le moins en lieu, où le pourrez prendre sans faillir. Ce dict, le dict Pregent promet par sa foy bailler les deux cents escus, tout incontinent qu'il auroit pris son homme. Tant feut, que le dict patron s'en alla en Corse, où trouua le dict Paul de Noue, bien esbahy. Et à tant demanda au dict patron, qui venoit de Gennes, comment alloit du tout. Non guieres bien, dit le patron, Car le Roy de France est demeuré maître, & ha faict bannir plusieurs des nostres, & trancher la teste à Demetri Iustiniain. Et croy que fil vous tenoit, que tres-mauuaise compaignée vous feroit. Mais vous estes icy bien seurement, & croy qu'il cuide que soyez fuy en Grece. Apres plusieurs autres paroles, le dict patron trouua maniere de mener le dict Paul de Noue, par maniere de passer temps sur la riuie de la marine, où auoit plusieurs barques,

naulx, & galleres de Gennes, & d'ailleurs, Et entre au- M.D.VII.
tres estoient celles de Pregent deguisées, où le dict *Gennes*.
Pregent estoit, lequel si tost qu'il le veid, & ses gens
en si beau gibier, meit hors quelque nombre de ses
gens', armez soubz leurs mantes, Et leur monstra le
dict Paul de Noue, disant que soubdainement le
preinssent, & menassent à bord, où seroit prest de le
croquer, & mettre en sa gallere. Ce qui feut faict,
Car tout en l'heure, les gens du dict Pregent sorti-
rent, comme pour vouloir aller querir eaües doul-
ces, ou autres prouisions, pour mettre en leurs vais-
seaulx. Et peu à peu approcherent tellement, qu'ils
luy meirent la main sur le collet, & à coup le guide-
rent deuers Pregent, qui le feit mettre en sa gallere, &
feit bailler l'argent au dict patron, qui l'auoit faict
prendre.

LE DVC de Gennes, pauvre vieillard, tout esba-
hy, commença à plorer, & dire, Helas! Or vcois-ie
bien que ie suis mort & que pour la prise de mon
corps, ma teste payera la rançon, combien que ie ne
l'aye desleruy. Car ce que i'ay faict, n'ha esté de mon
mouuement, mais pour complaire au vouloir du
peuple, & obuier à sa fureur, Car si ie l'eusse refusé,
aussi bien m'eussent ils occis. Or bien face de moy
le Roy ce qu'il luy plaira. En faisant ces plaincts &
regrets, feut mené à Gennes, & là faict son procez.
Tellement qu'il feut dict & sententié, qu'il debuoit
encourir peine capitale, comme commisseur de cri-
me de leze Majesté, Combien qu'il ne se trouuoit
point, qu'il eust pourchassé le tiltre & honneur Du-

Li ij

M.D.VII. cal, mais que par le motif du peuple, il eust esté esleu
Milan. Duc de Gennes. Afin que avec l'autre forfaict qu'il
 auoit perpetré, d'auoir entretenu le peuple en sedition & rebellion contre le Roy, il feut exemple à
 tous autres futurs. Apres la sentence par la Iustice
 donnée, le cinquiesme iour du mois de Iuin, dedans
 la place du Palais de Gennes, feut descapité, & partie
 de ses biens confisquez, & partie laissez à sa femme,
 laquelle ne feut iamais consentant, ne contéte, qu'il
 acceptast le dict Office, mais luy auoit tousiours
 desloüé, & deffendu à son pouuoir. Parquoy le Roy
 voulut que sa maison, & la plus part de ses biens, luy
 demeurassent. Laquelle execution donna crainte à
 tous les Genneuois, & merueilles à plusieurs autres.

CHAPITRE XXXI.

*Des Articles contenant la maniere d'un Tour-
 noy, faict à Milan, faicts les diëts Articles
 par un Roy d'armes François,
 nommé Daulphin.*



L'HONNEUR & loüange de Dieu le
 Createur, & de la glorieuse Vierge Ma-
 rie, de Monseigneur Sainct Michel,
 l'Ange, de Sainct George, & de toute
 la Cour celestielle, Pour donner plai-
 sir au Roy, & executer le noble faict des armes, &
 pour escheuer oisueté, huit Cheualiers, ou Gen-

tils-hommes de nom, & d'armes, seruiteurs du dict M.D.VII.
Seigneur, sont deliberez de tenir vn pas dedans la *Milan*,
Cité de Milan, contre tous Gentils-hommes de
nom, & d'armes, à cheual, & à pied, en la maniere
qui s'ensuit.

ET PREMIEREMENT, les dicts Cheualiers, ou
Gentils-hommes, tiendront à cheual en harnois de
guerre, à quatre courses de lance à fer esmoulu, en
lice. Et fourniront les dicts tenans de lances, De
quoy les assaillans en auront le choix.

ITEM, Apres auoir parfaict les dictes quatre cour-
ses de lance, tiendront à vne course de lance sans li-
ce, à fer esmoulu, Et combattront à l'espée d'estoc, &
de taille, sans nombre, Tant que sera le bon plaisir
du Roy.

ITEM, Tiendront les dicts tenans en harnois de
ioust, à six courses de lance, à tous venans, à lances à
rochet, Et porteront tant assaillans, que deffendans,
telles lances que bon leur semblera, Lesquelles se-
ront présentées à vn Officier d'armes, pour estre
marquées, & estre mises d'une longueur.

ET POUR le combat de pied, se trouueront
douze tenans, C'est à sçauoir huit tenans, & quatre
aydes, pour la premiere fois seulement, à vne barrie-
re, à vn iect de lance, Et combattront à la picque d'Al-
lemand, & à l'espée, Tant que sera le bon plaisir du
Roy. Et le combat des dicts douze paracheué, tien-
dront les dicts huit tenans, à la dicte barriere, con-
tre tous assaillans.

ITEM, En ensuiuant les dictes armes de pied,

Li iij

M.D.VII. tiendrôt sans barriere, à la picque, & à l'espée de tail,
Milan. au bon plaisir du Roy.

ITEM, en apres combatront à la hache, sans barriere, comme dessus.

PVIS, combatront à l'espée à deux mains, sans barriere, au plaisir du Roy, Et fourniront les dicts tenans, tous bastons necessaires, pour les dictes armes accomplir, fors seulement de lances à rochet.

ITEM, Pour tenir ordre des dicts combats, tant de cheual, que de pied, il y aura deux escus pendus à vn perron, gardez par vn Officier d'armes. Desquels escus, l'un sera d'argent, auquel ceulx qui voudront accepter le combat de cheual, viendront toucher. Et l'autre escu, sera d'or, auquel ceulx qui voudront accepter le combat de pied, toucheront, & seront enrollez par le dict Officier d'armes, Afin de garder à chascun son ordre, & la maniere du combat, qu'ils accepteront.

ET S'IL en y ha aucuns, qui veuillent toucher les deux escus, pour parfaire les deux emprises, C'est à sçauoir à cheual, & à pied, en tout, ou en partie, il leur sera respondu, & seront receus par les dicts tenans, Aussi seront tenus les dicts assaillans, de porter leurs escus, armoyez de leurs armes, au dict Officier d'armes, pour les mettre au dict perron, Autrement ne seront plus receus.

ITEM, ha esté ordonné par le Roy, nostre Sire, depuis les Articles publiez, que le iour que commencera le combat de cheual à quatre courtes de lances, à fer esmoulu, sera le premier iour de Iuin,

prochainement venant , Et là chascun sera receu selon son ordre, comme dessus est dict. M.D.VII.
Milan.

CES DICTS Articles baillez, & publiez, les lices feurent faictes de deux cents pas de long, dedans la grand place de deuant le Chasteau, En entrant dedans la dicte place pour aller au Chasteau, sur main fenestre, feurent faicts de la longueur des lices grâds eschaffaults. Pour là au bout d'iceulx du costé du dict Chasteau estre le Roy, & les Princes, & Seigneurs, qui avec luy estoient. Dedans iceulx eschaffaults, tout du long feurent faicts lieux, & places propices, regardans dedans les lices, pour mettre & asseoir les Dames, qui là viendroient. De l'autre costé feut faict vn eschaffault, pour mettre les Iuges des dicts combats. Au bout des dictes lices, du costé du Chasteau, auoit vn perron, hault de dix toises, Au bas duquel auoit vn petit eschaffault, pour là estre le Roy d'armes ordonné, pour recepuoir les noms, & escus de ceulx qui voudroient accepter le combat. Encontre le dict perron, auoit attachez deux escus, Dont l'vn estoit d'or, auquel touchoient ceulx qui acceptoient le combat à pied. L'autre estoit d'argët, où ceulx qui vouloient accepter le combat à cheual, touchoient. Entre les lices, & les eschaffaults, auoit vne place de quarante pas de large, & de la grandeur des lices, toute garnie, & semée de sablon, pour tenir à ferme les cheuaulx, & ceulx qui là combatroient. De ce tournoy, & combat, feut par tout nouuelles. Si que de toutes les Itales y veindrent Dames à si grand nombre, que selon le rapport de plu-

M.D.VII. sieurs, y en auoit plus de trois mille, toutes vestuës
Milan. de robes de drap d'or.

CHAPITRE XXXII.

*D'aucuns grands banquets, & choses
 ioyeuses, qui feurent lors faictes
 à Milan.*



ANDIS QUE les lices & eschaffaults se faisoient, & qu'on s'apprestoit pour combattre, danſes, & banquets, & autres ioyeux passe-temps se mettoient en auât par la ville de Milan. Tant que pour commencer, vn nommé Messire Galeas Visconte, grand Seigneur à Milan, feit vn banquet au Roy, ou Princes, & Cardinaulx avec grand nombre de Gentils-hommes, & Dames, en triomphal estat se trouuerent, & toutes les gardes du Roy. Celuy Galeas, auoit vn sien fils, ieune enfant, lequel feit là confirmer au Cardinal de Ferrare, Archeuesque de Milan. Et pria le Roy que son plaisir feust, que à son fils voulsist donner en sa confirmation son nom, Ce qu'il feit volontiers, Et feut là nommé Louys, & confirmé par le dict Cardinal, qui pour ce faire prist les habits Pontificaulx.

CHAPITRE

CHAPITRE XXXIII.

D'un banquet somptueux, que le Seigneur Iean Iacques fait au Roy, à Milan.



PRES CELVY banquet, qui feut moult grand, le Seigneur Iean Iacques pria le Roy, que à vn autre banquet qu'il luy vouloit faire, feust son plaisir de se trouuer, Ce que le Roy luy promet. Dont le dict Seigneur Iean Iacques Mareschal de France, fait preparer le dict banquet dedans sa maison de Milan, Auquel lieu estoient grandes salles tapissées, & gallerics, & chambres parées, iardins, & lieux propices pour la feste, tables garnies, & buffets d'argent, à tous costez.

ET POVR en sçauoir mieulx au vray reciter, le iour du dict banquet, des l'heure du matin, m'en al lay au dict lieu, Où entre autres choses, ie veis là onze grandes cuisines, pleines de broches, garnies de toutes viandes de vollaile, & de venaison.

POVR ordonner du seruice, & dresser les viandes, & asseoir les mets, estoient deputez à ce huit vingts Maistres d'Hostel, lesquels portoient chacun vn baston bleu, couuert de fleurs de lys d'or. Douze cents seruiteurs y auoit, pour porter les viandes, & seruir aux buffets, Desquels la plus part estoient en pourpoint de velloux noir, Les autres

K k

M.D.VII. estoient en robe de taffetas, & d'autre soye, habil-
Milan. lez legerement, pour diligenter l'affaire.

P O U R recevoir les venans, & donner lieu au commencement de la dicte feste, le Seigneur Iean Iacques, fait faire deuant sa maison le long de la rue, vne grande salle, de six vingts pas de long, à deux rangs de pilliers de verdure, couuerte de draps de bleu, tous semez de fleurs delys d'or, & d'estoilles d'or. Tout le long des deux costez encontre les tapisseries, commençant à bas, estoient sieges à quatre rangs, en montant comme par degrez, pour là asseoir les Seigneurs, & autres, qui se trouueroient au dict banquet. Et au plus hault des dicts sieges, en entrant sur main senestre, estoit vn eschaffault pour les menestriers, qui là feurent dès le matin, sonnans sans cesser de leurs instrumens, Dont y auoit trompettes, haults bois, tabourins, violles, & autres manieres de doux instrumens. Au bout de la dicte salle, auoit vn eschaffault grand & spatieulx, Sur lequel falloit monter par six degrez, Où dessus auoit vne chaire parée de drap d'or, laquelle estoit là mise & ordonnée pour le Roy. Dessus celuy eschaffault, duquel la place estoit couuerte de tappisvellu, auoit quatre ou cinq cents carreaux de drap d'or, & de velloux cramois, pour asseoir les Dames, conuiées au dict banquet.

S V R LES dix heures du matin, la Marquise de Vigeue, femme du Seigneur Iean Iacques, & la femme de son fils, Comtesse de Misot, avec grand suite de leurs Dames, feurent là assises au pied de l'eschaf-

fault du Roy, pour recepuoir, & recueillir les autres M.D.VII.
Dames, qui viendroient à ce banquet. Et comme *Milan.*
aucunes d'icelles venoient, la dicté Marquise de Vi-
geue, & la Comtesse de Misot se leuoient de leur sie-
ge, & les alloient recueillir iusques à l'entrée de la
porte de la salle, & puis les menoient asseoir sur l'es-
chaffault, où estoit la chaire du Roy. Et ainsi recueil-
loient par ordre les dictes Dames, qui là veindrent à
pleins chariots, Tant que en moins de deux heu-
res, feurent en la dicté salle, plus de douze cents Da-
mes, toutes vestuës de draps d'or, ou de soye, Et tou-
tes d'accoustremens neufs, & tant riches, qu'elles
sembloient estre Roynes, ou autres Princesses. Les
vnes portoient robes de drap d'or, my-party de vel-
loux cramoisi, ou de fin satin, de diuerses couleurs.
Et plusieurs y en auoit portans robes, toutes de drap
d'or frizé, Les autres à grands soleils d'or traict, my-
party de velloux, & satin cramoisy. Leur coeffure
estoit telle, que tout le front, & la cheuelleure, leur
paroissoit, Dont partie pendoit derriere entortillée,
& l'autre leur couuroit la moiëtié de la iouë descen-
dant pres des espaules, en retournant ioindre à l'en-
tortilleure de derriere. Leurs robes en plusieurs en-
droicts estoient decouppées & fenduës, par où pas-
soit la blanche chemise de fine toille de Hollande.
Somme, en tous endroicts y auoit adresse de voye
lubricque, & enseignes de blâdices feminins. Quoy
plus? Le Seigneur Iean Iacques auoit conuié, & en-
uoyé querir les dictes Dames, mesmement celles de
nom, & les plus belles de Milan, de Pauie, d'Ast, de

M.D.VII. Plaisance, & des autres villes de la Duché, où auoit
Milan. sceut trouuer femmes de feste, & de bonne chiere.

LORS que les dictes Dames feurent venuës, & mises en place, instrumens sonnerent à qui mieulx mieulx, Plusieurs Seigneurs, & autres, preindrent siege, en attendant le Roy à venir, Lequel feut là sur l'heure du midy. Auec luy estoient Charles, Duc d'Alençon, Charles, Duc de Bourbon, Charles, Duc de Sauoye, Antoine de Lorraine, Duc de Calabre, François d'Orleans, Duc de Longueuille, Gaston, Comte de Foix, le Comte de Vendosme, Monseigneur Iean d'Albret, Seigneur d'Orual, Guy de Lual, Seigneur de Lual, René de Bretagne, Comte de Pointieure, Iacques de Bourbon, Comte de Roussillon, lesquels feurent tous du banquet. Aussi feurent à ce dict banquet, Maistre George, Cardinal d'Amboise, le Cardinal de Ferrare, le Cardinal de Narbonne, le Cardinal de Saint Seuerin, le Cardinal de Final, les Cardinaulx de la Trimouïlle, d'Alby, & de Prie, l'Archeuesque de Sens, & grand nombre de Prelats, les Ambassadeurs de Venise, les Châbellans, & Maistres d'Hostel du Roy, Et en somme, toute la Cour, auec les Seigneurs de Lombardie, & autres, qui là estoient auec luy.

TANTOST que le Roy feut là venu, & mis en chaire, les danfes commencerent. Mais là y eut si grand presse, que pour donner place aux Dames, & autres qui vouloient danser, fallut que le Roy mesmes, qui estoit à mont, descendist, pour faire faire place. Ce qu'il feit, & preint la hallebarde d'un de ses

archers, Puis à tour de bras commencea à charger M.D.VII. sur ceulx qui faisoient la presse. Tellemēt que soub- *Milan.* dainement la place feut vuide, & desempeschée, Tant que chascun eut lieu pour danser. Charles, Duc d'Alençon, Charles, Duc de Bourbon, Charles, Duc de Sauoye, Antoine, Duc de Calabre, & les autres Princes, & Seigneurs, & Gentils-hommes de la Maison du Roy, qui là feurent, danserent, Dont les aucuns danserent en masque, portans habillemens couuerts de fleurs de lys sur leurs chappeaux, & grâdes plumes perfes, & iaunes, faictes en maniere de fleurs de lys, Les autres en habits de Cordeliers, Et les autres, en diuerfes manieres, & estranges habillemens. Quoy plus? les Dames danserent à relais, les vnes apres les autres, toute la iournée, iusques sur le vespre, que tables feurent couuertes, & le banquet tout prest.

Puis LE Roy avec toute la Noblesse s'en alla soupper. Là dedans estoient salles, chambres, cabinets, garderobes, & galleries, ordonnées, Les vnes, pour le Roy, Les autres, pour les Princes, & Ambassades, Les autres, pour les Cardinaux, & les autres Prelats de l'Eglise, Les autres, pour les Chambellans, & Maistres d'Hostel de chez le Roy, Les autres, pour les Generaux, & Tresoriers, Les autres, pour les Gentils-hommes, Les autres, pour les Archers, Les autres, pour les Allemands de la garde, Et les autres, pour les varlets, & seruiteurs des Seigneurs, qui là estoient. Lesquels feurent tous seruis de viandes exquisēs, & de diuers mets, avec tres-bons vins, & de toutes for-

M.D.VII. tes, Sans ce qu'il y eust fait service, tant de cuisine,
Milan. que de buffet, que tout en vaisselle d'argent, Toutes
 les pieces marquées aux armes du Seigneur Iean Iacques, Ce qui estoit vn grand triomphe, & merueilleuse richesse. Les Dames conuiées au banquet, furent toutes mises ensemble. Le Marquis de Mantouë, seulauec elles, Si n'est que chascune auoit son escuyer, pour trancher, & seruir à table.

APRES soupper, le Roy, & les Princes, avec tout plein de Seigneurs, & Gentils-hômes, feurent veoir les Dames, où la deuiferent de plusieurs choses ioyeuses, & plaisantes. Et ce fait, chascun preint congé, puis le Roy s'en alla à son logis, & la compaignée se departit.

CHAPITRE XXXIV.

D'un bastion que Messire Charles d'Amboise, Lieutenant du Roy, fait tenir à Milan, Où le Roy feut present avec tous les Princes, & Seigneurs, qui là estoient, & grand nombre de Dames.



POUR TOVSIOURS donner diuers passetemps au Roy, & resiouyr les Dames, chascun des Seigneurs s'efforçoit de faire nouuelles choses. Dont apres que le banquet du Seigneur Iean Iacques feut fait, Messire Charles d'Amboise deux iours ensuiuant,

fait vn autre banquet au Roy, & à toute sa suite, Au- M.D.VII.
quel en lieu de danſes, fait faire vn baſtion, que luy *Milan.*
meſmes avec autres de ſa bande voulut tenir contre
tous venans. Lequel baſtion fait faire en vn iardin,
pres de ſon logis de Milan, & celuy foſſoyer tout au
tour, & fermer de gros bois de bout mis en terre, Et
au deuant tout à l'environ fortifié de planchon, à
gros cloux, & cheuilles bien attachées. Aux deux
coings du front de deuant, auoit faiât faire deux
tours deſenſables, où pouuoient eſtre en chaſcune
d'icelles vingt cinq ou trente hommes armez, pour
deſendre les dictes tours. Le deuant, & les coſtez,
avec les dictes tours de celuy baſtion, eſtoient de ſix
pieds de haulteur. Et cōtre le derriere, auoit vn hault
eſchaffault, pour aſſeoir les Iuges du combat.

LE 10 VR du banquet venu, apres que le dict
Messire Charles d'Amboiſe, eut faiât publier le dict
combat, De ſa bande feurent Francisque de Gonſa-
go, Marquis de Mantoïe, Iacques de Bourbon,
Comte de Rouſſillon, le Comte de Pointieure, le
Seigneur de Laual, Messire Iacques de Chabannes,
Seigneur de la Palice, Messire Guyon d'Amboiſe,
Seigneur de Rael, Messire Germain de Bonneual,
Messire Mery de Rochechouart, Messire Iean de
Beſſe, Louys de Ianlis, Seigneur de Mommor, avec
plusieurs autres, iuſques au nombre de cent hom-
mes d'armes, choiſis entre les Gentils-hommes de la
bâde du Seigneur de Rael, & par les compaignées,
Leſquels ſe trouuerent dedans le baſtion, tous en ar-
mes, au iour ordonné. Et ſi auoient pour deſendre

M.D.VII leur fort, gros bastons embourrez, & l'espée tran-
Milan. chant, sans poincte. Et avec ce, auoient de grandes
 perches fourchées, pour repousser ceulx d'embas,
 qui s'efforceroient pour monter par eschelles, ou sur
 ponts. Et auoient là dedans larges tonneaulx, tous
 pleins d'eauë, & force escliffoires, & artillerie à pa-
 pier. Messire Louys de Brezé, grand Seneschal de
 Normandie, avec les cent Gentils-hommes de sa
 bande, estoit des assaillans. Aussi estoit Messire Ro-
 bert Stuart, avec ses cent hommes d'armes Escot-
 sois, Et Messire Mercure, Capitaine des Albanois, &
 autres, iusques au nombre de quatre cents hommes
 d'armes. Lesquels sur le poinct de quatre heures
 apres midy, apporterent contre le dict bastion pöts,
 & eschelles, à tous costez, & amenerent grand nom-
 bre de pionniers, pour combler les fossez.

LE ROY estoit au logis de Messire Charles
 d'Amboise, avec les Seigneurs de sa suite, & grand
 compaignée de Dames, attendant l'heure de l'assault
 du dict bastion. Et pendant ce, le Roy commanda
 apporter le soupper. Et ainsi que le premier seruice
 se faisoit, les trompettes du bastion, & des assaillans,
 sonnerent à l'estendart, & à l'assault. Ce faict, sans
 plus attendre, le Roy se leua de table, & toutes les
 Dames, en laissant le soupper, pour courir veoir as-
 saillir, & defendre le dict bastion, Et le Roy ainsi le-
 ué, avec les Gentils-hömes, & Dames, qui là estoient,
 s'en alla où estoit le bruit. Ainsi demurerent tables
 couuertes de viandes, & buffets garnis de vaisselle
 d'argent, & de bons vins à foison. Là estoient plu-
 sieurs

seurs mordans, qui dès le matin iusques à celle heu- M.D.VII.
re auoient esté leans, pour seulement vouloir veoir *Milan.*
le combat, Dont aucuns auoient bon appetit. Et
eulx voyans que chascun auoit laissé le soupper,
preindrent leurs places, & se meirent à despescher
viandes si à poinct, que en vn moment ne demeura
que les nappes deschargées, & vaisselle vuide, Puis se
torcherent le bec, & coururent au bastion, qui feut
assailly moult rudement, & defendu à toute force.
Premierement assaillirent vne tour, nommée la tour
d'Auuergne. Et là à grâds coups de bastôs embour-
rez, & à tail d'espée, d'un costé & d'autre longue-
ment se batirent, Et tant, que les bastons embour-
rez, feurent tous rompus, & coupez, Dont gran-
des fourches, grosses perches, & leuiers, feurent
mis en besongne. Messire Louys de Brezé, voyant
que sans eschelles ne feroient rien, les fait dresser &
comblar les fossez. Là se meirēt gens d'armes à mon-
ter de toutes parts, Et ceulx du dedans à tout leurs
fourches, & leuiers, les repousserent contre bas, en
leur iectant grands seaulx d'eauë, & cercles, attachez
l'un à l'autre, & coups à toutes mains sur eulx, Les-
quels assailloient à grand effort, mais à la longue feu-
rent moult foullez, & battus de ceulx d'amont, qui
grand auantaige auoient. Toutesfois lors qu'ils le-
uoient leur visiere, pour regarder à bas, pour pren-
dre haleine, ceulx d'embas leur iectoient grandes
pellées de terre moüillée contre le visaige, & à coups
de perches rompuës, & gros bouts de bois, leur dô-
noient là où ils les pouuoient trouuer au descou-

M. D. VII. uert, tant que plusieurs en blefferent. Et ainsi se com-
Milan. mencerét à picquer, tant que le bout de leurs espées
fapprocherent contre les gorges. Et est à penser, que
sils se feussent peu ioindre, que mortellement se
feussent battus. Messire Iacques de Chabannes, Sei-
gneur de la Palice, qui estoit à l'autre tour, voyant
ceulx d'embas fouller, & eulx reuencher à outran-
ce, leur manda que sils vouloient aller assaillir la tour
qu'il gardoit, que luy, & ses gens, ne la defendroient
que à coups de bastons embourrez, lesquels ne vou-
lurent, mais n'entendoient que à charger ceulx qui
les auoient repoussez. Là estoient les Capitaines
d'embas tous ennoircis, & barbouillez de fange,
pour l'eauë que ceulx d'amont iectoient dedans les
fossez. Messire Mercure qui estoit à bas, avec au-
cuns de ses Albanois, tous armez à blanc, s'essaya
maintefois de monter, mais par ceulx de dessus feut
toufiours rué bas, & tant battu de coups de baston,
qu'il ne sçauoit à qui le dire, mais il sousteint moult
grand faix. Les Gentils-hômes de la bande de Messie-
re Louys de Brezé, estoient toufiours à l'assault, qui à
coups de perches chargeoient ceulx de dessus, Tel-
lement que plusieurs de leurs espées, & bastons, fei-
rent voller des mains à bas. Messire Robert Stuart ne
desempara iamais le pied du bastion, où là donna &
receut maint pesant coup. Les Escossois de sa bande
s'y porterent tres à poinct, Et maintesfois s'essaye-
rent de monter : mais toufiours ceulx de dessus les
repouffoient. Là sousteindrent plus de deux heures
l'assault, Et tant que d'un costé & d'autre, le Roy leur

commanda reprendre haleine. Qui lors eut du vin, M.D.VII.
meit le nez à la bouteille. *Milan.*

ET PUIS derechef feut sonné vn autre assault, où feut apporté vn pont sur roües, de la haulteur du dict bastion, Et à force de gens approché contre le dict bastion pres, à combattre main à main, Où dessus monterent vingt hommes d'armes, des Gentilshommes de la bande de Messire Louys de Brezé, & des Escossois de Messire Robert Stuart, lesquels marcherent iusques sur le bord du pont, Et commencerēt à combattre main à main, à coups d'espée, Et là feut vn Escossois, qui meit le pied sur le bord du bastion, cuidant entrer : Mais ceulx de dedans à gros leuiers, & longues perches, les repousserent, & chargerent sur eulx, & sur leur pont, Tellement que pour le faix de ceulx qui estoient dessus, & les coups que ceulx du dedans donnoient, la moiçtié de celuy pont tomba par terre, & ceulx qui estoient sur celle part, lesquels au cheoir s'affollerent. Sur l'autre partie du dict pont, demurerent deux Escossois, moult gaillards hommes, lesquels n'abandonnerēt le bord du bastion, mais là sur ceulx du dedans, à grands coups d'espée frapportoient au desespéré, sans vouloir iamais reculer. Et là receurent tant de coups de gros bastons, & mesmement par aucuns desarmez, qui ruoient coups au deliure, que iceulx Escossois furent estonnez, Lesquels ne pouuoient estre secourus, pour ce que le dict pont estoit rompu, où nul autre ne pouuoit monter. Mais pour ce ne desmarchoiēt vn pas, Et si en y auoit vn d'iceulx, apres qu'il

Ll ij

M.D.VII. estoit estonné, & hors d'haleine, se couchoit sur le
Milan. pont, & lors qu'il auoit repris haleine, recommen-
çoit l'assault, & chargeoit de plus en plus fort. Et ain-
si le fait par tant de fois, qu'il eut à la parfin d'un le-
uier sur la teste. En maniere qu'il feut assommé, &
emporté à son logis, où celle nuit le cerueau luy
tomba par le nez, & mourut, Dont feut dommaige.
L'autre, son compaignon, tout estonné, feut mis à
bas. Les autres de leurs compaignons, à grands per-
ches chargeoient à tour de bras sur ceulx d'amont,
& comme courroucez du mal de leurs dicts com-
paignons, aduisoient ceulx du dedans au descou-
uert. Entre autres en choisirent vn, qui auoit le chief
desarmé, auquel vn Escossois donna si à droict d'un
longue perche qu'il auoit, que le sang luy feut cou-
ler de la teste sur le visaige. Et ce faict, ceulx d'amont
recommencerent à charger en bas, & iecter grosses
tronces de bois, barres, & planchōs, & ce qu'ils pou-
uoient. Mais ceulx d'embas, estoient tousiours ban-
dez à trouuer leurs gens au descouuert, Dont en
blesserent plusieurs, & tous au visaige. Entre autres,
le Côte de Pointieure, Messire Iean de Bessé, Gruyer
de Bourgongne, Pierre de Balsac, Baron d'Entraigues,
& tout plein d'autres, dont i'en ay sceu les nōs.
Mais voyant le Roy que ses gens se battoient ainsi à
oultrance, enuoya ses archers, pour les faire departir,
Ce que ne peurent. Dont luy mesmes descendit de
son eschaffaut, & les alla departir à grand peine. Car
ja tant s'estoient picquez, & esmeus, que ceulx qui se
pouuoient roucher, se mettoient les espées contre

les gorges. Et croy que si entre eulx n'eust eu barriere, que telle chose eust esté entre eulx exploictée, *Milan*, que le Roy y eust eu plus de perte, que de plaisir. Mais par son commandement, tout feut cessé.

CHAPITRE XXXV.

*D'un Tournoy, & combat tenu lors à Milan,
par Messire Galeas de Saint Seuerin, &
autres Lombards avec luy.*

MESSIRE GALEAS de Saint Seuerin, grand Escuyer de France, avec sept autres Lombards, feurent prests de tenir le pas en la place du Chasteau de Milan, Où estoient faictes les lices, & ordonnée la place du combat, & là attendre tous venans en la maniere que par les Articles dessus dicts est contenu, Où se trouuerent des François grand nombre, Desquels feurent Gaston, Comte de Foix, nepueu du Roy, Guy, Seigneur de Lual, le ieune Candale, François de Maugiron, Iean de Chandiou, Guillaume de la Hite, Louys Lermite, & tout plein d'autres Gentils-hommes de la Maison du Roy, & hommes d'armes des compaignées de delà les mōrs. Aussi se trouua sur les rangs Iean Guillaume, Marquis de Montferrat, & d'autres Lombards grosse route, Lesquels commencerent à ouurir le pas, sur le commencement du mois de Iuin, Et là coururent à

Ll iij

M.D.VII. quatre courses de lance, à fer esmoulu. Des premiers *Milan.* coururent Gaston, Comte de Foix, lequel rompit aux quatre courses premieres, trois de ses lances. Le Marquis de Montferrat courut aussi, lequel feut seruy de quatre grosses lances, painctes de rouge, & courut moult rudement, & droict. Tellement qu'il rompit son bois, & à la tierce course plia son tenant, iusques sur la croupe de son cheual, & à peu qu'il n'allast par terre. Les autres aussi coururent, chascun ses quatre courses, & la cinquiesme hors lice, Oū feurent rompus bois à toutes mains, Puis combati- rent à l'espée, où feurent donnez plusieurs grands coups.

LE ROY estoit là present en son eschaffault, Le- quel apres que les combatteurs auoient faict leur debuoir, les faisoit departir. Les Dames à pleins eschaffaults y estoient aussit tant gorgiases, que c'estoit vne droicte fayerie.

DIX IOURS entiers durerēt les ioustes, & com- bats, Oū feut l'vn iour combatu en lice, à course de lance, & fer esmoulu, l'autre, en harnois de iouste, à lances à rochet. Et l'autre, à la barriere, où les tenans eurent quatre Aydes, pour la premiere fois, Et là cōbatirent à vn iect de lance, & à la picque de Suisse, & à l'espée, d'estoc, & de taille. Puis combati- rent sans barriere, à la picque, & espée de taille, & à la ha- che, sans barriere, Et puis à l'espée, à deux mains. Là feurent faictes armes à merueilles, Et chascun s'effor- çoit de faire tout ce qu'il pouuoit.

MESSIRE Galeas des tenans combatit tres-bien

à cheual, à l'espée, Le Marquis de Mōtferrat, rompit M.D.VII. là force lances. Le Comte de Foix, ieune Prince, feut *Milan*. moult prisé, & loüé de ses coups de lance, dont en rompit plusieurs. Aussi feut le Sire de Laual. Le cheual du Seigneur de Candale, eut d'une lance au trauers du col, Ce qui ennuya moult à son maistre, Car le dict cheual estoit fort puissant, moult viste, & tres à la main, & son dict maistre bon cheuaucheur. Vn des François, assaillant, nommé Louys Lermite, eut à l'une des courses d'une lance au trauers de l'espaule, dont en porta le tronçon, & feut fort blessé.

A LA barriere, & aux combats de pied, eut grandes armes faictes. Et là entre autres feirent merueilles deux François nommez Iean de Chádiou, homme d'armes de la compaignée du Comte de Raucstain, & Guillaume de la Hite, l'un des archers de la garde de la bande de Messire Gabriel de la Chastre. Et tant que à l'un des combats de l'espée à deux mains, celui de Chandiou, ieune, grand, & puissant à merueilles, se trouua au combat, contre Messire Galeas de Saint Seuerin, tenant le pas, & bien puissant, & adroiect Cheualier, Lesquels à grands coups d'espée à deux mains, se chargerent rudement, & tant, que chascun feut loüé en ses faicts, Mais à la parfin, celui Chádiou haulsa si pesant coup d'espée sur la teste du dict Messire Galeas, en tirant le coup à foy, qu'il le meit des mains en terre, Et comme il voulut recouurer pour l'aterrer, le Roy dit, Ho, Dont s'arresta celui Chandiou.

A LA picque combatirent apres, où le dict

M.D.VII. Chandiou feut merueilles. Aussi estoit-il puissant à *Milan* l'aduantage. Au combat de la picque, feurent plusieurs François aux coups departir. Entre autres le dict Guillaume de la Hite, lequel adressa à vn Lombard, des tenans, bien puissant, & homme adroiçt, Lesquels à coups de picque, percerent en plusieurs lieux leurs harnois à iour, & iusques au sang. Tant en feut, que celuy de la Hite donna tant de coups de picque au Lombard, & si menu, que à la parfin le repoussa tout le trauers de la place, en le menât battant iusques au bas de l'eschaffault du Roy. De quoy ses compaignons n'estoient bien contents. Car il estoit l'vn des mieulx estimez de leur bande. Mais autre chose n'en feut, si n'est que le Roy voyant celuy Lombard en tel party, leur imposa la paix.

VN AUTRE combat feut faict à la hache, par les tenans. Messire Galeas, qui tenoit le pas, voyant luy, & ses tenans, ainsi oultrez, meit en place vn des plus puissans & adroiçts hommes de Lombardie, & le meilleur ioüeur de la hache, qui plusieurs fois auoit faict armes, comme se disoit. Le Roy voulut que Guillaume de la Hite, bon ioüeur de la hache, & tres-puissant, luy feut mis en barbe, Lequel feut là amené par son Capitaine, accompagné d'archers de la garde, à grosse puissance. Le Duc de Bourbon, le Comte de Vendosme, & autres Princes, auec les Capitaines des Gentils-hommes, & gardes, estoient tous à cheual, au dedans des lices, pour icelles garder, & departir les combatans, lors qu'il plairoit au Roy. Le Roy estoit à son eschaffault auec grande noblesse.

noblesse. Les Dames, & tout plein de Seigneurs François, & Lombards, estoient là pour veoir le combat de ces deux champions, Tenans les aucuns pour le Lóbard, Et les autres pour les François, Qui estoient deux hommes de belles taille, ieunes, & verds. Que feut ce, Lors que iceulx feurent en place, trompettes & grostabourins commencerent à sonner. Et lors que les deux champions marcherent l'un contre l'autre, comme deux lyons, leurs haches d'armes au poing, & de premiere aduenuë, ruerent gráds coups, & pelans, en continuant longuement. Le Lombard estoit moult bon ioüeur de hache, & auoit tousiours l'œil à la marche de son homme, pour le vouloir prendre à pied leué. De quoy se donnoit tres-bien garde le François, en ruant tousiours coups sur le Lombard, qui bien se couuroit, Toutesfois on n'oyoit que coups sur le harnois de l'un, & de l'autre. Le Roy estoit là qui regardoit ruër les coups, où prenoit grand plaisir, Car ils se battoient, à toute outrance. Les Dames pareillemét auoient là leur passe-temps, Dont plusieurs pour l'honneur de la nation, eussent bien voulu que le Lombard, eust eu du meilleur. Et lors que le Lombard donnoit quelque bon coup, les autres monstroïent chiere ioyeuse, Et quád le François, qui frappoit à coups pesans, ruoit sur son homme, iceulx Lombards estraignoient les dents, & faisoient macte chiere. Plus d'une heure dura ce-luy combat, que on ne sçauoit qui auroit du meilleur. Et tant se donnerent de coups, que plusieurs pieces de leur harnois feurēt percées, & delcloüées.

M m

M.D.VII. Que diray-je plus? Ainsi que chascun des combattans, mettoit diligence de mettre son homme à outrance, le François aduifa son coup, & de toute sa force embara la hache à deux mains, & la rua droict sur la teste du Lombard, De telle force, que tout plat s'en alla par terre. En maniere, que au cheoir, les pieces de son battecul luy renuerferent sur le dos, tellement qu'il eut le derriere tout descouuert. Et voyant le François son Lombard ainsi tombé, & qu'il mettoit peine à se releuer, luy voulut donner vn autre coup, pour le macter du tout. Ce que le Roy ne voulut, mais les feit departir par les gardes des lices. Et voyant le Roy, & autres Seigneurs estans là, les armes des deux champions, & le grád coup que auoit donné celuy François au Lombard, estimerét grandement la vailleure des deux, Et plus celle du vainqueur, Combien que autres Lombards n'en feussent bien contents.

A I N S I festoient continuez les combats, & tournois dedans la ville de Milan. Et tant que aux courfes de lances mesmement, plusieurs feurent blessez, & le plus, au rompre des lances, qui feurent froissées à droict la poignée, Dont feurent blessez en la main dextre, le Marquis de Môt ferrat, François de Maugiron, Jean de Chandiou, & tout plein d'autres. Là feurent faictes par les François, & Lombards, armes tres-loüiables, sans autre bruit, que de toute ioyeuse entreprise, & amiables combats.

T O V T E S ces belles choses mises à chief, les Dames venues là, se disposerent en aller, Mais premier

le Roy leur dit, qu'il leur vouloit faire son banquet, M.D.VII.
Ce qui encores les arresta. *Milan.*

EN CE mesme temps, veint à Milan le Cardinal de Sainte Praxede, que le Pape auoit enuoyé Legat en Lombardie. Au deuant de luy enuoya le Roy, le Cardinal d'Amboise, Legat en Frâce, les Cardinaulx de Ferrare, de Boulôgne, de Saint Seuerin, de Clermont, de Final, de la Trimouille, de Prye, & d'Alby, le Duc d'Alençon, le Duc de Bourbon, le Duc de Sauoye, le Duc de Longueuille, le Comte de Vendosme, le Comte de Foix, & grande suite d'autres Princes, & Seigneurs, & Gentils-hommes de sa Maison, & de Prelats, l'Archeuesque de Sens, l'Archeuesque d'Aix, l'Euesque de Paris, l'Euesque de Perigueulx, l'Euesque de Soissons, l'Euesque de Lodeue, l'Euesque de Marseille, l'Abbé de Fescan, & tout plein d'autres, Lesquels feurent au deuant du dict Legat, iusques hors la ville, Et ainsi l'amenerent estant soubs son poisle, iusques au grand Domme, où là descendit, & fit ses Oraisons, Puis tout à pied s'en alla avec les dicts Seigneurs loger au Palais, assez pres de l'issuë du dict Domme. Et le lendemain, s'en alla au Chasteau deuers le Roy, Où là luy fit les recommandations du Pape, & luy dit plusieurs nouuelles, que chascun ne sceut.

A V S S I durant ce temps, les Docteurs en Medecine de Milan, tous ensemble dedans le Chasteau en la grande salle, où le Roy se trouua, s'assemblerent. Et eulx ainsi assemblez, vn d'iceulx nommé Ambrosius Rosatus, s'approcha du Roy, Et là luy fit vne

M m ij

M.D.VII. Oraïson en langaige Italien, que le Roy entendoit
Milan. assez, lequel dit.

CHRISTIANISSIME Majesté, & inuiétissime Roy, nostre souuerain Seigneur, En ensuiuant les honorables faïcts, & œuures immortelles, de vos feus predecesseurs viuans, ores en memoire, & en gestes reluisans, Mesmement des triomphans Roys, qui iadis par plusieurs fois secoururent, & remeirent fus le saint Siege Apostolicque, & grandes victoires obtindrent contre les Lombards, que par armes soubmeirent, Comme le Roy Desiderius, Roy des Lombards, ennemy de l'Eglise, que le preux Roy Charlesmaigne vainquit en bataille mortelle, & emmena prisonnier en France, & autres faïcts tres-recommandables, Vous, Sire, comme imitateur de leurs biens-faïcts, en adioustant à iceulx tiltres de glorieuse renommée, auez par armes soubmis les Lombards, & par deux fois à force conquesté, & les orgueilleux Genneuois en bataille vaincu, & dompté, qui oncques par autres n'auoient esté abbatus, ne soubmarchez, Et par la force immodérée de vostre redoubté exercite, auez toutes les Itales soubmis, Desquelles choses nous nous resioüyssons, & louïons Dieu, comme tres-heureux d'estre sous la main & en la Seigneurie de tant excellent Seigneur, & si redoubté Prince. En suppliant tres-humblement vostre Christianissime Majesté, que vostre bon plaisir soit, d'auoir tousiours pour recommandé nostre College, & congregation, où à present sont cinquante Docteurs en l'Art de Medecine.

CE DICT, le Roy dit à Maistre Iean Ponchier, M.D.VII. Euesque de Paris, qui là estoit present, l'intention, & *Milan*. substance de sa Responce, Lequel Ponchier leur dit en Latin, le vouloir du Roy, qui se resioüyssloit de leur bonne visitatiō, & que moult agreable auoit le hault & bō exercice de Medecine, Et que tousiours les auroit pour recommandez, en recongnoissant leur grand sçauoir, seure experience, & bonne fidelite.

MAINTES bonnes chieres, & ioyeux passe-temps, feurent lors faicts à Milan, où chascun sefforçoit de faire à qui mieulx mieulx. Et pour clorre le pas, Le Roy feit son banquet apres les autres, & ordonna faire la feste dedans la Roquete du Chasteau, où les Princes, & les Cardinaulx, avec toutes les Dames de feste, qui là estoient, se trouuerent. Le Roy s'efforcea de festoyer les Dames, lesquelles pour luy complaire, feirent si bonne chiere, qu'elles beurent d'autant, & à toutes mains.

APRES soupper, les danſes veindrent en place, où le Roy mesmes voulut danſer, qui tres-bien s'enſçauoit aider. Toutesfois ne danſa guieres. Et comme feut dict, il danſa avec la Marquiſe de Mantoüe, belle Dame à merueilles. Et puis feit danſer les Princes & Seigneurs qui là estoient, voire les Cardinaulx de Narbonne, & de Sainct Seuerin, & aucuns autres, qui s'en acquieterent comme ils ſceurent.

APRES les danſes, le Roy pour donner nouveau plaisir aux Dames, enuoya querir ſes luiſteurs, Entre autres d'eux, Dont l'un estoit Breton, L'autre,

M m iij.

M.D.VII. estoit vn nommé Oliuier, des Gentils-hommes du *Milan*. Duc de Calabre, Lesquels estoient les meilleurs, & les plus forts luiçteurs, qu'on sceust trouuer nulle part. Et là deuant le Roy, & les Dames, se donnerent attrapes, trouffes, & grands saults. Tant d'autres plaisans deduiçts, & diuers esbats feurent là faiçts, que ce feut merueilles, & tout à l'honneur du Roy, & au plaisir des Dames, Desquelles les vnes bien marries de desemparer si tost, & les autres bien ioyeuses de la veüe de tant de belles choses, preindrent congé du Roy, & s'en allerent à leurs hostels, où lōgs iours apres teindrent entre elles paroles des dictes choses.

ENTRE ces bonnes chieres, & banquets, le Cardinal de Ferrare, Archeuesque de Milan, feit le sien dedans son logis de Milan, où feurent conuiez le Cardinal d'Amboise, de Narbonne, de Sainct Seuerin, de la Trimouille, & les autres, qui estoient lors à Milan, & là seruis & entretenus honnorablement. Et tantost apres ce, le Cardinal de la Trimouille feut griefuement malade, Et tant, que dedans huiçt iours apres il mourut. Dont plusieurs en parlerent, comme ils voulurent, sans dire pour rant que à ce banquet eust trop mangé de saulce. Mais toutesfois s'il eust esté seruy par la main de ses bons seruiteurs, mieulx à l'auanture s'en feust trouué. On dit volontiers, qu'il ne feust oncques si bonne feste, où il n'y eust quelqu'un mal diné.

● CHAPITRE XXXVI.

Comment le Roy Catholique Ferrand Roy d'Arragon, estant à Naples, manda au Roy qu'il s'en vouloit aller en son dict pays d'Arragon, Et que tres-volontiers le verroit en passant, s'il estoit son plaisir.



LE CATHOLIQUE Roy Ferrád d'Arragon, estant lors en son Royaume de Naples, avec sa femme Anne Germaine de Foix, niépce du Roy, sçaichant tout au vray les honorables victoires obtenues par le Roy, & les louables triumphes, dit que il s'en vouloit aller en son pays d'Espagne, & qu'il s'en iroit par mer où luy falloit passer par le plus court, & assez pres des pays du Roy en mer. Sur quoy aduisa, & se delibera de veoir le Roy à la passe'e, non seulement pour l'enuie qu'il auoit de le veoir, mais pour craincte qu'il auoit de sa puissance, qui lors occupoit la mer, & la terre, par où il luy falloit passer. Parquoy luy enuoya messaiges au dict lieu de Milan, & lettres contenans, commét il estoit sur son partement, pour s'en aller en ses pays d'Espagne, Et qu'il desiroit sur tout à le veoir, & parler à luy à Gennes, ou à Sauonne, ou en quelque autre lieu qu'il luy plairoit. De quoy le Roy feut tres-

M.D.VII. ioyeux, disant aux dictz messaigers, que s'il venoit,
Milan. qu'il fessayeroit de le recueillir honnorablement, &
le traicter à plaisir, & que le tres-bien feust-il venu.
Et au surplus penseroit le lieu plus à main, & pour
l'aïse du dict Roy d'Arragon, Ce qu'il feir, Cōcluant
que à Sauonne, ville sur port de mer, de la Seigneu-
rie de Gennes, le receuroit, & que là parleroient en-
semble. Et dès lors enuoya Gaston, Comte de Foix,
frere de la Roïne d'Arragon, Avec luy Iames, l'In-
fant de Foix, & autres Seigneurs de France, pour al-
ler au deuant du dict Roy d'Arragon, & accompa-
igner le Comte de Foix, Auquel dit le Roy, Allez
vous embarquer à Sauonne, & prenez galleres, &
brigandins, pour vous mener iusques là, où sera le
Roy d'Arragon, Et luy dictes que au dict lieu de Sa-
uonne me trouuera, lors que ie sçauray sa venuë, &
me mandez incontinent par vos cursoires toutes
nouuelles, & le plustost que pourrez. Ce dict, le
Comte de Foix, & ses gens, s'en allerent embarquer,
& se meirent sur mer, tirans vers le chemin où pen-
soient passer le Roy d'Arragon. Apres qu'ils eurent
nauigué deux iournées, le Comte de Foix, qui estoit
bien ieune, & n'auoit accoustumé la marine, se fen-
tit malade de fiebures. Parquoy fallut prendre terre,
& se reposer quelque temps. Et cependant enuoya
cursoires en mer, pour sçauoir si le dict Roy d'Arra-
gon estoit prest. Lesquels sceurēt que tantost mon-
teroit en mer, & que vers la feste de Saint Iean Ba-
ptiste, seroit à Sauonne, où le Roy luy auoit ja man-
dé qu'il se trouueroit.

LE

LE ROY enuoya aussi à Sauonne vn des Ma- M.D.VII.
reschaux delogis, nommé Antoine de Pierrepont, *Milan.*
dict d'Arizolles, avec partie des fourriers, Auquel
commanda expressément loger le dict Roy d'Arra-
gon, dedans son Chasteau de Sauonne, où auoit
tres-beau logis, & fort, assis sur la mer d'un costé, &
d'autre, auoit le Domme, & la ville, auquel failloit
monter par vne droicte montée, & assez haulte.
Aussi voulut que les gens du dict Roy d'Arragon,
feussent mieulx logez que les siens propres. Et atten-
du que sans saufconduit, ostaiges, ne autre seureté,
que de sa bonne fiance, & vraye fidelité, il se mettoit
franchement entre ses mains, & en sa Seigneurie, &
danger, voulut, & ordonna qu'il feut honoré, lo-
gé, & traicté, tout ainsi ou mieulx que sa personne.
Et à ceste cause transmeit à Sauonne deux de ses
Maistres d'Hostel, nommez l'un d'iceulx Iean Gue-
rin, Seigneur de Colombiers, & Messire Rigault
d'Oreille, Cheualier, Seigneur de Villeneuve, Aus-
quels commanda aller au dict lieu de Sauonne, pour
là faire le preparatoire & appareil de toutes choses
necessaires, pour recueillir, traicter, & festoyer le
dict Roy d'Arragon. Aussi enuoya avec les dictz
Maistres d'Hostel partie de ses Officiers, pour les ser-
uir en cest affaire, Lesquels feirent telle diligence,
que tout à coup eurent vins de Languedoc, de Cor-
se, de Prouence, & autres, à pleines caues, & celliers,
Et telle prouision de vollaile, comme poulets, pi-
geons, cailles, tourtres, & autre gibier, que en atten-
dant le dict Roy d'Arragon, plus de mille & cinq

N n

M.D.VII. cents pieces se perdirent , Combien qu'ils eussent *Milan.* grandes salles, & greniers, & autres lieux à ce propices, pour nourrir le dict gibier. Pareillement les Citadins de Sauonne, apprestèrent les choses necessaires, & ordōnerent leur affaire, pour receuoir le Roy, & le dict Roy d'Arragon. Disans que plus d'honneur, ne si haulte gloire sçauroient iamais auoir, que d'auoir dedans leur ville l'honneur des Roys terriens, & les plus puissants Princes du monde.

LE ROY des Romains, ennemy du Roy, & enuieux de sa prosperité, estoit lors aux Allemaignes, bien courroucé de la prise de Gennes, & fort dolent de la gloire des François, disant que encores s'il peut, leur donnera vn allarme. Et pour ce faire, feit à sçauoir à tous les Electeurs del'Empire, & à tous les tenus & subiects au Couronnement, qu'il estoit delibéré & prest de s'en aller à Rome, faire là couronner Empereur, En les sommant & requerant comme obligez & tenus à ce, de le vouloir accompagner & feruir. Et pour deliberer de la maniere de son voyage, & tenir sur ce conseil, manda les Princes, & aucuns Prelats des Allemaignes, & Seigneurs des Cantons, & Liges des Suisses, subiects au dict Couronnement, Lesquels assemblez, feurent prests de ouyr le propos, & entendre le vouloir du dict Roy des Romains, lequel dit en audience.

SEIGNEURS, & Amis, la cause pour quoy vous ay cy assemblez, touche plusieurs choses concernāt le profit du bien public, & l'honneur de nostre Imperiale Majesté. Vous sçauiez premierement com-

ment en toute la Chrestienté, n'ha que vn seul Em- M.D.VII.
pire temporel, que nos predecesseurs Princes Alle- Milan.
mands, ont longuement obtenu, & possédé, Lequel
Empire ne feut oncques vacant si longuement, que
de nos temps le voyez, Combien que par la voix
des Electeurs, & vouloir du peuple, i'en aye par la
grace de Dieu obtenu la plus part du tiltre, Et ne re-
ste seulemēt plus, que de m'en aller à Rome, là pren-
dre par les mains du Sainct Pere le Pape la Couron-
ne Imperiale, laquelle à l'aide de Dieu, & par vostre
bon secours, i'espere de brief aller prendre, & rece-
voir. Et apres assez à clair pouuez estre aduertis,
comme le Roy de France nostre ennemy, nous ha
par cy deuāt oultraigé. Et de fresche memoire, com-
bien que luy eussions mandé qu'il n'entreprinist sur-
prendre sur les droicts de la Seigneurie de nostre
Empire, toutesfois par armes, & à force, s'est emparé
de la forte Cité de Gennes, Chambre d'Empire, Et
icelle soubmise du tout à son obeissance, & reduicte
à son domaine, pris la foy, & serment de fidelité des
Seigneurs, & du peuple de Gennes, mis entre ses
mains toute la Seigneurie d'icelle, cancellé & annul-
lé ses statuts, & priuileges, cassé les coings de la mon-
noye, où nostre image est insculpte, & inscrite,
faict trancher testes à plusieurs, faict faire forteresses,
& Chasteaulx, & en somme la dicte Cité au grand
preiudice de nostre Empire, detenuë, & vsurpée. Et
encores fais doubte qu'il ne veuille du tout occup-
per les Itales, & nous contredire le couronnement
Imperial. Parquoy à ceste cause vous ay mandé, afin

Nn ij

M.D.VII. que chascun de vous, comme estes tenus, & obligez, me voulussiez donner sur ce conseil, confort, & aide.

LES PRINCES & Seigneurs de l'Empire, oyans le dire & proposé du Roy des Romains, dirent tous qu'ils estoient prests & appareillez de toute leur puissance le servir à ses despens, enuers tous, & contre tous, Et que si son argent estoit prest, que lors qu'il voudroit, auroit cinquante mille Allemans, ou plus, si besoin en auoit. Mais entre autres, les Seigneurs des Liges luy remonstrent, comment le Roy de France, & eulx, estoient confederez, & comment ils auoient eu souuent, & esperoient encores auoir grand nombre de ses deniers, au moyen des guerres qu'il auoit eu en Lombardie, & ailleurs de là les monts. Parquoy n'estoient deliberez de eulx declarer ses ennemis, ne de servir homme viuant contre luy, si ce n'estoit que au couronnement du Roy des Romains voulust contredire. Mais sur celle que celle, encontre tous autres seruiroient volontiers le dict Roy des Romains. Or bien, dit-il, soyez prests au nombre de dix mille, lors que ie vous manderay, pourueu que me veuilliez servir enuers tous, & contre tous. Les Seigneurs des Liges, & Cantons, apres ces dictes choses enuoyerent Ambassades deuers le Roy, pour luy dire & remonstrier comment ils estoient subiects à l'Empire, mesmement à servir l'Empereur au voyage de son Couronnement. Ce qu'il falloit qu'ils feissent, comme sommez & requis de ce faire. Mais si de sa part en vouloit auoir quel-

que nombre , que volontiers luy en bailleroient. M.D.VII.
Aufquels feit le Roy responce, que fils vouloient *Milan*.
seruir contre luy le Roy des Romains, de là en auant
se passeroit d'eulx, En maniere que iamais à sa paye
ne seroient, ne n'auroient gaiges de luy, Disant, l'ay
en mes pays de France assez hommes, pour me def-
fendre à l'aide de Dieu, du pouuoir du Roy des Ro-
mains, & de tous ses alliez. Sur laquelle respōcetein-
drent conseil les Seigneurs des Liges, & Cantons,
où alleguerent les aucuns, comment ils estoient te-
nus de seruir l'Empereur, mesmement au Couron-
nement. Les autres dirent que ils estoient tenus aussi
de seruir le Roy de France, par plusieurs raisons. Pre-
mierement, Car auoient alliance & confederation
auec luy. Secondement, Auoient aucuns d'eux gai-
ges & pensions de luy. Tiercement, que cent hom-
mes de leurs paystenoit tousiours à gaiges, & à la
garde de son corps, qui estoit à eulx moult grand
honneur, & profit. Quartement, que en si bonne
estime les auoit tousiours eu, & que à toutes ses
guerres tant en France, comme hors France, les auoit
eu à sa souldre, & à gros nôbre, Ce qui de moult auoit
enrichy & entretenu leurs pays. Et quant au regard
du Roy des Romains, oncques ne nous feit gai-
gner denier. Et si par auanture à ce besoin nous soul-
doye deux ou trois mois, ce sera tout ce que de luy
pourrons iamais auoir, & perdrons pensions, & gai-
ges, & souldes, & la bienueillance du Roy de Fran-
ce. Pource est le meilleur de dire au Roy des Ro-
mais, que volontiers le seruiron enuers tous, & con-

Nn iij,

M.D.VII. tre tous, referué contre le Roy de France. Et ainsi en-
Milan. uoyerent deuers le dict Roy des Romains, pour luy
dire le vouloir des Seigneurs des Ligues & Cantons
des Suisses. De quoy ne feut cōtent : mais autre cho-
se n'en feut, si n'est que iceulx Suisses feurent deuers
le Roy, luy dire que contre luy ne seruiroient le Roy
des Romains, mais estoient tous prests de le seruir,
comme auoient accoustumé.

VOYANT le Roy comment le Roy des Romains
s'apprestoit pour passer, disant qu'il passeroit par la
Duché de Milan, par force, & que moult grād nom-
bre auoit de genl'd'armes, comme se disoit, Car il
estoit bruit qu'il auoit dix mille cheuaux, & quaran-
te mille hommes de pied, tous prests à marcher. Ce
qui feit demeurer le Roy encores long temps delà
les monts, deliberant si le dict Roy des Romains
veult passer par force, de luy donner la bataille, &
luy garder le passaige, En maniere, que premier qu'il
le gaigne, coustera la vie de cent mille hommes ar-
mez. Et tant ne se fia au dire & secours des Suisses,
qu'il n'enuoyast en France querir dix mille hommes
de pied, & y trāsmeit le Capitaine Odet Desie, Guil-
laume de la Hite, & autres. Et manda à vn nommé
George de Durefort, cadet de Duras, & autres Capi-
taines en France, que à toute diligence luy amena-
sent dix mille Gascons, qui tantost apres le mande-
ment du Roy feurent prests, & mis à chemin.

CHAPITRE XXXVII.

*Comment le Roy partit de Milan, pour s'en aller
en Ast, & à Sauonne, où se debuoit
rendre le Roy d'Arragon.*

LE DIXIESME iour du mois de Iuin,
le Roy partit de Milan, Où de là s'en
alla disner à Binasque, dix milles
loing du dict lieu de Milan. De là
s'en alla droict à Lumel, à Valence, à
Felissant, & en Ast, où se reposa huiët iours, en at-
tendant nouuelles du Roy d'Arragon, qui encores
n'estoit sur mer.

LE ROY estant en Ast, voulant tousiours
pourueoir à ses affaires, manda venir par deuers
luy tous ses Capitaines de delà les monts, ausquels
dit, Vous sçauiez que ia long temps ha, que ie suis
de ça les monts, & les exploiëts d'armes que à l'ai-
de de Dieu nous auons faict sur nos ennemis, les-
quels sont comme sçauiez, soubmis à la raison, &
domptez en obeissance. Et en oultre comme il ha
esté bruit de la venuë du Roy des Romains, Ce que
ja long temps m'ha detenu de par deça, me cuidant
trouuer au deuant de luy. Mais est bon à sçauoir, veu
sa longue demeure, qu'il n'est prest à passer. Or à tou-
tes fins i'ay transmis querir dix mille hommes de
pied en France, & dix mille, ou plus, qui sont de par

M.D.VII. deça, avec quatorze cents hommes d'armes, mes
Ast. deux cents Gentils-hommes, & les deux cents Archers de Messire Jacques de Cressol, pour luy mettre en barbe, s'il en est besoin. Je m'en vois à Sauonne, là où le Roy d'Arragon se doit trouuer, comme il m'a mandé, Et là esté quelque temps, ie suis delibéré de m'en aller iusques à Lyon. Et afin que si le Roy des Romains marche, à sa venuë me puisse trouuer, & que on ne face doubte de mon retour, ie laisse icy mon escuyrie, mon harnois, mes Gentils-hommes, & archers, & tout mon sommaige, Esperant que s'il marche, d'estre icy six iours apres que i'en auray sceu vrayes nouuelles. Et au surplus vous veulx à tous prier & commander en tant comme ie puis, & que vous craignez à m'offenser, & desobeïr, que vous ayez à obeïr au commandement de Messire Charles d'Amboise, mon Lieutenant general, tout ainsi que à ma propre personne, & qu'il n'y ait faulte, Et en ce faisant congnoistrez au besoin, que vostre seruice sera par moy guerdonné, & vos biensfaicts recongneus. Ce propos ainsi finy, tous les Capitaines François luy promeirent tous à vne voix de ainsi le faire.

APRES CE, le Roy sceut par ses coureurs que le Roy Ferrand d'Arragon, estoit prest à partir de Naples, pour se rendre à Sauonne, comme entre eulx auoit ja esté ordonné, Et qu'il auroit avec luy la Royne sa femme, & grand nombre de Dames, & bien quatorze cents Gentils-hommes de ses gens. Sur quoy aduifa que dedans Sauonne auoit peu delogis, pour recueillir tout son train, & celui du dict
 Roy

Roy d'Arragon. Parquoy feit vn roolle de ses Gentils-hommes, & autres, à peu de nombre, lesquels ordonna aller avec luy, & laissa le surplus en Lastizanne, & en la Duché de Milá. Puis s'en partit d'Ast, & se mit à chemin, tirant droit à Sauonne, Où arriva le iour de la feste Saint Iean Baptiste. Et là trouua au dehors de la dicte ville les Seigneurs, & Citadins, les processions, & le populaire, pour le recueillir, & honorer. Lesquels le conuoyerent en bel ordre, tout le long d'une grande rue parée, iusques à la porte de son logis, qui estoit vn peu au dessous du Chasteau, le Domme entre d'eulx. Et estoit son dict logis la maison de l'Euesque de Sauonne, moult belle, & bien appropriée. Là dedans s'en entra, où trouua sa chambre toute dressée, & les Officiers de sa maison, pour le servir chascun en son Office. Temps feut de prendre rafraichissement, Car lors la chaleur estoit au dict lieu tant extrefme, que les plus legèrement vestus à peine la pouuoient supporter. Et avec cetant de petites mouches picquantes, comme aiguillons y couroiēt, que chascun en portoit la marque: Car la nuit sortoient des fentes, & trous des chambres des maisons, & ceulx qui là dormoient nuds, & descouverts, en estoient attaincts, & picquez, En maniere, que plusieurs en auoient corps, & visages, tous bossetez, & rougeollez: Mais en ceste pestilence ennuyeuse, chascun passa le temps, comme il peut, en chassant les mouches, lesquelles couroient mesmement, & le plus, à ceulx qui estoient logez pres la marine. A quoy tenir se sceut

O o

M.D.VII. bien le Roy mesmes, qui vers la dicte marine estoit
Sauonne. logé.

CHAPITRE XXXVIII.

*De la Venüe & Entrée du Roy d'Arragon, à
 Sauonne, Et du recueil, & traictement, que
 le Roy luy feit, Et de la familiarité
 qu'ils eurent ensemble.*

LE R o y Ferrand d'Arragon estoit ja party de Gayete, & monté en mer, pour s'en reuenir en Espaigne, & passer par *Sauonne*, comme auoit mandé au Roy. De quoy le Pape aduertty, s'en alla à Ostie, vn port de mer, terre d'Eglise, sur la passée du dict Roy d'Arragon. Et là feit faire grandes prouisions, & gros appareil, pour le cuider illec recueillir, & traicter. Mais sçaichant lors celuy Roy d'Arragon, que le Pape n'auoit eu à gré le voyage du Roy, à l'occasion de la prise de Gennes, dont estoit mal content, comme se disoit, pour ne donner occasion au Roy. de penser quelque chose, & aussi qu'il luy failloit passer par ses dangers, ne voulut parler à luy, ne descendre à Ostie, mais luy manda qu'il auoit haste de s'en aller, & le vent à gré pour ce faire, Parquoy ne pouuoit pour l'heure arrester. Et ainsi passa. oultre. Le Comte de Foix luy feut au deuant par mer, avec grande noblesse de France, qui luy dit nouuelles du Roy, &

comment il estoit ja à Sauonne, pour là le recueillir, M.D.VII. & festoyer. Dont faduancea, & fait cingler à pleines *Sauonne*. voilles, Tant, que bien tost feut oultre le haure de Gennes, & à la veuë de Sauonne. Et de là transmeit deuers le Roy vn nommé Iames d'Albion, pour l'aduertir de sa venue. Et aussi transmeit à Sauonne le Marechal de ses logis, avec ses pousantadours, qui sont ses fourriers, pour là marquer ses logis. Aufquels le Roy bailla vn nommé Antoine de Pierrepont, dict d'Arizoles, Marechal des logis, pour leur monstrier leurs cartiers, & les conduire par tout. Ce qu'il feut, & leur bailla leur cartier pres du Chasteau, où estoit ordonné le logis du Roy d'Arragon.

LE ROY sceut par le dict Dom Iames d'Albion, que le Roy d'Arragon estoit pres, & que à ce iour seroit à Sauonne. Dont feut le Roy bien ioyeux, & dit à celuy Dom Iames d'Albion, Puis qu'il plaist au Roy d'Arragon, vostre maistre, de me venir veoir en mes pays, ie mettray peine de le traicter à son vouloir, & de le recueillir ioyeusement. Et ce dict, luy transmeit au deuant Maistre Georges, Cardinal d'Amboise, les Cardinaulx de Narbonne, de Saint Seuerin, de Final, d'Alby, & de ses Princes, & Seigneurs, grosse route, Lesquels luy feurent au deuant trois lieues en mer, & là luy dirent, comment le Roy l'auoit ja attendu quatre iours, & que moult luy tarroit l'heure qu'il ne le veid. Aufquels feut le Roy d'Arragon ioyeuse chere, & bon recueil, disant, l'ay tant honorable loüange ouy du Roy de France, & par experience tant vertueuses œuures en luy con-

O o ij

M.D.VII. Sauonne. gneuës, que à ceste cause, raison m'ha meü d'entreprendre le venir iusques en ses pays veoir, honnorer, & visiter, desirât sur toutes choses luy faire compaignée fraternelle, & amiable, & prendre avec luy familiere congnoissance, & alliance perpetuelle. Et moy confiant de son nom Christianissime, & tres-excellente renommée, sans autre seureté que de sa seule fidelité, mettre entre ses mains, & en ses dangers, disant que plus grand heur, ne plus noble compaignée, ne pourroit au monde rencontrer.

CE DICT, feit nauiguer vers Sauonne, duquel lieu se pouuoient ja choisir & aduiser tout à clair les galleres, & fustes, qui estoient tenduës, & tapissées, Et auoient estandarts à mont. Pour veoir la venuë & arriüée du dict Roy d'Arragon, qui à voisle tenduë approchoit, chascun sortit de Sauonne, & preint place autour du moule, sur la marine, & sur les tours, & murailles de la ville, au droict de la venuë, en maniere que tout estoit plein de peuple.

A LA riue du moule, par où le Roy d'Arragon debuoit descendre, le Roy feit faire vn pont de bois, entrant en mer, enuiron de douze pas large, à passer trois hommes de front, faict à gardes, & assis sur pil-loris, & sur la fousseure couuert d'vn drap rouge, attaché à petits cloux, pour faire là aborder la gallere du Roy d'Arragon, & sortir par là de la mer, pour entrer en la ville. Et lors qu'il feut enuiron vn mille pres de la ville, le Roy, avec tous ses Princes, Gentils-hommes, & archers de sa garde, se trouua au bort du pont, Encontre lequel auoit vn hault bouleuart, où

ie avec plusieurs montay, pour veoir tout à clair la M.D.VII.
rencontre des Roys.

Sauonne.

OR EST à entendre, que dedans les fustes & galleres du Roy d'Arragon, n'auoit nuls cheuaux. Parquoy le Roy auoit faict la mener en main vne mulle richement harnachée, pour monter le dict Roy d'Arragon. Et auoit commandé aux autres de ses Princes, qui là estoient, & à ses autres Gentils-hommes, qu'ils eussent là mulles, & haquenées, pour bailler aux Gentils-hommes d'Espaigne, & porter en croupe les Dames de la Roynie d'Arragon, dont elle en auoit moult grand nombre richement accoustrées, & toutes à l'Espaignolle, combien que plusieurs d'icelles feussent Françoises.

EN CESTE maniere attendoit le Roy le Roy d'Arragon, qui tant approcha qu'il entra dedans le moule de Sauône, où auoit pour le Roy grosse routte de nauires armez, & artillez, lesquels commencerent à tirer artillerie, à toutes mains. Pareillement les galleres & fustes du Roy d'Arragon, feirent à l'entrer du dict moule telle meute d'artillerie, que on n'eust ouy là tonner. Le Capitaine Pregét le Bidoulx, avec ses quatre galleres, couuertes de fleurs de lys, & toutes ensemble, estoit entré dedans le moule, comme le Roy d'Arragon, Et là apres les autres fait descharger son artillerie, dont il auoit grosses couleurnes à rouë, & canons serpentins, Tellement qu'il sembloit que tout basist. Des tours de la ville, & du Chasteau, pettoit artillerie comme tonnerre, Sur la marine, n'apparoissoit que feu, & fumée. Fin, plus

O o iij

M.D.VII. d'une heure continua ce bruit, tel que c'estoit chose *Sauonne.* espouventable à ouyr, & merueilleuse à veoir. Aussi estoient là trompetes, & hauts bois, qui souffloient sans cesser.

CEPENDANT le Roy d'Arragon feit mettre de fil ses galleres, & la sienne en laquelle il estoit, tirer deuant, Laquelle estoit toute couuerte, & parée de draps, de la couleur, & liurée du Roy, c'est à sçauoir de iaune, & rouge. Et tous les matelots & rameurs vestus de iaune, & rouge, avec cappettes de mesmes. Ses autres galleres, & fustes, estoient richement accoustrées, & parées de mesmes. Quoy plus? Le Roy d'Arragon feit adresser sa gallerie droict au pont, où le Roy estoit, Lequel lors qu'il veid approcher la gallerie du Roy d'Arragon, comme d'un demy iect de pierre pres, descendit de sa mulle, & s'en alla sur le pont, où ja abordoit la gallerie, & si pres, que l'escale de la dicte gallerie, premier que le Roy feut au bord du dict pont, feut dessus auale. Ce faict, le Roy marcha celle part, & s'en entra dedans la dicte gallerie, Auecluy deux de ses gens seulement, C'est à sçauoir, Messire Charles d'Amboise, son Lieutenant de là les monts, & grand Maistre de France, lequel feut entrer dedans, & Messire Galeas de Saint Seuerin, grand Escuyer de France, lequel entra apres luy.

LE ROY d'Arragon feut aupres du bord de l'escale, Lequel tout en l'heure que le Roy feut entré, meit le bonnet au poing, & le genoüil en terre, & le Roy apres, en eulx embrassant assez longuement. Ce faict, le Roy feut bailler les clefs de la ville au Roy

d'Arragon, lequel les receut amiablement, & puis M.D.VII. les feit retourner entre les mains du Roy. Lequel dit *Sauonne.* au Roy d'Arragon, Allez vous en deuant, le m'en veois amener la Royne, Laquelle feut là presentée au Roy par le Cardinal d'Amboise, Et icelle le genoüil en terre, feit la reuerence au Roy, Lequel aussi la baïsa, & la preint par la main, pour la emmener. Cependant le Roy d'Arragon, & le Cardinal d'Amboise, viz à viz de luy, cheminerent le pont. Le Roy d'Arragon descendit le pont, où là atouchant luy feut presentée la mulle, que le Roy luy auoit ordonné, sur laquelle il monta, & attendit là à venir le Roy, qui amena la Royne sa niepce, iusques sur le pont. Puis se meit deuant, & dit de loing au Roy d'Arragon, qui l'attendoit, Marchez, marchez, le meneray la Royne apres. Ce que ne voulut le Roy d'Arragon, mais le bonnet au poing disoit, qu'il n'iroit point. Et tandis le Roy monta sur sa mulle, & feit monter derriere luy la Royne, Puis dit au Roy d'Arragon, Allez deuant, Car la coustume de France n'est pas que les femmes tiennent le rang de leurs maris. Et adonc se meit deuant, iusques à l'entrée du portail de la ville, pres du dict pont de vingt pas, ou enuiron.

A L'ENTREE du dict portail feurent les Seigneurs de la ville, tenans vn large poisse, sous lequel se meirent les Roys, & la Royne d'Arragon. Le Cardinal d'Amboise, & Gonsalles Ferrande, Duc de Terrenoue, marchoiēt les premiers apres les Roys. D'autres Princes estoient là du party du Roy, le Duc d'Alençon, le Duc de Bourbon, le Duc de Longue-

M.D.VII. uille, le Duc d'Albanie, le Comte de Foix, le Comte *Sauonne.* de Vendosme, le Marquis de Mantouë, le Marquis de Montferrat, & d'autres grande Baronnie, avec les Cardinaulx susdicts. Avec le Roy d'Arragon estoiet des principaulx, Gonsales Ferrande, Duc de Terrenoue en Calabre, le Duc de Villeformose, le Comte d'Arande, le Marquis de Suye, Dom Iean d'Arragon, Dom Ferrand de Toledé, Dom Antoine de Cardonne, fils du Duc de Cardonne, le Comte de Capache, dict Villemarin, Capitaine de toutes les galleres du Roy d'Arragon, & grand nombre d'autres Seigneurs, & Gentils-hommes Espaignols, lesquels eurent là cheuaux tous prests, pour les mener iusques à leur logis. Aussi feurent montées toutes les Dames en crouppe, & menées par les François iusques au Chasteau.

DE PUIS l'entrée de la porte de la ville, iusques à l'entrée du dict Chasteau, aux deux costez de la rue tenduë, estoient les archers de la garde, & les Allemans du Roy, tous en ordre, & à pied, la hallebarde au poing, Entre lesquels passerent les Roys. Ce que entre autres choses regarda volontiers le Roy d'Arragon, & ses Espaignols.

TOUTE ceste rue estoit tenduë, & couuerte de verdure, Et en approchant du Chasteau, auoit au trauers de la dicté rue vn arceau de verdure, où auoit en escript ces mectres.

QVIS me felicem, quis me neget esse beatam?

Ecce habeo Regum lata Sauona decus.

QVI veult nier que en tout heurie n'abonde,

Quand

Quand en moy est l'honneur des Roys du môde. M.D.VII.

LE ROY donc en la maniere susdicte cōuoya le *Sauonne*. Roy d'Arragon, iusques au dedans du Chasteau. Et eulx descendus de cheual, le mena iusques en la salle, Et puis conduisit la Royne iusques en sa chambre. Et apres quelques ioyeulx propos tenus entre eulx, le Roy auec ses gens s'en alla à son logis, Et chascun des autres se retirerent en case.

ET N'EST à oublier que le Roy d'Arragon voulant monstrier la grande seureté, & singuliere fiance qu'il auoit du Roy, ne voulut manger d'autres viandes, que de celles qu'il luy auoit faict apprestier, sans vouloir estre seruy, que par la main des Officiers du Roy, & en sa vaisselle, Dont il y en eut d'or à grande quantité, & d'argent à places couuerres. Aussi pour la personne, & pour la Royne, ne voulut auoir autres liëts, ne dormir ailleurs, que dedans les liëts de camp, & le linge, que le Roy auoit faict apprestier pour eulx au Chasteau.

CE SOIR, les Roys soupperent chascun à son logis, L'un, & l'autre, seruis d'une sorte de vin, de pareilles viandes, & par mesmes Officiers, C'est à sçauoir par les Officiers du Roy, qui meirent extresme diligence, & toute cure, pour bien seruir, & honnorablement traicter le Roy d'Arragon, Car ainsi le vouloir le Roy.

APRES soupper, les varlets de chambre du Roy feurent dresser la chambre, & parer le liëct du Roy d'Arragon, lequel ne voulut que aucuns des siens y touchassent, ains premier que nul des dicts Officiers

P p

M.D.VII. du Roy fortiffent de la chambre, voulut estre couché. Et ce faict, chascun se retira.

AV DEDANS du Chasteau, & tout au tour de la chambre du Roy d'Arragon, estoient les Princes d'Espaigne qui là estoient, comme Gonfales Ferrande, Duc de Terrenoue, & sa femme, le Duc de Villeformose, le Comte d'Arande, le Marquis de Suye, & aucuns autres, Pour lesquels, les Princes & Seigneurs de France, auoient là faict porter & dresser de leurs liets de camp, ce qu'il y en failloit, Et aussi pour les Dames de la Roïne. Tât que chascun feut illec aussi bien couché, ou mieulx par auanture, qu'il n'eust esté en sa propre case.

LE ROY tantost apres soupper, voulut reposer, comme celuy qui tout le iourn n'auoit eu passer temps que de presse, & de bruit, dont estoit tout ennuyé, & fatigué, Parquoy se meit au liect, pour prendre repos.

LES SEIGNEURS, & autres Gentils-hommes Espaignols, qui estoient logez par la ville, trouuerent leurs chambres tenduës, & liets de camp dressés, que les François leur auoient là faict apprestez, & le banquet par tout, Où Messire Iacques de Chabannes, Seigneur de la Palice, & plusieurs des Capitaines François, & autres Gents-hommes de la maison, & des pensionnaires du Roy, se trouuerēt pour accueillir, traicter, & festoyer les Espaignols, Combien que peu de temps deuant ce eussent entre eulx eu mortelle guerre, & à la defortune des François. Mais d'autre chose n'estoit lors nouuelles, que de bien festoyer les dicts Espaignols. Aussi estoit-ce le

plaisir du Roy, & courtoisie des siens. De quoy les M.D.VII. diëts Espaignols de ce resiouys, & contents, s'esmer- *Sauonne.* ueillerent, En recommandant de moult la mode liberale de France.

LE CARDINAL de Sainte Praxede, Legat lors en Lombardie, estoit à Sauonne, Lequel delibera le lendemain, iour de la feste Saint Pierre, & Saint Paul, de chanter Messe en note au grand Domme de Sauonne, Pour l'honneur du Prince des Apostres, duquel estoit la grande solemnité, Et des deux plus grands Roys de la Chrestienté, qui là estoient presens. Et pour ce au matin, sur le poinct de huit heures, avec plusieurs des autres Cardinaulx, qui là estoient, & tout plein d'Euesques, & autres Prelats, feut prest à dire la Messe, A laquelle se voulurent ensemble trouuer les Roys.

LE ROY d'Arragon, sçaichant que le Roy vouloit aller à ceste Messe, luy voulut tenir compaignée, Et luy avec grand nombre des Princes, & Seigneurs d'Espaigne, descendir du Chasteau, & s'en alla au logis du Roy, qui ja estoit prest, & l'attendoit pour aller à l'Eglise. Les archers de la garde, & les Allemans, estoient arrangez à deux rangs, depuis la porte de la chambre du Roy, iusques deuant le grád autel du Domme, pour là faire faire place, & departir la presse, qui estoit moult grande. Les deux Roys feurent ensemble, par l'espace d'une bonne heure, ou vn peu plus, Et là parlerent de toute ioyeuseté.

ET LORS qu'il feut temps d'aller à la Messe, le Roy voyant la franchise, & liberalité du Roy d'Ar-

P p ij

M.D.VII. ragon, qui sans autres ostages, que de la seule fiance *Sauonne.* qu'il auoit en luy, s'estoit ainsi mis entre ses mains, se delibera luy faire tout l'honneur qu'il pourroit. Et luy dit qu'il se meit deuant, Lequel ne voulut, disant qu'il ne luy appartenoit, & qu'il n'iroit point. Et voyant le Roy qu'il ne vouloit marcher, dit derechef, Marchez deuant; Car si i'estoye chez vous, & en vos pays, sçachez que ie feroye ce de quoy me prieriez, Et pour ce qu'estes en mes pays, vous en ferez ainsi. Car ie le veulx, Et si vous en prie. Et ce dict, le Roy d'Arragon se meit deuant, & le Roy apres.

A L'ISSVE de la porte du logis du Roy, à luy se veint presenter vn nommé Miquel Pastor, Catelan, Capitaine de quatre galleres, que le Roy d'Arragon auoit transmises au Roy à Gennes, Lequel Pastor demanda Cheualerie au Roy, & qu'il luy pleust le faire Cheualier de sa main, Ce qu'il feit volontiers, en luy baillant l'accollée, au nom du bon Cheualier Sainct George. Et ce faiët, là feut vn fol, qui estoit au Roy d'Arragon, lequel commença à crier à pleine teste, ô Seigneur Miquel Pastor, le tres-heureulx, qui es ores faiët Cheualier de la main du plus noble, & du plus grand Roy de tout le monde.

TOUT cela faiët, les Roys cheminerent vers l'Eglise, A leur queuë grand suite de Princes, & Prelats. Ainsi cheminerent iusques à la porte de la dicté Eglise, & là se preindrent les deux Roys par les mains. Le Roy d'Arragon à la haulte main. Et cheminerent iusques deuant le grand autel, Où auoit deux chaires parées, Desquelles l'vne estoit pour le Roy, & l'au-

tre, pour le Roy d'Arragon, atouchant l'une de l'autre, & d'une mesme haulteur. Et au deuant des dictes chaires, vn banc couuert de drap d'or, de la haulteur du siege des dictes chaires, ou vn peu plus hault, pour là dessus appuyer les Roys, & eulx agenouïller deuant. Et estoient assises icelles chaires sur main dextre, en montant au dict grand autel. A main fenestre, auoit vne autre chaire plus haulte, viz à viz de celle des Roys, ordonnée pour le Legat, Cardinal de Sainte Praxede.

LES ROYS feurent en leurs chaires, & la Messe commencée par les Chantres du Roy d'Arragon, & aulcuns de ceulx du Roy, qui là n'auoit mené tous les Chantres de sa Chappelle, pour la presse. Or fen alla le dict Cardinal de Sainte Praxede en ses Pontificaux habits, deuant le grand autel, Où illec tout environné de Prelats, feit l'introïte de la Messe, Et puis se retira en sa chaire, tournant la face vers les Roys. Et là tout assis, chanta la Messe, iusques au *Per omnia*.

DV COSTÉ des Roys, feut mis vn grand banc de long, entre le grand autel, & les chaires, Où feurent assis premieremēt & au plus hault Charles, Duc d'Alençon, apres Gonsales Ferrande, Puis le Comte de Vendosme, Francisque de Gonsago, Marquis de Mantouë, Jean Guillaume, Marquis de Montferrat, & quelques autres Seigneurs d'Espaigne. De l'autre costé, estoient assis sur vn autre banc, les Cardinaulx d'Amboise, de Narbonne, de Saint Seuerin, de Final, de Bayeux, & d'Alby, avec tout plein d'Archeuesques, & Euesques, qui estoient là tous droicts.

Pp iij.

M.D.VII. Tout auprès du Roy estoit debout François d'Orléans, Duc de Longueville, Lequel estoit au derriere de la chaire, appuyé tout encontre. Aussi estoient là tout au tour Iean Stuart, Duc d'Albanie, Louys d'Orléans, Marquis de Rothelin, Messire Charles d'Amboise, grand Maître de France, le Seigneur Iean Iourdain, Iacques de Bourbó, Comte de Roussillon, Messire Iacques de Chabannes, Seigneur de la Palice, & tous ses Chambellans, avec grand nombre de Gentils-hommes, & pensionnaires. Au tour du Roy d'Arragon, estoient aussi grand nombre de Princes, & Seigneurs d'Espagne. C'estoit à bien le prendre, vne assemblée digne d'admiration, & de triomphe souuerain.

QUE FEUT ce, l'Euangile de la Messe feut dict par vn Euesque, qui faisoit le Diacre, Lequel apres ce preint le liure ouuert, au droict de l'Euangile, Et le porta aux Roys qui estoient appuyez sur le banc, & ioignant l'un de l'autre. Et premierement presenta l'Euangile à baiser au Roy, Lequel l'adressa au Roy d'Arragon, qui aussi le refusa. Et ce voyant l'Euesque, arresta le liure ouuert entre eulx deux, Lesquels tout à la fois baisèrent l'Euangile, l'un, d'un costé, & l'autre, de l'autre.

LA PAIX feut pareillement portée aux Roys, par le dict Euesque, Lequel aussi la presenta premierement au Roy. Mais en feut fait comme de l'Euangile, Car tous deux à la fois la baisèrent au pied, qui estoit vne croix, Ayant le bas en la façon & largeur d'un pied de calice.

LA MESSE dicte, la benediction feut donnée M.D.VII. par le dict Cardinal de Sainte Praxede, qui auoit là *Sauonne*. toute puissance du Pape, A laquelle les Roys, & toute la Seigneurie, plierent les genoüils, & ioignirent les mains.

ET APRES la benediction donnée, le Cardinal d'Amboise se leua, & approcha les Roys, En leur disant qu'il falloit aller à l'autel, pour auoir le baiser de la paix, Lesquels se meirent à marcher vers l'autel. Et le Cardinal de Sainte Praxede, aduancea le pas vers eulx, pour leur donner *osculum pacis*. Et là eut refus à l'honneur d'un costé, & d'autre. Mais le Roy sçachant l'honneur estre reciproque, & retourner à qui le faict, & comme estant chez luy, voulut tousiours faire l'honneur au Roy d'Arragon, Parquoy fait signe au dict Cardinal qu'il s'adressast premier à luy. Ce qu'il feit, puis au Roy. Ce qui sembloit à plusieurs preiudicier à l'honneur de France, disans que la preeminence d'honneur sur tous les Roys Chresties, appartient au Roy de France, Comme au plus noble des humains, Et qui entre autres est dict seul, & intitulé par prerogatiue & excellence, le Roy Christianissime. Mais d'aucune chose ne peut preiudicier au Roy l'honneur, par luy faict à autrui liberalement, & non accepté par auctorité. Comme feit tousiours le Roy d'Arragon, qui à tous honneurs, refusa l'aduantage premier quel'accepter. Sçachant aussi que par le Maistre des ceremonies à Rome, sur & deuant tous autres Roys Chrestiens, le Roy de France est le premier aux honneurs.

M.D.VII. P O V R entrer en propos, apres la Messe diète, les *Sauonne*. Roys s'en allerēt ensemble, comme deuant. Et à l'issue du Domme monterent sur leurs mules, & tirent vers le logis du Roy, iusques deuant la porte, Où illec se departirent. Le Roy s'en entra en son logis, & le Roy d'Arragon s'en alla dîner au Chasteau.

A P R E S que les Roys eurent dîné chascun à son logis, Lesquels encores n'auoient ensemble tenu propos, que de ioyeux passetemps, pour dire de plus, sur le poinct de douze heures du matin, le Roy accompagné d'aucuns de ses Princes, & du Cardinal d'Amboise, s'en alla au Chasteau, veoir le Roy d'Arragon, Lequel luy veint à bas au deuant. Et eulx ensemble remonterent, & parlerent en chambre, touchant aucunes choses secretes entre eulx. Pour lesquelles communiquer, & deduire, & que l'affaire d'entre eulx requeroit quelque peu de prolixité de langage, le Roy voulut que le Cardinal d'Amboise, en qui se fioit de moult, eust ceste charge à mener, & à traicter en son lieu, avec le Roy d'Arragon, de la menée entre eulx entreprise. Et pource le dict Roy d'Arragon, & le Cardinal d'Amboise, se retirèrent dedans vne chambre à part. Et là feurent eulx deux ensemble, par l'espace de trois grosses heures, ou plus. Et ie qui lors estoie là dedans vne salle, avec plusieurs, & pres de la porte de la chambre, où se tenoit ce conseil, combié que i'eusse bonne enuie de sçauoir du traicté quelque chose, toutesfois ce feut pour moy vn secret escript en lettres fermées, & vn conseil celebré à porte close. Mais l'opinion

pinion de chascun estoit, que là se traictoit quelque M.D.VII. amour fraternelle, perdurable paix, & seure allian- *Sauonne.* ce. Que feut ce, le dict Roy d'Arragon, & le dict Cardinal d'Amboise, apres leur conclusion faicte, sortirent de la chambre, & s'en allerent en la chambre où estoit le Roy, lequel aduertirent de tout ce qu'ils auoient traicté, & conclud. Et là feirent les deux Roys entre eulx les promesses qu'ils voulurent, & parlerent en secret, Et premierement de leurs affaires.

ET APRES CE, le Roy feut deuifer avec la Roynne d'Arragon, sa niepce, laquelle puis en emmena soupper à son logis, avec grand nombre de ses Dames, & des Seigneurs d'Espagne, pour la conuoyer. Laquelle apres soupper remmena iusques au Chasteau. Et là parlerent luy, & le Roy d'Arragon, assez long temps. Puis s'en retourna à son logis, où le dict Roy d'Arragon le voulut reconduire, mais ne le voulut souffrir.

TANTOST que le Roy feut retourné à son logis, les Capitaines des gardes feurent avec les quatre cents archers, & les cent Allemans, deuant, & tout au tour du logis du Roy. Et là asseirent leurs guets, où toutes les gardes estoient tousiours. Ce que le Roy d'Arragon, & les Seigneurs d'Espagne, regardoient volontiers. Et se mettoient aux creneaulx du Chasteau, tous les soirs, pour veoir de là asseoir le guet. Ce qu'il faisoit beau à regarder, Car selon commun dire, il n'y auoit Prince en toute Chrestienté, qui eust telle garde, & si bien ordonnée.

M.D.VII. NOUVELLES veindrent lors au Roy, que la *Sauonne*. Royne estoit grosse, Lesquelles nouvelles apporta vn nommé Messire Iean le Roux, Seigneur de la Tour, des Gentils-hommes de la Royne, Auquel le Roy feit tres-ioyeuse chere. Et feit publier les nouvelles par tous ses pays de delà les monts, dont furent faicts par tout les feux de ioye.

LA ROYNE qui lors estoit à Grenoble au Dauphiné, d'heure en heure auoit nouvelles du Roy, & si grande enuie de le veoir, que à toute heure luy escripuoit qu'il s'en retournast en France. Et aussi Madame Claude luy prioit par tous messaigers, qu'il s'en reueint en ses pays. Parquoy luy tardoit qu'il n'estoit à chemin, disant que tout en l'heure que le Roy d'Arragon seroit deslogé, que sans sejour se mettroit en voye.

P O U R continuer propos doncques, le lendemain de la feste Sainct Pierre, & Sainct Paul, qui feut
30. Iuin. le dernier iour du mois de Iuin, les Roys ouyrent Messe à part, & disnerent chascun à son logis.

E T A P R E S disner, le Roy auec grosse suite de Seigneurie de France, feut veoir le Roy d'Arragõ au Chasteau, Où là deuiserent longuement ensemble.

P U I S, la Royne, & ses Dames feurent en place pour danser. Les Roys danserent chascun son tour. Et puis les Princes estàs là presens, & autres Gentils-hommes François & Espaignols, renforçerent les danfes. Là menerent les Roys, & autres de leur suite, tres-ioyeuse vie, & plaissant passetemps, qui dura iusques sur l'heure de vespres.

ET LORS qu'il feut temps de soupper, le Roy M.D.VII. en emmena à son logis le Roy & la Royne d'Arra-*Sauonne.* gon, pour soupper avec luy. Et lors que tables furent couuertes, les Roys, & la Royne, lauerent ensemble, & apres feut baillé à lauer à Gonsales Ferrande. L'assiete feut telle, que le Roy feut mettre à l'honneur le Roy d'Arragon. Puis se assiet apres, & la Royne en ensuiuant. Et au bas bout du banc, feut assieoir Gonsales Ferrande. Aupres du banc, où estoient assis les Roys, & Gonsales, & du costé du bas bout, feut mis vn autre banc, & vne petite table, Et là feut assise vne Dame d'Espaigne, Dame d'honneur de la Royne. Durant le soupper, feurent là tenus maints & plaisans propos, & deuisé de choses ioyeuses, Et les Roys tres-hautement seruis, car chascun mettoit diligence à ce faire. Apres soupper l'eauë feut apportée pour lauer les mains. Si se lauerent les Roys, & la Royne ensemble. Et puis feut baillé à lauer au dict Gonsales Ferrade, qui tenoit grosse grauité. Or feurent les Roys à deuiser là long temps, Et apres fortirent du banc, où tousiours auoit demeuré le dict Gonsales, quand & eulx.

LE ROY d'Arragon s'enquit lors où estoit Messire Berault Stuart, Seigneur d'Aubigny, disant qu'il le verroit volontiers, pour ce qu'il le congnoissoit moult bon Cheualier, & saige, Et que autresfois l'auoit veu en Espaigne, & en Grenade, à son secours contre les Maures, & là faire maintes proüesses, Dôt auoit grand enuie de le veoir. Lequel Seigneur d'Aubigny, estoit en la ville malade de goutte à son logis.

Qq ij

M.D.VII. De quoy feut aduertty le Roy d'Arragon, lequel dit,
Sa Monne. Et vrayement puis qu'il est malade, & qu'il ne peut
venir icy, ie l'iray veoir iusques à son logis. Or allez,
dit le Roy, & cependant ie meneray la Roynes à l'es-
bat. Et dit à Messire Gabriel de la Chastre, Allez avec
vos cent archers conduire le Roy d'Arragon, iusques
au logis de Monseigneur d'Aubigny. Et ce dict, le
Roy d'Arragon, & Gonfales Ferrande, avec grosse
suite de Baronnie d'Espaigne, & de France, & Mes-
sire Gabriel de la Chastre, avec ses cent archers, pour
le conduire, s'en alla droit au logis du Seigneur
d'Aubigny, Lequel estoit tant pris de goute, qu'il ne
se pouuoit leuer, sans aide. Et lors qu'il sceut que le
Roy d'Arragon luy faisoit l'honneur, de le venir
veoir iusques à son logis, se fait leuer, & porter en
vne chaire, iusques à la porte de sa chambre, où le
Roy d'Arragon le trouua, comme il se faisoit porter
au deuant de luy, iusques dehors. Où si tost qu'il ap-
perceut le Roy d'Arragon, se fait mettre bas le ge-
noüil en terre, & dit, Ha Sire, Et comment pourray-
ie à suffire rendre graces à vostre Catholique Maje-
sté, d'auoir pour moy pris la peine à venir iusques
icy ? Quand ie plustost me debuoye à pieds, & à
mains, acheminer, que vous veoir prédre ce trauail.
Mais plaife vous sçauoir, Sire, quel'empeschement
de mon mal, (qui tant neme griefue, quel'ennuy de
vostre peine,) m'ha defendu la voye, & couppé le
chemin, & mis en l'estat, que chascun me peut veoir.
Toutesfois, Sire, pour le bon heur de vostre ioyeuse
visitation, mon mal est tout allegé, & moy tout sain,

ceme semble. Lors le Roy d'Arragon approcha le M.D.VII.
 Seigneur d'Aubigny, & meit pied à terre, puis l'em- *Sauonne.*
 brassa, en luy faisant moult bonne chere, & ioyeux
 vifaige. Gonsales Ferrande pareillement, & les autres
 Seigneurs d'Espaigne, qui là estoient, luy feirent
 grand honneur. Et puis le Roy d'Arragon le feit re-
 tourner en sa chambre, & remettre au liect, où l'asseit
 aupres de luy. Là feut apporté la collation, où beu-
 rent ensemble, & ceulx qui là feurent presens. Le
 Roy d'Arragon, & le Seigneur d'Aubigny, deuise-
 rent longuement, en parlant de leurs vieilles guer-
 res de Grenade, & de plusieurs autres bons propos,
 & ioyeuses choses. Et ce faict, le dict Roy d'Arragon
 dit à Dieu au dict Seigneur d'Aubigny, & s'en re-
 tourna au Chasteau. Les archers du Roy à pied, au-
 tour de luy, & Messire Gabriel de la Chastre, Au-
 quel parla tout le lóg de la ruë, iusques au Chasteau.
 Et luy demanda du faict & de l'estat des gardes du
 Roy, & de ses Gentils-hommes, qu'il reputoit à
 grande chose, & triomphale ordonnance.

TANDIS que le Roy d'Arragon feut au logis du
 Seigneur d'Aubigny, le Roy auoit mené la Royne
 d'Arragon, sur la marine, à l'esbat, Où des nauires &
 galleres de France, & d'Espaigne, qui là estoient,
 feurent tirez coups d'artillerie à l'enuy. Et là dedans
 les matelots se ietterent d'amont en bas, & donne-
 rent au Roy diuers passetemps. Et puis le Roy, qui
 auoit la Royne d'Arragon en croupe derriere luy,
 l'en remmena au Chasteau, où ja estoit le Roy d'Ar-
 ragon, qui se trouua en la basse court, au deuant du

Qq iij.

M.D.VII. Roy.. Et là feirent collation, & parlerent quelque *Sauonne*. temps ensemble, puis chascun se retira.

D E D A N S les galleres du Roy d'Arragon, estoient lors plusieurs François, tenus par force, Lesquels auoient esté pris durant le temps des guerres de Naples, & mis en gallere. Dont les aucuns furent congneus, & leur cas remonsté au Roy, qui les demanda au dict Roy d'Arragon, Lequel les promet faire deliurer, Ce qu'il feit depuis.

A P R E S que le Roy, & le Roy d'Arragon, furent departis du Chasteau, comme i'ay dict, le Roy d'Arragon transmeit à Gaston, Comte de Foix, son beau frere, deux colliers d'or, iusques à son logis, avec vne rapiere, & la ceinture, pour mettre en escharpe, Le tout riche à merueilles. Car les deux chaines pesoient chascune mille escus, Desquelles l'une estoit faicte à quatre gros chainons doubles, & l'autre, à menu ouuraige, Laquelle pouuoit faire plusieurs tours autour du col, Et toutes garnies de riche pierrerie.

L O R S que le Roy feut retiré en sa chambre, les Capitaines des gardes asseirent leurs guets, tout au tour de sa chambre, & de son logis, En maniere qu'il se pouuoit dormir tout seurement.

A V S S I feut faict commandement de par le Roy, à la peine de grosse amande, par toute la ville de *Sauonne*, que incontinent le iour couché, chascun chief d'hostel, eut à mettre deuant sa fenestre sur la rue vne torche, ou chandelle ardant, iusques au iour, Afin que de nuit par les rues, n'y eust nulle brigue,

Et que nul ne peust aller, ne sortir en ruë, qui ne feust M.D.VII. congneu, & aduisé. Ce qui feut faict continuelle- *Sauonne.* ment, durant le temps, que le Roy d'Arragon feut au dict lieu de Sauonne. Et tellement que par la ville faisoit la nuit aussi clair, ou à peu pres, que le iour.

LA NEVT entre les François, & Espaignols, vne seule question, ne parole, que d'amitié. Aussi auoit faict le Roy defendre à tous François, à peine de la hart, de ne prendre debat, ne dire paroles iniurieuses aux dicts Espaignols, Et commandé que chascun meit peine de les bien traicter, & accueillir, Ce que chascun feit à son pouuoir.

LE PREMIER iour du mois de Iuillet, les Roys, *1. Iuillet.* apres leur Messe ouye, disnerent chascun à son logis. Et le vespre venu, le Roy, & la Royned'Arragõ, feurent soupper au logis du Roy, Où comme deuât meit le Roy d'Arragon à l'honneur, Combien que tousiours le refusast, le bonnet au poing, Mais ainsi le faillloit faire pour le mieulx. A ce soupper, feurent les Roys seruis par les Officiers du Roy, qui tres à point s'en acquitterent, comme coustumiers de ce faire. Viandes exquisés, & vins delicieulx feurent à largesse là mis en auant, & faict entre les Roys viepriuée, & familiere, & chiere ioyeuse, & amiable.

MESSIRE Charles d'Amboise, grand Maistre de France, & Lieutenant du Roy de là les monts, feit à celuy soir son banquet à Gonfales Ferrande, Où feurent plusieurs des autres Princes, & Seigneurs d'Espaigne. Pour lesquels festoyer, & entretenir, feurent là des François ceulx lesquels on estimoit plus

M.D.VII. solempnels , & gens de feste. Et entre autres y estoit *Sauonne*. Messire Iacques de Chabannes, Seigneur de la Palice, lequel estoit moult beau Cheualier, & grand, & l'un des plus hardis, & adroicts, & des mieulx estimez qu'on sceust, que plusieurs des Espaignols, qui là estoient, congneurēt bien, Car autresfois l'auoiēt veu en la Pouille, & en des lieux où plus le doubtoient à rencontrer, que au dict banquet, Où le dict Seigneur de la Palice, & les autres François, qui là estoient, mettoient toute diligence, à bien traicter & entretenir le dict Gonfals, & les autres Seigneurs d'Espagne. Aussi Messire Charles d'Amboise, qui faisoit le banquet, leur faisoit la meilleure chere, de quoy se pouuoit aduiser, & de l'honneur ce qu'il pouuoit. A toutes ces bonnes cheres, estoient Gentils-hommes ailtrez, pour caqueter à plaisir, & dire choses nouuelles, & plaisantes, Desquels estoient Messire Mery de Rochechouart, Seigneur de Mortemar, qui disoit merueilles, Messire Germain de Bonneual, Gouverneur de Limosin, le Seigneur de Ianlis, & tout plein d'autres Gentils-hommes, Lesquels à l'enuy dirent estranges nouuelles, & feirent nouveaulx comptes, & donnerent à iceulx Espaignols tant de diuers passetemps, que apres ce disoient que oncques n'auoient trouué meilleure compaignée, ne si plaisante.

OR EVRENT souppés les Roys, & la Roynne, Et apres s'en allerent dedans vn beau iardin là dedans, bien clos à grosses murailles crenellées, & fenestrées au bas, Par où l'on regardoit sur la mer, qui batoit de ce costé.

ce costé. Le Roy, & la Royne d'Arragon, sa niepce, M.D.VII. fassirent dedans leurs chaires, encontre vne des fenestres, qui regardoit en la mer, & là deuiferent long temps ensemble. Le Roy d'Arragon, & le Cardinal d'Amboise, estoient aussi assis sur leurs chaires, contre vne des autres fenestres, regardans sur mer, Lesquels pareillement deuiferent de plusieurs choses, & longuement. Où estoient assistés les Cardinaulx de Narbonne, de Saint Seuerin, de Final, & d'Alby, l'Archeuesque de Sens, l'Archeuesque d'Aix, l'Euesque de Paris, l'Euesque de Lodeue, l'Euesque de Marseille, l'Euesque de Cisteron, & d'autres Prelats, & Seigneurs d'Eglise, à grand nombre. Pareillement y estoient le Duc de Longueuille, le Duc d'Albanie, le Comte de Foix, le Comte de Vendosme, le Marquis de Mantoüe, le Marquis de Montferrat, Où aussi se trouuerent Gonfales Ferrade, Messire Charles d'Amboise, Messire Iacques de Chabannes, & tous les autres Espaignols, & François, qui auoient esté au bâquet, que auoit faict le dict Messire Charles d'Amboise. Et ainsi dedans celuy iardin feut là ioyeusement passé la serée, & plusieurs bons propos mis fus.

ET LORS qu'il feut heure de se retirer, le Roy dit au Roy d'Arragon, qu'il allast deuant, disant, Je meneray la Royne apres, Allez, dit-il, vous, & Monseigneur le Cardinal, Ce qu'il feut, Le dict Cardinal, main à main. Et le Roy preint la Royne d'Arragon, à la haulte main. Et dit à Gonfales, Prenez la Royne à l'autre costé, Seigneur Gonfales, Lequel le bonnet

R r

M.D.VII. au poing, & le genoüil bas approcha la Royne, & la *Sauonne.* preint à l'autre main, Et ainsi s'en allerent avec grande fuite de Noblesse, en marchant iusques hors la porte du logis. Là feurent mulles, & hacquenées prestes, pour monter les Roys, les Seigneurs, & les Dames, qui estoient là. Le Roy d'Arragon feut monté, & le Roy aussi, Lequel feit monter la Royne sa niepce, en croupe derriere luy. Les Dames de la Royne, & quelques autres des Princes, & Prelats, & autres Gentils-hommes, qui là feurent, monterent à cheual. Et ce faict, le Roy, & le Roy d'Arragon, tous deux de front, marcherent droit au Chasteau, & toute la Seigneurie apres. Et eulx montez à mont, s'arresterent au pied des degrez de l'eschelle, par où l'on môte en la salle du Chasteau, Où le Roy d'Arragon descendit de sa mulle, & luy mesmes aida à la Royne, sa femme, à descendre. Et puis osta son bonnet de dessus le chief, en remerciant le Roy de l'honneur, que à luy, & à la Royne, luy auoit pleu de faire.

QUELQVE peu de temps parlerent & deuiferent illec ensemble, & conclurent de tout leur affaire. Et comme feut dict, promeirent l'un à l'autre, de eulx secourir, & aider enuers tous, & contre tous. Tant que pour commencer, le Roy d'Arragon sçaichant que le Roy des Romains, se deliberoit de vouloir faire la guerre au Roy, & entrer en Lombardie, donna la charge à Gonfales Ferrandé, d'enuoyer à Naples querir six mille Espaignols, qu'il auoit là laissé, pour venir en Lombardie, au secours du Roy, si besoin en auoit.

AVSSI DIT le Roy d'Arragon au Roy, que le M.D.VII. lendemain, au vouloir de Dieu se mettroit sur mer, pour s'en aller en Espagne. De quoy le Roy aduertty, commanda à ses Maistres d'Hostel, qu'ils feissent aitailler de pain, de vins, & de chairs, toutes les galles & fustes du dict Roy d'Arragon, si à poinct, que ce feust pour le conduire, & deffrayer tout son train, iusques à ses pays. Et que par toute la ville de Sauonne, feussent tous les Espaignols aussi deffrayerz.

LE ROY reuenu à son logis, s'en alla prendre repos. Et chascun preint le chemin de son cartier, & se retira en case.

CHAPITRE XXXIX.

- *Des noms d'aucuns des Officiers de la Maison du Roy, lesquels se trouuerent, & seruirent à ce voyage.*



ANDIS QUE les Roys, que i'ay laissé en leurs chambres, reposerét, En continuant propos, Et à celle fin aussi que tous ceulx qui à cetres-heureux, & recommandable voyage de Gennes, ont à la guerre, & à la paix, accompagné, & seruy le Roy, ne soient par default de memoire, frustrez du loyer de l'honneur de l'affaire, Et que leurs biens-faicts ne soyent ores mescongneus, ne en l'aduenir

R r ij

M.D.VII. oubliez, Apres auoir faict recit des noms, & description des faicts de ceulx, que i'ay peu veoir à l'œil en besongne, & ouy le vray dire des vns sur l'affaire des autres, Pour parler de tout, ay voulu cy nommer des Officiers, & domestiques de la Maison du Roy, ceulx qui fensuiuent.

PREMIEREMENT de la Chappelle du Roy, Maistre René, Cardinal de Prye, Maistre de la dicte Chappelle, l'Euesque de Perigueux, Aumosnier du Roy, Frere Antoine de Furno, Confesseur du Roy, avec tous les Chappellains, & Chantres de sa dicte Chappelle.

LES Chambellans, François d'Orleans, Duc de Longueuille, Messire Louys de Haleuuin, Seigneur de Piennes, Messire Iean d'Amboise, Seigneur de Bucy, Messire Berault Stuart, Seigneur d'Aubigny, Messire François de Rochechouart, Seigneur de Champdenier, Messire Robinet de Frametzelles, le Seigneur du Bouchaige, le Seigneur du Couldray.

LES Maistres d'Hostel, Messire Charles d'Amboise, grand Maistre de France, Iean Guerin, Seigneur de Colombiers, Messire Rigault d'Oreille, Seigneur de Villeneuve, le Seigneur de Chasteaudreux, le Seigneur de Luppe, le Seigneur Sourdou, le Gouverneur de Couffy, Georges d'Aucy, le Seigneur de Beaumont, le Seigneur de Concreffault, Louys Herpin, le Seigneur de Brillac.

PANNETIERS, & varlets tranchans, René de Cossé, premier Pannetier, Messire Iean de Saints, Seigneur de Marigny, le Seigneur de Palluau, le

Bailly de Caen, le Seigneur d'Vrtebiz, & Brillac. M.D.VII.

LES varlets de châtre, Charles de Rochechouart, Seigneur de Mompiveau, premier varlet de Chambre, François de Crussol, Seigneur de Beaudisner, Pierre de Tardes, Groyot de la Baulme, Jean de la Loue, Maître Jacques le Chirurgien, Macé de Villebreme, Guillaume le Barbier, Perrinet, Tenor, Nantier, Riffart, Oudin de Mondouffet, Bigne, Maître Antoine Tauart, Guillemain de Marques, François Planchete, Andrieu de Paule, Maître de la Fourrière.

DE LA garderobbe, Guillaume Gaspard, Maître de la garderobbe, Symon Billou, Porte-manteau.

LES Medecins, Maître Salmon, Maître André.

MAISTRE Guillaume de Sauzay, Libraire du Roy.

LES Huissiers de salle, Allabre de Saulle, premier Huissier, Philippes de Pomperye, dict Popo, Guillaume Furet, Jean d'Orleans, Iannot.

LES Mareschaulx des logis, & les fourriers, Antoine de Pierrepont, dict d'Arizoles, & Pierre de Montalembert, Seigneur de Granzay, Mareschaulx des logis.

LES Fourriers, Jean de Fouille, Henry de Mauville, Bernard Pelleran, Guillaume Paillet, Georges Giffart, Mathurin Richart, dict Bazoges, Jean Copin, Jean Roux, Estienne Durant, Charles Canche, Pierre de Cordon, Hamellot, Giroüart, Louys Charrier, Lesquels feurent au dict voyage de Gennes.

Rr iij

M.D.VII.

Gennes.

CHAPITRE XL.

*D'un petit Traicté, sur l'exil de Gennes, fait
par ballades, baillé lors au Roy.*

DURANT LES triomphes & entrées du Roy en ses villes de Lombardie, & l'assemblée de luy, & du Roy d'Aragon, apres la prise & reduction de Gennes, la superbe, le lors suiuant la Cour par tout avec mes tablettes, pour enregistrer les faicts de ce temps, en tous lieux, où pouuoie trouuer estrangers, me retiroye, pour sçauoir nouuelles. Et tant m'en enquis aux Gëneuois, aux Romipetes, aux Allemans, & Venitiens, desquels auoit tousiours en Cour, que ie sceus comment Gennes se complaignoit de Rome, d'Allemagne, & de Venise, pensant debuoir auoir eu d'icelles secours. Et comment Rome, mal contente de la prise de Gennes, & de son seruaige, la consoloit de ce qu'elle pouuoit, comme sa confederée, amie, & de nouveau alliée. Pareillement feus aduertie comment Allemagne à ceste cause estoit tres-mutinée, & marrie, preste à luy donner secours contre France, si elle eust peu. Mais default d'argent l'arrestoit, & gardoit d'aller auant, Et aussi comme Venise, tirant au plus apparent, comme non asseurée de France, calloit la voisse, Et pour ce qu'elle ne luy pouuoit nuire, se te-

noit de son party, comme du party des plus forts. M.D.VII.
Dont toutes ces choses ouyes, & sceuës au vray, sur Gennes:
cele Traicté qui f'ensuit, pour bailler au Roy au dict
lieu de Sauonne, composay, & l'attachay à ma
Chronicque.

MARS ascendant en la claire maison
Du Scorpion, exploictant sa saison,
Par les degrez à son cours ordonnez,
Ses yeulx ardans, à fureur inclinez,
Et la forme de sa rude figure,
Jetta ça bas sur les fins de Ligure,
Pour esmouuoir à guerres, & contens,
Sa region, & tous les habitans.

LORS Neptuneus, Gouverneur de la mer,
Feit grosses nefes, & carraques armer,
Et desployer leurs trinquets, & leurs voïstes,
Dont Eolus meit ses vents sur les aïstes,
Pour aduancer le veflan, & conduire,
Là veint Aquille Artique en la mer braire,
Vulturne aussi, du gouffre Oriental,
Et Cercius, le vent Occidental,
Le pestifere Auster veint du midy,
Sur les ondes soufflant à l'estourdy,
Là feurent tous les autres vents en troupe,
L'un en proue, l'autre en rate, & en poupe,
Chascun, aux lieux ordonnez, & prefix,
Pallinurus, Amiclas, & Tephis,
Issirent lors des paluds infernaux,
Pour gouverner barques, fustes, & naulx,

M.D.VII. Et à leur port mener le nauigaige.

Gennes.

PRES Acheron, sur le bord du riuage
De Flegyas, en profondes cauernes,
Les Ciclopes, mareschaux des Auernes
Martellerent glaiues, escus, & armes.
Puis Vulcanus, en forgeant ses allarmes,
Gros tonnerres vomist à pleine gorge.
Iris aussi picques, & noises forge,
Haine, & discords, en lieu de poignans dards
Pour conuier en guerre les soldarts,
Après surueint Erithoine tout prest,
Qui de curres auoit faict grand apprest,
Pour charrier au besoin le sommaige,
Et aux vainqueurs faire honneur, & hommaige,
Puis, Bellona feit corner sa bucine,
Tant, que Hercules feut querir Proserpine,
Et deliurer des ongles de Pluto,
Cerberus mort, Megere, & Aletho.
Du labyrinthe isbit le Minotaure,
Accompagné de Nesus le Centaure,
Et de Milon, attendant sur les stades,
Les griefs efforts des monts Olimpiades,
Ce qui à clair signifie, & demonstre,
Que la guerre veut là faire sa monstre.

QUE feut ce, Lors seditions ciuiles
Les Ligures eurent emmy leurs villes,
Tant que les vns les autres exilerent,
Et les maisons l'un à l'autre pillerent.

Puis,

Puis, voulurent les Gaulois debeller,
Et contre tous de faict se rebeller,
Combien que au Roy eussent deuant promis,
D'estre à iamais ses subiects, & amis.
Parquoy feut dict, & par luy arresté,
Qu'il assauldroit la superbe Cité.
Si s'adressa avecque son effort
Vers celle part, Où se trouua si fort,
Qu'il s'en alla deuant Gennes loger,
Que feut par mer & par terre assieger,
Preint sur ses monts, malgré tous les renforts
Des Gennenois, leurs bastions, & forts,
Et par deux fois arrangée bataille,
Ses ennemis vainquit, & meit à taille,
Dont se rendit à luy Gennes crainctive,
La hart au col, comme pauvre captiue,
Laquelle preint à mercy sous sa main,
En luy monstrant son vouloir tres-humain,
Sans la vouloir subuertir, ne destruire,
Mais doucement la soubmettre, & reduire,
Combien qu'elle eust faulte commise telle,
Que deseruist punition mortelle,
Pource luy feut toutes ses armes rendre,
Et puis voulut hommaige d'elle prendre
En son Palais, assis en Royal siege,
Où feut brusler son premier priuilege,
Après, soubmeit à son Royal pouuoir,
Son Domaine, Seigneurie, & debuoir.
Et si la feut si bien fortifier,
Que d'elle plus ne se deust deffier.

M.D.VII. CE faict, tous ceulx dont estoit allée

Gennes. En la voyant ainst prise, & liée,
Comme tristes, & dolens de l'affaire,
Chascun à part en voulut son dueil faire.
Rome en parloit comme tres-courroucée,
Allemaigne s'en douloit en pensée,
Venise auoit sur ce paroles feintes,
Autres terres, & Seigneuries maintes
Des Itales, & estranges pays,
Feurent de ce paoureux, & esbahis.

DONT, le qui lors les gestes escriuoie,
De nos François, ainsi que i'en scauoie,
Suiuant le Roy toute part à l'aller,
Et au venir escoutant à parler
L'un, & l'autre, pour nouvelles scauoir,
Ce que i'en peus entendre, ouyr, & veoir,
Et recueillir au plus pres de l'effect,
J'ay mis icy en memoire du faict.

GENNES.

APRES le bruit d'heureuse renommée,
Par moy acquis, & loüange estimée
D'honneur de prix, & œuvre meritoire,
Ayant soubmis mainte ville fermée,
Maint dur effort, & mainte grosse armée,
Et obtenu contre tous la victoire,
France ha marché dedans mon territoire,
Et par armes m'ha vaincüe, & forcée,
Tant que ie suis par contraincte pressée.

*Luy obeir, & fault que ie la serue,
Or est du tout ma gloire rabaissee,
Superbe feus, & maintenant suis serue.*

*DE ce meschef seras par moy blasmée,
Rome ingrate, Veu que ie t'ay sommée,
De me donner secourable adiutoire,
Pensant aussi estre la tienne aimée,
Et sous le los de ta gloire palmée,
Defenduë par main gladiatoire,
Et toutesfois tan renfort Senatoire,
M'ha deffailly au besoin, & laissée,
Dont i'ay esté tant batuë, & blessée,
Qu'il n'est moyen, qui d'exil me conserue,
Ainsi decheoit chose trop exaulcée,
Superbe feus, & maintenant suis serue.*

*O Allemaigne, es tu morte, ou pasmée,
Ta promesse n'est que vent, & fumée,
Chascun le veoit, C'est vn poinct peremptoire,
L'on m'eust d'assault bien prise, ou affamée,
Et mise à sac, pillée, & enflammée,
Sans ton secours, Le cas est tout notoire,
Venise aussi qui sçauois bien l'Histoire,
Et rien pour ce ne t'en es efforcée,
Mais telle est ores en pouuoir renforcée,
Qui pour autruy son Domaine reserue.
Par moy seras en ce cas adressée,
Superbe feus, & maintenant suis serue.*

Sf ij

M.D.VII. PRINCE, le suis descheuë en ma pensée,
 Gennes. *Voulant trop hault monter, comme insensée,
 Dont raison veult que chasty i'en desserve,
 Or suis ie à bas, pour trop m'estre aduancée,
 Voila comment i'en suis recompensée,
 Superbe feus, & maintenant suis serue.*

R O M E.

OYANT le cry de ta pitieuse plaincte,
 Et la forme de ta dure complaincte,
 Touchant le grief & ennuyeux seruaige,
 Où tu es mise, & detenuë en craincte,
 Comme exilée à force, & par contraincte,
 Dont tu soustiens trop excessif oultraige,
 Triste en pensée, & doulente en couraige,
 Suis de ton mal, Veu la nostre alliance,
 Et amitié, Et que n'ay eu puissance,
 De te donner à temps aide, & secours,
 Parquoy te fault auoir la patience.
 Toutes choses viennent à leur decours.

BABILONE est ruineuse, & estaincte,
 Ninie aussi, & autre Cité mainte,
 Comme Thebes, Argos, Troye, & Carthaige,
 Assyrie, premiere eut son atteincte,
 Puis Perse, & Mede, & Grece, eurent l'estraincte,
 Chascune à tour succedant au partaige,
 Puis, moy qui eus sur toutes l'auantaige,
 Feus destruicte, rouverte, & mise à l'outrance,
 Par moy mesmes, & les efforts de France,

ROY. DE FRANCE.

325

*Qui maintes fois ont sur moy fait leurs cours,
Sans y pouuoir faire de resistance.
Toutes choses viennent à leur decours.*

M.D.VII.
Genes.

*Tv feus iadis de richesses enceinte,
De monts, & mers, environnée, & ceinte,
Seule dicté Royne du nauigaige,
Ores es à bas, & pour auoir enfrainte
Ta foy petite, & ta promesse faincte,
Dont tu auois à France fait hommaige,
C'est le moyen de ta perte & dommaige,
Et la cause de ta peine, & souffrance,
Afin aussi qu'il n'y eust difference
D'autres à toy, Et que toutes nos Cours,
Sçaichent n'auoir de durée assurance.
Toutes choses viennent à leur decours.*

*PRINCE, On ne doit auoir seure esperance
En ce Regne, Veu par claire apparence,
Son temps faillir, & ses iours estre cours,
Il ne se peut par armes, ou cheuance,
Perpetuer. Tousiours sa fin aduance.
Toutes choses viennent à leur decours.*

ALLEMAIGNE.

*POVR empescher France, & mettre à refaire,
Tant qu'elle n'eust seureté de te meffaire,
Sçaichant par vray, que tu es deffous l'aigle,
Au cas qu'elle ne se voulust retraire
De son propos, son aduerse, & contraire,*

S f ñj

M.D.VII. *Me declaray, en quelque lieu qu'elle aille,
 Gennes. Ce nonobstant ha d'estoc, & de taille,
 Si droictement poursuiuie sa queste,
 Qu'elle ha de roy faict sa prise, & conqueste,
 De quoy ie suis doulenie bien souuent,
 Mais à tant fault que i'en demeure en reste.
 Qui n'ha de quoy, ne peut aller auant.*

COMBIEN que i'eusse enuie de parfaire
*Vne armée, pour combatre, ou defaire
 Tes ennemis, & leur donner bataille,
 Si n'ay-ie sceu à mon pouuoir tant faire,
 Que i'aye à temps pourueu à ton affaire,
 En maniere qu'il te profite, ou vaille,
 Et si ne tient à moy que ie ne faille
 A ton secours, Mais lors que ie suis preste,
 Default d'argent mon entreprise arreste,
 Car si la croix ne va tousiours deuant,
 Homme des miens de marcher ne s'appreste.
 Qui n'ha de quoy, ne peut aller auant.*

POVR te vouloir resiouyr, & complaire,
*Et à la France ennuyr, & desplaire,
 Tant que à plein champ on l'opresse, ou assaille,
 Vers mes vassaulx me suis allé retraire,
 Pour les sommer, requerir, & atraire,
 A ce besoin, Afin que homme n'y faille,
 L'un differe, l'autre promesse baille,
 L'un veut auoir, l'autre dit qu'on luy preste.
 Et l'autre faict du payement enqueste,*

ROY DE FRANCE.

327

M.D.VII.
Gennes.

*Qui est plus loing que le Soleil leuant,
De riens n'y sert la priere, ou requeste.
Qui n'ha de quoy, ne peut aller auant.*

*PRINCE indigent ne peut faire grand feste,
Ne par dessus autres leuer la teste,
Tant soit hardy, vertueulx, ou sçauant,
S'il s'efforce, pour neant se tempeste,
Parquoy luy fault soy taire au plus honneste.
Qui n'ha de quoy, ne peut aller auant.*

VENISE.

*I'AY bien ouy, & entendu le dire
De toy, Gennes, marrie, & pleine d'ire,
De la douleur, qui t'est ores aduenüe,
Dont ne me peulx tant resiouyr, ne rire,
Que sur ce n'aye à penser à suffire,
Doubtant auoir vne telle venueë,
Pensant comment France t'a preuenüe,
Si tres-soudain, & par armes soubmise.
Ie ne me suis meslée, ou entremise
De ton secours, Voyant ses grands efforts,
Mais au vouloir d'elle me suis commise.
Tousiours me tiens avecque les plus forts.*

*O RES as tu à ceste fois du pire,
Mais ne penses pour tant que ie sousspire,
Si ta force decheoit, ou diminüe,
Car de long temps ie souhaite, & desire,
Que ton pouuoir amoindrissè & empire,*

M.D.VII. Pource que trop m'as au court detenuë.

Gennes. Qui t'eust pillée, & mise toute nuë,
 Sans te laisser ne robe, ne chemise,
 L'eusse lors fait par la mer à ma guise,
 Mais encores doubte-ie tes renforts.
 Et au surplus pour garder ma franchise,
 Tousiours me tiens avecques les plus forts.

Si ton secours feust venu de l'Empire,
 De tant que France eusse peu desconfire,
 L'eusse pour toy alors la main tenne,
 Ou si quelqu'un eust dict ie me retire,
 L'eusse couru à celuy tout de tire,
 Et la despouille en eusse retenue,
 Mais quand ie veis l'armée suruenue
 En tes destroicts, qui tout rompt, & debrisé,
 Soudainement ie pourpense, & m'aduisé,
 Qu'il faut garder mes bastilles, & forts,
 A celle fin que ne soye surprise.
 Tousiours me tiens avecques les plus forts.

PRINCE, qui fait sur mes fins entreprise,
 Si ie ne suis butiniere à la prise,
 S'il est foible, ie le chasse d'efforts,
 S'il est puissant, ie le loue, & le prise,
 Et l'entretiens par cautele, & faintise.
 Tousiours me tiens avecques les plus forts.

FRANCE.

EN ensuiuant les œuvres magnifiques,

Et

*Et dignes faicts de loüanges publiques,
Que feirent lors mes heureux possesseurs,
Pour adiouster aux triomphes authentiques,
Nouueaulx tiltres de vertus authentiques,
A l'exemple des bons predecesseurs,
Louys douziesme, vn des miens successeurs,
Après auoir maincte force domptée,
La superbe Gennes ha surmontée,
Par son pouuoir faict esclater, & fendre
Monts, & rochers, Et là faict sa montée,
L'espee au poing, pour le bon droict defendre.*

*ROME & Gennes, en ont faict leurs repliques,
Et contre moy leurs accords pacifiques,
Confederez comme amies, & sœurs,
Allemagne m'eust faict ennuy, & picques,
Et mis sur moy hallebardes, & picques,
Si elle eust sceu trouuer les moyens sœurs,
Venise aussi m'ha mis ses aduanceurs,
Qui de leur riz d'hostelier m'ont traictée,
Mais veu leurs dicts, & maniere escontée,
Si quelqu'un veult contre moy son arc tendre,
Tantost seray en armes apprestée,
L'espee au poing, pour le bon droict defendre.*

*O R en sçais-ie par mes arts, & pratiques,
Tant des estats nobles, que politiques,
Et des plus grands magistres, & censeurs,
Qui au dedans, de leurs closes boutiques,
En demeurent asseichez, & cétiques,*

T t

M.D.VII. Plus estonnez que pauvres ramasseurs,
 Sauonne. Qui m'applaudent, & vsent de douleurs,
 Me desirant outre mer transportée,
 Mais ja pour ce ne seray degoustée,
 Tant que si nul entreprend de m'offendre,
 Que tout soudain ne soye remontée,
 L'espee au poing, pour le bon droict defendre.

PRINCE, le tiens force tant redoubtée,
 Que i'ay soubmis Gennes, & conquestée,
 Ce que n'osa oncques nul entreprendre,
 Et n'ay pas peur qu'elle me soit ostée,
 Car nuict, & iour, sera par moy guetée,
 L'espee au poing, pour le bon droict defendre.

CHAPITRE XLI.

Comment le Roy d'Arragon, s'en alla de Sauonne en Espagne, Et le Roy s'en reueint en France.



OMME AVEZ ouy cy deuant, le Roy, & le Roy d'Arragon, par l'espace de quatre iours entiers, feurent ensemble en la ville de Sauonne, pays du Roy, Où apres leurs bonnes chieres, & alliances, faictes entre eulx, feut question de desloger. Et combien que plus longue demeure eust esté au gré de l'un, & de l'autre, toutesfois les affaires de

leurs pays naturels, leur commandoient le departir. M.D.VII.
Dont le Roy d'Arragon, qui long temps deuant ce *Sauonne*.
n'auoit esté en ses pays d'Espaigne, ayant tout son
appareil prest, pour monter en mer, le Roy, & luy,
estans lors au Chasteau de Sauonne, le second iour
du mois de Iuillet, sur les trois heures apres midy, 2. Iuillet.
voulut desloger, & là prendre congé du Roy. Ce
que le Roy ne voulut, disant, Puis que departir se
fault, & que au venir vous ay trouué sain sur la mer, à
l'aller vous rendray en tel estat, & mesme lieu, si ie
puis.

CE DICT, les Roys monterent sur leurs mulles,
Et puis le Roy feit monter la Royne d'Arragon en
croupe derriere luy, comme tousiours auoit faict
parauant. Là feurent grand nombre de Gentils-
hommes François, lesquels eurent cheuaulx & hac-
quenées, pour porter en croupe les Dames, & au-
tres monteures pour les Gentils-hommes d'Espai-
gne, qui là estoient, lesquels tantost feurent mon-
tez. Les quatre cents archers, & les cent Suisses de la
garde, feurent là tous à pied, la hallebarde au poing.
Et lors que tout feut mis en ordre, les Roys descen-
dirent du Chasteau, Et avec leur estat marcherent
ensemble, tout le long de la rue, deuisans tousiours
de plusieurs choses, Et tant qu'ils arriuerent iusques
sur la marine, où estoient les galleres du Roy d'Ar-
ragon. Là meirent pied à terre. Et ce faict, le Roy
conduict le Roy, & la Royne d'Arragon, iusques
dedans leur gallere, où la preindrent congé l'un de
l'autre, & tres-amiablement s'entreaccolerent. Puis

T t ij

M.D.VII. la Roync, le genouïl en terre, dit son Adieu au Roy, *Sauonne*. Lequel aussi luy dit Adieu, & la baïsa. Et à chef de ces faicts, le Roy avec sa Noblesse se meit à retour vers son logis. Et le Roy d'Arragon, feit singler voïfles vers son pays d'Espaigne.

TANTOST apres le depart du Roy d'Arragon, le Roy transmeit à Naples, avec lettres du dict Roy d'Arragon vn Espagnol, nommé Peralte, pour illec prendre & leuer trois mille cinq cents hommes, Et iceulx faire venir en Lombardie, pour renforcer son armée, & se trouuer au deuât du Roy des Romains. Lequel Peralte feut en poste au Royaume de Naples, & feit incontinent son amas, puis s'en reueint à tout ses gens en Lombardie, ioindre avec les François, pour seruir le Roy contre le dict Roy des Romains.

LE ROY voyant lors son entreprise du tout à son vouloir mise à fin, & toutes ses affaires de là les monts en bon ordre, se disposa de retourner en France, & desloger le lendemain. Parquoy les Mareschaulx des logis, & les fourriers, feurent deuant.

3. Iuillet. Le lendemain, troisieme iour de Iuillet, sur le point de trois heures apres minuiet, le Roy feut à cheual, avec peu de nombre de ses gens, & à la lumiere des torches, se meit en voye, tirant par les montaignes droict à Suse. Ses gens à la file, se meirēt apres, Chascun au plustost qu'il peut. Car il cheuauchoit roidement. Et tant, que sur les huiet heures, feut arriué à vn gros bourg, nommé Malegiste, à l'entrée du Piedmont, deuers *Sauonne*. De là s'en alla par le Pied-

mont, droict à Suse, Et par le Daulphiné, droict au M.D.VII.
mont Geneue, à Briançon, à Ambrun, à Gap, à Gre- *Lyon.*
noble, & à Lyon, Où trouua la Royne, laquelle feut
moult ioyeuse de sa venue, Et tant, qu'elle ne pou-
uoit plus. Là feut le Roy le surplus du mois de Juil-
let, & tout le mois d'Aoust, en attendant si le Roy
des Romains marcheroit, comme se disoit lors,
pour entrer en Lombardie, Où se vouloit trouuer le
Roy, pour luy donner la bataille, comme auoit pro-
mis à ses gens d'armes de delà les monts, à son de-
partement.

LE ROY estant lors à Lyon, ayant nouuelles de
iour en autre, comme le Roy des Romains estoit en
bransle de marcher, fait hastier ses gens de pied, qu'il
auoit enuoyé querir en Gascongne, Desquels l'vne
partie d'iceulx s'en allerent par mer descendre à Gen-
nes, & les autres, par la Sauoye, droict à Milan.

LE ROY pareillement estoit tousiours en deli-
beration, & prest de retourner de là les monts, si le
dict Roy des Romains marchoit en auant. Auquel
auoit transmis en Ambassade vn Docteur, Chap-
pellain du Cardinal d'Amboise, Lequel Chappel-
lain n'auoit voulu ouyr, mais le detenoit comme
prisonnier. De quoy le Roy aduertý, aucuns autres
Ambassadeurs des Allemaignes, estans lors en Cour,
fait pareillement detenir, & mettre au Chasteau de
pierre encise à Lyon, & garder, iusques à ce que le
dict Docteur detenu en Allemaigne, feust deliuré.
Laquelle chose sçaichant le Roy des Romains, en-
enuoya celuy Docteur, & aussi feurent les dictz
Allemands despescchez.

Tt iij

M.D.VII. EN CE mesme temps, le Roy feit despescher
Lyon. deux Ambassadeurs, c'est à sçauoir vn nommé Messire Jean de Saincts, pour aller en Angleterre, & vn autre, nommé Gabriel Fourestier, Roy d'armes de Normandie, lequel enuoya en Allemaigne, Aufquels demandai de leur charge, pour en sçauoir dire quelque chose par ma Chronicque. Mais autre chose n'en peus, si n'est que le dict Messire Jeā de Saincts me dit, que à son retour en pourroye sçauoir quelque chose, Et le dict Fourestier me dict aussi, l'ay vne charge, laquelle peu de gens prendroient plaisir à porter. Car aux Allemaignes ha ores pour nous peu de seureté. Toutesfois pour le seruice du Roy n'est aduanture, que ie ne prenne. Et sur ce s'en allerent les dicts Ambassadeurs.

LA ROYNE estant lors avec le Roy à Lyon, voyant qu'il estoit en branle de repasser les monts, ne faisoit pas bonne chiere, & mettoit toute peine de le vouloir faire mettre à chemin, pour s'en aller à Blois, veoir Madame Claude leur fille, disant qu'elle l'esmoyoit, & auoit moult grand soucy de luy. A quoy dissimula le Roy, disant, Je suis deliberé sans point de faulte, de m'en retourner bien tost, Mais encores est mestier pour donner craincte à mes ennemis, & asseurer mes gens, que ie demeure icy quelque temps. Et pour le mieulx me semble, que vous debuez vous en aller deuant à Blois, pour là vous reposer, & faire vos couches, Et tantost apres ie m'en iray, sans faillir. La Royne, voyant que c'estoit le plaisir du Roy, & le mieulx pour sa personne, feut

contente de s'en aller deuant. Et pour s'en aller plus à son aise, le Roy aduisa qu'il la feroit porter en vne legere lictiere au col, par ses Allemans, Desquels en ordōna vingt & quatre des plus forts, huiēt à la fois, & à relais. En ceste maniere le vingt & septiesme iour du mois de Iuillet, la Roynes estant ja bien fort enceinte, partit de Lyon, tirant droict à la Bresle, & à Tarare, Oū le Roy feut avec elle. Et de Tarare, s'en retourna à Lyon, en luy promectant estre bien tost à Blois. Parquoy elle s'en alla plus ioyeusement iusques au dict lieu de Blois.

Lyon.

27. Iuillet.

CHAPITRE XLII

Comment au dict lieu de Lyon, Maistre René de Prye, Euesque de Bayeux, receut le chapeau rouge, par la main de Maistre Georges, Cardinal d'Amboise, Legat en France, Et delegué à ce par le Pape.

LE CINQVIESME iour d'Aoust, le Roy feut ouyr Messe à nostre Dame de Cōfort, College de Sainct Dominicque, à Lyon, Oū le chapeau rouge, pour bailler à Maistre René de Prye, Euesque de Bayeux, feut là apporté, avec les Bulles du Pape adressantes à Maistre Georges, Cardinal d'Amboise, pour bailler le dict chapeau. Là feut vn Do-

5. Aoust.

M.D.VII. *cteur en Theologie, suiuant la Cour, nommé frere
Lyon.* Antoine de Furno, Euesque de Marseille, del'Ordre
des Iacobins, lequel dit la Messe en note, chantée
par les Chantres de la Chappelle du Roy. Et apres la
Messe dicte, celui de Furno fait vn Sermon en La-
tin, où le Roy estoit present, & toute la Cour. Par le-
quel Sermon elucida & esclaircit la genealogie
d'Amboise, & de Prye, Dont ceulx des dictes Mai-
sons estoient entre eulx proches parens, & alliez. Et
monstra comment plusieurs issus iadis des dictes
Maisons d'Amboise, & de Prye, auoient lors faict
grands secours, & loyaulx seruices au Royaume de
France. En declarant aussi le souuerain honneur A-
postolicque, & de Cardinalité, ramenant au propos
les quatre vertus Cardinales, C'est à sçauoir, Pruden-
ce, Magnanimité, Continéce, & Iustice. En remon-
strant comme tout honneur mondain, & toute vie
humaine, tendant au bien souuerain, doibuent estre
regis, & gouuernez selon la moralité de ces vertus,
Lesquelles sont de telle efficace, que tous ceulx qui
d'elles sont armez, ne peuuent estre de vice soub-
marchez, ne vaincus par fortune. Plusieurs autres
bonnes choses au propos afferentes, feurent là di-
ctes par la bouche du Docteur excellent. Et ce faict,
le dict Maistre René de Prye receut nostre Seigneur
tres-deuotement. Puis, luy feut mis sur la teste le
chappeau rouge, par la main du dict Maistre Geor-
ges, Cardinal d'Amboise, & Legat en France. A chief
de ces solemnelles choses, le Roy auec grande suite
de Princes, de Cardinaulx, Archeuesques, & Eues-
ques,

ques, & toute la Maison, s'en alla dîner leans, Où le M.D.VII.
Cardinal nouveau feit le banquet, Auquel chascun *Lyon.*
feut traicté à souhaiet, & honorablement seruy.

CHAPITRE XLIII.

*Comment le Roy des Romains retira son
armée, Et comment le Roy s'en
retourna à Blois.*

LE R O Y des Romains qui lors estoit
avec son armée prest à marcher, voyant
que ses gens despendoient son argent,
sans rien faire, dit qu'il iroit en auant. Et
de fait se mit aux champs, comme pour vouloir
marcher, & tenir camp. Or aducint que le terme du
payement feut venu, dont les Allemans feirent que-
stion, De quoy ne feut nouvelles. Mais voyant le
dict Roy des Romains, que sans argent ne passe-
roient oultre, les voulut par promesses acheminer.
Et assembla les Seigneurs des Allemaignes, & les
Capitaines, qui là estoient, Ausquels dit, Messei-
gneurs, & Amis, vous voyez les grands iniures, &
torts faicts par cy deuât, que nous ont faict les Fran-
çois, qui malgré nous tiennent la Lombardie, & la
forte ville de Gennes, qui est terre d'Empire, comme
sçaez. Et cōment ils sont en armes en la Duché de
Milan, pour nous garder le passaige, & nous contre-
dire le voyage de nostre Imperial Couronnement.

V u

M.D.VII. Parquoy à la peine d'estre reputé lâches, & mes-
Lyon. chans, nous est besoin les aller assaillir, & combattre.
 Pour ce ie vous prie, que chascun de nous y face
 loyal debuoir, & deu acquiét. Si l'argent nous est
 ores court, sçachez que sans faillir assez en conqu-
 sterons sur nos ennemis. Et avec ce eulx vaincus, ie
 vous promeets, que à chascun de vous, selon vos
 Seigneuries, & Estats, ie donneray villes, & chasteaux,
 & autres Seigneuries de la Duché de Milan, & tant
 de cheuance, qu'il n'y aura celuy, qui à largesse n'en
 soit pourueu. A chief de propos, les Allemans vou-
 lurent sur ce prendre conseil, lequel teindrent entre
 eulx, Disans tous d'une voix, que sans argent ne mar-
 cheroient. Comment dirent les aucuns l'entend le
 Roy? Il cuide à l'ouyr parler, que les François soient
 desia deffaicts, & la Lombardie prise. Autrement à
 ce que pouuons entendre, en va. Car dedans la ville
 de Milan, & par les places de la Duché, sont plus de
 dix huit cents hommes d'armes François, avec les
 Gentils-hommes, & archers de la garde du Roy de
 France, & plus de vingt mille hommes de pied. Et
 avec ce le dict Roy de France, est à Lyon sur le Rhos-
 ne, prest à retourner à Milan, comme il est bruit,
 avec grosse armée. Nos ennemis tiennent les places,
 & ont force argent. Nous n'auons pas vn blanc, &
 sommes aux champs à l'auanture. Quoy plus? L'hy-
 uer s'approche, qui sera moult contraire aux malve-
 stus. Somme en ceste emprise, ne pouuons pour ce-
 ste heure auoir honneur, ne profit. Car la meilleu-
 re, & plus seure piece de nostre harnois, qui est ar-

gent, nous default. Parquoy est impossible de mar- M.D.VII.
cher en auant. Et ainsi feirent leur responce au Roy
des Romains, De quoy feut tres-mal contrét, Et sans
autre chose faire, s'en retire, & son armée se depart.

DESQUELLES choses feut le Roy tost aduertý,
par ses gens de la Duché de Milan, qui ja estoient en
armes, & aux champs, pour garder le passaige au dict
Roy des Romains. Parquoy le Roy ainsi aduertý de
celle departie, le lendemain de la nostre Dame de la
my-Aoust, s'en partit de Lyon, & s'en alla à Blois, Où
trouua la Roynes, & Madame Claude, sa fille, laquel-
le il auoit grand desir de veoir, & trouuer en bon
poinct. Ce qu'il feit, Et là, à toute ioye, & liesse, passa
son hyuer.

CHAPITRE XLIV.

*Comment durant le temps, que le Roy estoit de là
les monts, Messire Iean Chapperon, & un
nommé Antoine d'Auton, Seigneur du
dict lieu, se meirent sur mer, Où feirent
plusieurs courses, De quoy le Roy
feut mal content.*



ORS QUE le Roy estoit à son voyage
de delà les monts, cōme i'ay dict, le Roy
des Romains, & les Flamans, sçaichans
son esloing, & luy, & son armée, hors le
Royaume de France, recommencerent la guerre au

Vu ij

M.D.VII. Duc de Gueldres, parent du Roy, Et donnerent sur ses pays. Lequel avec l'aide des gens de la terre, & d'aucuns François, qui à luy festoient retirez, lors tres-vigoureuſemēt ſe defendit. Mais pour longuement ſouſtenir groſſe charge de guerre, & ſouldoyer grand nombre de genſd'armes, ne pouuoit, Combié qu'il euſt le vouloir aſſeuré, & le cœur vertueulx.

TANTOST feurent ſemées les nouuelles de ceſte guerre en France, Dont aucuns des genſd'armes François, eſtans lors en garniſon en Bourgongne, oyans ce bruit, dirent que volōtiers ſe trouueroient au ſecours de ce pauvre Prince, Duc de Gueldres. Tant, pour vouloir faire ſeruice au Roy, de qui il eſtoit parent, que pour executer la guerre, & ſouſtenir la querelle des foullez. Dont entre autres, deux Gentils-hommes de la compaignée de Meſſire Aymar de Prye, nommez l'un, Meſſire Iean Chapperon, tres-hardy Cheualier, Seigneur de Couhé de Vache en Aulnis, Et l'autre, Antoine d'Auton, Seigneur du dict lieu d'Auton en Xainctonge, ieune, & bien gaillard homme d'armes, dirent que paſſer par terre eſtoit choſe difficile à faire, pour les embuſches des Flamans, qui gardoient lors les paſſaiges. Et voulans y aller par mer, feirent prouiſion, le dict Chapperon, d'une nef de quatre cents tonneaux, & le Seigneur d'Auton, d'une barque de ſoixante tonneaux. Et cependant qu'ils armerent & equipperent leurs vaiſſeaux, Meſſire Iean Chapperon, tranſmeit deuers le Duc de Gueldres, un homme d'armes de ceulx de Meſſire Aymar de Prye, nommé le Cheualier

verd, pour auoir son adueu pour luy, & pour le dict M.D.VII. Seigneur d'Auton, Et aussi pour en rescrire au Roy, qui estoit lors de là les mots. Celuy Cheualier verd, feit son messaige en maniere, qu'il passa iusques en Gueldres, Et là bailla les lectres de Chapperon au Duc de Gueldres, Lequel les receut volontiers. Et par icelles cōnoissant le bon vouloir du dict Chapperon, & du Seigneur d'Auton, accepta leur seruice. Et leur despescha & enuoya par le dict Cheualier verd, lectres d'adueu, Et en rescriuit au Roy. Adueint que le dict Cheualier en retournant, feut congneu par les Flamans estre François. Et pour ce le preindrent, & arresterent, & luy trouuerent les lectres du Duc de Gueldres, Dont le deteindrent prisonnier, par l'espace de six mois. Parquoy le dict Chapperon ne peut auoir son adueu, ne autres nouuelles du Duc de Gueldres, si n'est que par aucuns venans du dict pays de Gueldres, ouyt dire que le dict Duc auoit despeché son messaiger, auquel auoit baillé son adueu, & lectres, pour adresser au Roy touchant l'affaire, Qui feut tel, que apres les nouuelles ouyes de l'adueu, Messire Jean Chapperon, & le dict Seigneur d'Auton, meirent cinq cents hommes de guerre en leurs vaisseaulx, C'est à sçauoir quatre cents, dedans la nau du dict Chapperon, & cent, dedans la barque du Seigneur d'Auton, Et se meirent sur mer, à queue de vache, Lesquels s'en allerēt à vne rade sur mer, nommée la Palice, pres la Rochelle, pour là faire aduitailler leurs vaisseaux, Où demeurerēt vn mois. Et comme ils feussent là, pour

Vu iij,

M.D.VII. faire leur pourchas de viures , deux autres nauires marchands Anglois, chargez de draps, & de saumōs, & d'estaing, passerent pres des dicts nauires de guerre, sans vouloir faire reuerence, comme marchands doibuent, selon les Ordonnances de mer, mais par leur fierté voulurent aller au dessus du vent. Ce que voyant le Capitaine Chapperon, estant en sa nef de guerre, leur feit tirer deux coups d'artillerie, pour les arrester, Lesquels sans autre bruit s'arresterent, & ancrerent pres la nef du dict Chapperon. Apres qu'ils feurent là attachez, le Seigneur d'Auton, s'en alla dedans la nef de son compaignon, & laissa en la barque vn nommé Gombault, son Lieutenant. Ce faict, le Capitaine Chapperon, & le dict Seigneur d'Auton, soupperent ensemble, & coucherēt celle nuit dedans la nef du dict Chapperon.

CELLE nuit, les matelots de la barque du Seigneur d'Auton, apres bien dringuer, dirent aux gens de guerre, qui estoient là dedans, Que voulez vous dire Messieurs, Vous estes gens de guerre, cerchans vostre aduanture sur mer, laquelle auez icy en veüe rencontré, & belle prise. Et sçachez que ces nauires d'Anglois, que voyez icy pres, sont de bonne guerre, & loyale prise. Car ce sont cursoires contrefaisans marchands, lesquels fils vous tenoient aussi pres de Londres, que ils sont pres de la Rochelle, vous prendroient prisonniers, & destrousseroiēt. Pour ce leur debuez aller donner vn allarme, & nous irons avec vous. Et ce dict, sur la minuit, que le Capitaine Gombault se feut retiré en sa chambre, vn nommé Perot

d'Aujac, & vn autre, nommé Aulbert de Massoignes, M.D.VII. ieunes Gentils-hommes, avec les mariniers, iusques au nombre de douze, entrepreindrent à la suasion des dicts matelots, d'aller rauager les nauires des dicts Anglois. Et de faict, sortirent de la barque, & se meirent dedans vn esquif, sur l'heure de minuiet, & s'en allerent iecter dedans l'vn des nauires d'iceulx marchands, où se batirent bien estroict à l'entrer. Car les Anglois, dont aucuns d'eulx ouyrent venir les François, crierent allarme. Tellement que chascun se meit en defense, Où feurent d'vn costé, & d'autre plusieurs blessez. Mais à la parfin les François entrerent par force, & preindrent là dedans, quatre pieces de draps, avec les mantes, & habillemens des Anglois. Ce bruit feut grand, tellement que le Capitaine Chapperon, & le Seigneur d'Auton, qui assez pres de là estoient, ouyrent le hutin, qui guieres ne dura. Car les François feirent à coup leur prise, & s'en retournerent à leur barque. Mais par les dicts Capitaines tour en l'heure feut enuoyé vn Gentilhomme, nommé René Balan, Seigneur de Mauleurier en Anjou, deuers le maistre des nauires Anglois, pour sçauoir quel bruit c'estoit. Ce sont, dit-il, aucuns de vos François, qui par force, & d'emblée, sont venus assaillir nos nauires, & entrer dedans, & ont iceulx pillez en seureté, & emporté ce qu'ils ont voulu, & blesé mes gens, sans ce qu'il y ait guerre, ne diuision entre le Roy de France, & le Roy d'Angleterre, mon maistre, au moins de quoy ie soye aduertie, ne que ie sçache. Or vous en venez parler

M.D.VII. an Capitaine Chapperon, dit celui René Balan, Et foyez seur, que si quelque extortion, ou grief, vous ha esté faißt par ses gens, ou autres de son adueu, que telleraison vous en sera faiçte, que debuerez estre content. Et ce dict, le maistre d'iceulx nauires Anglois, s'en alla parler au Capitaine Chapperon, Auquel dit comment ses gens l'estoient venu piller de nuit, & par force entrer en ses nauires, où auoient prins & emporté ce qu'ils auoient peu. Sur quoy le dict Chapperon feit inquisitiõ, & trouua que ceulx de la barque du Seigneur d'Auron, auoiēt faißt l'exploict. Pour lequel auerer, le dict Seigneur tout en l'heure transmeit querir Andrieu Gombault, son Lieutenant en la barque, & ceux qui auoient esté au rauaige, Ausquels dit, Et comment va cecy Gombault, qui vous ha meü d'enuoyer, ou souffrir aller mes gens faire ce bruit de nuit, & piller les nauires de ce marchand Anglois, qui à la seurreté du Capitaine Chapperon, & de moy, s'est icy arresté, comme en nostre sauuegarde, & fiance? Sçaichant que entre le Roy nostre maistre, & le Roy d'Angleterre, n'ha guerre, ne diuision: mais paix, amitié, & concorde. Dont nous autres François n'auons droict ne querelle contre les Anglois, ne marque sur les marchands d'Angleterre. Parquoy fault que vous respondiez de cest affaire, & repariez le meffaißt. Sur quoy le dict Gombault s'excusa, disant qu'il ne sçauoit aucune chose de l'entreprise, & que pendant ce qu'il estoit en sa chambre, la dicte course auoit esté faiçte, De quoy n'en auoit iamais rien sceu, iusques à
celle

celle heure. Voyant le Seigneur d'Auton l'excuse de son Lieutenant, demanda à vn nommé Perot d'Aujac, & aux autres, qui auoient esté au dict rauage, qu'il les auoit meu de ce faire, disant, Si nous sommes ores gens de guerres, & sur mer, si n'est-il pas dict pourtant, ne permis, que nous en maniere de pirates, ou larrons de mer, debuions faire la guerre à autres que aux ennemis du Roy, & du Duc de Gueldres, duquel nous disons auoir l'adueu, ne que tout nous soit de prise. A ceste fin vous fault respondre, pour quoy, ne en quelle querelle, auez esté courir sur les nauires des Anglois, Aufquels n'auons nulle question, ne deffy de guerre. Celuy d'Aujac, & vn autre nommé Aulbert de Massoignes, ieunes Gentils-hommes, feirent response, que les matelots de leur barque, leur auoient mis en teste, & dict que iceulx Anglois estoient de bonne guerre, & de droict prise, Disans que c'estoient escumeurs de mer, & qu'ils leur pouuoient courir sus, sans danger. Parquoy comme non vsitez de la mer, & nouuelliers en icelle, pensans auoir bon droict, & bié faire, auoient creu iceulx matelots, & à leur suasion faict la dicte course, Et ainsi s'en excuserent. Dont le dict d'Auton feit rendre le pillage, & bailler tout au dict marchand Anglois. Et pour faire droict du tout, feurent les dicts matelots euuoyez prisonniers à vn nommé Pierre l'Anglois, Visadmiral, estant lors à la Rochelle, pour en faire iustice, comme de raison, Et puis renuoyez les dicts Anglois tout à seureté.

X x

CHAPITRE XLV.

D'aucunes courses, & prises, que Messire Jean Chapperon, & le Seigneur d'Auton, feirent en mer sur les Flamans, ennemis du Duc de Gueldres, Duquel s'aduouoient iceulx Chapperon, & d'Auton.

NANTOST APRES que les nauires d'Angleterre eurent pris le vent, pour eulx retirer, vn autre nauire Espagnol, de Saint Sebastie d'Espagne, du port de trois cents tonneaulx, chargé de marchandise, passa pres de là, à vne lieuë des dicts nauires du Capitaine Chapperon, & du Seigneur d'Auton, & s'en alla ancrer à vn lieu, nommé chief de Bois, pres la Rochelle, pour illec faire change de marchandise. Lequel apres auoir mis ancre à fonds, pource qu'il estoit nouuellement arriué, le Seigneur d'Auton voulant sçauoir qu'il estoit, se meit apres avec sa barque. Et luy approché, iusques à pouuoir parler ensemble, demanda à iceulx qui là dedans estoient, d'où estoit celuy nauire. Lesquels dirent qu'il estoit d'Espagne. Et bien dit le Seigneur d'Auton, tout vn, tout vn, nos maistres sont bons amis, Dont nous deuons l'vn l'autre secourir. Puis dit au maistre du nauire Espagnol, Seigneur, Je vous veulx bien aduertir, que vn mien compaignon, nommé

Chapperon, & moy, sommes nouvellement mis sur mer, pour seruir le Roy nostre maistre, & aucuns de ses aliez. Mais nos nauires sont vn peu mal garnies d'artillerie, parquoy nous est mestier en recouurer. Pource si vous en auez dauantaige, nous vous voulons bien prier de nous en prester, ou vendre à credit, pour nous aider à faire nostre nauigaige, & nous vous donnerons bonne seurété de vos pieces. Ce que ne voulut le dict Espagnol, disant qu'il n'estoit point tenu de les en fournir, & qu'il n'en auoit piece, qui besoing ne luy fait, parquoy n'en auroient, s'ils ne l'auoient par force. Si par amour, dit le Seigneur d'Auton, ne voulez vendre, ou prester, sçachez que autrement en aurons. Et ce dict, s'en retourna deuers le Capitaine Chapperon, auquel fait rapport du refus du dict Espagnol. De quoy se malcontenta, disant qu'il en aura s'il se peut ioindre avec luy. Et en l'heure fait leuer l'ancre. Et ce fait, tirerent à chief de bois, à voille tendue, adressant vers le nauire de celuy Espagnol, Lequel voyant l'escarmouche dressée contre luy, dit qu'il se osterà de la voye. Dont fait hastiuement leuer ses appareils, & se meit à la fuite, Et eulx apres. Et tant les suiurent, que enuiron la minuiet l'attaquirent pres d'une Isle, nommée l'Isle d'Ieulx. L'Espagnol qui estoit artillé bien à poinct, & garmy de gens de main à suffire, voyant qu'il estoit atteint, dit à ses gens, Sus compaignons, Il nous est besoin de defendre le nauire, pour garantir nos vies, & sauuer nos biens : Car la fuite ne nous peut plus de rien seruir. Pource chascun mette la

Xx ij

M.D.VII. main à la defence, Car mestier en est. Et ce dict, feit charger son artillerie, & armer ses gés, & iceulx mettre à la defence de son nauire. Le Capitaine Chapperon, & son compaignon, commencerent à donner dessus coups d'artillerie, Et le voulurent mettre entre eulx deux, pour l'assaillir de tous costez. Lequel se defendit à coups d'artillerie, Et tant, que plus d'une grosse heure se battirent, où plusieurs d'un costé & d'autre furent blessez. Et eust esté pris le dict Espagnol, mais en se defendant aduisa le vent, & se meit au dessus. Et pour fuyr plustost, meit la mizenne sous l'estouyn, qui est vne voisle, tenant à vn des bouts de l'antenne, pendant hors sur le bord du nauire, mise là pour faire hastiue fuite, ou viste chasse. Ainsi se meit l'Espagnol à fuir. Le Capitaine Chapperon se meit apres, & le suiuit iusques au iour, mais le perdit, sans le pouuoir approcher d'un iect de canon pres. Parquoy le laissa, & se meit au retour, vers où estoit demeurée la barque du Seigneur d'Auton, qui n'estoit là. Car ainsi que le dict Chapperon suiuit l'Espagnol, quatre vrques de Flamans passerent par là, que auoit suiuy le dict Seigneur d'Auton vers les raz Sainct Mahé, Et avec sa seule barque les prit rous, & garda iusques à la venue de son compaignon. Lequel en reuenant de la chasse du dict Espagnol, rencontra vne autre vrque de Flamans, & la prit. Puis se rendit deux iours apres, Et se rassembla avec le Seigneur d'Auton, qui auoit sa prise à vne rade en Bretagne pres le Conquet, où seiournerent huit iours. Et là durant ce temps, feirent compositiō avec

leurs prisonniers Flamans, lesquels promeirēt payer mille escus, Pour laquelle rançon assigner, baillerent deux ostaiges. Et feut appoincté par les dicts Capitaines François, que iceulx Flamans porteroient leur rançon au Duc de Gueldres, maistre d'iceulx François. Et la rançon payée, en enuoyant certification, & descharge de ce, leur enuoyeroient leurs ostaiges. Ce que ne feirent les dicts Flamans, mais s'en allerēt en leur pays, sans payer leur dictte rançon. Et laisserent leurs ostaiges, que les dicts François reteindrent, en attendant tousiours nouuelles de leurs prisonniers, qui encores sont à reuenir.

TANTOST apres ce, partirent du Conquer, & adresserent vers la coste d'Angleterre, Où entour la my-Aoust, eulx estans là, trouuerent vn cursoire Flamand, lequel estoit d'Arnemuë, qui est vne ville de Flandres. Or estoit le dict cursoire bien equippe, & du port de quatre cents tonneaulx, accompagné d'vne grosse barque d'Espagne. Et eulx à vne veüe l'vn de l'autre, s'entre-aduiferent, & congneurent qu'ils estoient tous gens de guerre. Si se meirent en ordre chascun, pour assaillir son ennemy, & defendre sa piece. Et tant, que sur l'heure de vespres, commencerent à eulx entre-approcher. Dont les Capitaines François dirent à leurs soldats, qu'ils auoient trouué ieu party, disans nous auons vne nef, & vne barque de guerre, & autant en auons en barbe rencontré, qui nous presentēt l'escarmouche, que nous leur debuons premierement donner, telle que ce soit à nostre honneur, & aduantaige. Or sus, que

Xx iij

M.D.VII. chascun de nous monstre ce qu'il sçaura faire, Car besoin en est. Et sur ce propos, chascun dit que pour mourir ne fault à ce hutin. Le Flamand, & Espaignol pareillement, voyans qu'ils auoient trouué à qui besongner, se delibererent de faire leur debuoir aux coups departir. Et pour aduiser la maniere des François, la barque Espaignolle alloit deuant le nauire Flamand, vn iect d'arc loing, ou enuiron. Et voyant que les nauires François adressoient à eulx, voistes tenduës, s'en retourna ioinde au Flamand, disant, Ce sont François, desquels ie n'ay sceu auoir congnoissance. Mais tant y ha qu'il me semble, à veoir leur ordre, qu'ils sont gens de guerre, & deliberez. Pour ce nous fault entendre à nostre affaire. Et ce dict, se ioignirent, & tirerent de front en bel ordre vers les François, lesquels aussi venoient de droict fil, leur artillerie chargée, & leurs soldats armez. Et lors qu'ils feurent pres l'un de l'autre, d'un iect d'arbaleste, le Capitaine Chapperon feit tirer vn coup de couleurine, droict à la barque de l'Espaignol, & donna dedans la prouë d'icelle. L'Espaignol aussi feit tirer vn coup de canõ, vers le nauire du dict Chapperon, cuidant dõner au trauers, mais le coup passa par dessus, sans toucher au dict nauire. Ce faict, les François sans plus marchander, adresserent vers le dict Flamand, & Espaignol. Et lors qu'ils feurent à vn iect de pierre pres, voyant l'Espaignol que c'estoit à tout, dit qu'il prendroit autre chemin, & tout soudainement tourna la poupe à ses ennemis, & se meit en fuite, sans autrement secourir son com-

paignon. Le Seigneur d'Auton se meit apres, & le M.D.VII. fuiuit enuiron trois lieuës en mer: mais ne le peut at-
tandre, Car il gaigna à bien fuyr, Dont s'en retourna
vers son compaignon. Et cependant le diët Chap-
peron, & le Flamand, s'approcherent de si pres, que
l'vn l'autre saborderent, & à coups d'artillerie, & de
main, se batirent à toute oultrance. Cependant le
Seigneur d'Auton arriua, & culx ainsi assemblez, as-
saillirent le diët Flamand de tous costez, lequel se
defendoit à merueilles, comme celuy que nécessité
euertuoit. Que feut ce, leur combat feut tant impe-
tueulx, que depuis le vespre, iusquës au lendemain
midy, ne cesserent de donner coups, Oû feurët tuez
des gens de celuy Flamand quatorze hommes; &
iectez en mer, & vn de ceulx du Capitaine Chappe-
ron. Quoy plus? Chascun enté doit à ses besongnes.
Les François comme auantageulx, & enuieux de
gagner, de plus en plus fort continuoient leur as-
sault, à coups de main, & d'artillerie, sans cesser. Le
Flamand fouldé & assailly de tous costez, comme
contrainct par nécessité, se defendoit à tous efforts.
Mais tant estoit ja battu, & lassé, qu'il estoit prest à
dire le mot, & pris, si n'est que à l'extresme besoin
de son doubteux affaire, eut aduis de faire leuer le
derriere d'vne grosse piece d'artillerie des siennes, &
l'emboucher à fleur de mer, tout à bord de l'eauë.
Oû feut ruer vn coup bas, & donner en la proüe du
nauires du Capitaine Chapperon, qui feut telle passée
au trauers, que plus de demy pied de ród y feut d'ou-
uerture. Tellement que au bransle du nauires, & au

M.D.VII. flot des vagues de la mer, l'eau entroit dedans par la passée, tout à flac. Si que en moins d'un quart d'heure, elle feut sur le lestaige, plus d'un pied de hault, & eust mis le nauire à fond. Mais comme le maistre du nauire, nommé Iean de la Dune, eut l'œil aux coups de l'artillerie du Flamand, & veid la passée du coup, par où l'eau entroit tout courât en son nauire, tout en l'heure en aduisa le Capitaine Chapperon, en disant, Capitaine, si vous ne mettez soubdaine provision, de faire escouler l'eau, qui entre tout à plein en vostre nauire, par la passée du coup d'artillerie, que ce Flamand ha faict ruër bas, contre la proüe d'iceluy, soyez tout à seur, & sçachez de vray, que nous sommes tous à fond, & perillez. Car plus de cent tonneaulx d'eau, sont ja entrez dedans. Et afin que soyez mieulx assuré de mon dire, regardez sur le lestaige du nauire, lequel est tout plein d'eau. Ce que aduisa le dict Chapperon. Et voyant le danger où il estoit, de perir, oublia le vouloir qu'il auoit de gaigner. Dont fait cesser l'assault, & courir à l'eau, en laissant partie de ses gens aux gardes, comme faisant maniere de reprendre haleine. Et afin que les Flamands ne se doubtrassent de l'inconuenient, fait tenir partie de ses gens armez aux defenses, & faire bonne mine. Lesquels Flamands qui plus n'en pouuoient, & n'attendoient fors l'heure de leur prise, voyans cesser l'assault, ne feurent oncques si aises. Et tout à coup tournerent poupe, & se meirent à la fuite si tost, que en peu d'heure leur nauire feut hors la veüe des François, Lesquels ne coururent apres, mais à toute

toute diligence vuidèrent l'eau de leur nauires, & M.D.VII. estoupperent la passée. Ce qui leur feut de saison. Car si de cene se feussēt lors aduisez, vn quart d'heure apres, s'en alloient au fond de la mer. Toutesfois comme il pleut à fortune, escheuerent ce danger, & passerent ce peril, sans eulx vouloir arrester, pour l'empeschement de ce destour, pensans auoir vne autre fois meilleure aduanture, & plus heureuse rencontre. Si dirent, que pour la trouuer, encores cherchoient diuers pays, & voyes loingtaines, Mais aduiserent que leurs nauires estoient fort empirez de coups d'artillerie, & desnuez d'equippaige. Et que bèsöin leur estoit, premier que entrer plus auant en mer, les faire equipper, & radoubier.

ET SUR ce propos meirent voilles à mont, puis adresserent vers Honnefleu en Normandie. Et là pres, viz à viz d'une bourgade, nommée Villerville, ancrerent, où demeurerent l'espace de quinze iours, cuidans là auoir lieu pour leur adoubaige, & eulx rafraischir, Ce que ne peurent. Car là feut lors le Vis-Admiral de Normandie, qui auoit ja sceu, comment ils ennuyoient les marchands, & couroient la mer. Parquoy ne les voulut illec souffrir aduitailler, ne faire adoubier leurs vaisseaulx. A ceste cause vuidèrent le port, & s'en allerent en Bretagne, à vn port de mer, nommé le port blanc, Où meirent leurs vaisseaulx à sec, & les adoubierent. Puis preindrent viures, & autres choses necessaires, pour leur nauigaige. Et appoinçterent entre eulx de passer les destroits de Gibraltar, & aller en la mer de Leuant, di-

Y y

M.D.VII. sans quelà pourroient trouuer quelque bonne ad-
uanture, Dont tirerent celle part.

CHAPITRE XLVI.

*Comment Messire Iean Chapperon, & Antoine
d'Auton, feurent assaillis en mer de deux
nauires Flamands, Desquels en prein-
dent l'un, Et chasserent l'autre.*



PLEINE VOISLE feirent singler leurs
nauires le Capitaine Chapperon, & le
Seigneur d'Auton, droict aux destroicts
de Gibaltar. Et eulx estans deuât le cap
de Fineterre, enuiron la feste Sainct Mi-
chel, vn iour au matin, sur l'esclaircie du Soleil leuât,
aduiferent deux gros nauires Flamands, equippez
en maniere de guerre, L'un, nommé Anne, & l'autre,
le Iaulain, tirans vers eulx à voisle tendue, comme
pour les vouloir assaillir, & l'approcher, comme
d'un iect de canon pres. Le Iaulain, qui alloit deuant
son compaignon, deux traicts d'arc, ou enuiron, feit
tirer vn coup d'artillerie contre les nauires François,
par maniere de deffiance. Le Capitaine Chapperon,
qui ne demandoit pas mieulx, ne faillit pas à luy ren-
dre son salut de mesmes, & luy feit ruër vn coup de
canon, en disant, Puis que entre vous auez commen-
cé le bruit, & corné la guerre, à nous en aurez. Puis
dit au Seigneur d'Auton, qui pres de luy estoit en sa

barque, Mon compaignon, à ceste heure auõs trou- M.D.VII.
ué à qui parler, comme pouuez veoir. Ce sont Fla-
mands, qui viennent à nous de droit fil, pour nous
assaillir. Mais ja ne nous sera reproché, que deux
Flamands, sans autres coups ferir, mettent en fuite
deux François. Or fus defendons nous, Car mestier
en est. Et sans plus de paroles, les vns, & les autres ap-
procherent. La barque du Seigneur d'Auton, plus
viste voilée que la nauire de Chapperon, se meit de-
uant, & adressa au nauire Iaulain, qui alloit aussi de-
uant son compaignon. Tant s'approcherent, que
l'un, & l'autre s'entre-abborderent, pour eulx com-
batre. Là commença dure meslée, Car celuy Iaulain
Flamand auoit grand force, & bonne artillerie, &
grosse route de gens armez, & tous gens de guerre.
Le Seigneur d'Auton de sa part auoit en sa barque
tant de moyenne, & menuë artillerie, que de pied à
pied en estoit garnie, & embouchée, avec cent sol-
dats, tous choisis, & hommes de main. Dont y en
auoit plusieurs ieunes Gentils-hommes de ses pa-
rens, & alliez, & autres, qui ne demandoient que la
picque. Que feut ce, A ceste premiere charge telle-
ment se batirent, que ceulx de la barque, de premie-
re rencontre, à coups de main, & d'artillerie, tuèrent
six hommes Flamands, comptez ainsi qu'on les iet-
toit en mer. De ceulx du Seigneur d'Auton feurent
plusieurs blesez, & vn Breton, nommé Chappy,
maistre de sa barque, tué, lequel eut d'un coup d'ar-
tillerie la teste emportée. Le Seigneur d'Auton, armé
de toutes pieces, la picque au poing, estant à l'assault

Y y ij

M.D.VII. avec ses gens en combatant, eut d'un coup d'artillerie emporté l'avant bras tout entier, sans estre blessé autrement, que fonné, & endormy le bras. Un ieune Gentil-homme des siens, nommé Aulbert de Masfoignes, combatit là tant hardiement, que cuidant estre armé de son habillement de teste, teint le combat longuement desarmé. Ce que aucuns des Flamands aduiferent, & luy ruèrent un coup de picque au trauers de la gorge. De quoy ne fait semblât, mais combatit sans vouloir desemparer sa place, iusques à tant que l'autre nauire Flamād vint secourir le Iaulain. Ce qu'il fait hastiuement, voyant que besoing en auoit, & qu'il estoit presques à l'ouurance. Le Capitaine Chapperon se hasta aussi, pour se ioindre à la barque, & estre aux coups donner. Or estoit celuy Iaulain tant tenu de pres, & si rudement assailly par ceulx de la barque, qu'il estoit tout espouuanté, & tant, que non obstant son secours, comme recreu, & paoureux, se desaborda de la barque, & se meit en fuite, laissant là son compaignon en la meslée, entre le Capitaine Chapperon, & le Seigneur d'Auton. Lesquels le teindrent si de court, que apres coups d'artillerie, & de main, d'un & d'autre costé donnez, se cramponnerent, Et eulx ainsi attachez, se batirent longuement. Mais finalement le Capitaine Chapperon, qui estoit frais, & delibéré, gaigna l'entrée, & avec ses gens se meit dedans, par force. Et combien que iceulx Flamands se defendissent à merueilles, si feurent ils oultrez par le dict Chapperon, & quarante d'iceulx mis à l'espee. Le maistre du dict nauire

feut retenu prisonnier, & trête de ses gens, avec trois M.D.VII. femmes, qui feurent mis dedans vn nauire Portugallois passant, & enuoyez par le dict Chapperon, à Lisbonne en Portugal. Ce faict, dedans celle nef prise, feut mis le Seigneur d'Auton, & sa barque baillée à Andrieu Gombault, son Lieutenant. Et pour gouverner la dicte nef prise, feut mis dedans vn Normand, nommé Richard du Lyô. Vingt & cinq paquets de draps de noir, & quinze cendrez d'argent, feurent là dedans trouuez, avec largesse de metaulx, & grand force d'annelets de cuiure, pour porter en Barbarie aux Maures, & grand nombre de bonnes pieces d'artillerie, & prou de viures. Aussi feut trouué vn grand coffre, foubz les paquets, que le Capitaine Chapperon feut mettre en la nef, pensant que quelque grand tresor y eust. Lequel feut ouurir, où ne trouua que petits cousteaux d'Allemaigne, & tout plein de miroüers. De toutes parts feut cherchée celle nef prise, & tout ce qui feut trouué dedans, mis au butin, & departy entre les Capitaines, & autres, qui là estoient.

P v i s entrepreindrent & conclurent de passer les destroiets, & eulx en aller hyuerner à Morgues en Sauoye, avec leur prise. Ainsi chascun se retira en son nauire, C'est à sçauoir, le Capitaine Chapperon dedans sa nef, le Seigneur d'Auton, dedans la nef prise, & Andrieu Gombault, dedans la barque du dict Seigneur d'Auton. Lesquelles nefs, feurent premier que partir garnies d'artillerie, & de soldat, & d'autre equippage, selon ce qu'ils en auoient. Et emprunte-

Y y iij

M.D.VII. rent des gens de leurs mesmes vaisseaulx, pour mettre dedans la prise, qui en estoit desgarnie. Eulx estās prests de partir, vn soir sur l'heure de vespres basses, aduiserent venir, & approcher, neuf grands nauires, Desquels estoit vn nommé la Iuliane, leur Admiral-le. Lesquelles ne voulurent attendre, ne rencontrer. Et pour eulx vouloir oster de leur route, se meirent auant en mer, & à cartier, où tirerent toute celle nuit, qui feut obscure, à cause des bruines qui estoient grandes, tellement qu'ils ne s'entreueirent plus. Et comme ils allassent en auant, vn nommé Bastien, Contre-maistre de la nef du Capitaine Chapperon, sur l'heure de la minuit, appella tout hault Richard du Lyon, Maistre de la nef prise, dedans laquelle estoit le Seigneur d'Auton. Lequel Bastien dit à celuy du Lyon, qu'il suiuiſt vne certaine route, comme pour aller apres le nauire de Chapperon. Mais iceulx Maistres des nauires, qui auoient entre eulx quelque butin de vaisselle d'argent à departir, & s'entendoient, A ce moyen ne demandoient que voye, pour eulx desfrober, & escarter leurs Capitaines, Ce qu'ils feirent. Car celuy du Lyon, faignant suiure la route du nauire de Chapperon, retourna au rebours, & preint le chemin deuers la Rochelle. Et le dict Bastien mena le Capitaine Chapperon, tout droict vers les destroiets de Gibraltar. Le Seigneur d'Auton tirant par mer celle nuit, pēsoit que sa nef suiuiſt celle de Chapperon, & qu'ils allassent vers les destroiets. A dueint que sur l'esclaircie du iour, sortit de sa chābre, & regarda en mer, tout au tour de luy,

& au loing, tant que sa veüe peut aduifer. Et ne veid M.D.VII.
que sa nef, & sa barque, de quoy feut esmerueillé. Et
lors appella Richard du Lyon, Maistre de la nef, Au-
quel dit, Qu'est cecy à dire Maistre, Où nous auez
vous amené ? Le croy que nous sommes escartez,
Car ie ne vois point la nef du Capitaine Chapp-
peron, que ie pensoye tousiours suiure, & accompai-
gner. Ce qui me faict penser, & dire, que nous som-
mes hors de la route, & esloignez de nostre voye.
Capitaine, dit le Maistre, Ie ne sçay si nous allons
droict, ou non, Mais ie suis bien seur, que nous sui-
uons droictement la route, que Bastien le Contre-
maistre de la nef de Chapperon, m'a dicté, & en-
seignée. Parquoy ne me debuez blasmer de ce, ne
encores vous sôcier de tant. Car peut estre que le
dict Chapperon ha voulu faire quelque course se-
crete, ou descouurir en mer, & puis se rêdre icy, mes-
mement pour ce qu'ils nous ont monsté ceste rou-
te. Ie ne sçay que péser, dit le Seigneur d'Auton. Car
le Capitaine Chapperon n'ha point accoustumé de
fesslongner, sans le me dire, ou m'en aduertir. Par-
quoy ie cuide qu'il y ait autre chose. Et sur ce fait re-
tourner sa nef sur la coste de Portugal, vers le cap
Saint Vincêt, Et là se meit à chercher le dict Chap-
peron, & enquerir à ceulx qu'il trouuoit sur mer, s'ils
en sçauoient aucunes nouuelles. Dont ne feut men-
tion, Car il auoit ja passé les destroicts, & tiroit vers
le Royaume de Grenade, Parquoy n'en peut sçauoir
autre chose. Mais non obstant ce, dit qu'il vouloit al-
ler vers les destroicts, & qu'il le trouueroit, ou iamais.

M.D.VII. ne cesseroit de chercher. Et voyant le dict Richard du Lyõ, Maistre de la nef, le Seigneur d'Auton, affectionné, & tout deliberé de suiure, & retrouver le dict Capitaine Chapperon, luy dit, Où voulez vous aller Capitaine? Sçaichez qu'il est impossible à nous de faire long voyage en mer, ne retourner arriere vers les destroiçts. Car les viures commencent fort à diminuer, Et de tant, que dedans vostre nef, n'y ha plus que vne pipe de breuuaige. Cè qui vous defend tirer plus outre, & vous monstre la voye du retour, & bien tost. Pour ce vous fault prendre port, pour aitailler, & faire equipper vostre nef, qui en ha tel besoing, que sans cela ne pouuez seiourner deux iours en mer, que vous, & vos gens, n'ayez trop grád soif. Pour sçauoir la verité de ce, le Seigneur d'Auton descendit en la soubste de sa nef, où là dedans trouua huiçt pipes de biere esoulées, que celuy du Lyon auoit laissé aller, Pour donner occasion de ne tirer plus outre, & de retourner. De quoy le dict Seigneur d'Auton le soupçonna, & luy en cuida faire question. Mais luy fallut pour l'heure dissimuler, pource qu'il auoit affaire de luy, au gouuernement de sa nef. Avec ce destour, surueint le vent contraire, dont ne peurent tirer en auant, ne suiure le Capitaine Chapperon. Dont à ceste cause s'en retournerent, & feurēt aborder à vn lieu, nommé Vergerou, à la gueulle de Charente pres Soubise, esperans là aitailler leurs vaisseaux, & radouer, pour vouloir derechef aller chercher & suiure le Capitaine Chapperon.

TANTOST

TANTOST apres qu'ils eurent mis ancrés à fonds, M.D.VII. le Seigneur d'Auton voulut prendre terre, & laissa dedans sa nef prise Richard du Lyon, le Maistre, & quelques autres sous luy, pour la garder. En laquelle demeura la plus part du butin, mesmement toiles de Hollande, draps, tapisserie, & metaulx, à grand nombre. Aussi laissa là Andrieu Gombault, pour garder sa barque, & faire prouision de victuailles. Et ce faict, s'en alla à son hostel d'Auton, vne iournée pres de là, pour illec se vouloir rafraischir, & veoir sa femme. Cependant adueint que la dicte nef prise, feut tout soubdainement & sans sçauoir comment, toute embrasée, & mise en flamme. En maniere, que le Maistre, & ceulx qui estoient dedans, à peine se peurent sauuer. Laquelle, ne peut estre secourüe, ne estainct le feu de dedans, que sans remede elle ne brustast iusques à la soubste, & tout ce qui estoit dedans. Et ainsi le pauvre Gentil-homme, Seigneur d'Auton, perdit en vn moment, ce que à dur trauail, longue peine, & perilleux danger, auoit sur la mer gaigné. Et ne peut oncques au vray sçauoir, qui auoit esté le boute-feu, si n'est que trois Flamands prisonniers là dedans, se desroberent la nuit de deuant, Où par auanture composerent avec le Maistre de la nef, qui ja parauant auoit faict vne faulx pincte. Or veint à tant, que iceulx Flamands sortirent de la nef, & preindrent vn esquif, où se meirent. Puis, tirerent oultre, & en passant, dirent à quelques payfans, qu'ils trouuerent là pres, sur la coste de la mer, que auant deux iours entiers la dicte nef seroit bru-

ZZ

M.D.VII. flée. Ce qu'elle feut par quelque trainée, comme est à penser, ou esmorce, qu'ils auoient faict. Et tout en l'heure, que le feu feut dedans la dicte nef, celui Richard du Lyon, Maistre en icelle, sans prendre congé de son Capitaine, s'en alla d'emblée, & s'enfuit, qui oncques puis ne feut veu en ce lieu.

LES marcháds & cursoires de mer, qui par cy deuant auoient rencótré en mer le Capitaine Chapperon, & son compaignon, en auoient en leurs pays, & autres lieux, où depuis auoient esté, faict si estrange rapport, & tant espouuentables nouuelles dictes, que nul pour doubte d'iceulx, osoit sans bonne garde, ou grande compaignée, nauiguer, ou approcher les passaiges, & destroicts de la mer d'Occident. Ce qui moult ennuyoit les marchands, & empeschoit leurs voictures, & portoit grand dommaige aux ports de mer de leurs marches. Dont à ceste cause plusieurs, mesmement de ceulx qui auoient comme i'ay dict, esté assaillis, & chassez, & de ceulx qui de la nef, & des vrques de Flandres prises, estoient eschappez, en firent grandes plainctes vers le Roy, voire & de tels, qui par auanture auoient par autres esté destroussez. Car toutes les courses, & pilleries faictes en mer, durant le temps, que le Capitaine Chapperon, & le Seigneur d'Auton, son compaignon, furent sur mer, leur furent toutes mises sus, & de ce furent enuers le Roy accusez. De quoy feut si tres-mal content, qu'il dit que sil les pouuoit tenir, qu'il en feroit telle iustice, que ce seroit à l'exemple de tous autres. Pensant qu'ils n'eussent adueu, & aussi

disant que sans son congé ne debuoyent entrer en M.D.VII. mer, à main armée. Aduent que par aucuns marchands feut aduertý, que le Seigneur d'Auton auoit abordé ses nauires vers Soubise pres la Rochelle, & pris terre. Dõt enuoya vingt & quatre de ses archers de la garde, iusques à Auton, en sa maison, pour le cuider là trouuer, & faire prendre. Mais luy aduertý de ce, par aucuns de ses amis, vuida la place, & s'en alla autre part, tenant chemins escartez, & voyes secretes. Estant tousiours en habit dissimulé, sans tenir seiour en logis, plus hault d'une nuit, doubta à merueilles tomber entre les mains du Roy, qui de iour en autre auoit de luy, & du Capitaine Chapperon, plainctes nouuelles.

Ainsi s'en alloit de lieu en autre tout couuertement, tousiours au pourchas de sçauoir nouuelles de son compaignon Chapperon, Lequel auoit ja passé les destroiets de Gibraltar, pour aller au Royaume de Grenade, Où à l'approcher d'une ville, nommée Armairie, de celuy Royaume, celuy Chapperon, & ses gens, apperceurēt sur les ondes de la mer, au derriere de la poupe de leur nef vne teste blonde, qui les suiuit par sus les ondes, le visage descouuert, plus de trois lieues de mer. De quoy s'emerveillerēt moult, & ne sceurent bonnement que penser de ceste chose, si n'est que le Capitaine Chapperon voyār celle teste blonde sur l'eau, qui le suiuit, pēsa que ce feust la teste de son compaignon, lequel auoit les cheueux blonds, cuidant qu'il se feust mis à cartier hors la route, & que quelques nauires plus forts

Zz ij

M.D.VII. l'eussent rencontré, & deffaict. Toutesfois à la parfin ne sceut que cela deueint. Dont s'en alla de tire aborder au port d'Armairie, où feut là recueilly par ceulx de la ville honnorablement, & bien receu. Là print rafraischissement, & seiourna l'espace de quinze iours, bien soucieulx de son compaignon, qu'il ne voyoit, ny n'en sçauoit nouuelles. Dont estoit à malaïse, pensant qu'il eust eu quelque fortune de mer, qui l'eust eslongné, & mishors de route. Si s'en reueint d'Armairie, & tira à Aigues-mortes, où seiourna le temps de trois sepmaines, attendant s'il auroit nouuelles du Seigneur d'Auton. Et voyant que là n'en pouuoit autre chose sçauoir, ne sceut que penser de luy, si n'est qu'il feut perillé, ou pris en mer. Et sur ce s'en alla d'Aigues-mortes aux Isles de Marseille, attendant là tousiours quelques nouuelles. Et luy estant là, sçaichant que le Roy auoit eu plainctes de luy, & de son compaignon, n'osoit prendre terre. Si dit que s'il pouuoit auoir sauf-conduit pour luy, & pour ses gens, de la Cour de Parlement d'Aix, que il se mettroit à terre, pour prendre rafraischissement. Parquoy enuoya vn des siés deuers vn des Seigneurs de Parlemēt, Seigneur du Luz, pour sçauoir s'il pourroit auoir son sauf-cōduit. Lequel Seigneur du Luz luy manda, qu'il l'auroit tel qu'il voudroit, & preint charge de le luy faire despelcher, & signer de la dicte Cour. Ce qu'il feit, & l'enuoya au dict Chapperon. Lequel avec son sauf-conduit descendit, & preint terre à Marseille. Puis voulut aller à Nice, pour quelque affaire qu'il eut là, & parce qu'il n'auoit nuls che-

uaux, pria le Seigneur du Luz, luy en bailler. Bien dit M.D.VII. le Seigneur de Luz, ie vous en bailleray, ce que vous en aurez besoin, & vn miē seruiteur, pour vous conduire. Et sur ce luy bailla cheuaux, & homme, pour le mener. Mais sçaichāt le chemin que le dict Chaperon tiendroit, manda de nuict aux Seigneurs du Parlement d'Aix, par vnes lettres, que le lendemain au matin le lieure partoit du giste, & qu'il tiroit vers Nice, Pource tendez là vos rets au passaige, & là ne le fauldrz. Et sur ce les dicts Seigneurs de Parlemēt d'Aix, combien qu'ils eussent donné sauf-conduict au dict Chapperon, meirent grand nombre de gens armez sur le chemin. Et sans ce que le dict Chapperon se doubtaſt de ce, à l'heure qu'il feut au logis, pour cuider repaistre, se meirent dedans son dict logis. Et là au despourueu le trouuerent & preindrent, & le menerent à Aix prisonnier. Oū demeura par l'espace de trois sepmaines, bien à destroict, & fort douteux de son affaire. Mais tant adueint, que au pourchas d'aucuns ses amis, qui tant adoulcirent le charrier, qu'il luy feit ouuerture. Dont s'en alla de nuict, & se remeit en son nauire, tirant en mer, tant comme il peut, sans oser plus prendre terre de long temps, & iusques le Roy par aucuns de ses amis feust quelque peu adoulcy, & que les plaintifs feussent contents.

CHAPITRE XLVII.


Comment le Roy des Romains meit derechef son armée sus, pour passer la Lombardie, & comment le Roy s'en alla à Lyon, cuidant passer les monts, pour se trouuer au deuant de luy.



LE ROY des Romains, qui ja auoit faillly à passer par la Lombardie, pour l'empeschement que le Roy luy auoit fait par cy deuant, derechef feit son armée, & se delibera de passer, disant que si le passaige de la Lombardie luy estoit empesché par les François, que par la terre des Venitiens passeroit, ou il ne pourroit. Et pour ce feit grand amas d'Allemands, & grosse gent d'armée. Ce que le Roy sceut tantost par ses postes. Dont enuoya diligemment de là les monts deuers Messire Charles d'Amboise, son Lieutenant, luy mandant, que avec grosse armée de François, qui lors estoient de là, il se trouuast au deuant du dict Roy des Romains, pour luy defendre le passaige. Ce qu'il feit: Car incontinent ordonna Capitaines, & grosse route de gens d'armes, pour aller aux passaiges, & iceulx garder, & empescher, Et pour donner temps à toute l'armée de marcher, laquelle se trouueroit là à temps, pour luy donner la bataille, s'il fessayoit de passer. Aussi les Venitiens,

qui auoient villes, & passaiges, sur les frontieres d'Al- M. D. VII.
lemagne, vers la Lombardie, sçaichans que le Roy
des Romains vouloit passer par là, meirent grosse ar-
mée sus, pour aller defendre leur terre.

LE ROY sçaichant à la verité les dictes choses,
dit qu'il iroit en personne. Et deliberant de ce faire,
partit de Blois, le troisieme iour du mois de Feb-
urier, Et s'en alla son droict chemin, tirant à Lyon sur
le Rhosne. Lequel se trouua vn peu malade par les
chemins. Dont s'arresta à Milhan, où seiourna quel-
que peu de temps. Puis lors qu'il peut cheuaucher,
se meit à la voye, & s'en alla à Lyon, La Roynes quand
& luy. Et là feirent leur feste de Pasques, sur laquelle
ie finiray mes Chronicques Annales des ans mille
cinq cents & six, & mille cinq cents & sept.





EXTRAICT DV SIXIESME
LIVRE DES ANNALES DE GENNES,
d'Augustin Giustiniano, Euesque
de Nebio.

M. D. VI.



EVILLET 258. b. L'anno di mille cinquecento sei, la Citta stata gia sette anni sotto il gouerno di Francesi, era cresciuta in ricchezze, & fatta opulente, & si speraua che tuttauia douessi migliorare, ma seguite il contrario. Perche la Citta fu in pericolo di esser ruinata, infino a fondamenti, per cagione della guerra ciuile, che fu fra nobili, & popolari. Della cagione della guerra, molti hanno assignato molte cause.

FEVILLET 261. b. Si hebbero per questi tempi lettere del Re, il qual comandaua, che ciascaduno douessero depouer l'arme, & che liberamente, & senza paura douessi tornare a i negotij, & facende sue, & che non fusse molestato Gioan Aloise Flisco, ne per le terre sue proprie, ne per quelle della Republica, che gli erano ricomandate. Si lesse anchora vna altra litera del Re, la quale confirmaua la legge noua, che i populi haueuano fatto delle due terze parti de gli vfficij, & sua Maiesta perdonaua a tutti coloro, quali haueuano leuato l'arme, & como vero padre, confortaua il populo alla pace, & al negocio. Certo che la clementia & bonta del Re fu grandissima, & dignissima di ogni

ogni laude. Et subito furono congregati i Magistrati della Città, & fustatuito, che si douessero restituire al Gouvernatore le terre della Riuera, la qual cosa come fu intesa dalle Capette, & dalla infima plebe, con la consueta pazzia, & leggerezza, vennero a noui tumulti. Per il che il Gouvernator Rauasteno delibero di partirsi, & di abandonare il regimento della Città, accioche la sua autorita, non senza gran vergogna del Re, non fusse ogni hora fatta piu vile. Era processa la cosa tanto inante, che egli non haueua piu authorita alcuna, ne gli era portato riuerenza, ma ogni cosa si facena secondo la volonta de i tribuni. Et se per li magistrati superiori era ordinato cosa alcuna, che non fusse approuata da Tribuni, era cassa, & nulla. La qual cosa, accadeua ogni hora. Per che i tribuni non conosciuano ne adheriuano a i boni Consigli.

FEUILLET 263. a. Vennero in questo tempo lettere dal Cardinal di Finaro, affirmati che alla Città non mancheria la misericordia, & la gratia del Re, ancor che il Populo hauesse fatto molte cose contra sua Maiesta. Et che la bonta del Re era tanta, che non negaria ogni honesta conditione. I boni, i sauï, & i richi popolari, voleuano seguire il consiglio del Cardinale, & componersi col Re, ma i tribuni furono contrarij.

ET derechef au mesme feuillet, & en la mesme paige, Vennero di nouo lettere, & messi dal Cardinal di Finaro, qual exhortaua che si mandassero Ambasciatori al Re, & che non si contendessi con sua Maiesta con l'arme. I boni, prudenti, & sauï popolari, voleuano fare quanto il Cardinal consigliaua. Ma a i Tribuni, & alle Capette si can:aua come si canta a i sordi, & tuttauia douentauano piu feroci.

Aaa

M.D.VII. ET encores au mesme feuillet b. *Le Capette per vna gran parte fugirono fora della Citta, la quale certamente fu in gran pericolo di essere assacomana, ma la clementia, & prouidentia del Re, fu grandissima, per che mando cinquecento Francesi alle porte della Citta, & altrettanti su i monti, che proibissero, che i Suizzeri, & ventureri, non entrassero dentro.*

M.D.VIII. FEUILLET 264. b. & 265. a. *L'anno di mille cinquecento otto, la Citta era sotto il dominio del Re di Francia: & al gouerno di quella era Rodolfo di Lanoi. Vi era anchora vn altro Vfficiale, sotto titolo di Presidente. Et come che il Castellano di Castelletto, haueſi piu presto per malignita sua; che per Regio comandamento, ruinato molte case in cerco la chiesa di S. Francesco, il Re come che fuſſi giusto, & bono, conoſcendo che la maggior parte delle case ruinate, erano di pouera gente, & fatte ruinare senza ragione, diede dieci millia ducati, che fuſſero distribuiti fra i padroni delle case, in ricompensa del danno quale hauuano hauuto. Et coſi il Gouvernatore, & il Presidente, in compagnia di quattro Cittadini, i quali pigliarono con l'autorita de gli Antiani, fecero queſta tal diſtributione.*

ET Sauoneſi tuttauia lenauano la creſta contra la Citta, & ſi faceuano piu oſtinati, & tentorono molte coſe contra quella; & vennero à tanto, che ricuſorono di pagar legabelle, & dritti conſueti. Et il Re commiſſe queſta cauſa al ſuo Gouvernatore, il quale, ſeruati i termini della giuſtitia, giudico in fanore di Genoefi.

IL Gouvernatore di Lanoi ſopradetto non ſi curo piu del gouerno della Citta, per che era huomo molto virtuoso, & da bene, & cognobbe aſſai preſto l'ambitione, & la malitia.

di molti Cittadini, quali voleuano gouernare la Citta a lor modo, con danno di quella, & con vituperio del Re. Egli haueua fatto imprigionare alquanti Sauonesi giustissimamente, per debiti del commune. Et questi ambiziosi non si vergognorono andar a pregar per loro, contra la propria patria, che li fu molto molesto: Et li fece in publico vna gran riprensione, & biasmo assai il lor modi, & poi cerco esser leuato dall' vfficio. Et successe a lui Francesco di Roccaioarda, il quale entro in vfficio del mese di Ottobre, & giuro di offeruare i priuilegi, che il Re haueua concesso alla Citta.

IN l'anno di M. D. IX. i Padri del commune furono M.D.IX. Giovanni Ambrosio di Nigrone, Sorleone Lomellino, Bernardo de i Franchi Giulia, & Battista Botto, i quali condussero vno architetto Siciliano, nominato Anastasio, per opera del quale, con molto maggior facilità, che non era consueto, si poteua fabricare il mole. Et si fece in capo di quello, vna scopularia di gran quantita. Et vicino al ponte de i Catani, si trouorono vene di acque dolce molto abbondanti, & copiose: & furono ristrette in vna cisterna per commodità del populo. Riparorono questi Padri in molti luoghi le vie della Citta, & fecero silicare quelle di matoni, che fu grande ornamento della Citta. Riparorono l'acquedutto publico, in diuersi luoghi. Rinouorono & cambiorono il luogo del macello della porta de gli Erchi, che fu a commodità grande, & ornamento della Citta. Et la Citta perseueraua in gran quiete, & in gran riposo. Et gli vfficiali Francesi erano haunti in gran riuerenza & i soldati, cosi della piazza, come delle Castelle, erano douentati molto modesti. Et questi tutti furono de i frutti, & delle reliquie del Go-

Aaa ij

uernator di Lanoi, & furono impiccati dagli vfficiali Francesi, molti ribaldi, & scelerati.

M. D. X. FEUILLET 266. a. L'anno di M. D. X. la Citta era assai quiata, & si sentiuan anchora i frutti delle buone opere del Governator passato. Per che coloro i quali per le ricchezze, per l'auaritia, & per l'ambition loro, voleuano superar gli altri, ne gli vfficij, & nelle dignita della Citta, non erano compiaciuti, anzi stauano a regola, & piu presto bassi, che altrimenti. Et pareua benissimo, che il regimento della Citta fusse Regio, & non tyrannico.

M. D. XI. FEUILLET 267. a. L'anno di mille cinquecento vndeci, parue ben fatto alla Citta mandar quattro Ambasciatori al Re di Francia, Franco de Flischo, Thoma Cataneo, Gioanni da Passano, & Pantaleo Rebuffo. Et domandarono molte cose a sua Maiesta, Et tutto li fu benignamente concesso, excetta la mutation del Governatore.

M. D. XII. FEUILLET 267. b. Seguita l'anno del mille cinquecento dodici, nel quale fu il sacco & la guerra acerba di Bressa, La qual Francesi piglorono per forza. Fu etiamdio in questo anno il crudelissimo fatto d'arme di Rauenna, tra la gente del Papa, ch'erano per la maggior parte Spagnoli, & la gente del Re di Francia. Et anchor che Francesi restassero vincitori, non dimeno fu morto il Capitano loro, Monsignor di Foëys, con vno gran numero di Capitani, & d'altre genti a piedi, & a cauallo, & fu presa da Francesi, & messa a sacco la Citta di Rauenna. I Sueri anchora, a persuasione del Cardinal di Sion, discesero in Lombardia, & occuparono Milano, & molte altre terre. Et in Genoa era tra Cittadini vn mirabile consenso, & vn mirabil ardore di mantenere & conseruar la

Circa nel stato Regio, le cose del quale in Lombardia erano in declinatione.

¶ Extraict du dix huietieme liure de l'Histoire de Gennes, de Pierre Bizarus.



AIGE 414. *Omniū Scriptorum consensu, & iudicio, Rex Ludouicus se optimum Principem in hac Republica semper gessit, atque ostendit. Ita, vt nihil optari, vel votis concipi ab ea potuerit, quin id ab ipso summa cum liberalitate, atque animi promptitudine, quàm primùm impetrasse dicatur. Mirum igitur omnibus, iure, ac meritò videri debet, quinam factum sit, vt populus Genuensis, fidei data immemor, & quietis publica impatiens, tam precipitanter, & nulla iusta præbita, vt narrant, ab ipso Rege occasione, ab illius obsequio, non sine graui totius Reipublicæ detrimento, paucorum petulantia, & leuitate incitatus, defecerit.*

P. 422. *Contra omniū spem, & opinionem, urbem ipsam M.D.VII. in pristinum statum, ac planè in eum, in quo ante rebellionem fuerat, cum summo incredibilis mansuetudinis & bonitatis exemplo, restituit, atque asseruit.*

P. 423. *Regis decreto, ac voluntate, Reipublica legibus partim constitutis, partim innouatis, de more solemnibus, Senatus, & plerique equestris ordinis viri, nomine publico, Regi pro tribunali sedenti, iusiurandum fidelitatis, & obsequij, publicè magna cum religione, ac veneratione, detulerunt. Et Rex, inusitata quadam, & ferè inaudita:*

Aaa iij.

mansuetudine, & humanitate, defectiois, aliarumque iniuriarum illatarum memoriam, aterna obliuione publico diplomate deleuit, exceptisque sexaginta viris, quos supremo iudicio tradidit, ut de ipsis inquisitio haberetur, ceteris omnibus ignouit.

¶ Extraict du douziesme liure de l'Histoire de Gennes, de Hubert Foglieta, Gentilhomme de Gennes.



EVILLET 291. b. & 292. a. *Nihil gratius fuit, quàm Rodulfus Laniois, Ciuitati cum summo imperio praefectus, vir iustus, ac sanctus, & in omnibus Officij gradibus, castè, & integrè seruandis, in primis diligens. Huius viri multa eximia extiterunt, in rebus lapsis restituendis, ciuitatisque quiete constituenda. Nam Ciuitatem, omnemque Genuensem ditionem, facinorosis hominibus, seditiosis, ac vitam latrocinij, rapinis, maleficijs tolerare solitis, purgauit, partim merito supplicio affectus, partim in exilium actus: & pratorianorum, caterorumque stipendiariorum licentiam, ab iniurijs faciendis, pudicitia mulierum tentanda, aliisque maleficijs admittendis, seueritate poenarum cohibuit. Cum nullus esset ignoscendi locus apud hominem, precibus inexorabilem. Omnes denique Ciuitatis partes, ad bonam frugem egregia disciplina conformauit. Quae non modò, ipso res regente, sed ad multum tempus viruit, ac viguit, ut multis ab eo tempore annis, maiore quiete, tranquillioreque rerum statu, nunquàm Genuenses vsi*

sint; Regiumque seruitium Ciuitati in bonum vertisse vulgò gauderent.

TANTORVM meritorium gratiam, praclaro fine conclusit, ipsi per honorifico, ceterum Genuensibus lugubri, quos tanto rectore orbauit. Nam cum in controuersia cum Saonensibus, qui cladibus Genuensium animos sustulerant, atque consueta onera, & tributa, soluere recusabant, Index à Rege datus, caussa cognita, secundum Genuenses iudicium tulisset; offensus nonnullorum ciuium Genuensium importunitate, qui non veriti essent contra patriæ iura, Saonensibus fauore suo adesse; asperis verbis, in illorum proiectam impudentiam, palàm inuectus, Cum vitia Ciuitatis virtute sua superiora ferre non posset; neque celsum ingenium, atque ab omni labe integrum, inter corrupta omnia libidine, ambitione, auaritia Principum Ciuitatis, priuatis compendijs, ac cupiditatibus seruientium, praeque illis bonum, & dignitatem publicam contemnentium, versari; facultate à Rege tandem impetrata, urbem reliquit, bonis luentibus, munusque & procurationem sponte ab se abiudicatam Francisco Rocatoarda tradidit, cum non plus annum Genuæ fuisset, qui fuit eius seculi octauus.

INSEQUENS annus, nihil memorabile habet, præter M.D.IX. multiplicem, ac Ciuitati perutilem, simulque speciosam operam Ædilium, quos Patres Communis appellant; aquaductibus multis in locis resectis, lanienis, quæ in celebribus vrbis locis, tetro odore suo offendeabant, in loca remotiora translatis, areis, ac plateis publicis, resectis, ac lateribus coctis stratis: quæ res salubriorem Ciuitatem, illiusque adspectum speciosorem fecit; ingenti immanium saxorum, ac scopulorum vi mole communita, fundamentisque illi augendæ ia-

Etis, quæ maxima est impensa, & laboris pars.

QUATVOR item ingentes corbita, Ciuitatis impensis, & stipendijs, armata sunt, ac Regi in vsum belli, missa, quod ipse, & fœderati cum Venetis gerebant; quod bellum, illos in extremas angustias adduxit.

M.D.XII. ET FEVILLET 293. a. Sequitur annus eius seculi duodecimus, qui dominatui Gallorum finem attulit; cùm res Gallica in Insubria ad iniqua inclinata essent, Heluetijque, Sedunensis Cardinalis impulsu, in Italiam descendissent, Mediolanumque occupassent. Quare Iulius adiuuandam fortunam statuens, Fulgosiæ factionem iterum contra Gallos excitat, quæ cùm occultè moneri sensissent Genuenses, dulcedine præsentis quietis capti, ab omniq; consilio abhorrentes, quod illam turbaret; ac propterea Regium dominatum, tanti boni auctorem, & conseruatorem toto animo amplexi; vnanimis omnia studia in illum defendendum conferunt.





Annotations.



AG. 147. *Jacques de Rohan, Seigneur de Leon.*)

CE Jacques, Vicomte de Rohan, Seigneur de Leon, & Comte de Porhoet, estoit fils de Iean troisieme du nom, Vicomte de Rohan, fils d'Alain dixieme, fils d'Alain neuvieme, qui feut fils d'Alain huitieme, & de Beatrix, Comtesse de Porhoet, fille d'Oliuier de Clifson, Connestable de France.

ET le dict Alain huitieme, fils de Iean deuxieme, Vicomte de Rohan, Lequel feut marié deux fois. La premiere, avec Ieanne heritiere de la Seigneurie de Leon, De laquelle il eut le dict Alain huitieme. Et en secondes nopces, avec Ieanne de Navarre, (fille de Philippes, Roy de Navarre, fils de Louys, Comte d'Eureux, fils de Philippes troisieme, Roy de France,) De laquelle il eut vn fils nommé Charles, Seigneur de Guemené, pere de Louys, premier du nom, Seigneur de Guemené. Qui de Marie, Dame de Montauban, fille de Iean, Seigneur de Montauban, Marechal de Bretagne, eut trois fils, Louys deuxieme, Seigneur de Guemené, Iean, Seigneur de Montauban, & Admiral de France, & Pierre, Seigneur de Gié, Marechal de France, du regne des Roys Louys onzieme, Charles huitieme,

Bbb

& Louys douzième.

LE dict Louys deuxième, Seigneur de Guemené, feut pere de Louys troisième, qui espousa Renée du Fou, Dame de Montbason, De laquelle il eut Louys quatrième, pere de Louys cinquième, pere de Louys sixième, premier Prince de Guemené, pere de Hercules, Duc de Montbason, Pair, & grand Veneur de France.

QUANT au dict Pierre, Seigneur de Gié, Marechal de France, il eut aussi trois fils comme son pere. L'aîné desquels feut Charles, Seigneur de Gié, (pere de François, Lieutenant pour le Roy en Bretagne.) Le second, Pierre, Seigneur de Frontenai. Et le troisième, François, Archevesque de Lyon, qui presida au Concile tenu à Tours, l'an mille cinq cents dix.

LE dict Pierre, Seigneur de Frontenai, eut d'Anne, Vicomtesse de Rohan, fille du dict Iean troisième, Vicomte de Rohan, René premier du nom, Vicomte de Rohan. Duquel, & d'Isabelle d'Albret, sa femme, (fille de Iean d'Albret, & de Catherine de Foix, Roy, & Roïne de Navarre,) est venu René deuxième, Vicomte de Rohan, pere de Henry, Duc de Rohan, & Pair de France.

¶ P A G. 173. & 175. *Et entre autres, le Marquis Francisque de Gonzago, Marquis de Mantoüe.*)

CE Francisque de Gonzague, Marquis de Mantoüe, (fils de Federic, Marquis de Mantoüe, fils de Louys, aussi Marquis de Mantoüe, qui feut fils de Iean François, premier Marquis de Mantoüe, l'an mille quatre cents trente trois,) espousa Isabelle, fille

de Hercules, premier de ce nom, Duc de Ferrare. Dont il eut vn fils nommé Federic, Marquis & depuis Duc de Mantoüe. Lequel de Marguerite, fille de Guillaume Paleologue, Marquis de Mōtferrat, a eu trois fils, François, premier du nom, Duc de Mantoüe, & Marquis de Mōtferrat, Guillaume, Duc de Mátoüe, & de Montferrat, (pere de Vincent, pere de François deuxiesme, & de Ferdinád, successiuelement Ducs de Mantoüe, & de Mōtferrat,) & Louys, Duc de Neuers, pere de Charles, aussi Duc de Neuers.

¶ P A G. 316. *René de Cossé, premier Panetier.)*

CE René, premier Panetier des Roys Louys douziesme, & François premier, & outre grand Fauconnier de France, & Gouverneur des pays d'Anjou, & du Maine, espousa Charlotte Gouffier, fille de Guillaume Gouffier, Seigneur de Boisy, & de Philippes de Montmorency, & sœur d'Artus Gouffier, grand Maistre, & de Guillaume Gouffier, Admiral de France. De laquelle il eut deux fils Mareschaux de France. Le puîné, feut Artus, Seigneur de Gonnor, & Comte de Secondigny. Et l'aîné, Charles, premier Comte de Brissac, Lieutenant general en Piedmōr, pere de Timoleon, Comte de Brissac, Colonel de l'Infanterie Françoisse, & de Charles deuxiesme du nom, Comte de Brissac, le troisieme de la Maison Mareschal de France.

¶ P A G. 303. *Mais d'aucune chose ne peut preiudicier au Roy l'honneur, par luy faict à autruy liberalement, & non accepté par auctorité. Comme fait tousiours le Roy d'Arragon, qui à tous honneurs refusa l'aduantage premier que*

Bbb ij

l'accepter. Sçachant aussi que par le Maître des ceremonies à Rome, sur & devant tous autres Roys Chrestiens, le Roy de France est le premier aux honneurs.)

C'EST pourquoy l'an mille quatre cents quatre vingts six, les Ambassadeurs du dict Roy d'Arragon, (qui s'appelloit Ferdinand,) & d'Isabelle, sa femme, Roy, & Roynes de Castille, Leon, Arragon, & Sicile, debaterēt à Rome en la Chappelle du Pape, suiuant leur Instruction, avec l'Ambassadeur de Maximilian Roy des Romains, pour le premier lieu apres celuy du Roy Charles huictiesme. Par ceste Instruction, le Roy Ferdinand, & la Roynes Isabelle, aduoüans assez que de raison ils debuoiēt ceder la preface & prerogative d'honneur au Roy de France.

IHEROSME Surita, Historiographe du Royaume d'Arragon, lib. 20. de los Anales de Aragon, cap. 78.

EL Dotor de Medina, y el Protonotario Bernardino de Caruaial, que hazian en la Corte Romana officio de Embaxadores, representarō al Papa la obligaciō que teniā los Reyes y Principes Christianos, de procurar el remedio del caso acaecido en la persona del Rey de Romanos: y que mucho mayor era la que reconocian tener el Rey, y la Reyna, por el deudo, que tenia con ellos. Auian tenido estos mismos Embaxadores gran differēcia con el Embaxador del mismo Rey de Romanos, sobre el preceder de los asientos en la capilla del Papa: y diose orden que no consintiesse que entre los Embaxadores de Francia, y ellos, estuuiesse los del Rey de Romanos: y si caso fuesse, que precediesse el Embaxador del Rey de Romanos al del Rey de Francia, lo consintiesse, y no se contradixesse, y si estuuiesse en diferencia, esperassen a l

que se determinasse entre ellos ; y entretanto escusassen toda competencia con el Embaxador del Rey de Romanos : pero tam poco querian que sus Embaxadores consintienssen, que les precediesse el del Rey de Romanos, no precediendo al del Rey de Francia.

ET Iean de Mariana, natif de Talauere en Castille, del'Ordre des Iesuiſtes, en l'Histoire d'Eſpaigne, imprimée à Toledo l'an 1595. & depuis à Franckfort, liure 25. chap. 12.

MEDINA Iureconsultus, & Bernardinus Caruaialius, apud Romanum Pontificem pro Ferdinando legatorum partes implebant. Iis mandatum, vt Maximiliani legatis, quos ad Pontificem miserat prater morem maiorum, vt quidam disputabant, superstite patre Augusto, ita priores partes concederent, si Galli Regis Oratores idem facerent: medios assidere non paterentur.

ET en l'edition en langue Espaignolle de Madrid l'an 1608. En Roma hazian officio de Embaxadores por los Reyes Catholicos, acerca del Papa, el Doctor Medina, y el Protonotario Bernardino de Caruaial, poco despues Obispo de Astorga, adelante Cardenal y Obispo de Osma, de Badaios, de Cartagena, de Siguença, y de Plasencia successiuamente. Mandaron los Reyes a estos Embaxadores, que por quanto Maximiliano Rey de Romanos, embio sus Embaxadores al Papa, fuera de lo que se acostumbraua, como algunos pretendian, por ser bino el Emperador su padre: que les diessen el primer lugar, solamente en caso que los Embaxadores de Francia hiziesen lo mismo. Que aduirtiesen no los dexassen asētar en medio de los de Frãcia, y ellos, sino que si los de Frãcia precedian, ellos al tãto tomassen mejor lugar.

Bbb iij

P O U R la meſme raiſon , l'an mille cinq cènts ſoixante & quatre , Dom Louys de Zuniga de Requeſens , grand Commandeur de l'Ordre militaire de Sainct Iacques en Caſtille, Ambaſſadeur à Rome de Philippes deuxieſme Roy d'Eſpaigne , ayant taſché d'obtenir du Pape Pie quatrieſme , qu'il eut en ſa Chappelle le premier lieu ſur Henry Clutin , Sieur d'Oifel , Ambaſſadeur du Roy Charles neufieſme, ou bien ſi faire ſe pouuoit de luy eſtre eſgalé, le Pape prefrant le Sieur d'Oifel à de Requeſens , luy conſerua en ſa Chappelle, le iour de la Pêtecote, le premier lieu apres celuy de l'Ambaſſadeur de l'Empereur.

O N V P H R E Panuinius, Veronois, de l'Ordre de Sainct Auguſtin, in vita Pontificis Pij quarti, & Cabrera Morales, Eſpagnol, Continueur d'Alphonſe Ciacon, libr. de geſtis ſummorum Pontificum, in Pio IV. Pontifice.

H A V D longè poſt controuerſia de honoratori in conſeſſibus publicis loco, inter Oratores Gallum, & Hiſpanum, diu ante Franciſci Varga opera excitata, Pontifex poſt longas tergiuerſationes ſummum Gallo locum aſignauit. Cùm de concordia forma multùm conſuluiſſet, nec vllam reperifſet. Hiſpanus enim ſuperiorem conſeſſum Gallo negabat. Gallus Hiſpanum aequalem recusabat. Obeam rem Ludouicus Requeſens, magnus Caſtellæ Commendator, Hiſpanus Orator, irritatus, poſt publicam conteſtationem Regis ſui nomine Pontifici factam, quam Pontifex ſuſcepit, & iudicium pollicitus eſt, Roma abiit.

P I E R R E Giuſtiniano, Gentilhomme & Senateur

de Venise, Historiæ Venetæ, lib. 15. Pontifex circa ius. Præcedentiæ inter Gallorum, & Hispaniarum Regum Oratores, priorem locum Gallo, uti semper observatum fuerat, attribuit. Ex quo Philippus Rex valde indignatus, Oratorem suum à Romana Curia statim revocavit.

LO V V S Cavitelli, Gentilhomme Cremonois, in Annalib. Cremonensib. Anno Do. 1564. Orta controversia inter legatos Regum Hispaniæ & Galliæ Romæ penes summum Pontificem, cum alter alterum vellet præcedere in pompis, & alijs, quibus cõtingeret ibi adesse, summus Pontifex declaravit debere præcedere legatum Regis Galliæ, sub fundamento, ut creditur, quod prædecessores Regis Galliæ statum Romanæ Ecclesiæ ac Religionis Christianæ valde auxerint, & pro eo conservando & ampliando multa bella obierint, & præclara facinora egerint adversus infideles, & alios, qui ipsum opprimere voluerint, & Galliæ Regnum sit antiquius Regno Hispaniæ, & Galli prius Hispanis fidem Christi receperint, quamvis Rex Hispaniæ plura habeat Regna, & sit potentior Rege Gallorum. Et ob id per Hispanos concepto odio in summum Pontificem, ac Gallos, revocatus fuit legatus Hispanus cum alijs ministris.

ET Jean Baptiste Adriani, Gentilhomme Florentin, & Historiographe de Cosme premier & François grands Ducs de Toscane, en l'Histoire de son temps imprimée à Florence l'an 1583. liure 17. pag. 673.

HAVEVA piu volte il Re Cattolico fatto istanza al Pontifice di essere dichiarato piu degno del Cristianissimo, & ora in queste disgrazie de' Franzesi ne faceva lo sforzo maggiore, allegando i suoi la molta potenza, il numero de' Regni, e la straordinaria grandezza, & in ultimo la pro-

tezione, che teneua della Chiesa, la quale senza quel sostegno si vedea mal volta; ma questo era contro alli ordini antichi, per li quali il Cristianissimo dopo l'Imperadore ha sempre tenuto per tutto il luogo piu degno, come Re di piu antico Reame di Cristianità, e come molto nelle memorie antiche benemerito della Chiesa Cattolica, e che perciò ha molti priuilegi, e gia alcun tēpo innāzi ne haueua fatto forza cō la Signoria de Vinegia, ma quel buon Senato lasciato ogni rispetto mantenne il luogo suo all' Ambasciador Franzese; onde il Re Cattolico sdegnando ne hauea richiamato lo Ambasciadore, e molto tempo stette poi a rimandarloui. Questa contesa era molto inasprita alla Corte di Roma, e li Franzesi minacciavano se non erano mantenuti loro i priuilegi, che harienō leuato in tutto l'obbedienza dal Papa.

ET au liure 18. pag. 714. & 715.

AGGIUGNEVASI a questo, che il Grancommendatore di Castiglia venuto nuouo Ambasciadore à Roma, trattaua il Papa ne suoi affari altieramente, e ruuidamente, e forse con parole poco degne di quel seggio, di che il Papa per suo costume molto sensitiuo si sentiua trasfiggere; & vltimamente contro all' antico costume contendea pure, che il luogo piu degno a lui si desse, e non al Franzese; e se per molto tempo li Ambasciadori Spagnuoli, o di altre nazioni di Carlo quinto haueano tenuto il luogo primiero, lo haueano fatto non come Ambasciadori di Re di Spagna, ma come di Imperadore.

QUESTA contesa era di molta noia al Pontefice, & i Franzesi che erano in possessione sene risentivano fuor di modo. Il Papa harebbe voluto, che il Re Cattolico, & li suoi ministri sene fossero leuati, ma essi cio sempre piu instamente

mente domandavano; onde il Papa per conto loro si asteneua di andare in Cappella, dove comunemente secondo i loro gradi sogliono per le solennità interuenire li Ambasciadori. Ingenuasi il Duca Cosimo di moderare l'ombasciadore del Cattolico, e dall' altra parte mostraua al Pontefice, che il mantenersi amico quel Re potente era la salute della Chiesa Cattolica; ma poco profittaua, che l'vno, e l'altro faceuano secondo lor natura; anzi l'ombasciadore Spagnuolo in Roma senza saputa pur del Pötesice fece prēdere vno di nazione Spagnuolo a' suoi famigliari, e per mare mādarlo nelle forze del suo Re; il che turbò forte il Pontefice, e per più tēpo non volle che quello Ambasciadore li andasse auanti; e dolendosi di oltraggio tale fattoli nelle sue giuridizioni, cominciò a domandare che il preso fosse posto nel luogo, onde era stato leuato; negaua l' Ambasciadore il fatto, ma indarno, che il Papa il sapeua chiaro, e minacciaua agramente se il male non si medicaua. Queste, e molte altre indegnità sofferiua al Pontefice da ministri Spagnuoli, che l'haueano molto alienato dal bene del loro Re, e se hauesse trouato compagno, agenolmente si sarebbe indotto a farli contro; e stimando che i Franzesi nella precedenza hauessero ragione, e che senza graue ingiuria non si potesse mancar loro del douere, si era risoluto di mantenere al Cristianissimo il luogo più onorato in Cappella, e per tutto, non ostante che Ferdinando Imperadore, alla Corte del quale vegghiaua la medesima contesa, hauesse deliberato, che a vicenda or l'vno, or l'altro hauesse il luogo, e come vsono dire l'alternatiua; ma quel di Frācia non vi hauea voluto consentire, e sene era partito. Questa risoluzione del Pontefice, e istanza del Re Cattolico, e la non minore repugnanza de' Franzesi fece, che il Duca di Firenze il quale

C c c

amava il Pontefice senza noia, e'l Cattolico onorato, mandò il Concino suo Segretario al Papa, a procurare che in cosa di tanta importanza, e cotanto stimata vedesse di non si nimicare il Re Cattolico, & a consigliare lo Ambasciadore Spagnuolo a non istrignere il Pontefice, che sdegnato facesse risoluzione, che non li piacesse. Il Papa diede tanto di spazio, che si potesse mandare in Ispagna al Re a consigliarlo, o che si astenesse da tale impresa, o che si contentasse, che la causa dal Collegio de Cardinali si esaminasse, & sene desse sentenza per ragione; stimando che quando cio si fosse ottenuto, la contesa douesse andare in lunga, e per la diversità de' pareri, & per li affetti de' Cardinali; ma al Consiglio del Re non piacque ne l'vna proposta, ne l'altra.

IN tanto era venuto il Gioved della settimana Santa, nel qual giorno è consuetudine che il Pontefice stea in cappella alle cerimonie, e temendo della contesa di quelli Ambasciatori, hauea mandato a dir loro, che niuno vi andasse; ma quel di Francia stimando cio dover molto pregiudicare alla dignità del suo Re non lasciò di andarui. Andouvi anche lo Spagnuolo. Il Papa conoscendo la manifesta ingiuria, che ne riceua il Frãzese, nō sapea che farsi; dall'altra parte temea lo sdegno del Re Cattolico; onde non andò pubblicamēte in Cappella, come era consueto in tal giorno, ma celebrandosi il dinino vsizio da' suoi ministri, fece trattenere li Ambasciatori ad alcuni Cardinali fuori di Cappella, e quando la messa fu alla fine, egli per via segreta senz' alcuna pompa vi trapelò, & all' vltimo della messa mostrosi, e data la benedizione al popolo, dentro sene tornò.

DI questo fatto si tenne molto grauato & ingiuriato lo Ambasciador Franzese, parendoli, che già li si cominciasse

ad intorbidare la chiarezza della ragione, che tiene il Reame di Francia nella sua dignità, e fece protesto che il suo Re leuerebbe in tutto l'vbbidienza del suo Reame alla Chiesa Cattolica, & che harebbe quel seggio per nimico, aggiugnendo altre cose che seguono cotali atti, le quali mossero grandemente il Pontefice, non hauendo in verità tanta ragione nelle sue domande il Re Cattolico, che a buona equità douesse venire in total contesa col Cristianissimo, hauendo ragioni buone, e l'uso continuo della sua dignità: Ingegno si per tanto di fermare l'ombasciadore Franzese, promettendoli assolutamente che alla prima Cappella li manterrebbe il suo luogo; dall'altra parte si conosceua il Re Cattolico se non era contentato, esser disposto di sottrarsi all'amicizia del Papa, cosa che poteua trarsi dietro molte cattive conseguenze, per la qual cagione il Duca di Firenze, che amaua il Papa, e parimente il Re Cattolico, mando di nuouo à Roma Federigo Mōtauto, che allora teneua la guardia dello Stato di Siena, à cōfortare di nuouo, e pregare il Pontefice, conoscendo i disordini che ne poteuano incontrare alla Chiesa Cattolica, & a tutta la Cristianità, che si astenesse per allora di dare il luogo all'Ambasciador Franzese, ma che vedesse come hauea dato intenzione di rimetterne il giudizio al Collegio de Cardinali. Parimente per corriero a posta si ingegnò di persuadere meglio al Re Cattolico, che vedendo omai di non potere ottener con pace quel che desideraua, per salute pubblica si togliesse per allora da tale impresa; ma il Consiglio del Re si mantenne nella sua ostinazione, ne volle che si richiedesse il Papa, che la causa si rimettesse al giudizio de' Cardinali, ne di astenersene; anzi comandò all'Ambasciadore, che ne facesse piu viuamente istanza.

Ccc ij

VENNE il giorno solenne della Pentecoste, e l'Ambasciador Franzese fu in Cappella, e tenne il luogo piu degno con molto sdegno dello Spagnuolo, il quale con minacce fece al Pontefice protesto, mostrando che quella dichiarazione, e quell'atto non si douena tenere di alcun ualore, ne da pregiudicare al suo Re. Al quale Ambasciadore sentita in Ispagna tal nouella, che molto di spiague, fu commesso che tosto senza lasciarui segno alcun publico si partisse di quella Corte; rimasero bene le faccende, che necessariamente vi si trattauano in mano del Cardinal Pacecco. Mostrò quell'Ambasciadore nel partirsi di Roma domandando licenza al Papa di esserne richiamato, non perche il suo Re non fosse ben uoluto inuerso quel seggio, e che non l'onorasse come capo della Chiesa Cattolica, ma che non uolena tenere Ambasciadore ad onore di quel Pontefice, dal quale cotanto si tenena disonorato, & ingiuriato.

Table.

<p>A. A les DORNES de Gê- nes, pag. 46.</p>	<p>Ambrosius Rosatus, 275.</p>
<p>Adrian de Brimeu, 26. 112.</p>	<p>Andrieu de Foix, 148. Andrieu Gôbault, Lieu- tenant, 342. 357. 361.</p>
<p>Adrian Tiercellin, Sei- gneur de Broses, 148.</p>	<p>Anne, Royné de France, 335.</p>
<p>Alabre de Saule, premier Huissier de salle du Roy, 83. 84. 85. 86. 87. 88. 91. 117. 119. 313.</p>	<p>Antoine d'Auton, Sei- gneur du dict lieu d'Auton en Sainton- ge, 340. 341. 342. 343. 344. 345. 346. 347. 348. 349. 351. 352. 353. 354. 355. 356. 357. 358. 359. 360. 361. 362. 363. 364. 365.</p>
<p>Alain d'Albret, 112.</p>	<p>Antoine Bence, 78.</p>
<p>Alexâdre de Bentiuole, 32. 125.</p>	<p>Antoine de Cardonne, fils du Duc de Cardô- ne, 296.</p>
<p>Alexâdre Malbelle, Mai- stre d'Hostel du Roy, 125.</p>	<p>Antoine du Cartier, 181.</p>
<p>Alexandrie, ville du Du- ché de Milan, 195.</p>	<p>Antoine de Furno, Con- fesseur du Roy, & E- uesque de Marseille, de l'Ordre des Iaco- bins, 316. 336.</p>
<p>Alphonse d'Est, Duc de Ferrare, 125. 132. 166. 173. 185.</p>	<p>Antoine Jourdan, Secre- Ccc iij</p>
<p>Ambassade deuers Ma- ximilian I. Roy des Romains, 7.</p>	
<p>Ambassadeurs detenus prisonniers. 333.</p>	

T A B L E.

taire du Roy, 17.	Assemblée des Estats de
Antoine de Lorraine,	l'Empire, 282.
Duc de Calabre, 132.	Assiette des Roys de Frâ-
166.173.185.248.260.	ce,& d'Arragon,307.
261.	Aubert de Masloignes,
Antonius de Luzardo,	343.345.356.
63.	Auerluch,Alleman, 90.
Antoine Marie de Paluc-	Augustin Adorne, 46.
fin, 32.112.	Augustin Giustiniano,
Antoine Marie deSaint	Euesque de Nebio,
Seuerin, 26.112.149.	368.
Antoine de Pierrepont,	l'Euesque de Perigueux,
dict d'Arizolles, Ma-	Aumosnier du Roy,
reschal des logis du	316.
Roy, 180.281.317.	la Maison de Aurya, de
Antoine duPrat, Maistre	Gennes, 45.
des Requestes, 7.13.	Auton,en Saintonge,
14.15.	361.
Antoine de Saint Ne-	Aymar de Prie, 340.
ctaire, 155.	B.
Archeuesque d'Aix, 41.	le B AILLY de Char-
Archeuesque de Treues,	rolois, 102.103.
12.14.	104.105.
Arigois, Basque, 65.72.	les Suisses baissent la terre
73.76.	auant que combattre,
Nombre de l'artillerie	149.175.
du Roy Louys XII.	Bâquet somptueux à Mi-
182.	lan, 257.
Alséblée des principaux	Barthelemy de Gri-
deFrâceà Tours,3.4.	maux, 86.76.

T A B L E.

le Bastard de la Clayette, III.	de la garde du corps du Roy, 185.240.
Bastion tenu à Milan cō- tre tous venans, 263.	Capitaine general des Suisses, 134.
Berault Stuart, Seigneur d'Aubigny, Châbel- lan, & Capitaine des Escossois de la garde du corps du Roy Louys XII, 240.307. 308.309.316.	Capitaine des cent Suif- ses de la garde du Roy, 185.241. Capitaine des mineurs, 183. Capitaine des pionniers, 183.
Bernardin Bochetel, Cō- trerolleur de l'artille- rie du Roy, 183.	Cardinaux, 186.241.260. 275.291.301.313.
Bernard Ragius, 48.	le Cardinal de Sainte Praxede, 275.299.301. 303.
Boulongne la grasse, 19. 27.32.33.34.35.38.39. 40.41.42.	le Cardinal de Ferrare, Archeuesque de Mi- lan, 256.278,
Bricius Iustinian, 51.59. C.	le Cardinal de la Tri- mouille, 278,
les C AMPEFVRGOSES de Gênes, 46.	le Cardinal de Final, 369.
le ieune Candale, 269. 270.271.	le Castellas de Gennes pris. 94.
Canonniens, 147.183.	Castel-frâc, terre de Bou- longne, 26.27.
Capitaines des deux cêts Gentilshommes de la Maison du Roy, 186. 241.264.	Castel Saint Pierre, ter- re de Boulongne, 24. 25.
Capitaines des archers	les Caranées de Gennes,

T A B L E

46.
 les Centurions de Gen-
 nes, 46.
 Cerf de grandeur à mer-
 ueilles, 11.
 Chambellans du Roy,
 316.
 Chambrier du Pape, 29.
 30. 31.
 le Chancelier de Tirol,
 14.
 Charles, Duc d'Alençon,
 132. 260. 261. 275. 295.
 301.
 Charles, Duc de Bourbo.
 6. 132. 166. 173. 185. 241.
 248. 260. 261. 272.
 275. 295.
 Charles, Duc de Sauoye,
 110. 125. 260. 261.
 Charles, Comte de Ven-
 dosme, 6. 173. 186.
 260. 272. 275. 296.
 313.
 Charles de Cleues, Cō-
 te de Neuers, 132. 166.
 173.
 Charles d'Amboise,
 Lieutenant pour le
 Roy au Duché de Mi-

lan, & grand Maistre
 de France, 16. 21. 22.
 24. 25. 26. 27. 30. 32. 33.
 35. 37. 38. 39. 40. 41.
 42. 65. 66. 83. 85. 89.
 109. 111. 113. 126. 130. 131.
 134. 136. 137. 140. 143.
 144. 145. 146. 147. 148.
 155. 159. 160. 161. 162.
 165. 169. 171. 186. 194.
 235. 237. 239. 241. 262.
 264. 288. 294. 302. 311.
 312. 313. 316. 366.
 Charles de Grimaulx,
 76.
 Charles de Rochechou-
 art, Seigneur de Mō-
 pipeau, premier Var-
 let de Chambre du
 Roy, 317.
 Charles de Villennes,
 134.
 le Chasteau de Gennes
 assiegé, 117. 120.
 Chef de tous les archers
 de la garde du corps
 du Roy, 185.
 Thomas Bouyer, Gene-
 ral de Normadie, faict
 Cheualier, 147. 194.
 Miquel

T A B L E.

Miquel Pastor, Catelan, Cossains, 26.71.157.158.
 faict Cheualier par le Cytain, 148.
 Roys Louys XII, D.

300.
 le Cheualier verd, 340.
 341.
 Cheurieres, 6.
 Chio, Isle subiecte aux
 Geneuois, 226.
 Claude, fille du Roy
 Louys XII, 2.17.306.
 339.
 le College de Saint Frá-
 cisque de Gennes as-
 siegé, 98.99.
 Commissaires de l'artil-
 lerie, 146.183.
 le Comte d'Arande, 296.
 298.
 le Comte de Capache,
 dict Villemarin, 296.
 le Comte de Misoc, 26.
 la Comtesse de Misoc,
 258.259.
 Conduiseurs du Char-
 roy, 183.
 Contrerolleur de l'artil-
 lerie, 183.
 Corsegue, Isle subiecte
 aux Geneuois, 225.

DAME d'honneur de
 la Royned'Arra-
 gon, 307.
 Daulphin, Roy d'armes,
 204.253.255.
 Demetrius Iustinian, 59.
 92.164.201.228.229.
 230.
 Diuision à Gennes, 47.
 48.49.50.51.52.
 Dominicque de Nigro-
 no, 48.
 le Duc de Gueldres, 340.
 341.
 le Duc de Iuilliers, 13.14.
 le Duc d'Vrbin, 24.
 le Duc de Villeformose,
 296.298.
 E.

ECCLIASTIQUES
 peuuent defen-
 dre par armes la per-
 sonne de leur Prince,
 130.167.174.
 Entrée du Roy Louys
 XII, à Gennes, 185.
 186.à Paue, 235.à Mi-

D d d

T A B L E.

Ian, 240.241.242.	293.294.295.304.308.
Entreueüe du Roy Louys	309.333.
XII, & de Ferdinand,	Ferrand de Toledé, 296.
Roy d'Arragon, 294.	Feux de ioye , pour la
Eschançon du Roy, 196,	grosseſſe de la Royné,
grand Eſcuyer du Roy	306.
Louys XII, 126.127.	Fiançailles de François,
186.241.294.	Côte d'Engoulesme,
les Eſpaignols feſtoyez	& de Claude, fille du
par les François à Sa-	Roy Louys XII, 4.5.
uonne, 298.311.	la Maïſon de Flisco de
Eſtienne Poncher, Eueſ-	Gennes, 45.
que de Paris, 235.244.	les Florentins demandēt
277.	ſecours au Roy Louys
Eſtienne de Carnac, 152.	XII, contre les Piſans,
Eſtienne de Cernerieu,	245.
Docteur, 54.58.90.	le Seigneur de Fontrail-
Eſtienne Oliuier de Viē-	les, Capitaine, 26.71.
ne, Seigneur en Parle-	112.149.
ment de Grenoble, 53.	les Fourriers du Roy, 317.
Eueſque de Gurſe, 13.14.	Frâçois d'Orleans, Com-
Eueſque de Strasbourg,	te d'Engoulesme, 3.4.
8.	115.
F.	François d'Orleans, Duc
F A C T I O N S à Gennes,	de Lōgueuille, Com-
Rome, & Milan,	te de Dunois, & pre-
47.	mier Chambellan du
Falque d'Aurillac, 53.	Roy, 132.166.173.185.
Ferrand, Roy d'Arragō,	241.260.275.295.302.
115. 180.191.279.291.	313. 316.

T A B L E.

- François de Clermont, les Franci de Gennes,
 Cardinal de Narbonne, 21. 22. 23. 29. 35. 39.
 41. 180. 190.
 Francisque de Gonzague, Marquis de Matouë, 23. 26. 29. 112. 125
 132. 166. 173. 175. 185.
 262. 363. 296. 301. 313.
 François, Monseigneur de Luxembourg, 132.
 François de Crussol, Seigneur de Beaudisner,
 Varlet de chambre du Roy. 148. 317.
 François de Rochechouart, Seigneur de Châpdenier, Chambellan
 du Roy, Seneschal de Toulouze, & Gouverneur de Gennes, 7.
 8. 11. 12. 13. 14. 16. 168.
 169. 180. 316. 371. 375.
 François d'Ars, 6.
 François du Chesnoy, 102. 103.
 François de Daillon, 5. 6.
 François de Maugiron, 6. 153. 175. 269. 274.
 Francisque Trot, 133.

46.
 Frederic III, Empereur, 9.
 les Furnarij de Gennes, 45.

G.

GABRIEL de la Chastre, Capitaine de cent archers de la garde du corps du Roy, 185. 240. 271. 308.
 Gabriel Forestier, Roy d'armes de Normandie, 108. 334.
 Galeas de Saint Seuerin, Lombard, grand Escuyer de France, 126. 127. 241. 269. 271. 272. 294.
 Galeas Viscomte, grand Seigneur à Milan, 33. 184. 186. 256.
 Galeas de Sallazart, 82. 83. 87. 88. 97. 117. 121. 123. 159.
 Galeas Paluesin, 26.
 la Garde du Roy de France la mieux ordonnée

D d d ij

T A B L E.

en Chrestienté, 305.	les Geneuois subiects
309.	des Roys de France,
Gaston, Comte de Foix,	44. 208. 218. 219. 227.
nepueu du Roy	les Geneuois vaincus;
Louys XII, & frere de	152. 153. 156. 157. 158.
la Royne d'Arragon,	176. 177. se rendent à
112. 248. 268. 269.	la volonté du Roy
270. 271. 275. 280.	Louys XII, 179.
290. 296. 310. 313.	Cōmandement aux Ge-
Genealogie des Gonza-	neuois d'apporter
gues, Ducs de Man-	leurs armes, 192. 193.
toüe, 378. 379.	Geneuois chastiez, 201.
Genealogie de Rohan,	202.
377. 378.	les Geneuois demandēt
Genealogie de Cossé,	pardō au Roy Louys
379.	XII, 204. 205. 206.
Gênes, pretendüe ville	214. 215.
d'Empire, 105. 283.	le Roy Louys XII, par-
337.	donne aux Geneuois,
Officiers de Gênes, 225.	212. 213. 223.
l'estendüe de l'Estat,	Privilèges des Geneuois
225. reuenu de la	bruslez, 225.
bourse de Saint Ge-	les Geneuois mis à l'amē-
orge, 226. les Maisons	de, 227.
nobles, 45.	les deux cents Gentilf-
la Ville de Gênes florif-	hōmes du Roy Louys
sante & riche sous la	XII, 168.
domination du Roy	George d'Amboise, Car-
Louys XII, 368. 371.	dinal, & Legaten Frā-
372. 373. 374. 375. 376.	ce, 4. 11. 101. 102. 106.

T A B L E.

107. 111. 113. 167. 168.	le Gruyer de Bourgon-
178. 186. 190. 216. 235.	gne, 26. 109. 134. 268.
237. 239. 260. 275. 291.	Guillaume Gouffier, Sei-
295. 301. 303. 304. 305.	gneur de Boisy, 112.
335.	Guillaume Creton, Ef-
George de Durefort, ca-	cossais, Capitaine de
det de Duras, 286.	la Roquette de Milâ,
George de Candie, 238.	242.
Germain de Bonneual,	Guillaume de la Hite,
Gouverneur du Li-	269. 272. 273. 274.
mosin, 148. 152. 173.	286.
263. 313.	Guy de Rochefort, Châ-
Germain de Mauleô, 12.	cellier de France, 4.
Germaine de Foix, Roy-	Guy de Lual, Seigneur
ne d'Arragô, 115. 279.	de Lual, 6. 173. 185.
295. 305. 309.	260. 263. 269. 271.
Gilles de Louvain, Capi-	Guyot de la Baume, Var-
taine du Chasteau de	let de châbre du Roy,
Milan, 242.	317.
Gonsaluo Fernandez de	Guyon d'Amboise, Sei-
Cordoua, dict le grâd	gneur de Raul, Ca-
Capitaine, Duc de	pitaine de deux cents
Terrenoue en Cala-	gentilshommes de la
bre, 180. 191. 295.	Maison du Roy, 5. 6.
296. 298. 301. 307.	186. 241. 263.
308. 309. 311. 313. 314.	Guyon le Roy, Seigneur
Gouverneurs de Gênes,	de Chillou, 154. 155.
227.	H.
la Maison de Grimaldis	H ENRY VII. Roy
de Gennes, 45.	d'Angleterre, 108.
	D d d iij.

T A B L E.

Herault d'armes, 7.8.	Jacques du Fahy, 6.
Hubert Foglieta, Historien de Gennes, 373.	Iacobus Corsus, 162. 176.178.
Huguet d'Asnieres, 153.	James, Infant de Foix, 280.
les Huissiers de salle du Roy, 317.	James d'Albion, 291.
I.	Iason Maynus, Docteur à Pauie, 235.
I ACQUES de Bourbon, Côte de Roussillon, 6.134.147.173. 260.263.302.	Iean Guillaume Paleologue, Marquis de Motterrat, 71.112.125.132. 166.173.186.269.270. 271.274.296.301.313.
Jacques de Rohan, Seigneur de Leon, 147.	Iean Stuart, Duc d'Albanie, 147.151.152.173. 185.296.302.313.
Jacques de Chabannes, Seigneur de la Palice, 26.112.135.138.140. 141.143.144.145.146. 147.149.150.151.158. 263.266.298.312.313.	Iean Jacques de Triulce, Marechal de France, 65.112.126.141. 257.258.259.262.
Jacques de Crussol, Capitaine des archers de la garde du corps du Roy, 185.240.	Iean d'Arragon, 296.
Jacques d'Alegre, Seigneur de Milho, 26. 70.71.111.149.153.158. 160.170.	Iean d'Albret, Seigneur d'Orual, 260.
Jacques du Mas, Seigneur de l'Isle, 134. 153.	Iea Jourdain des Vrsins, 125.166.173.302.
	Iean de la Chambre, Vicomte de Maurienne, 147.
	Iean d'Amboise, Seigneur de Bucy, Châ-

T A B L E.

bellan du Roy, 316.	362.363.364.365.
Iean Louys de Flisco, 45.	Iean de Fouille, fourrier
52.54 55.56. 57.117.	du Roy, 317.
Iean de Besley, Gruyer	Ieã, ou lames de Sainte
de Bourgongne, 26.	Colombe, 65.76.155.
109. 112. 134. 138. 263.	156.
268.	Ieã de Saints, Seigneur
Iean de Chandiou, 269.	de Marigny, Elchan-
271.272.274.	çon du Roy, 196.316.
Iean de Durefort, Sei-	334.
gneur de Duras, 26.	Iean le Roux, Seigneur
108.112.	de la Tour. 306.
Iean Bentiuole, 20.22.	Iean Bouchier, Secretai-
27.28. 29.31.32. 33.	re du Roy, 108.
Iean Picart, Bailly d'E-	Iean Bricot, Docteur
stellan, 113.114.148.	Regēt à Paris, & Cha-
Iean Guerin, Seigneur	noine de nostre Da-
de Colombiers, Mai-	me, 4.
stre d'Hostel du Roy,	Iean de Saint Ouyn, 95.
281.316.	Iean Roussart, 35.36.
Iean de Grimaldis, 45.	Ieronyme Treuisan, 243.
Ieã de Saint Amadour,	Ieronyme de Aurya, 45.
148.	Iohan de Illice, 204.214.
Iean Chapperon, Che-	Ioustes & tournois à
ualier, Seigneur de	Tours, 5.
Couhé de vache en	Iules II, Pape, 19.20.23.
Aulnis, 340.341.342.	24. 28. 29. 34. 35. 43.
343. 344. 346. 347.	102.180.191.198.199.
348.349.350.351. 352.	200.201.290.
353.354.355. 356. 357.	les Iustinians de Gen-

T A B L E

nes,	45.	rebellion, 201. les Geneuois luy demâdant pardô, 204. 205. 206. 214. 215. appelé trefclement, 205. 215. ses vertus, 210. 220. ses biésfaits enuers ceux de Gennes, 220. pardonne aux Geneuois qui luy auoient esté rebelles, 212. 213. 223. 224. est à Pauie, 235. à Milan, 240. refuse secours aux Florentins cōtre les Pisans, 246. est à Ast, 287. 289. à Sauōne, 289. se veoid avec Ferdinand, Roy d'Arragon, 295. est à Lyon, 333. à Blois, 339. veut chastier quelques vns de ses subiects pour auoir exercé la pyraterie, 363. 364. 365. est à Lyon, 365. sa clemence, 368. 373. 374. dict le iuste, & le bon, 368. 370. la ville de Gênes florissante & riche sous sa
L.		
LEGAT en France,	275.	
Legat en Lombardie,	275. 299.	
Lectres d'adueu,	341.	
Libraire du Roy,	317.	
les Lomellins de Gennes,	46.	
le Lorrain, gentilhomme,	134.	
Louys XII, Roy de France, à Tours, 3. à Grenoble, 106. à Ast, 125. en Alexandrie, 132. au bourg de Busalle, 142. se rēd à son armée deuant Gennes, 166. 167. sa victoire contre les Geneuois, 176. 177. rend graces à Dieu de ceste victoire, 177. les Geneuois se rendent à sa volonté, 179. faict son entrée à Gennes, 185. 186. empesche que Gênes ne soit pillée, 187. 370. chastie les Geneuois, pour leur		

T A B L E.

la domination, 368.	Louyse de Sauoye, Cō-
371. 372. 373. 374. 375.	tesse d'Engoulesme,
376.	4.
Louys d'Orleans, Mar-	Lucas Spinulla, 45.
quis de Rothelin,	Lucian de Grimaulx, Sei-
301.	gneur de Monigue,
Louys de Luxembourg,	64. 72. 73. 76.
Comte de Ligny, 182.	Ludouic Borromée, Cō-
Louys de la Trimouille,	te, 125.
101.	Luiçteurs, 278.
Louys de Brezé, grand	M.
Seneschal de Normā-	M ACR' de Villebre-
die, & Capitaine de	me, 104. 105.
cent gentilshommes	106.
de la Maison du Roy,	Maisons nobles de Gen-
186. 241. 264. 265. 266.	nes, 45. 46.
267.	Maisons d'Amboise, &
Louys de Saint Aubin,	de Prie, alliées, 336.
Capitaine de la Cita-	Maistre de la Chappelle
delle de Gennes, 117.	du Roy, 195. 316.
121.	grand Maistre de Frâce,
Louys de Haleuvin, Sei-	294. 311.
gneur de Piennes,	Maistres d'Hostel du
Chambellan du Roy,	Roy, 316.
316.	Maistre de l'artillerie,
Louys de Iälis, Seigneur	146. 170. 183. 227.
de Montmor, 148.	Maistre de la fourriere
263. 312.	du Roy, 317.
Louys Flisco, 368.	Manuel de Canale, 48.
Louys Lermite, 269. 271.	51. 59. 60. 63. 92. 164.

E c c

T A B L E.

Marc du Fresné, 148.	14. 15.
Mareschaux des logis, 180. 317.	Entrée du Roy Louys XII, à Milan, 240.
Marquis de Brandebourg, 13. 14.	Michel Ris, Maître des Requestes ordinaire de l'Hostel du Roy Louys XII, 207. 208. 216. 217. 219. 225. 226.
le Marquis Bernato, 26.	Miquel Pastor, Catelan, 115. 186. 197. 300.
la Marquise de Mátouie, 277.	Mollart Suffray, Alle- mant, Seigneur du Riage, Gouverneur de Grenoble, 5. 26. 111. 149. 153. 201.
la Marquise de Vigeuc, 258. 259.	la Ville de Monaco as- siegée, 69. 70. 71. 72. 73. 74. 75. 76. 77. 78. 79.
Martin Spinulla, 48.	Mondragon, homme d'armes, 135.
Maximilian I. Roy des Romains, 7. 8. 9. 10. 11. 13. 14. 15. 18. 102. 104. 105. 106. 196. 198. 199. 281. 286. 337. 338.	N.
les Medecins du Roy, 317.	NICOLAS de Noy- ers, 94.
les Medecins de Milan, 277.	les de Nigrono de Gen- nes, 46.
Mercuré, Capitaine des Albanois, 26. 72. 113. 135. 153. 169. 171. 172. 173. 174. 175. 264. 266.	O.
Méry de Rochechouart, Seigneur de Mortemar, 148. 173. 263. 312.	O D E T de Foix, Sei- gneur de Barba- fan, 148. 152. 185.
l'Inuestiture du Duché de Milan demandée par le Roy Louys XII,	

T A B L E.

Odet Desie, ou d'Aidie,
286.

P.

PANNETIERS du Roy,
316.

le Roy Louys XII, par-
dône aux Geneuois,
212. 213. 224.

Pas aux lices à Tours, 7.
Entrée du Roy Louys

XII, à Pauic, 235.

Paul de Noue, Duc de
Gennes, 64. 73. 75. 77.
78. 92. 162. 176. 177.

249. 250. 251. 252.

Paul de Beusserailhe, Sei-
gneur d'Espic, Mai-
stre de l'artillerie du
Roy, 146. 170. 227.

Paul Baptiste Iustinian,
51. 59. 60. 63. 164.

Paul de Pise, 243.

Peralte, Espagnol, 26.
71. 149. 153. 332.

Peregrin de Leonardis,
49.

Perot d'Aujac, 342. 345.

Philippes, Archeduc
d'Austriche, & Roy de
Castille, 17. 18. 19.

Philippes de Cleues, Sei-
gneur de Rauestain,
Gouuerneur de Gen-
nes, 44. 49. 50. 53. 54.
55. 56. 57. 58. 111. 209.

219. 271. 369.

Philebert de Clermont,
Seigneur de Montoi-
son, 26. 71. 112. 135. 138.
149.

Philippes de Roqueber-
tin, 58. 66. 81. 82. 83.
85. 86. 87. 88. 89. 90.

Philebert de Beaujeu, 155.

Pierre de Bayart, 148. 150.

Pierre de Bassac, Baron
d'Entragues, 268.

Pierre de Môtalembert,
Seigneur de Granzay,
Mareschal des logis
du Roy, 180. 317.

Pierre l'Anglois, Visad-
miral à la Rochelle.
345.

le Basque, nommé Pier-
re de Tardes, Varlet
de chambre du Roy,
148. 317.

Pierre de Campefurgo-
se, 46.

Ecc ij

TABLE

Pierre de la Boucherie,
153.
Pierre Charrô, Secretaire
du Roy, 234.
Pierre Bizarrus, Historien
de Gennes, 373.
Pommeroul, 149.153.
Portemanteau du Roy,
317.
Pregent le bidoulx, 115.
124.187.197.201.249
250.251.252.293.
la Prescance adiugée aux
Roys de Frâce sur les
Roys d'Espaigne,
382.383.384.385.386.
387.388.
Preuost de l'artillerie,
150.183.
le Preuost del'Hostel,
240.
Preuost des Marschaux,
229.
le Prince de Talmont, 6.
173.
Prioris, Maistre de la
Chappelle du Roy,
195.
Priuileges des Geneuois
bruslez, 225.

R.
RAOVL de Lannoy,
Bailly d'Amiens,
& Gouverneur de Gē-
nes, 180.227.370.371.
372.374.375.
Rebellion de ceux de
Gennes, 93.
René, Cardinal de Prie,
Euesque de Bayeux,
& Maistre de la Chap-
pelle du Roy, 167.
186.316.335.
René de Bretagne, Côte
de Poinctieure, 147.
173. 185. 260. 263.
268.
René d'Anjou, Seigneur
de Maizieres, 147.
René de Cossé, premier
Panetier du Roy,
316.
René Balan, Seigneur de
Mauleurier en An-
jou, 343.
Regnauld de Nouaille,
93.95.
Rigault d'Oreille, Che-
ualier, Seigneur de
Villeneufue, Maistre

T A B L E.

d'Hostel du Roy, 154.	le Seigneur d'Arpajon,
155. 281. 316.	148.
Robert Stuart, Capitaine de cent hommes d'armes Escossois, 26.	le Seigneur du Bouchaige, 180. 316.
112. 149. 264. 266. 267.	le Seigneur de Chastellart. 26. 112.
Robert Spinolle, 84.	le Seigneur de la Guiche, 180. 191.
Robinet de Frametzelles, Chambellan du Roy, 171. 316.	le Seigneur d'Orose, 26.
Rochebaron, 6.	le grand Seneschal de Normãdie, 186. 264.
Roger, Baron de Beart, 26. 112. 148.	le Sieur de Beaumont, 6.
les Roys de France dictz Treschrestiens, 20.	le Sieur de Castelpers, 6.
205. 215. 303. sont les premiers aux honneurs sur & deuât tous autres Roys Chrestiens, 303. 379. 380. 381. 382. 383. 384. 385. 386. 387. 388.	le Sieur de la Crote, 6.
Roy d'armes, nommé Daulphin, 204. 253. 255.	le Sieur de la Fayette, 6.
Roy d'armes de Normãdie, 108. 334.	le Sieur de Gimel, 6. 196. 201.
S.	Simon de Ferrette, 16.
les SAVLI de Gennes, 46.	les Spinolles de Gennes, 45.
	leuée de Suisses au nom du Roy Louys XII, 109.
	les Suisses baissent la terre avant que combattre, 149. 175.
	Suisses payez, 194.
	les Suisses s'offrēt de servir l'Empereur à son Couronnement, 284.
	Eec iij

T A B L E.

les cent Suisses de la garde
du corps du Roy,
185. 241. 285.

T.

TARTARIN, 153.
Theodore Triuul-
ce, 112.

Thomas Bouyer, Gene-
ral de Normandie,
147. 194.

Thresorier des guerres
de Milan, 28. 29.

Traicté de paix entre
Maximilian I. Roy
des Romains, & les
Hongres, 11.

Traicté de paix entre le
Roy Louys XII, &
Ferdinand Roy d'Ar-
ragon, 304. 305.

les Roys de France dictz
Treschrestiens, 20:
205. 215. 303.

Tristan de Sallazart, Ar-
cheuesque de Sens,
167. 174.

Tournoy faict à Milan,
253. 254. 255. 269.
270.

V.

VARLETS trenchans
du Roy, 316.

Varlets de la garderob-
be du Roy, 317.

Varlets de chambre du
Roy, 317.

Congratulation des Ve-
nitiés au Roy Louys
XII, pour la victoire
contre les Geneuois,
245.

Vicomte de Aurya, 50.
51.

le Vicomte de Rhodéz,
147.

le Comte de Capache,
dict Villemarin, 296.

Visadmiral de Norman-
die, 353.

Visadmiral à la Rochel-
le, 345.

les Vfusmaris de Gen-
nes, 46.

Y.

YMBAULT de Ro-
manieu, 148.

Yues d'Alegre, Gouver-
neur de Sauonne, 26.
65. 67. 69. 71. 73. 76.

T A B L E.

80.81.112.113.114. 138. Yues de Malherbe, III.

155.

149:153.

Fautes suruenües en l'impression.

PAG. 59. lig. 13. tetiré, l. retiré.

Pag. 185. lig. 3. en la personne, l. en la presence.

Pag. 231. lig. 2. ce peut, l. ce peu.

Pag. 234. lig. 6. graue, l. greue.

Pag. 249. lig. 24. mesmée, l. mesmes.

Pag. 273. lig. 5. belles, l. belle.

7



